

ი ა ე კ ა ლ ა ძ ე

ქ რ ე ბ უ ლ ი

საბჭოთა მწერალი  
19 თ ბ ი ლ ი ს ი 49



# ილიკო ბედენაძე

ე ს კ ი ზ ი

სალამოს რვა საათი იქნებოდა, როდესაც საშუალო სასწავლებლიდან ახლად გამორიცხულმა ილიკო ბედენაძემ, რომელიც კერძო გაკვეთილებით საზრდოობდა, უკანასკნელი განაკვეთი აუხსნა თავისს მოწაფეებს და დაღალულ-დაქანცული გარეთ გამოვიდა.

მშვენიერი გრილი საღამო იყო. ჩამავალი მზე მოეფარა მთაწმინდის გორას და ცეცხლის მტრქვევე სხივები წამოკრიფა დედამიწიდან. დაჰბერა საამურმა ნიაემ, მიმოფანტა სიციხის ბუდი და მთელი ქალაქი მოძრაობაში მოიყვანა... დაღალული ილო ხარბათ ყლაპავდა გრილ ჰაერს და თან დინჯად მიაბიჯებდა მთაწმინდისაკენ. ეს იყო ილოს ერთადერთი საყვარელი ადგილი: ბევრ სიამოვნებას და თან ბევრ ტანჯვას განიცდიდა ხოლმე ბედენაძე, როდესაც მთაწმინდის ქედებიდან გადმოსცქეროდა მრავალ-ტანჯულ სამშობლოს მიდამოს... ამ დროს მის თვალწინ იშლებოდა მთელი წარსული და აწმყო მისი ქვეყნისა და გული ათასგვარად ელადრებოდა. ან კიდევ, ბუნების სიკეკლუტე-სიდიადით დამტკბარს, თავი მოქონდა იმით, რომ იგი შვილია ამ ბუნებისა... მხოლოდ უკანასკნელი სულისკვეთება წუთიერი, წარმავალი იყო ხოლმე ილიკოსათვის.

ერთი ღარიბი მღვდლი შვილი ილიკო ბედენაძე ადრე დაობლდა და, უპატრონო, იმ თავითვე საშინელ გაჭირებაში ჩავარდა. უბინაობამ, შიმშილ-წყურვილმა, მოუვლელობამ თავისი ზეგავლენა იქონიეს ნორჩ ბედენაძეზე და ბუნებით მალხაზი ყმაწვილი დაიჩაგრა, დანალგლიანდა. ისე გაატარა ილიკომ თავისი სიყმაწვილე, რომ ტკბილი სიტყვა-კი იშვიათად სმენია ხოლმე. მხოლოდ ერთი ნეტარი დღე ახსოვს თავის სიცოცხლეში და ეს დღე იყო, როდესაც მამამ შემოისვა ცხენზე და სასწავლებელში წაიყვანა. ილიკო მაშინ თერთმეტ-თორმეტი წლისა იქნებოდა და კარგად აგონდება ეს ბედ-

ნიერ დღე. ახსოვს, თუ რა ალერსიანად ექცეოდნენ ოჯახში დღესაც ნათლად წარმოუდგება ხოლმე მამის სურათი, თავის დაკონკილ-დაკერებულის ანაფორით, დაღვრემილი სახით და ქუსლებ-მოგრეხილი ხარაზის წალებით. მამის სურათის წარმოდგენით მოიგონებს ხოლმე მის გულკეთილობას, მის ალერსს, უკანასკნელს დარიგებას და ეს წარმოდგენა რაღაც სიამოვნებით, რაღაც ნეტარებით ავსებს მის გულს, რაღაც უზენაეს სიყვარულს აგრძნობინებს ხოლმე ყველა პატიოსან ადამიანისადმი, თუმცა კი გულკეთილი ადამიანი ილიკოს შემდეგში ძლიერ იშვიათად შეხვედრია.

ილოს პირველი დიასახლისიც მეტის-მეტი კაპასი და უდიერი დედაკაცი გამოდგა. ხან წყალზე გააგდებდა ხოლმე, ხან ფურნეში აგზავნიდა, უქვიროდა, უშტიალებდა და ერთ წუთს მოსვენებას არ აძლევდა. ილო ძალა-უნებურად ემორჩილებოდა პირვეულ დიასახლისს, მაგრამ სიცოცხლე-კი ეწამლებოდა. დაჩაგრულ-დამონავებული ბავშვი უსიხარულოდ ატარებდა დღე-ღამეს და სხვის ხელის შემყურებელი თანდათან ჩაივლებოდა.

მეტ სიამოვნებას ილო ვერც სასწავლებელში პოულობდა. პირველად ილიკოს სწავლა ძალიან უძნელდებოდა, რადგანაც უფროსს კლასში მიიღეს და მისთვის გაუგებარი საგნები დააწყებინეს. ამასთანავე მასწავლებელიც საშინელი უნიჭო, გამოთაყვანებული, უზრდელი და გაუნათლებელი კაცი შეხვდა...

კლასში შესვლისთანავე რაღაც მხეცურს გამომეტყველებას მიიღებდა ხოლმე და ისე იბღვირებოდა, გეგონებოდათ მასწავლებელი კი არა, ჯალათიაო. ღვთის წინაშე ჯალათივითაც-კი ექცეოდა მოწაფეებს: ვაი იმას, ვინც გაინძრეოდა, გავერაგებული მასწავლებელი გეზელქორივით დაეცემოდა ხოლმე მსხვერპლს და სულ ბუწუწებს აგლეჯდა. დამფრთხალი მოწაფეებიც გრძნობდნენ მასწავლებლის პირქუშობას და განაბულები შესცქეროდნენ. აი, ამისთანა კაცს ჩაუვარდა ხელში ილიკო და მისი ამხანაგები. რაღა თქმა უნდა, რომ ბავშვები დავთარ დაკარგულები იქნებოდნენ და საზოგადოდ ძალიან ნაკლებადაც ისწავლიდნენ... სახლში დამფრთხალი ილიკო, კლასში ხომ შიშის ქარმა აიტანა. უმისოდაც დაჩაგ-



რული ბავშვი უფრო დაშინდა და უცხო ენაზე გაკბილული  
გაკვეთილები თავიდან ეფანტებოდა. გაუძნელდათ ბავშვებს  
სწავლა... გაუძნელდა ილიკოსაც ცხოვრება და ერთხელ სას-  
წავლებლიდგან გაქცევა-კი დააპირა. გაიქცა კიდევ, მაგრამ  
ზად წავიდოდა? სასწავლებლის უფროსმა, მასწავლებელზე  
უფრო გამოთაყვანებულმა, მაგრამ გამოქნილმა და გაიძვე-  
რამ, სასტიკი განკარგულება მოახდინა. ილო დაიპირეს და  
უფროსს მიჰგვარეს. უფროსმა კარგა გაასილაქა და ერთის  
კვირის უსადილობა გადაუწყვიტა. ეს იყო და ეს. ილიკოს  
გაქცევა აღარ უფიქრია. იგი დამორჩილა თავის ბედს,  
თუმცა-კი შეიძულა უფროსი და მასწავლებელიც. ამ დროს  
დედის წერილიც მოუვიდა, რომელშიაც ეხვეწებოდა: „შენ  
გენაცვალოს დედის თვალები, ვინძლო კარგათ ისწავლო და  
მტრის გულისათ არ გამხადო... ამასთანავე გიგზანნი ხუთ  
ჩურჩხელას და სამს კომშს და თუ კარგად ისწავლი უფრო  
მეტს გამოგიგზანნი“. არ ვიცი, სწორე მოგახსენოთ, ისეთი  
რა ძალა ჰქონდათ დედის სიტყვებს, მაგრამ ილომ კი ბევრი,  
ძალიან ბევრი იტირა დედის წერილზე და გადასწყვიტა კი-  
დეც კარგად ესწავლა. მართლადაც, ბეჯითობას მოუმატა და  
სწავლითაც წინ წავიდა. ილო არ ამაყობდა, გულჩვილს ყმა-  
წვილს ამხანაგები ძალიან ებრალებოდა და ყოველთვის მათი  
ერთგული იყო. ამხანაგებიც გრძნობდნენ ილოს გულის სი-  
კეთეს და ნდობით ეკიდებოდნენ. ამგვარად, ილოსა და ამხა-  
ნაგებს შორის მეგობრობა ჩამოვარდა.

ასე მიდიოდა დრო და ჯამი, წელიწადი წელიწადს მის-  
დევდა და ილოს გარეგან ცხოვრებაში საიმისო ცვლილება  
არა ხდებოდა-რა. მხოლოდ ილოს სულიერი ცხოვრება თან-  
დათან მდიდრდებოდა: ხასიათი უმაგრდებოდა, ქკუა-გონება  
უნვითარდებოდა, ზნეობა უფაქიზდებოდა და გონების თვა-  
ლი ეხილებოდა. თუ პატარაობისას ყველა უმართებულო მოქ-  
ცევა სისხლს უმღვრევდა, სასოწარკვეთილებმაში აგდებდა,  
დღეს იგივე მოქცევა საბრძოლველად იწვევდა, ამხნეებდა  
და თვის მოწინააღმდეგედ იხდიდა; თუ პატარაობისას გულ-  
კეთილად ექცეოდა თავისს ამხანაგებს, დღეს იმან სულითა  
და გულით შეიყვარა ყველა თავისიანი და მზად იყო მოსარ-  
ჩლედ გახდომოდა; თუ აქამდის მონა იყო თავისი კაპასი

დიასახლისისა, დღეს შეუძლია თავისი შრომით იცხოვროს, თავისი ოფლით მოიპოვოს ლუკმა-პური, მაგრამ... გაჭირვებულმა ცხოვრებამ თავისი უღმობელი დადი მაინც დაასვა. ილო სულ დაფიქრებული, დანადვლიანებული დაიარებოდა. ეტყობოდა, რაღაც ბრძოლა უნდა ყოფილიყო მის გულში და ეს ბრძოლა ისე ღრმად აღბეჭდილიყო მის სახეზედ, რომ ოცი წლის კაბუჯი მხცოვანად გამოიქვიჩებოდა. მართალია, არიან ისეთი სუსტი ბუნებისანი, რომლებიც ილოს მდგომარეობაში სულით ეცემიან, გულით ირყვნებიან და ხასიათით ფუქედებიან, მაგრამ ილომ გაუძლო ამ სიდუხჭირეს და ცხოვრებას. ადამიანთა გაუტანლობითა და ფუქსავეატობით შეურაცხყოფილი, ყოველთვის მზად იყო ვერაგობა-ძალმომრეობისათვის, რომელიც ერთ-ერთი მიზეზია ხალხთა უბედურებისა, თავისი მხნე მკერდი მიეშვირნა და მათი უკულმართი ძალა გაეთახსირებინა, მიწასთან გაესწორებინა.

ძალმომრეობა-გაიძვერობის მსხვერპლად ილო მარტო დაბალ, უეიც ხალხს არა სახავდა. იგი კარგად ხედავდა, რომ უკულმართ გარემოებათა მეოხებით თავგზა დაბნეული, გამწვარებული, სიცოცხლით გატარანებული ხალხთა უმრავლესობაც პირფერობს, ქვემძრომლობს, მარტო თავის ჯიბესა და ლუკმა პურს ემსახურება! „რასაკვირველია, სიცოცხლე ბრძოლაა არსებობისათვის, მაგრამ პირუტყვეული, ცხოველური არსებობა-კი რა ადამიანის შესაფერია!“ ასე ამტკიცებდა ილო, როდესაც იგი წამოიზარდა და კვუა-გონება გამოეწაფა.

მას შემდეგ, რაც თავი შეისწავლა, რაც გაიგო, თუ რა არის სწავლა და ან რისთვის არის იგი, კვალში ჩაუდგა ყველა ბოროტმოქმედებას და საცა კი სიტყვა მიუწვდებოდა სთურგნიდა და ზიზლით იხსენიებდა ძალმომრეობას. სცდილობდა ამხანაგებიც გამოეფხიზლებინა, ერთობა ჩამოეგდო და მით ადამიანს ადამიანობა დაემტკიცებინა. მაგრამ... ილომ ვერაფერი გააწყო და ერთ მშვენიერ დღეს, იმ დროს, როდესაც ცხოვრებაში უნდა გამოსულიყო ადამიანობისათვის დაჯილდოვებული, სასწავლებლიდგან დაითხოვეს და ცხოვრების ყოველგვარი საღსარი მოუსპეს. იგი დაამცირეს, უნიჭოდ, მავნებლად ჩასთვალეს, მაგრამ ილო მაინც არ შემდრკილა და ცხოვრების უკულმართობას კვლავ გაუმკლავდა.

მაგრამ... ბედენაძე ბრბოსაც გიჟად მოეჩვენა და სიცილ-კასკასი მიაყარეს. ილოს გული სტკიოდა ქვეყნის სივერაგეზე და ნაღვლიანად იტყოდა ხოლმე, მართალი უთქვამს ჩვენ პოეტს: „ეხლანდელ დროში ქკუა ხაშია, გრძნობა-კი არტა-ლაო!“ მაგრამ რა? მოვა დრო, ნამდვილი, წრფელი განათ-ლება ჩვენშიაც ფეხს მოიკიდებს და მაშინ ყველა იგრძნობს თავის დანიშნულებასაო.

ღრმად ჩაფიქრებული და სახე მოღუშული ბედენაძე დინ-ჯად მიდიოდა მთაწმინდისაკენ. ეტყობოდა, რაღაც არასასი-ამოვნო სურათი წარმოედგინა მის ოცნებას და ამ სურათით შეწუხებული თავდავიწყებამდე მისულიყო. ის ხან ილიმებოდა, ხან წარბებს იკმუხნიდა, ხან ერთ რომელიმე წერტილს უშ-ტერებდა თვალებს, ხან ზელებს იქნევდა და ოხრავდა. საში-ნელი შესახედი იყო ამ დროს ბედენაძე.

— ეჰ! რაც მოხდა, მოხდა. წარსულ საქმეს ველარ დავა-ბრუნებთ. მაშ რაღა დაგვრჩენია? ბრძოლა უკუღმართობას-თან, და ნამდვილი ცხოველმყოფელი განათლების შეძენა!— ისეთი მკაცრად, ისეთი არა ჩვეულებრივი კილოთი წამოიძა-ხა ეს სიტყვები, რომ თითონვე შეკრთა და აქეთ-იქით მიი-ხედ-მოიხედა. მხოლოდ ახლა დაინახა ილომ, რომ მარტო არა ყოფილა. მის გარშემო ხალხი ბუზივით ირეოდა. გრილ საღამოს მთელი ქალაქი გარეთ გამოეწვია და მთაწმინდის გორას თავისკენ მიეზიდნა.

ილო შეჩერდა, მიეყუდა ერთ ხეს და ბრბოს ნაღვლიანად დაუწყო ყურება. ბრბო-კი თავდავიწყებით მზიარულებდა.

ყველა სცდილობდა ესარგებლნა გრილი საღამოთი. საში-ნელი ჟრიამული და სიცილ-კასკასი გაისმოდა. აქ ათასი რჯუ-ლისა და წოდების ხალხს თავი მოეყარა და თუმცა ასეთი სხვადასხვაობა იყო, მაგრამ მაინც ერთმანეთში რაღაც კავ-შირი ჰქონდათ. ბუნების სიღიადეს ყველას გული ერთგვა-რად აელეღვებინა და საღამოს ნაზი ნიავი ყველას ერთგვა-რად უღიღინებდა.

ახლად შეღერებულნი, მზიარულად მოკასკასე, ეშმაკურ და ათასგვარ ფალასებით აქრელბებული ქალები კეკლუცად შეჭყურებდნენ თვის კავალრებს, რომლებიც, თავის მხრით, ცდილობდნენ მათი ყურადღების დამსახურებას.

აქა-იქ მოჩანდნენ ხანშიშესული ადამიანები.

— ქაა! შენ რაღა გინდა აქა? — ეკითხებოდა ერთი ჩიქილოსანი მეორეს.

— შეთქმული მაქვს, ქალო!

— მერე და აელაბრიდგან როგორ დადიხარ?

— უი, ვენაცვალე მამადავითის მადლსა, ისეთი ძლიერია, რომ სულ ჩიტებით ამოფფრინდები ხოლმე.

— ღმერთმა შეძლება მოგცეს, დედავ და თვალო,— გაათავა ბაასი ჰირველმა ჩიქილოსანმა და შეჩერდა.

— მელო, მელო, დაინახე აგერ ის ქალი! — უცბათ წამოიძახა ჰირველმავე. — ეგ არის, აი, ქაჯან, ოსანაანთ მიტრიამ რომ დანიშნა და შემდეგ ხელი აიღო.

— იმასაც გაშავებია გვირგვინი, მერე რა მადლს უქნია, — წამოიძახა ვილაცამ.

— მაშ არადა, 'ეგ რო რიგიანია, მაგისმა მზემა, თვალებს დაუკოცნიდნენ! — დაცინებით სთქვა მობაასემ და მოჰყვა ქორიკანობას. მოკლედ რომ ვსთქვათ, რწყილს აქლემი აშობინა.

— მაიმუნები... უფიცნი... გზა აბნეულნი!... — ბუტბუტებდა თავისთვის მათი მომხიარული და მაყურებელი ილო... თან ებრალებოდა და თან ეზიზღებოდა ეს უმარილით დათხუპნული, კარსეტებში გათანგული, წკეპლებითა და უზარმაზარ ალქაჯური შლიაპებით მორთული ბრბო ქალთა და კაცთა, მაგრამ რას იზამდა, სპილოს კოლოს კბენა რას დააკლებს? ილოც კოლო იყო ამოდენა სქელკანა და სქელთავა ბრბოში.

ბედენაძემ ფეხი გაუჩქარა. უნდოდა მოშორებოდა ამ წრეს, მაგრამ ყოველ ნიბიჯზე ერთსა და იმავეს ხედავდა, ერთსა და იმავეს გრძნობდა. ხალხი თანდათან გროვდებოდა, ერთად ჯგუფდებოდა და ხვნეშა-ქოშინით აღმართს ებობლებოდა.

მამადავითის ეკლესიასთან ასასვლელი გზა საკმაოდ ფართო და დაკლაქნილია. მთვარიან ღამეში ზემოდან რომ დახედოთ ამ გზას, გეგონებათ თეთრი ნაკადული მიიკლაქნება ამ მთის კალთაზედო. მშვენიერად დაქვიშული გზატკეცილი სწორედ სასიამოვნო სასიარულოა.

ამ გზატკეცილს აქეთ-იქით, ნაპირებზე არიგებულ-ჩამორიგებული აქვს საჩრდილობელი ხეები, რომლებიც რაღაც საიდუმლო ელფერს აძლევენ ამ გზას და ჯარისკაცების

დარაჯად. დასდგომია მთის კალთებს. მიჩუმებულ ლამეში, იმ დროს, როდესაც კაცთა ჟრიამული შეწყვეტილია და ათასი უწმინდური ფეხი არა სტკეპნის ამ გზას, რომ აიაროთ, მართლა რალაც სიწმინდეს, რალაც მშობლიურ სიყვარულს იგრძნობთ ამ მიდამოსადმი!

აი, ამ გზატკეცილზე, ყველა ხის ქვეშ დამჯდარიყო თათო-თითო მათხოვარი და გამვლელ-გამომვლელს მოწყალება-სა სთხოვდნენ. საზარელი სანახაფი იყო ეს უთვალავი ხროვა ღარიბ-ღატაკებისა, ბრმა-კოკლებისა, უხელ-ფეხობებისა! კაცს უნდა ქვას გული ჰქონოდა ან თვისი ადამიანობა დავიწყებოდა, რომ ამ უბედურებისათვის ყურადღება არ მიექცია. მაგრამ ამ საღამოთი მოსეირნენი მათხოვრებს თითქოს ვერც-კი ამჩნევდნენ. ათასში ერთი თუ მიუგდებდა ხოლმე ორ-გროშინს...

იღომ გზა დაუთმო ერთ უზარმაზარ კაცს. მდიდრულად შორთული, ოქროს ძეწკვით ღაპზე გადმოგდებული და თვის ბოლოკივით გაწითლებული მდიდარი, ამაყად. მოგორავდა თავდაღმართზე. პატარა მათხოვარა — მეფანდურე — წინ გადაეღობა და მოწიწებით შესძახა:

— ბარინ, შენი ქირიმე, მოწყალება მოიღეთ, გაიკითხეთ უსინათლოები, — და მთელ გუნდზე მიუშვირა ხელი.

„ბარინმა“ ხმაც არ გასცა. ბავშვი კვლავ ეხვეწა, კვლავ ემუდარა.

— ვა, ხათაა! მომშორდი რალა თავიდგან. რა თხის ღმერთივით იღრე ჯები? — შეღრიალა „ბარინმა“ და პატარა ბიჭს თვალები გადმოუბრიალა.

საცოდავი მათხოვარა მოშორდა უღმობელ „ბარინს“ და ახლა სხვას მიჰმართა... ყველა თვალს არიდებდა. ან კი ვის ეცალა იმათთვის: თვითონ ხომ მაძღარნი იყვნენ?!

— გწყალობდეთა მამადავითი, გაგვიკითხეთ, ბატონო, ქალბატონო, ერთი კაპეიკი გვაჩუქეთ! — გაისმოდა აქეთ-იქითგან.

— Что за безобразия! Почему позволяют беспокоить гуляющих? — ჩაირუსულა ვილაც ყმაწვილმა კაცმა და მედიდურად მიმოიხედა, თითქოს საპასუხოდ იწვევს ვისმეო.

გულგრილად და ზიზღით წარმოთქმული სიტყვები ლახვა-

რივით მოხვდა გულში ბედენაძეს. ანთო, ველარ მოითმინა და მკეახედ უპასუხა უცნობს:

— მაშ რა ჰქნან, კამა არ უნდათ?

გამოწკეპილმა ვაჟბატონმა ზიზლით შეხედა გახუნებულ ილოს და პასუხის ნაცვლად გადიხარხარა.

ილოს ბრაზი მოერია, მაგრამ თავხედს ხომ თავხედად ვერ მოექცეოდა და ფეხი აუჩქარა. ველარ გაუძლო ადამის შვილთა წვალებას და ადამიანთვე გულგრილობას! მიეჩქარებოდა ბედენაძე და თან ფიქრობდა: „დახე, ამ გულქვა ადამიანთ, ნუთუ თავისი ძმა არ უნდა ებრალებოდეთ! როდის, ნეტა როდის მოელება ბოლო ამ უკულმართობას, როდის იქნება ყველა მადლარი და კმაყოფილი თავისი ბედისა!—იმეორებდა ბრაზმორეული ილო. ამჟამად ისეთ სიბრაღულს, ისეთ ძალას გრძნობდა, რომ მზად იყო თავისი თავი დაჩაგრულთათვის მსხვერპლად შეეწირა. მზად იყო კოქლს ფეხად შესდგომოდა, უხელოს—ხელად, ბრმას—თვალებად: სურდა, რომ ყველა იქ მყოფი გლახა გმირად გადაქცეულიყო და გამაძლარმორთულ-მოკაზმულებისათვის შური ეგოთ, მაგრამ ყველა ეს ოცნება იყო გულით პატიოსანისა და ჯერედ ჩირქმოუცხებელი ქაბუკისა!..

ილომ ველარ გაუძლო სულის ქენჯნას და იქვე მახლობელს ღელეში გადავიდა. ამ ღროს მთვარე მედიდურად ამოცურდა ცის სიერცეში და მთელ არემარეს ვერცხლისფერი მოჭფინა. გულაღმა მწოლარე ილო სასილებით მიეგება ღამის გუმაგს და ღრმად დააქქერდა.

ნაზად მოცურავდა მთვარე ცის კამარაზე და თანდათან სპეტაკტებოდა. მთელი ბუნება საიდუმლოებით აივსო და ნეტარებით სული განაბა. ერთხან მისწყდა ხალხის ჟრიაშულიც. აქა-იქ თუღა გაისმოდა მწერების ჭრიქინი, ან ცელქი ნიავის სისინი და ესეც დაძინებული ბუნების ფშვინვას ემსგავსებოდა. უმზერდა მთვარეს ილიკო და ფიქრით-კი შორს, შორს წასულიყო. იგი ფიქრობდა თავის წარსულზე, აწმყოზე და მათი სივერაგით შეშინებული, მომავალზე ფიქრს ვერ ბედავდა. მისი არსება რაღაც ცრუმორწმუნეობას, ბედისწერას შეეპყრო და ამ ჟამად თითქმის კიდევცა სწამდა ბედისმწერალი ანგელოზი. ამიტომ კვლავ თავიდგან უბრუნდებოდა თა-

ვის აზრებს და თვის წარსულ ცხოვრებას ითვისწინებდა. იგონებდა იმ ნეტარ ჟამს, როდესაც სწავლის სიდიადე და კაცის დანიშნულება გაიგო, იგონებდა შეგირდობის ხანას და გული ტანჯვით ევსებოდა. აგონდებოდა თავისი ამხანაგები, იმათი მისწრაფება მაღალ სწავლისადმი და... აქ კი მსჯელობის ძაფი უწყდებოდა, „რა დროს-ღა მაღალი სწავლაა, ჩვენ ხომ მოსპობილი გვაქვს მაღალ სასწავლებელში შესვლის სახსარი“, უცბად გაივლო გულში და ამ გულსაკლავ კითხვას კვლავ თავი შეაჯახა. მაშ რა ექნათ? ნუთუ ასე შუა-წყალში უნდა დავრჩეთ? არა უნდა ვისწავლოთ, ვისწავლოთ და ვისწავლოთ ჩვენის ცხოვრების გასაუმჯობესებლათო. იმედიანად წამოიძახა ილომ და გულიანად ამოიოხრა.—მოდით, ჩემისთანა გზა-დაბნეულნი, ხელი ხელს მივცეთ და კვლავ ვისწავლოთ, კვლავ ვიბრძოლოთ! — ეს სთქვა ილომ და შუბლზე ხელი გადაისვა.

მთვარე კარგა მაღლა წამოსულიყო. მთაწმინდის ფერდობებზე ძალხის ჟრიაშული ისევ გაისმა. ცელქი ნიაფი შიგ ყურში არტყამდა შორით მოტაცებულს სიტყვას და მით ბედენაძეს კვლავ გულს უბრაზებდა. აგერ, 'მემოესმა ბრმა მათხოვართა გულსაკლავი სიმღერა: „შავი ზღვის ნაპირას“ და ილოს გააჟრჟოლა. სიმღერას მოჰყვა სალამურის ხმა. ამასაც გულგრილ ადამიანთა გასართობათ ვიღაცა ბრმა მათხოვარა აკენესებდა. უკრავდა რაღაც უცნაურ ხმას და ამ ხმაში რამდენიც ჰარმონია იხატებოდა, სამი და ოთხი იმოდენა ტანჯვა-ვაება გამოკრთოდა. ილომ კარგა ხანს უგდო ყური ამ ხმას, უნდოდა რაიმე საიმედო, სანუგეშო კილო ეპოვნა, მაგრამ მარტო ამ ხმაში ეს უსმოდა: „ღმერთი არა გაქვთ, პური მშიან, მაქამეთ რამე. შემობრალეთ თქვენი სისხლი და ხორცი“. ხალხი-კი გულგრილად კისკისებდა და სალამურის ხმა არც-კი ესმოდა. ილომ გაითვალისწინა ამ საცოდავთა ყოფა-ცხოვრება, მიზეზები მათის დაქვეითებისა, დაგლაზავებისა და გულნა შემოკვნესა. კვლავ შავმა ფიქრებმა შეიპყრეს იგი. კვლავ თვალ-წინ წარმოუდგა ქვეყნის უსამართლობა და ძალმომრეობა. საბრალო ილო დაკოდელი ლომივით ფეხზე წამოიქრა, სიბრაზემორეულმა ბურტყუნი დაიწყო და განრისაბებულმა მთვარეს მუშტი მოუღერა: აგრე გულგრილად რად უმხერ

ქვეყნის ტანჯვასაო. ამ დროს მთვარე შავს ღრუბლებს მოე-  
ფარა, თითქოს კაცის ბჭობაზე სიცილი მოუვიდა და პირი  
იბრუნაო.

— მეც ხომ ისეთი უმწეო, ისეთი მოძულებული ვარ, რო-  
გორც ის გლახები, რომელთაც ძალათაც არავინ აგდებს.  
მაშ რა გვეშველება კაცობრიობის სამ მეოთხედს? — დაეკით-  
ხა თავის თავს და ღრმად ჩაფიქრდა. რას ფიქრობდა ამ  
დროს ჩვენი ბედენაძე, სწორედ მოგახსენოთ, ძნელი სათქმე-  
ლია, მხოლოდ ეს კი უნდა ითქვას, რომ ბედენაძე, სხვათა  
შორის, იფიქრებდა იმას, რასაც ფიქრობს ყველა პატიოსანი,  
ჯულწრფელი და ცხოვრებისგან დაჩაგრული კაცი... იღო ათას-  
გვარმა მოსახრებამ გაიტაცა, და ბოლოს ისევ იმ აზრს და-  
ადგა, რომ ცხოველმყოფელი ერთობა თუ-ღა უშველის რამეს,  
თორემ მისი და იმის მსგავსი ადამიანების ცხოვრება, მარტო  
ოხვრა, ტანჯვა და ვაება იქნებაო.

ცამ გაიღიმა. ცისკარმა ციმციმი დაიწყო. ირმის ნახტო-  
ში ცაზედ გაიქიმა. მხოლოდ მაშინ გამოერკვა იღო და ღე-  
ლე-ღელე დაეშვა. სახლში რომ შევიდა, ტანთ-გაუხდელი მა-  
შინვე ლოგინზე მიეგდო. დაღალულ-დაქანცულს ძილი არ  
ეკიდებოდა. იღო უძრავად, მაგრამ ნახულ-ნაგრძნობი მაინც  
თავს არ ანებებდა, თვალ-წინ ედგა ხელ-გაშვერილი მათ-  
ხოვარა ბავშვი, ყურში-კი გლახისვე სალამური გაჭკიოდა:  
„ადამიანები არა ხართ, პური მაჭამეთ, შიმშილითა ვკვდები!“

1894 წ.

კ. თბილისი



# ანდრია ავყიაშვილი

მოთხრობა

მისწავლეს ელია ცხოვრებიდან

1

— დასტკები მსოფლიო!—გადმოსძახოდა ცის კამარიდან მსოფლიო მნათობი მსოფლიოს ქვეყანას და თან ისე კრიალებდა, თითქოს უნდა ერთი-ორად მოიმატოს სითბო-სინათლე და მით საშემოდგომოთ მომზადებულს ქვეყანას საზამთროდაც სიციხოვლე დაუტოვოსო.

— მადლობელი ვარ, ჩემო ხელმწიფევე! — შეღიმოდა ქვევიდან ქვეყანა და ფართოთ გაშლილ, ყვავილ-მწვანით შემოსილი გულ-მკერდიდან აღმური ასდიოდა. აღბათ, ან მზისა სცხვენოდა და ან უსაყვედურებდა, რომ შენ მადლიდან ანათებ და მე კი ძუძუს ვაწოვებ იმათ, ვინც ბოროტად ხმარობს ჩვენგან მინიჭებულ მადლსაო.

მზე მაინც იცინოდა და ორთქლად იკმევედა ადამის შვილთაგან დანთხეულ ცრემლსა და ოფლს.

ბუნებაც გაინაზა, საკინძე შემოიწყვიტა და ნაწვალ-ნატანჯი მკერდი მზის მაცოცხლებელ სხივებს მიუშვირა. მნათობის შორით ნატყორცნმა სხივებმა სიცოცხლის ნექტარად დაუარა გულ-გადაღელილს ბუნებას და ქვეყნად შრომა გამეფდა. შრომობს დიდი, შრომობს პატარა. ზამთრისათვის სარჩოს იზალებენ.

ქვეყნად ჯერ მარტო ოფლი იღვრება.

— იშრომეთ, იშრომეთ, ზამთარი მოახლოვდა!—გადმოიკაშკაშა მზემ, სამხრეთისაკენ გადიხარა და მთებით შემოფარგულ სამშობლოს მიდამოს აღმაცერად გადახედა.

— დასტკები, ჩემო თავო!—წამოიძახა სიხარულითსაგან აღტაცებულმა ანდრია ავყიაშვილმა.

— ეს ვილაა!—თითქოს დაიკენესა ბუნებამ და ჩამავალი მზე რომ დაინახა, ფერი ეცვალა.

— არაეინ! კაცი—ადამიანი, რომელიც ლუკმა პურს ეძებდა და ჰპოვა კიდევ. ხომ იცი რა გულზვიადია ადამიანი. თავის პირად სიამოვნებასა და ნეტარებასთან ბუნების სიდიადეს არაფრათ ჩააგდებს.

— ეჰ! ცოტა ხანს მაინც მოვარიდებ თვალსა,—გაიფიქრა მზემ, პირზე ღრუბელი აიფარა და მთას იქით გადასრიალდა.

სწორედ იმ დროს, როდესაც მზემ დაისამხრეთა და ბუნებამ შუბლი შეიკმუხნა, თითქოს გაიბუტაო, ანდრია აეყიანა-შვილს მოწერილობა მოუვიდა, მასწავლებლად დავნიშნესო. ანდრიას აღტაცებას საზღვარი არა ჰქონდა.

იმ დღესვე წითელარშინი, „კაკარდიანი“ ქუდი დაიხურა, საზაფხულო პალტო მხრებზე მოიგდო, უღვაშები დაიწყა და ასე გამოქიმულმა მთელს ქალაქში დაიწყო ყიალი. დადიოდა უაზროთ, ხან ერთს ქუჩაზე გაივლიდა, ხან მეორეზე და ისეთი კმაყოფილების თვალთ ათვალღერებდა მიდამოს, თითქოს უნდა უტყვ არსებათაც-კი აგრძნობინოს, რომ იგი მასწავლებელი, მოსამსახურე კაცია, რომ დღეის იქით ჩინიცა და ჯამაგირიც მოემატებაო. ამ ფიქრით გატაცებულმა ანდრიამ ცოტა გაწყდა არ შეიკუნტრუშა კიდევ, მაგრამ ამ დროს ვიღაცა მგზავრი დაეჯახა. ანდრია ჯერ უსიამოვნოთ დაიღრიალა და მერე ისეთნაირად შეუბღვირა ხეპრე მგზავრს, თითქოს ეუბნებო: „შე ოხერო, ვიღაცა ხარ, რომ არ დამეჯახო, არ იქნება, ვერა ხედავ მასწავლებელი ვარ“, მაგრამ ახლა სხვა წააწყდა და პირში მომდგარი სიტყვები ენის წვერზე დააკვდა. კიდევ ბევრი უსიამოვნება შეხვდა ანდრიას, მაგრამ, ისე იყო გატაცებული თავისი „მასწავლებლობით“, რომ არაფერი უგრძნვია. მისთვის სხვა გარეშე არა სუფევდა-რა. იგი ოცნებაში იყო გართული. დალამდა. აბობოქრებულ ქვეყანას ხმაურობა-ყაყანში ღრმად მიეძინა, არ ეძინა მხოლოდ ჩვენს ანდრიას. იგი ისევ ოცნებობდა.

— აი დედასა, შარშან ამ დროს „ლიტურდიკის“ მასწავლებელი შიშის ზარსა მგვრიდა და დღეს-კი მე თითონ მასწავლებელი ვარ, მე თითონ უფროსი ვარ... საკვირველია ღმერთმანი ჩვენი ცხოვრება! — ფიქრობდა ანდრია და რაც

უფრო უკვირდებოდა თავის აწმყოს, მით თვისი წარსული ცხოვრება შავ-ბნელად ეჩვენებოდა.

— დიად, საკვირველია, საკვირველი ჩვენი ცხოვრება!— დროგამოშვებით წამოიძახებდა ხოლმე ანდრია და ლოგინში მწოლარე, ხითხითებდა. ნეტა რა აცინებდა ანდრიას? იქნება საცინელი არ ჰქონდა-რა, მაგრამ წუთიერი სიამოვნება, წუთიერი ბედნიერება კაცს ხანდისხან ჯოჯოხეთსაც დააღიწყებინებს ხოლმე. ანდრიასაც ისე მოუვიდა. იგი გატაცებული იყო ოცნებით, რომლისთვისაც აწინდელს მის მდგომარეობას ფრთები შეესხა და შორს სადღაც, არა. ამ ქვეყნად, გადაეფრინებინა. დიდხანს იოცნება ანდრიამ, დიდხანს იბორგა ლოგინში, მაგრამ ძილი მაინც არ ეკარებოდა. „ღმერთო ჩემო, როდის უნდა გათენდესო!“ წამოიძახა ანდრიამ და ლოგინში რომ ველარ მოითმინა, წამოდგა ლოგინიდან, თანჯარის რაფაზე ჩამოჯდა და ცას მიაშტერა თვალები. შემოდგომის ბნელი ღამე იყო და ცა შავი ღრუბლებით მოფენილი. სინათლის იოტიც არა სჩანდა. დროგამოშვებით ქარი შეარყევდა ხოლმე ღრუბლებს და მაშინ თუ გამოჰკრთებოდა სადმე რომელიმე ვარსკვლავის შუქი, მაგრამ ასეთი გამოკრთომა ანდრიასათვის შეუმჩნეველი რჩებოდა, რადგანაც მოსრიალე ღრუბლები მალე ისევე ფარავდენ ღამის გუშავთ, თითქოს ქვეყნისათვის ეს მცირეოდენი შუქიც-კი შურთ.

ცა გარიჟრაჟდა. დღე ღამეს შეეჭიდა. ცის კამარამ ციალი დაიწყო და აღმოსავლეთი წითლად შეიღება, ცოტა კიდევ და მზეც ყურს ამოჰყოფს... ანდრიასთვის კი დიდი ხანია გათენდა. ყველაფერი მოიმზადა, მხოლოდ ცხრა საათის შესრულებას უცდის. რკინის გზით ახალ ბინაზე მიემგზავრება.

## II

მომიტყვე, მკითხველო, და სანამ ანდრიას ცხოვრებას გავიცნობდეთ, წინად მისი ვინაობა გავიგოთ. დავიწყოთ გარეგნობიდან.

ანდრია ავყიაშვილი ერთის შეხედვით შნოიანი კაცია, ისეთი შნოიანი, როგორც მოსწონთ ხოლმე ჩვენს კეკელო-

ებს. ხოლო თუ კილში ჩაეუდგებით, მოსაწონი არა აქვს-რა: წვრილი თვალის კაკლები, წინ-წამოწეული მოკლე შუბლი, წვეტიანი ნიკაპი და ახმახი ტანი უცნაურს და არა სასიამოვნო გამომეტყველებას აძლევს მის სახეს. მაგრამ იმისდა-მიუხედავად, რომ ხშირად სახე სულის სარკვეა ხოლმე, ანდრიას ნაკლს მისი კეთილშობილება ნასწავლობასთან შეერთებული გადაეთარა და ანდრია ნაცნობებისათვის თითოთ საჩვენებელ ყმაწვილ კაცად გახადა.

ანდრია ავყიაშვილი „გაკეთილშობილდა“ თავის პაპის გეოხებით. აწ ღვთის-მიერ განსვენებულმა ონოფრე დეკანოზმა სწორედ სიკვდილის წინა ღღეს „ვლადიმირი“ მიიღო და მისი შთამომავლობა გააზნაურდა. მხოლოდ რაც შეეხება სწავლას, ეს-კი ჩვენმა ანდრიამ თავისი მეცადინეობით შეიძინა. ჯერ სულ პატარა, ასე 7—8 წლისა იქნებოდა, როდესაც სასწავლებელში მიიბარეს. მთელი თექვსმეტი წლის განმავლობაში ერთგულად სთელა სასწავლებლის გზა. ბევრი ტანჯვა-ვაების შემდეგ შრომა დაუფასდა. რიგიანად დაამთავრა სწავლა, რის გამოც ერთს სამაზრო ქალაქში მასწავლებლად დანიშნეს. მას შემდეგ შვიდი-რვა წელიწადია და თუმცა მოსწავლისა აღარაფერი ეტყობა რა, თუმცა ცხოვრებაში გამოიცადა და ღვთისა და ბატონის წყალობით ერთ ხანს ხელოვნურადაც სარგებლობდა თავისის მდგომარეობით, მაგრამ ამ ოხერნა წუთის-სოფელმა ცოტა არ იყოს თავისი დაღი დაასვა...

მართალია, იმ თავითვე დიდს ყურადღებას იქცევდა, ნამეტნაჲად პატივსა სცემდნენ გასათხოვარი ქალების მშობელნი, მაგრამ „ბურსაში“ გაზრდილი, ვერ სარგებლობდა ამ უპირატესობით და ცხოვრებაშიაც „ბურსულად“ იქცეოდა. ან-კი როგორ მოახერხებდა სხვაგვარ ცხოვრებას?

თექვსმეტი წლის განმავლობაში საზოგადოება არ ენახა. იყო გამომწყვდეული სასწავლებლის ოთხს კედელს შუა და ცხოვრებისათვის უმნიშვნელო საგნებს ატეხდა თავს. ერთი რიგიანი მასწავლებელი, დამრიგებელი და გულ-შემამტკივარი აღმზრდელი არა ჰყავდა, რომ იმათ მაინც დაეყენებინათ კარგს გზაზე, ქვეყნის აგ-კარგიანობა ესწავლებინათ, რაივე მიმართულება მიეცა. ანდრიას მასწავლებლები, თითქმის ყველა, ჯოხს ქვეშ იყო გატარებული, ყვირილ-შტიალით

აღზრდილი და ყვედრება-მუქარით გამოკვეთილი. გულში ზამთარი ედოთ და თავში—ქარბუქი. რაც თითონ გადახედოდათ, სხვისგანაც იმას თხოულობდნენ. შეგირდობის დროს თითონ რომ დამციარებულნი, უფროსის ფეხის ნატერფალნი, ყოველის მხრით გზა შეკრულები ყოფილან, დღეს ჯავრს თავის მოწათფებზე ჰყრილობდნენ. ამათ უხდიდნენ თვისი მასწავლებლების სამაგიეროს. გარდა ამისა, ამათ თავობიდანვე ყურში ჩაწვეთებული ჰქონდათ, რომ თუ მოწათფეს გაქირვება, შევიწროვება არ მიაყენე, შემდეგში გაგითამამდება და ცხოვრებაში მეტის-მეტი გალალეებული იქნებაო. კიდევ ამ მიზეზით შეზღუდულ სწავლის წესდებით ხელმძღვანელობდნენ და მომაკვდინებელ ცოდვადაც მიაჩნდათ ამ წესდების დარღვევა; ვაი იმ მოწათფის ბრალი, ვინც ცოტა თავისუფლების მოყვარეობას გამოიჩენდა! ამგვარი მოწათფის გამოისობით ისეთი ალიაქოთი აუტყდებოდათ ხოლმე, გეგონებოდათ ჩინეთის კედლები დაინგრავ, ან ღვთის რისხვა მოევლინა არაკულ ქაჯთა ხელმწიფესაო... სათნოება და მოთმინება, მორჩილება და მონობა, ბატონობა და ყმობა, აი ჰაე და ჰოიე იმათი ზნეობა-გონებრივ ავლა-დიდებისა.

ამიტომაც მასწავლებელნი და მოწათფენი ერთმანეთს თხა და მგელსავით უტკეპროდნენ. პირველნი თუ იმასა სცდილობდნენ, რომ სამსახურში დაწინაურებულიყვნენ, მეორენი ლამობდნენ სწავლის დამთავრებას და წადილას მისალწევად არავითარ საშუალებას არა ზოგავდნენ. სიცრუე, ფლიდობა, ქვემძრომლობა, შური, ბეზლობა, ბტრობა, ყველა, რაც-კი სიბილწე და კაცის თვალის ამხვევია, მოწათფეებში იყო გავრცელებული და ვინც ამ საშუალებათ არ მიმართავდა ხოლმე, ის შუაგზაზე რჩებოდა რაღა თქმა უნდა რომ მოსწავლეების სული და გული იჟღინთებოდა ამგვარი მყრალი ატმოსფერით და ძალა-უნებურად, თითქმის შეუმიჩნევლად იხრწნებოდნენ ზნეობით, გულით და სულით ფუტუროვდებოდნენ. მოსწავლეების ამგვარ მიმართულებას მასწავლებლებიც ხელს უწყობდნენ: იმათ ის უყვარდათ, ვინც ფეხს აულოკავდათ, ის მოსწონდათ, ვინც მათი ყურმოკრილი ყმა იქნებოდა. არავითარი მამაშვილური დამოკიდებულება მათ შორის არ მოიპოვებოდა.

აწის შემდეგ საკვირველი არ არის, რომ არც სამოსწავლო საგნებს ექნებოდათ მოწაფეებზე ჯეროვანი გავლენა. მართლაც უაზროდ, უსაფუძვლოდ შესწავლილ-გაზეპირებული აზრები არ ახსოვდებოდათ, გულს არ ეკარებოდა, სიტყვები სიტყვებადვე რჩებოდა და ზნეობრივი ზემოქმედება კი არა ჰქონდათ-რა, რადგანაც, როგორც ზევით მოგახსენეთ, ისე უსულ-გულოდ იყო სწავლის საქმე დაყენებული, რომ თუ მოწაფეები სწავლობდნენ რამეს, სწავლობდნენ იმიტომ, რომ პროხორ ტიხონიჩს ან პახომ ივანიჩს თავზე ხელი გადაესვა და დავთარში მოეხსენებია, ამა და ამ მოწაფემ „პიატზედ“ იცოდა გაკვეთილიო. ამ ამოსაგდებს „პიატებს“ სწორედ ჯაღოქრული თვისება ჰქონდა: ზოგისთვის ძალღის თავი იყო და ზოგისთვის კი გაზაფხულის ენძელადაც არა ღირდა. ერთი წყობა შეგირდებისა რომ თავს აკლავდა გაკვეთილებს და კაჰკაჰივით იზეპირებდა, მეორე დასი ზიზლით შეჰყურებდა ამ „მეპიატეებს“, დასცინოდა მათს „წუწუნას“ და ამ მაჯავრელობაში ეპარებოდა დრო, გაკვეთილი მოუმზადებელი რჩებოდა და... ნიკიერი, ხანდახან, ვინმე ზარმაცის მსხვერპლი ხდებოდა. ერთის სიტყვით, პირველები მარტო ცარიელ ფრაზებს იზეპირებდნენ, მეორენი კი ამასაც არ აკეთებდნენ და ორთავე ერთად ხომ დამახინჯებულნი, განახევრ-კაცებულნი რჩებოდნენ. ამასთანავე ისე შეძლებული ჰქონდათ სწავლა, რომ რაც უნდა საყურადღებო საგანი ყოფილიყო თუკი „პარაგრაფიდან პარაგრაფამდე“ იყო დანიშნული, პირივით ერიდებოდნენ იმ საგანს და თუ სწავლობდა ვინმე, ისიც ისევე „ნიშნებისათვის“. ასე აერივ-დაერიათ მოსწავლეების კეთუგონება. ასე გაერყვნათ მათ გემოვნება და ჩათუთქათ ყოველი კეთილი მისწრაფება.

არც ანდრიას თანამედროვე საზოგადოება იყო რიგიანი. ცრუ, ზენა-ქვერა განათლებამ ამასაც სხვაგვარ აუშლერა ტვინი, შავი წითლად მოაჩვენა და სხვის დაკრულს დუღუქზე აათამაშა... ვინც უფრო კარგს ლეკურს უვლის, კარგს მალაყებს გადადის, კაცი ის არის და ქუდიც იმას ხურავს. ყველა იმას აქებს, ყველა იმას აღიდებს და მოდი და ნუ მიბაძავ! ვის არა აქვს თავპოყვარეობა? ყველას უნდა მაძლარი, მორთულ-მოკაზმული იყოს, და თუ პეტრე სარგებლობს თავისის

შალაყობით, რატომ ივანემ-კი არ უნდა ისარგებლოსო? აი საიდუმლო, სულის სიღრმეში დამალული შინაგანი ხმა, რომელიც ვერ გამოძვინჯებულა, მაგრამ, სამწუხაროდ თითქმის ყველას გულში კი ტრიალებს და აზარმაცივით სწევს კაცის არსებას. წამწყმიდა წახედულებამაო, ანდრიაც ხედავდა თავისზე წინ სწავლა-დამთავრებულებს, ხედავდა მეთაურ-პე-ქარაღჩეებს და თვითონაც უნდოდა მეთაურობა... უნდოდა სამსახური, ჩინოვნიკობა. მართალია ფილოსოფიისა და ფსიქოლოგიის გაკვეთილებმა ცოტათი დააფიქრეს (ანდრია მართლაც არც ისეთი უნიკოა), მაგრამ ეს დროებითი იყო: უაზროდ, უსაფუძვლოდ შესწავლილი სიტყვები მალე ავიწყდებოდა და იმ დასკვნამდის მიდიოდა, რომ ამ საგნებს ხომ ნიშნებისთვის გეასწავლიან, მაინც არ დამახსოვდება და გიფი ხომ არ ვარ თავი შევაკლაო. ნეტა ერთი ჩქარა გაეთათაო, ცხოვრებას მოვეწიო, არ მეყო თექვსმეტი წელიწადია ამ ოხერ გამხმარ სკამზე ვზივარო. აი ეს იყო ანდრიას აზრი. ამ გულისტქმით აპირებდა ცხოვრებაში გამოსვლას.

ტოტი ხეს უნდა ჰგავდეს, ანდრიაც ტოტი იყო იმ მყრალი ხისა, რომელსაც ასი და ათასი ანდრიასთანები, ათასგვარ ბლუზა-მუნდირში გახვეულნი, ქანჭურის ბოყვებსავით ზედ აკუნწვლიან.

### III

კვირა დღე იყო. თბილ დღეს ქალაქი გარედ გამოეწვია და უქმეს-კი რალაც განცხრომა-ფუფუნებაში გაეხვია. ყველას სახე უღიმოდა, სადღესასწაულო ელფერი დასდებოდა. მორთულ-მოკაზმულები ქუჩებზე დასეირნობდნენ. აქა-იქ ხალხი ჯგუფ-ჯგუფად შეგროვილიყო და ერთმანეთს ემასლაათებოდა. ამ ჯგუფში ქალაქის ნაწილი „ინტელიგენციაც“ ერია. ესენიც რალაცას ლაპარაკობდნენ. ყველას ეტყობოდა, რომ მოცლილი იყო, თითოეულს მათგანს თავისი ქირ-ვარამი დროებით მაინც დაევიწყნა.

წირვის ზარი დაჰკრეს და ამ ხმას ბანი მისცა ქალაქის მიდამომ. ხალხი შეტორტმანდა, შეირხა. ზოგმა ქუდი მოიხა-

და, პირვეარი გადაიწერა და გამვლელ-გამომვლელთ უფრო გაფაციცებით დაუწყო თვალიერება. ზარებს კვლავ რეკდენ, მლოცველთ კვლავ ეკლესიისკენ იწვევდნენ. მალე ქალაქის უმთავრესი ქუჩა ხალხით გაივსო. ყველაზე ბევრი ქალები მოსჩანდა. მორთულ-მოკაზმულები, უმარილით დათხუპნილ-დაღესილები წყვილ-წყვილად მოსეირნობდნენ ქუჩაზე. მათ უკან მოსდევდნენ დედა-დიდელები კრიალოსნით ხელში ან არადა ახალგაზრდა ქალებზე ნაკლებ არც ისინი იწმაწნი-იგრიხებოდნენ. ყველა ესენი საყდარში მიეშურებოდნენ ღვთის სადიდებლად. მაგრამ სახეზედ-კი სასოება არავის ეტყობოდა. რაღაცას ჩურჩულობდნენ, ჭორიკანობდნენ. უცნაური სანახავი იყო ეს ხალხი. რაღაც ძველებური, ჩვენებური ელფერი დასცემდა ამ ბრბოს, რაღაც მშობლიური, პატრიარქალური სული ტრიალებდა მათ შორის, მაგრამ ამავე დროს, შიგ კრე-ლად, რაღაც არაჩვეულებრივი, ნაძალადევი, ნახევრათ განათლებული და ნახევრად დაბნელებული ნიავე დაჰფარფარებდა მშობლიურს ქალაქს, რაღაცა სიყალბე შეჰპარვოდა ეტყობოდა, რომ ხალხი აკრელებულიყო...

წირვის გათაგების შემდეგ ხალხი ჟივილ-ხივილით დაიშალა. მოწათფებმა იგრძნეს რა თავისუფლება, კუნტრუმ-ხტუნაობით შინისკენ მოკურცხლეს. ხალხმა კი, ნამეტნავად ცირებმა, მასწავლებელზე დაიწყეს ლაპარაკი. ბევრი ამათგანი კიბეზედაც გაჩერდა, უნდოდათ თვალი დაეკრათ ახალი მასწავლებლისათვის, მაგრამ მოლოდინი გაუცრუვდათ. ანდრია ფეხდაფეხ მიჰყვა ზედამხედველს და ორიგენი ცნობის მოყვარე თვალთაგან მალე მიიფარნენ. ზედამხედველის სახლი საყდარსავე ჰქონდა მობმული.

— ნება მიბოძეთ, ბატონო, გაგაცნოთ ჩემი თავი,—აღელვებულის ხმით უთხრა ანდრიამ, როდესაც უფროსმა მოხედა და გაკვირვებით დაუწყო ცქერა,—მე გახლავართ ანდრია გიორგის-ძე აყვიაშვილი, სტუდენტი ამა-და ამ საშუალო სასწავლებლისა, რომელშიაც სწავლა ამ გაზაფხულს დავამთავრე და დღეს ბედნიერება მაქვს თქვენი ხელქვეითი გავხდე. თქვენდარჩმუნებულს სასწავლებელში მასწავლებლად გამამწესეს.

უფროსი ერთხანს გაშტერდა, მერე მხიარულად წამოიძახა:



— მეც დიდად მოხარული ვარ, ანდრეი გიორგიჩ, თქვენის გაცნობისა. დიად, ამ დღეებში მოვიდა მოწერილობა თქვენს შესახებ,—ლიმილით დააბოლავა უფროსმა და ანდრიას მუშტრის თვალთ დაუწყო ცქერა. თავით-ფეხებამდე რამდენჯერმე აათვალთვალა-ჩაათვალთვალა და ისეთი ცბიერის თვალთ უყურებდა, გეგონებოდათ, სულის სეღრმეში უნდა ჩაუძვრეს და ამოიკითხოს რა სწერია ამ ყმაწვილი კაცის გულის ფიკარზეო. აქვე უნდა მოგახსენოთ, რომ ბ-ნ ზედამხედველს საშინლად ეჯავრებოდა ყმაწვილი კაცები, და სძულდა უფრო ისინი, ვინც (უფროსის სიტყვით) მეტი ლაპარაკი იყო-და, ე. ი. ვინც თავის მსჯელობას იქონიებდა იქ, სადაც უფროსები, ჩინითა თუ ხნით, ლაპარაკობდნენ. კიდეც ამიტომ უყურებდა ჩვენს ანდრიას ასე დაკვირვებით.

ანდრია მეტისმეტს გამოურკვეველ მდგომარეობაში ჩაჯარდა. საითაც გაიხედავდა, უფროსის მოციმციმე თვალები სულ მას მისჩერებოდა და მერე როგორ უყურებდა? სწორედ მახათივით უვლიდა გულ-ღვიძლში. საწყალი ანდრია კაკანათში გაბმულს ჩიტს დაემსგავსა. უნდოდა ეთქვა რამ, მაგრამ ვერა მოეხერხებინა-რა. უნდოდა ენა დაეძრა, მაგრამ ენაც სასაზღედ მიჰკროდა და პირში ნერწყვი გაშრობოდა. „საკვირველია ღმერთმანი რა დამეშართაო, ჰფიქრობდა ანდრია, თითქოს სათქმელი ბევრი მქონდა, თითქოს წინადვე მოვემზადე და ახლა-კი შოშისავით ენა ჩამივარდა... ნეტა რასა ჰფიქრობს ჩემზე ეს კაციო,“—ჰკითხავდა თავისთავს ანდრია და დარცხვენის თვალებით ოთახს ათვალთვალავდა. ანდრიამ პირველად იგრძნო, რომ იგი მოუმზადებელია და ცოტა არ იყოს შერცხვა კიდეც.

კარგა ხანს იყვნენ გაჩუმებულნი. ბოლოს სიჩუმე უფროსმა დაარღვია:

— რამდენი წლისა ხართ?

— მე მგონი 23 უნდა ვიყო,—იცრუა ანდრიამ.

— ოც-და-სამისა? ჯერ სულ ყმაწვილი ყოფილხართ, ჩემო ანდრეი გიორგიჩ და, როგორც ყმაწვილს კაცს, გაფრთხილება გმართებს... მე იმედი მაქვს, რომ გულმოდგინეთ მოეკიდები შენს სამსახურს, არ აყვები სხვადასხვა „მყვირალეებს“, მორჩილი და პატიოსანი იქნები... რაც შეეხება შენს

წარმატებას, ეს ჩემზე მოადგიე, მე ვიცი, როგორც დაგა-  
ჯილდოვებინებ.—ამ „საკითხავის“ დროს უფროსი მოწყალეთ  
იღიმებოდა.

ანდრია-კი გაშტერებით დასცქეროდა იატაკს და არ იცო-  
და რა ექნა. უფროსის სიტყვები უდიერად ეჩვენა, მაგრამ  
იმის მეტი ვერა მოახერხა-რა, რომ დაბალი ხმით მოახსენა:  
ვეცდები დავიმსახურო თქვენი და უმაღლესი მთავრობის ყუ-  
რადღებამ.

უფროსმა მადლობა გადაუხადა ამგვარი თავაზიანობი-  
სათვის და ანდრია სამასწავლებლო ოთახში გაიწვია, სადაც  
ძველი მასწავლებლები კრების მოსახდენათ შეგროვილიყვნენ.  
შესვლის უმაღლე ახალი მასწავლებელი წარუდგინა. ყველამ  
სათითაოდ ჩამოართვა ხელი და, როგორც ყმაწვილ კაცს,  
ყურადღებით დაუწყეს ცქერა. ანდრია ქარხალივით წამოწით-  
ლებულიყო, მოკლე კითხვებზე მოკლე პასუხს აძლევდა. ცხრტა  
ხნის შემდეგ, ზოგიერთების მოლოდინში, მასწავლებლებმა  
რალაც სჯა-ბაასი დაიწყეს. უფროსმაც ერთხანს ყური დაუგ-  
დო, მაგრამ მალე მოსწყინდა. მთქნარება დაიწყო და გარეთ  
გამოვიდა. მასწავლებლები უფრო გამხიარულდნენ. იმათში  
ბევრი ოხუნჯი კაცი ერია და ყველაზე ბევრსაც ისინი ლა-  
პარაკობდნენ. ანდრია კუთხეში მიმჯდარიყო და სათითაოდ  
ყველას სინჯავდა. მასწავლებლებს ლაპარაკის საგნად მარტო  
უფროსი ამოენიშნათ. პირველად აქვე გაიგო ანდრიამ, რომ  
უფროსს მეტ სახელად „ურის ცხენი“ რქმევია თურმე.  
აქ სახელის გაგონებაზე ანდრიამ კინალამ არ გადინხარ-  
ხარა, მაგრამ თავი შეიკავა და კვლავ პედაგოგებს დაუწყო  
სინჯვა.

—როგორ ეტყობათ, რომ ერთის „ქარხნიდან“ არიან  
გამოსულები,—ჰვიქრობდა ანდრია.—ჩვენი „ქარხნის“ კაცი  
თუნდა იერუსალიმს წაიყვანო, მაინც თავის ელფერს არ და-  
კარგავს. ისევ ის „ბურსაკები“, ისევ ის ლაყუნები. დიად,  
ჩვენ ყველა ერთის ყალიბისა ვართ და აბა ამათთან რა გამი-  
ქირდება.—შეიძლება ანდრია, ჩვეულებრივად ოცნებას მიცე-  
მოდა, მაგრამ ამ დროს უფროსი ხელშეორეთ შემოვიდა და რ-  
ბაზში, და კრებაც დაიწყო.

კრებამ დიდი ლაპარაკი გამოიწვია, მით უმეტეს, რომ საგანი დიდმნიშვნელოვანი იყო. დღეს უნდა გადაწყვეტილიყო ერთი მოწაფის ბედი.

ერთს არნაუტ ბავშვს მასწავლებლის ეურნალი ნოეპარა და დაეხია. ზედამხედველმა ბავშვის საქციელი მოძაკვდინებელ კოდვად ჩასთვალა, შეჰკრიბა მასწავლებლები და განოუცხადა, რომ ესა და ეს მოსწავლე უნდა გამოვრიცხოთო.

— მე მგონია, ივან ივანიჩ, რომ ეგ დიდი სასჯელია,— დაიწყო ერთმა მასწავლებელთაგანმა,— მოდი, ნუ გამოვრიცხავთ, ნიქიერი ბავშვია. იქნება როგორმე მოვარჯულოთ.

— მე გეუბნებით მაგ ბავშვის სასწავლებელში დაყენება შეუძლებელია,— პირქუშად შენიშნა უფროსმა და ისეთი თვალით გადახედა კრებას, თითქოს ეუბნებოდა: აბა რას ლაპარაკობთ, ხო იცით ჩემთან ვერაფერს გააწყობათო.

— მე მგონია, სასწავლებელი იმ გვარი დაწესებულებაა, რომელიც მოზარდის გასწორებას უნდა სცდილობდეს და არა გამორიცხვას,— დაუმატა ხმას მოკამათე მასწავლებელმა.— სასწავლებელი ქურაა და კეთილი მამაშვილური მოპყრობა— ფოლადი, რომელიც სწავლა-წვრთნის ქურაში გამოვლებულ მოსწავლეს ფხად უნდა დაედოს.

— თქვენ გეუბნებიან, რომ მაგ მოწაფის დაყენება შეუძლებელია,— დაიღრიალა უფროსმა— და თუ თანახმა არ ხართ, თქვენი აზრი საქმისმწარმოებელს დაეთარში ჩააწერინეთ. მე-კი დაგიმტკიცებთ, რომ თქვენ კანონის წინააღმდეგი ხართ.

ამ სიტყვებმა საშინელი მითქმა-მოთქმა გამოიწვია. კრება დას-დასად გაიყო. ყველა თავისას ლაპარაკობდა. მომეტებული ნაწილი უფროსს მიემხრო. მისმა სასტიკმა მუქარა-ყვედრებამ დასძლია მოწინააღმდეგენი და კრებამ ერთხმად დაადგინა: „პატივისაღებელ მიზეზების გამო გამოირიცხოს მესამე კლასის მოწაფე N და განაჩენი უმაღლეს მთავრობას წარედგინოს დასამტკიცებლად“.

— აბა ახლა ხელი მოაწერეთ,— გაისმა ხმა. პირველად უფროსმა და მისმა მომხრეებმა მოაწერეს ხელი. დანარჩენებიც სათითაოდ აწერდნენ ხელს. არ უნდოდა ხელის მოწერა

შოწინააღმდეგე მასწავლებელს, მაგრამ უფროსს „ხათრი“ ვე-  
ლარ გაუტეხა და თავისი რწმენის მიუხედავად, თავისი სა-  
ხელი და გვარი კოხტად გამოსქიმა განაჩენის ფურცელზე.

ასე დასრულდა ეს კრება და ერთი მოზარდიც ჩვეულები-  
სამებრ გულგრილად, ქიანი პანტასაგით გადაისროლეს, მიან-  
დევს ცხოვრების ტალღებს და გაქირვებას პირში მიაჩქეს.

ანდრიაც დაესწრო ამ კრებას, მაგრამ ხმა-კი არ ამოუღია.  
მისთვის ახალი ხილი იყო ეს კრებები და ჯერ-ჯერობით  
არც არა ესმოდა-რა. მოეწონა მასწავლებელის გულადობა,  
მაგრამ უფროსი-კი უფრო მტკიცე და მაგარ ხასიათის კაცად  
მოეჩვენა. მაგასთან სამსახური ხუმრობა არ ყოფილაო, გაივ-  
ლო გუნებაში ჩვენმა ანდრიამ და ღრმად ჩაფიქრდა.

— ახლა ხომ მოისვენა მაგ ურიის ცხენმა, მაგან!—გაწიწ-  
მატებით ბურტყუნებდნენ მასწავლებელი.—ყველას ენა მუ-  
ცელში ჩაგვივარდა და თავისას გაიტანდა, მაშ რას იზამდაო!  
ეუბნებოდა თითოეულს მათგანს შინაგანი ხმა.

მართლა და ან-კი რა ექნათ? ივანე ივანეს-ძე ასკინკილოვი,—  
მასწავლებლის უფროსი,—მეტის-მეტე გაქნილი, გაიძვერა და  
გამოცდილი კაცი იყო. მასწავლებლები „ურიის ცხენს“  
ტყუილად-კი არ ეძახდნენ ასკინკილოვს! მხოლოდ ეს სახელი  
მარტო ბრაზ-მორეულს მასწავლებელსა ფხანდა გულს, თორემ  
თვით ზედამხედველს არაფერს აკლებდა. ის თავისს „ურიის  
ჯხენობას“ არაფრად აგდებდა, დღითი-დღე უფრო სასტიკ-  
დებოდა, დღითი-დღე უფრო შიშის ზარსა სცემდა თავის  
ხელქვეითებს. სასტიკ ხასიათთან სასტიკი გამომეტყველება  
უფრო საშიშარსა ხდიდა ამ კაცს. მიღეული და ბალნით  
შემოსილი სახე, პატარა მოციმციმე თვალები და გაბურძგვ-  
ნილი უღვაშები, მის სულმოკლეობას ამტკიცებდა. მართლაც  
მეტის-მეტე ვიწრო აზრის კაცი იყო ჩვენი ზედამხედველი,  
მაგრამ ის ოხერი ოქრომკედით მოქარგული მუნდირი, „შპა-  
გა-კაკარდითურთ“ მედიდურს შეხედულებას აძლევდა. როდე-  
საც მორთულ-მოკაზმული გარეთ გამოვიდოდა ხოლმე, ყველა  
ძალაუნებურათ მიაქცევდა ყურადღებას. ზოგს კიდევცა შურ-  
და მისთვის და წაიდუღუნებდა ხოლმე, ნეტავი შენ დედას,  
რომ შენა ჰყავხარო. ამგვარი სიტყვები, ერთს დღეს, თვით  
„ურიის ცხენს“ ყურში გააგონა ერთმა დედაბერმა. „ურიის

ცხენს“ ესიამოვნა, უღვაშებზე ხელი გადაისვა, ამაყურად მი-  
აგლ-მოავლო თვალი მიდამოს და წაიდუღუნა: „მაშ, ტყუი-  
ლად-კი არა ვარ სტატსკი სოვეტნიკი“. დიახ, უფროსი „სტატ-  
სკი სოვეტნიკი“ გახლდათ და კიდეც ეს უკვირდათ მის თა-  
ნამოსამსახურეთ. „ნეტა რითი დაიმსახურა ამ კაცმა ეს ხა-  
რისხიო!“ ბევრს ილაპარაკებდნენ ხოლმე ერთმანეთში გულ-  
დამწვარი მასწავლებლები, ნამდვილ მიზეზსაც პოულობდნენ,  
მაგრამ ვის რას გაუსწორებდნენ? მარტო იმითი-ღა იქარგებ-  
დნენ გულის დარდს, რომ სიცილ-კასკასით ერთმანეთს ეტ-  
ჯოდნენ ხოლმე: ჩუმათ იყავით, თორემ ხომ იცი ჩვენი „ურჩის  
ცხენი“ სტატსკი სოვეტნიკიაო... ასე დასცინოდნენ ხოლმე,  
მაგრამ ეს „ურჩის ცხენი“ მათი უფროსი-კი იყო და! ამი-  
ტომ თუ ზურგს უკან ცუდად იხსენიებდნენ, სამაგიეროთ  
პირში ელაქუცებოდნენ, ან კი რა ექნათ? კაცს სმა-ქამა, ლუკ-  
მა პური უნდა და უფროსი ხომ მათი ლუკმის მძღვეელია!  
რომ არ მილაქუცებოდნენ, „რაპორტების“ წერა-კი არ დავი-  
წყებია „ურჩის ცხენს!“ ხელად გაუსვამდა კალამს ესა და ეს  
კაცი ამა და ამ მიზეზების გამო არ მომწონსო და დაბეზლე-  
ბულის წირვაც გამოვიდოდა. „რაპორტს“ რევიზია მოჰყვე-  
ბოდა, რევიზიას — სამსახურიდან დათხოვნა და მერე! არა,  
ძმავ, სახედარი რომ შენი ბატონი იყოს, აცესნუ ეტყვიო. ასე  
ჰფიქრობდნენ თითქმის ყველანი და თუ ზოგიერთები ერთ  
მაღალს სიტყვას ეტყოდნენ ხოლმე უფროსს, ათი და ოცი  
დაბალი უნდა ეთქვათ. შეიძლება მამაცი იყო, ისიც მხოლოდ  
შენი თავის წინ, ოთხს კედელს შუა, შეგიძლიან შენს გულ-  
ში მთელი ქვეყანა გადმოაბრუნო, ეს მთა იმ მთას აჯახო,  
მაგრამ სხვასთან კი, მეტადრე უფროსთან, როგორ შეიძლება  
სამართლიანი ლაპარაკი, ეს ხომ უზრდელობა, უკანონო-  
ბა და უზნეობა იქნებაო! ჰფიქრობდნენ ჩვენი დიასახლის-  
ბებია-პაპები. ალბათ, ასევე ფიქრობდნენ მასწავლებლებიც,  
რომ უსიტყვოდ დამორჩილებოდნენ თავიანთ უფროსს. ანდ-  
რიაშაც მალე გაიგო უფროსის ხასიათი, იმის მიმართულება  
და ყურმოჭრილ ყმასავით დაემორჩილა, ბავშვად მოაჩვენა  
თავი. უფროსიც შეაჯდა ზურგზე და თოხარიკით დააქე-  
ნებდა. „ნასწავლია, ნასწავლი ანდრეი გიორგიჩი“, ეტყოდა  
ხოლმე უფროსი თავის ცოლს, „მაგრამ მე უფრო კარგად

ვასწავლი ქკუას“, არ ვიცი ამითი რას ამბობდა ასკინკილო-  
ვი, მაგრამ ეს კი აშკარაა, რომ ანდრიას ხასიათის ცვა-  
ლებადობას ალლო აულო ჩვენმა უფროსმა და ანდრიას ზნეს-  
ენა ქარტალობას—თავის სასარგებლოდ ხმარობდა.

## V

გავიდა კარგა დრო. ანდრია შეეჩვია თავის მდგომარეო-  
ბას. ამხანაგებს დაუახლოვდა. საზოგადოება გაიცნო და მო-  
წაფეებს ხომ თავიც მოაბეზრა. დღეს-ხვალობით ანდრია გა-  
შინაურდა და ზოგიერთ ოჯახს კიდევ დაუმეგობრდა.

იმ სამაზრო ქალაქის საზოგადოება, სადაც ჩვენი ანდრია  
მოღვაწეობდა, რამდენიმე ნაწილად იყო დაყოფილი და იმათ-  
ში, რასაკვირველია პირველი ადგილი „ინტელიგენტებს“ ეჭი-  
რათ. ინტელიგენტი-კი, ქართველურად რომ აეხსნათ, ყველა  
წერა-კითხვის მცოდნე კაცი გახლავთ, ცოტათ თუ ბევრად  
სწავლა-განათლების ქურაში გამოწრთობილი და საზოგადოე-  
ბის თვალში განათლებულად აღიარებული. ეს პატივცემუ-  
ლი ხალხი ე. ი. ინტელიგენტები, იმიტომ იწოდებიან ინტე-  
ლიგენტებად, რომ ცოტა თავისუფალი მოაზრენი გახლავან  
და თუ საჭიროება მოითხოვს, ნამეტან გულ-კეთილობასაც  
იჩენენ, ასე რომ შეუძლიათ მე და შენ, ჩემო საყვარელო  
მკითხველო, ხელიც ჩამოგვართვან და ეს-კი დიდი მოწყალე-  
ბაა. რასაკვირველია, პატარა სამაზრო ქალაქის ინტელიგენტე-  
ბი მე და შენის ხელის ჩამორთმევას დიდ გმირობად არ  
ჩასთვლიან, მაგრამ მაინც ინტელიგენტები არიან, ქვეყნის-  
თვის გული შესტკივით და მამულის შვილებათ ითვლებიან.  
მამულს კი, მოგეხსენებათ, რიგიანი მოვლა უნდა და, რასა-  
კვირველია, რაც უფრო რიგიანი იარაღით იქნება კაცი აღ-  
ქურვილი, მით უფრო გაუძღვება თავის მოვალეობას. აი ამ  
იარაღს, ჩვენი განათლებულნი კანცელარულ მორჩილებაში  
ხედავენ და თუ საქმით არა, სიტყვით მაინც თავიანთ თავს  
ქვეყნის ჰირისუფლად აღიარებენ. ანდრიას ნაცნობებიც ახალ  
აზრებსა ჰქადაგებდნენ, ლიბერალობას ვითომდა ეთაყვანე-  
ბოდნენ და ვინც ამათ არ ეთიანხმებოდა, ის ათვალისწინე-  
ბული ჰყავდათ. ანდრიამ მალე აიღო ალლო და მალეც ჩაე-

რია იმათ წრეში. მართალია, ანდრია მეტის-მეტი მხდალი ადამის შეილი იყო, მაგრამ ამასთანავე საშინელი თავმოყვარეც. ბუდამ დღე იმასა ჰფიქრობდა, როგორ ნოვიქცე, როგორ მოვაწონო თავი საზოგადოებას, როგორ დაეიმსახურო ისეთი ყურადღება, რომ განათლებულად, განვითარებულად მოვეჩვენო საზოგადოებას, და უფროსებიც მადლიერნი მყავდნენო. ეს ორი მოპირდაპირე აქეთ-იქითობა მოურიგებელია, მაგრამ ასეთი გულის თქმა ჰქონდა ანდრიას და მისდა საბედნიეროდ თუ საუბედუროდ, იპოვა კიდევ გზა, რომლის საშუალებითაც მიაღწია თავის გულის წადილს. მისი სიმხდალე საზოგადოებას წინდახედულებად მოეჩვენა და თავმოყვარეობა--- უზადო განათლებად. რა იყო ეს გზა? ეს გზა ვახლდათ ფლიდობა, ორპირობა. ანდრიას არსება ორად გაიყო. შინ სულსხვა ანდრია იყო, გარეთ-კი სხვა. შინ ვიწრო სულთასწრაფვისა, ბოროტებით აღსავსე, ეგოისტი. გარეთ-კი—თავისუფალი მოაზრე, განათლებული, მოძმისთვის თავდადებული. მერე ისე ხელოვნურად შეიმუშავა ეს განაწილება თავისი ბუნებისა, რომ საოცარი და საკვირველია, ვერა ქრისტიანი ვერ მიხედებოდა მის ორპირობას. ეს მარტო თვით ანდრიამ იცოდა. იცოდა რომ იგი თავის მსმენელებს ატყუებდა. ათასშინერთხელ-კი ჰგრძნობდა ხოლმე, რომ სიგლახეს სჩადიოდა, მაგრამ... კვლავ ფლიდობდა, კვლავ ორპირობდა.

ბრბოს სიბრმავემ ანდრია გარყვნა, გაათამამა და ისპატიოსნების ხმა, რომელიც ათასში ერთხელ მაინც ამოსძახებდა ხოლმე გულის სიღრმიდან, სამუდამოდ ჩაწყდა. ანდრია იქამდის მივიდა, რომ რამდენიმე ხნის შემდეგ, თავისთავი უცოდველად დასახა. რაღაც უკულმართობის მეოხებით დარწმუნდა, რომ იგი ღირსეული კაცია და ღირსეულს კვალსაც დასდგომია.

## VI

ქალაქის „მოწინავე“ პატარა საზოგადოება მეტის-მეტი მხიარული და უზრუნველი იყო. თითქმის ყოველ კვირა-უქმე დღეს იკრიბებოდნენ ხოლმე ერთად და დროს ლხინსა და ქეიფში ატარებდნენ. ამ საზოგადოების წევრად ჩვენი ანდ-

რიაც ითვლებოდა და მერე წვერიც წვერსა ჰქვიან! დიდად სასიამოვნო სტუმარი იყო ხოლმე ყველასათვის და ყველაზე დაც დიდი გავლენა ჰქონდა, საქმით თუ არა, სიტყვით მაინც. დინჯის, აუჩქარებელის ლაპარაკით ანდრიამ პირ-წყლიანი კაცის სახელი დაიმსახურა. ისე წვეულობა არ იქნებოდა, რომ ანდრია არ დაეპატიუნათ, სულით და გულით არ გამასპინძლებოდნენ, როგორც დიდებულ პატრიოტს. მისი ქებადიდება მთელ ქალაქს მოეფინა. ანდრიას განებივრებას საზღვარი არა ჰქონდა. გაზვიადდა, თავი წაიქამა, გადიდგულდა და გაამპარტაუნდა. ბუზს თავზედ არ ისვამსო, რომ იტყვიან, სწორედ ანდრიაზედ ითქმოდა. ასე მიდიოდა დრო და ანდრია თანდათან მოეწყო, ფულები შეაგროვა, ოჯახისათვის საჭირო ავეჯეულობა იყიდა, ერთის სიტყვით, მოეწყო ისე, რომ „ქვაცა ჰქონდა და კაკალიც“.

— ეხლა-კი ყველაფერი მაქვს,—იტყოდა ხოლმე ანდრია, როდესაც ოცნებისაგან გაბრუებული ოთახში ბოლთის ცემას დაიწყებდა.

— მაშ, რაღა მაკლია? თითქმის არაფერი! მაგრამ არა, მაკლია, მაკლია,—ლიმილით და მორცხვად წამოიძახებდა ხოლმე,—და ეს ნაკლი გახლავს, უცოლობა, აბა კარგი არ იქნება, რომ ერთი ლამაზი გოგონა დაცქრიალებდეს ჩემს ოთახებში! მაგრამ ვინ უნდა იყოს ის ადამის გვერდი, რომ შე მხარი დამიმშვენოს?

ანდრიას წინდაწინვე დასურათებული ჰყავდა თავისი საცოლო. იგი უნდა ყოფილიყო ტანადი, ცისფერ-თვალემა, წარმოსადეგი და უეჭველად მდიდარი. ეს უკანასკნელი ღირსება ყველას ერჩინა ანდრიას, და აი ეხლა, როდესაც ცოლის შერთვის ოცნებაში იყო, თვალ-წინ წარმოუდგა ვიღაც ტანადი, ლურჯი-ეუფუნა თვალებიანი არსება, რომელსაც გული და სული შეუწირავს ანდრიასთვის. ანდრიამ თვალემა დააშტერა ერთ წერტილს და ნეტარებით ილიმებოდა. დიდხანს იოცნება ანდრიამ, ბევრნაირად გადაატრიალა თავისი ცხოვრება და თავისის საცოლოს ღირსება კვლავ ფულზე დააყენა. არა, უთუოდ მზითვიანი ქალი უნდა შევიტო, მაშ რითი უნდა დამათასოს ხალხმა. სწორედ იმას ვათქმევინებ ვისმეს, რომ უმზითვო ქალი შეიყვანა სახლშიო. კარგი ის



იქნება ყველა იმას იძახდეს: „ბიჭობა ანდრეი გიორგიძე უნდა დაიკვეხო. თუ კარგი კაცი არ იყო, სამას-ოთხასი თუმანი რად ჩაუჩხრიალესო! მაშ, ბიჭი არა ვყოფილვარ, თუ თითით საჩვენებელი არ გავხდე. ეგ არის დღეიდან უნდა შეეუდგე მზითვიან ქალის ძებნასაო“. დააბოლოვა ანდრეამ დუღვაშები გადიგრიხა.

ანდრეას განზრახვას ნაცნობები მალე მიუხვდნენ. მიხედნენ, რომ ცოლის შერთვა გადაუწყვეტიაო და ყველა დაფაცურდა. მაქანკლები ხომ ბუზივით დაეხვია. ან-კი ვინ დაერიდებოდა? შნოიანი, ჭკვიანი და ნასწავლი „უჩიტელი“. განა ეს საკმარისი არ იყო, რომ ჩვენს კეკელჯანებს გული აფანცქალებოდათ და ანდრეას ცოლობა ენატრათ? მართლაც, რაც იმ ქალაქში ცოტად თუ ბევრად გამოჩენილი გასათხოვარი ქალი იყო, ყველას ქირისუფლებმა მაქანკლები მიუგზავნეს ანდრეას. ანდრეა სიხარულით ფეხზე აღარ იდგა, რომ ასეთი ყურადღება ჰქონია დამსახურებული, მაგრამ რაც უფრო ბევრი მაქანკლები მოსდიოდა, მით უფრო ნაზდებოდა ჩვენი ანდრეა და ფეხს მაგრად აქერდა. ზოგს ეუბნებოდა, რომ ჯერ მე ცოლს არ ვირთავო, ზოგს ეუბნებოდა თქვენი ქალი არ მომწონს და ნურას უკაცრავადო, ზოგს—აბა არა გრცხვენიათ მაქანკალს მიგზავნით, თქვენი ქალი უსულო საქონელი, ან პირუტყვი ხომ არ არის, რომ შუამავლობით მაწონებთო და ან მე განა იმდენი არ მესმის, რომ მაქანკლით ცოლის შერთვა შეუძლებელია? გულმა უნდა გული იცნოს და ისე უნდა ამოირჩეს ის არსება, რომელსაც მეუღლე ეწოდება. ეგ ერთი გაგიბედნიათ და კვლავ ნულარ გაბედავთ, რადგანაც მაგით მეც მამცირებთ და თქვენ ქალსაცაო.

დიახ, ასე მრავალ-სიტყვაობდა ჩვენი ანდრეა, მაგრამ ყველა ამას „დიდი მზითვის“ აღების სურვილი ალაპარაკებდა. ქანც-გაწყვეტილი ქალების დედ-მამა, რომ ველარას აწყობდნენ, კორიკანობას მიჰყვეს ხელი. ხან ერთს ქალზე დასწამეს, რომ დანიშნაო, ხან მეორეზე, ხან კერპი დაუძახეს, ხან ჯიუტი და ამგვარად სცდილობდნენ ანდრეას დამცირებას. მაგრამ ანდრეა ყურსაც არ იბერტყდა. ის მომავალს უცდიდა და სჯეროდა კიდევ, რომ ძრიელ მალე უთუოდ ფულიან ქალს შეირთავდა.

ამასობაში, ანდრიას ცოლის შერთვის განზრახვამ „ურჩის ქუჩენამდისაც“ მიიღწია. იმას დიდი ხანია უნდოდა ანდრია-შათვის თავისი ცოლის დაე გაერიგებინა, მაგრამ დროს, შემთხვევას უცდიდა და კიდევ დაუდგა ეს დრო. ერთხელ ანდრიამ მთელი დღე უსიამოვნოთ გაატარა და გასართობად უფროსთან წავიდა: ნარდს ან ქადრაკს ვითამაშებო. უფროსი მზიარულათ დაუხვდა და გაიმართა მასლაათი. ამ მთისა თქვეს, იმ მთისა ილაპარაკეს, ზოგი აძაგეს, ზოგი აქეს, ზოგს სამარე გაუთხარეს, ზოგი ჯილდოზე წარადგინეს და სხვა. ერთის სიტყვით, ილაპარაკეს ყველა ის, რაც სხვისთვის მიუწოდომელი და გაუგებარი იყო. ბოლოს ლაპარაკი ქალებზე, ქორწინებაზე ჩამოუვარდათ. ორთავენი თავისებურად სჯიდნენ ამ საიდუმლოს. უფროსი, როგორც სამღვთო წერილის კაცი (ღვთისმეტყველების კანდიდატი გახლდათ) ეკლესიურის თვალთ უყურებდა ამ საიდუმლოს და მის განსამარტავათ ცოტა გაწყდა ტექსტები კატიხისმოდან არ მოიყვანა. ანდრია კი იმას უმტკიცებდა, რომ ლამაზი ცოლი კაცის სახელია და თუ ამასთანავე ფულებიც აქვს, მაშინ ხომ რაღა... „ადამიანი ბედნიერზე უბედნიერესი იქნებაო“. ბევრს ხანს ილაპარაკეს ზედამხედველ-მასწავლებელმა და ბოლოს იქამდის მივიდნენ, რომ თვისდა უნებურად აღიარეს თავისი გულის პასუხი. აღმოჩნდა, რომ უფროსს სდომებია თავის ცოლის და ანდრიას გაურიგოს და ანდრიას-კი—მზითვიანი ქალი.

— ურიგო არ იქნება, ჩემო ანდრი, — ჩაურთო ლაპარაკში უფროსმა, — ჩემი ცოლის დაი შეირთო. ობოლი ქალია, იმის გაბედნიერებით შენც ხეირი მოგეცემა და თუ ეხლა მეგობრები ვართ, შემდეგში ნათესავეები ვიქნებით.

ამ სიტყვების გაგონებაზე ანდრიას სახეზე აღმური აუფიდა. მაგრამ ვერაფერი უთხრა რა, გარდა იმისა, რომ მოვიფიქრებო.

ანდრიას „მოფიქრება“ მტკიცე უარით დასრულდა. უფროსმა ითაკილა და ამ ორს მეგობარს შორის საშინელი მტრობა ჩამოვარდა, მათი ურთიერთობა გამწვავდა, ასე რომ საჯაროთ ერთმანეთს ლანძღვა-გინება დაუწყეს. ამ გარემოებამ ცოტა არ იყოს ხელი შეუშალა ანდრიას კეთილდღეობას და სალაპარაკო საგნად გახადა. ვინ იცის რთი გათავ-

დებოდა ამ ორი მოქიშპე კაცის საქმე, რომ ზედაზხედველი სხვაგან არ გადაეყვანათ. გადაიყვანეს „ურის ცხენი“ და მასწავლებლებმა თავისუფლად ამოისუნთქეს. თავისუფლად ამოისუნთქა ანდრიაშვილიც, მაგრამ დიდხანს კი ვერ დარჩა მშვილად, უფროსის გადაყვანის ამბავმა ათას გვარი მითქმა-მოთქმა გამოიწვია, ზოგი უფროსს ამტყუნებდა, ზოგი სხვა მასწავლებლებს და ზოგი-კი ყველა ბრალს ანდრიას ახვევდა თავზე. ამის გამო ბევრჯერ გააბოროტეს ანდრია, ბევრჯერ აუმღვრიეს სისხლი და ამ გვარმა გაბიაბრუებამ ერთხანს ბოლო პოულო ანდრიას ტკბილს ცხოვრებას. ჩვენს ანდრიას, რომელსაც სარჩოცა ჰქონდა და კაკალიც, ცხოვრების უკუღმართმა ტრიალმა თავში შემოსაკვრელი ქვაც მისცა ხელში.

## VII

სოფელ ქუჯათ-კარში ცხოვრობდა ტიტო მუშტაძე. ოდესღაც მდიდარი ტიტო დღეს გაღარიბებულიყო და თუ რამე ებადა ან ბანკს დარჩენოდა გირაოში, ან არა-და გეურქადას დაესაკუთრებინა. მაგრამ ტიტო მაინც აბრუნს არ იტებდა და, როგორც ტახტის აზნაური, სუფთად, ფაქიზად სცხოვრობდა. მართალია მოვალეები ყელში ხელს უჭერდნენ: ვალი გადაგვიხადეო, მაგრამ რაც არა ჰქონდა რა, რას წაართმევდნენ!

აი ამ ტიტოს ჰყავდა რამდენიმე ქალი და მათ შორის უფროსს—ქეთოს გასათხოვრად ყელი უკვე მოეყელყვლებინა. ტიტოს ცოლმა, სამაზრო ქალაქში ყოფნის დროს, შემთხვევით ანდრია გაიცნო. შინ დაბრუნების შემდეგ, შეუჩნდა თავის ქმარს, გინდა თუ არა ჩვენი ქალი ანდრია აყვიაშვილს მივათხოვოთო.

— რას ჩამაცივდი, დედაკაცო, მე სასიძო არჩეულიცა მყავს. ასეთი ვაჟკაცია, შენმა მზემ, ჩემგან არჩეული სასიძო, რომ სულ ვარსკვლავებს ეთამაშება.

— აჰა რა, თუ არ დაგიშლია, სწორედ შინ გაზრდილ კაცს მივათხოვებ ჩემს ქეთოსა! ანდრია აყვიაშვილი-კი ნასწავლია, მოხელე კაცია, სად ისა და სად ვილაც ჰოტროველა,—გაკაპასდა ტიტოს ცოლი.

— ნასწავლია!?

— დიად, ნასწავლია და აზნაურიშვილიც, — სიამოვნებით წამოიძახა, რა ნახა რომ ქმარი დაითანხმა.

— მაშ კარგი და აბა შეეცხმაუროთ, — დაეთანხმა ტიტკო.

მეორე დღეს ტიტკოს მიერ გაგზავნილი მაქანკალი ანდრია-სთან გაჩნდა, მაგრამ ანდრიამ უკმეხად უარი შემოუთვალა. „მე თქვენის ქალის შერთვა ხელს არ მომცემსო“. ასეთმა პასუხმა ძალიან ააღელვა ცოლ-ქმარი. როგორ, განა ქეციანმა მღვდლის შვილმა ჩემი ქალი უნდა დაიწუნოსო, დამაცადოს მე იმან, ეს უღვაში არ მესხას თუ იმას სამაგიერო არ გადაეუხადეო! — გაჰკიოდა ტიტკო და თან ცოლს უსაყვედურებდა.

ამ მუქარის შემდეგ არ გასულა რამდენიმე თვე და სოფელ ქუჯათ-კარში ეკლესიის დღეობა მოვიდა. ანდრიაც მოხედა ამ დღეობაში. ღვინით შეზარხოშებულმა ტიტკომ თვალი მოჰკრა ანდრიას და შევლივით გაექანა მისკენ. ანდრიაც დასახვედრად მოემზადა, მით უმეტეს გაგონილი ჰქონდა, რომ ტიტკო ემუქრებოდა. მაგრამ წარმოიდგინეთ ანდრიას გაცემა, როდესაც ტიტკო მტრობის მაგიერად ძმურად გადაეხვია ანდრიას და ჩააცივდა გინდა თუ არა შინ უნდა წამომყვეო, ჩემი სტუმარი უნდა იყო. ანდრია იძულებული შეიქნა გაჰყოლოდა ტიტკოს. ერთი საათის შემდეგ ანდრია სხვა სტუმრებთან ერთად სუფრაზე წამოსკუპებულიყო და წითელი ნუნუა კიქა-კიქაზედ გადაჰყავდა. ღვინის უღმობელმა ძალამ, მასპინძლების ალერს-პატიჟმა ანდრიას თავს ბრუ დაასხა და ენა ამოადგმევინა. ბევრი, ბევრი იხუმრა ანდრიამ და ამ ხუმრობაში კიდევ გამოულამდა. ღამე მასპინძლები რაღას გაუშვებდნენ და იქვე მოასვენეს. მეორე დღეს დილით როგორღაც მოახერხეს და თავის ქალზე-კი დანიშნეს. როგორ მოხდა ეგ ამბავი დანამდვილებით არავენ არ იცის, თუმცა-კი ათასგვარი კორები დადის. ერთის კვირის შემდეგ ჯვარიც გადასწერეს ჩვენს ანდრიას და „ცარიელი“ ქალი და ასი თუმნის თამასუქი გამოატანეს.

ანდრიას ცოლის შერთვის ამბავი ყველას გაუქვირდა. იმ გასათხოვარმა ქალებმა, რომელთაც ანდრიაზე უნდოდათ

გათხოვება ყურები ჩამოყარეს. რაღა დარჩენოდათ იმის მეტი, რომ კორები გავერცელებინათ. მაგრამ ესეც მოსწყინდათ. შურის ძიებას ყური მოსტყდა და ცხოვრებამ ჩვეულებრივი მიმდინარეობა მიიღო.

## VIII

გავიდა ერთი წელიწადი. ანდრიას ცოლშვილობა ახალი ამბავი აღარ იყო, მას ახლა მეტი პატივით ეპყრობოდნენ, როგორც დარბაისელს კაცს, მაგრამ ანდრიას ოჯახში კი ჯოჯოხეთი დატრიალდა. უნდა მოგახსენოთ, რომ ანდრიამ ჯვარისწერის პირველ დღიდანვე თავისი თავი შეეურაცხყოფილად ჩასთვალა და ამ აზრით გამსკვეალული სწორედ მტარვალად გარდაექცა თავისს ცოლს.

— დღეს მე, ანდრია გიორგიჩი, მოტყუებული ვარ განა? — ჩაეკითხებოდა ხოლმე თავის თავს და გული ყელში ებჯინებოდა, ბრაზი მოსდიოდა და ჯავრის ამოსაყრელად ცოლს მივარდებოდა ხოლმე. საბრალო ქეთო ხმა-გაკმენდილი შესცქეროდა განრისხებულ ქმარს და ვერ მოეფიქრებინა თუ რად იყო იმაზე გულ-აცრუებული. სწორე მოგახსენოთ, მართლა ძნელი გამოსაცნობია, რა იყო შიზები ანდრიას გაპირქუშებისა, გაავყიანებისა. ისა რომ, მოსტყუედა და თავისდა უნებურად შეერთო ცოლი, თუ ისა, რომ მუდმივმა ფლიდობამ, მუდმივმა თავის მოტყუებამ გადააბირეს და ხასიათი წაუხდინეს. ასეა თუ ისე ანდრია ქეთოს ნამდვილ სულთამხუთავად გარდაიქცა: ჯვარის-წერის პირველ დღიდან ერთი ალერსიანი სიტყვა არა სმენია ქმრისაგან. ანდრია მუდამ უშტიალედა, მუდამ უყვიროდა და თვალებს უბრიალებდა. შეიძლება ცოლი იყო დამნაშავე? მაგრამ არა! ქეთო მეტისმეტი ზნეობიანი და პატიოსანი ადამიანი გამოდგა და ამასთანავე, როგორც შინ გაზრდილი, სოფლის ჩვეულება-ხასიათით გამოკეებული — დიდი მოსიყვარულე თავის ქმრისა. მხოლოდ გული იმითი უკვდებოდა, რომ ქმარს იგი ქირივით ეჯავრებოდა, მაშინ, როდესაც მას ქმარი უსაზღვროდ უყვარდა, სულ თვალსა და წარბში შესცქეროდა, რა ვაამო, რითი მოვიგო ჩემი ანდრიას გულიო.

— ოჰ! ზეციერო მამაო, შენ ჰკითხე და გადაახდევინე, ვინც მე ამ გაქირვებაში ჩამავლო,—იტყოდა ხოლმე ბეჩავი ქეთო და თვალდგან ცრემლებს აფრქვევდა.

მშვენიერი სანახაი იყო ხოლმე ამ დროს ქეთო. კუპრით შავი თვალები ღრუბელივით ცრემლით ეჟლინთებოდა და მისი მსხვილი წამწამები აპკურებდა მის ლაწვებზე გულიდან ამონადულს მღულარებას. მისი მკერდი ზღვასავით ბობოქრობდა და გულის სიღრმიდან ამოვარდნილი ოხვრა ცრემლის ნიაღვარს უერთდებოდა. ასე სტიროდა ხოლმე ქეთო, სანამ ქმრის მოსელის დრო მოახლოვდებოდა. მაშინ-კი თვალებს მოიწმენდდა და შესცქეროდა ქუჩას აბა როდის გამოჩნდება ჩემი სულის ჩამდგმელი ანდრიაო და ნამტირალევი სწორედ ღრუბლებიდან გამოსულ მთვარესა ჰგავდა. ლამაზი და წყნარი იყო, როგორც ის ობოლი ვარსკვლავი, რომელიც ღრუბლებით აპრელებულს ცაზე ციმციმებს ხოლმე, მაგრამ უტოლ-უამხანაგო სიბრალულს უფრო აღუძრავს ადამიანს, ვიდრე აღტაცებას.

რად უყვარდა ქეთოს ასე გაგიჟებით ის კაცი, რომელიც მას სიცოცხლეს უმწარებდა? სწორე მოგახსენოთ, მე ვერ ამიხსნია ეს კითხვა, და ერთის მხრით მეტიც არის ამ საკითხის ჩამოგდება. უყვარდა იმიტომ, რომ მოსწონდა და მოსწონდა კიდევ იმიტომ, რომ, ალბათ, რამე თავი-სებური, ქეთოსთვის გამოურკვეველი. მაგრამ ბუნებისაგან ამ ორი არსების შემაერთებელი სიმი მოიპოვებოდა მათ შორის, შეიძლება ქალწულობა და პატიოსნება აკავშირებდა ამ ორს ხასიათით და მიმართულებით სხვადასხვაგვარ არსებათა!

ერთს დღეს ნამტირალევი ქეთო აივანზე გამოსულიყო და ქმრის გზას შესცქეროდა. ამ დროს მომავალი ანდრიაც გამოჩნდა. მოდიოდა თავჩალუნული, გადრუნჩული და ვერ ამჩნევდა, თუ როგორ გატაცებით უყურებს მისი დაჩაგრული ცოლი. ანდრია გაფხორილი ამოვიდა კიბეზე. ცოლმა ნაწყენობა შეატყო და აღერსიანად ჰკითხა:

— რათა ხარ გაჯავრებული?

— ეშმაკმა რომ წაგიღოს!—უკმეხად უპასუხა ანდრიამ და დაუბღვირა.

— ცეცხლი ვსთქვი და პირი არ დამწვავა, ბეჩა, რას მემართლები, ცუდი ხომ არა მიიქვამს-რა,—ცრემლმორეული ზმით, დაბლად, შენიშნა ქეთომ და გაბრუნება დააპირა.

— სადილი მზათა გაქვს?—კიდევ დაუშტიალა ანდრიათ.

— ეხლავე იქნება, ჩემო ბატონო.

— აი, ჯანაბა და დოზანა შენს თავს. განა არ იცი, რომ დაღალული ვარ და მოსვენება მეჭირვება. ახლა შენს სადილს უნდა ვუცადო? არა, რას აკეთებდი აქამდის, აპელაციების არზებს თუ სწერდი?

ისეთის უკმეხი, ისეთის ამრეზილი კილოთი უთხრა ეს ზიტყვები, რომ საბრალო ქეთოს სულ გული ჩაეთუთქა. შუბლს ქვეშიდან შეხედა ქმარსა და ერთი ისეთი ამოიოხრა, რომ გულ-ღვიძლი თან ამოატანა. შევიდა სახლში და მდულარება დაანთხია, თან სუფრასა შლიდა და თან მწარედ, თავისთვის, მოსთქვამდა თავის უბედურებას. „ნეტა რა მოუვიდა, რაზედ აიცრუა ჩემზე გული, რად მიჰკნობს სიყმაწვილესა“, ჰფიქრობდა ქეთო და სუფრაზე ხელებს აფათურებდა. მთელი ნახევარი საათი დასტრიალებდა სუფრას და ჯერ თეთშებიც არ დაელაგებინა. ამრეზილი ანდრია-კი აივანზე ბოლთასა სცემდა და ბუზღუნებდა.

— რა ჰქენი, ვერ გაშალე ეგ ოხერი სუფრა? — შეჰღრიალა მოთმინებიდგან გამოსულმა ანდრიათ.

ქეთო მხოლოდ ახლა გამოირკვა ფიქრებისაგან და შეშინებულმა ძლივს ამოიკნავლა:

— მობრძანდი, მზად გახლავს.—ანდრია მშიერ მგელსავით სუფრისკენ გაექანა.

ორთავე, ცოლიცა და ქმარიც, ჩუმად ისხდნენ. მარტო ანდრიას პირის წკლატუნი არღვევდა სიჩუმეს. რალაც უცნაური მდგომარეობა იყო ამათი მდგომარეობა. ქეთო კარგად გრძნობდა, რომ ეს დღე უცემრად არ ჩაივლიდა. დიახ, უცემრად. ეს ორი წელიწადი იქნება, რაც ანდრიათ ხელი შეაჩვია ქეთოს და როდესაც-კი მოისურვებდა გვერდებს გამოუთხელებდა ხოლმე. ცოტაოდენი რამ საკმარისი იყო, რომ ანდრიას გული მოსვლოდა და მაშინ... ქეთოს ტანიც აღურჯდებოდა. მაგრამ ზნეობრივ-ფიზიკურად დატანჯული ქეთო დიდის მოთმინებით იტანდა ყველა ამას. და არამც თუ ეთ-

ქვას ვისთვისმე, არც-კი არავისთვის უგრძნობინებია, რომ იგი უბედურია. პირიქით, ბედნიერი ეგონათ, რადგანაც გარეთ, უცხოსთან ქმარი რიგიანად ექცეოდა. ჩაცმულ-დახურული გამოჰყავდა და ბრბოს მეტიც არ უნდოდა, რადგანაც ტანისამოსითა და სმა-ქამით ზომიერად ადამიანის ბედნიერებას. საცა-კი წვეულება ან დღეობა გაჩნდებოდა, ანდრია უთუოდ იქ იყო ხოლმე და თან ცოლსაც იახლებდა. ანდრიას თავიც-კი მოჰქონდა, რომ ლამაზი ცოლი ჰყავდა და ხშირად ტრახახობდა: „თუმცა მზითვეი არ ამილია, მაგრამ ბადრი მთვარესავით ცოლი კი ვიშოვეო“. ქეთო ხომ სულ ზედ დაჰკანკალებდა ქმარს და იმის მზეს ფიცულობდა. ანდრიაც ნაძალადევად ვალერსებოდა, უნაზდებოდა. დიალ, ამ შემთხვევაშიაც ჩვეულებრივს სიყალბეს იჩენდა, მაგრამ ხალხს ბედნიერი ეგონა ისინი. აბა. ახლა სახლში მობრძანებულყვენენი?

ცრუ-განათლებამ, ბრბოს პატივისცემამ ისე გააამაყა ანდრია, რომ თავის თავი უნიჭიერესი, უცოდველი ეგონა და თავს შეურაცხყოფილად სთვლიდა ქეთოს ცოლობით. „როგორ, განა მე უსწავლელი ცოლი უნდა მყავდესო“, ჩაინერგა ერთხელვე გულში და ამ ფიქრმა ისე გააზვიადა მისი გადამბირებული კეუა-გონება, რომ ქეთევანში არავითარს ღირსებას არა ჰპოვებდა. იგი მარტო მოსამსახურეთ, უინის დასაკმაყოფილებელ არსებად მიაჩნდა. ღვთის წინაშე, ანდრიას არც ისა ჰქონდა შეგნებული, თუ არ ვიცი არ უნდოდა შეესმინა, რომ ცოლს ისეთივე უფლება უნდა ჰქონდეს, როგორც ქმარს, რომ ცოლი უქმროდ ნახევარი არსებაა, და ქმარი—უცოლოდ. მხოლოდ ქალი და კაცი გრძნობა-გონებით და ზნეობა-მოვალეობით შეერთებულნი შეადგენენ ერთს სრულს არსებას, რომელსაც ოჯახის დედა-ბოძი ჰქვიან და რომელზედაც დამყარებულია ხალხის ზნეობრივ-გონებრივი განვითარება, გაფაქიზება და ამაღლება. მაგრამ ანდრიასთანა კაცებს ეს შეიძლება სულ სხვანაირად ესმოჯეთ და აკი იმიტომაც ანდრიას სულ სხვა შეხედულება, ფიქრი და მიმართულება ჰქონდა. როგორც მოგეხსენებათ, ანდრია მზითვის აღებას ხცდილობდა და დღეს რომ უმზითვო ქალი შეხვდა, თავს დამცირებულად სთვლიდა. „სოფლის დურგალ-მჭედლები იღებენ ორმოც-სამოც თუმანს და მე ორას-სამასი თუმანი მაინც



არ უნდა ამელოვო?“ ხშირად უსაყვედურებდა ხოლმე ცოლს და მუჯღლუგუნებს სთავაზობდა. საყვედური ხმა-მალლა ლაპარაკად გადაიქცეოდა ხოლმე. ხმა-მალლა ლაპარაკს ლანძღვა-გინება და უშვერი სიტყვები მოჰყვებოდა და... შემდეგ კრემაც, მაგრამ ყველა ამას ანდრია ფარულად, ოთხ-კედელს შუა სჩადიოდა და ამას კედლები ხომ არ გასთქვამდნენ, ცოლი-კი არავის არაფერს ეუბნებოდა. უთმენდა: „იქნება ღმერთი გაუწყრეს და ჰკუა მოიკრიფოსო“.

— ეს როგორი წვენია, ჰა!—შეღრიალა ანდრიამ, როდესაც ქეთომ საინით წვენი მიაართვა.—ჩემს მეტი ყველაფერი შიგ არის.

— რა ექნა, როგორი უნდა იყოს? რად იცი, კაცო, ეგრეთი ღრენა. სულ ეგრე უნდა შტიალებდე. ერთხელ მაინც მაქამე გემრიელი პური,—აღელვებული ხმით მიახალა ქეთომ, ჩამჩა სუფრაზე გადაისროლა და გაჯავრებულმა სკამი განზე გაიდგა.

ცოლის ასეთმა საქციელმა ანდრია მოთმინებიდან გამოიყვანა. წამოწითლებული ზეზე წამოფრინდა, მივარდა ცოლსა და ღრიალი დაუწყო.

— რაო, იღრინებიო, განა მე შენი ძალი ვარ. არა როგორ მიბედავ მაგასა, შე წუწკის შეილო!—ღრიალებდა ანდრია და თან მუქსა ჰკუმავდა. ცოტა კიდევ და მივარდებოდა საბრალო ქეთოს.

ქეთო ქვასავით დაკვროდა თავის სკამს და თავის მალლა აღება ვერ მოეხერხებინა. გული თოფ-ნასროლ მტრედით უფართხალებდა. თვალებს-კი ხან აშტერებდა, ხან ახამხამებდა ისე, როგორც ათამაშებს ხოლმე თვალებს ის კაცი, რომელსაც თავში უნდა ჩაარტყან.

— არა, მითხარი, მე ძალი ვარ, ჰა! შე ასეთ ისეთო!—გაიმეორა ანდრიამ და მოჰყვა უწმაწურად ლანძღვა-გინებას. დედა, მამა, ვინც-კი ვინა ჰყავდა საფლავიდან ამოუყარა.

— ვინა სთქვა, რომ ძალი ხარო,— შეშინებული ხმით წამოიღულულა ქეთომ.—პარგი, გენაცვა, ნუ ჯავრობ, ნუ მაგინებ ახლად დამარხულს მამას, ჯერ ხომ საფლავიც არ გაშრობია. სირცხვილია, კაცო, სირცხვილი, განა ეგრე უნდა

შოიქცე! თან კი მაყვედრი ნასწავლი ვარო. განა მაგას გასწავლიდნენ იმ ოხერა სკოლაში?

ანდრიამ ახლა-კი ველარ მოითმინა, გააფთრებული მივარდა ცოლსა და მუშტები წაუშინა. ცოლი ეხვეწებოდა, ემუდარებოდა, პატიებას სთხოვდა და ფეხებ ქვეშ უვარდებოდა, მაგრამ გამხეცებულ ანდრიას არა ესმოდა. გაჩქარებით ურტყამდა მუშტს და თან ისეთის უწმაწურის სიტყვებით ილანძღებოდა, რომ მკვდარიც-კი სამარეში შეინძრეოდა. ამ ქიდილსა და ბლლარძუნში, სუფრაზე რაც რამ იყო ანდრიამ სულ ძირს გადმოყარა. ამან ხომ სულ-მთლად გააგიჟა ანდრია. იმდენი სცემა ქეთოს, სანამ გული არ მოიჯერა და მერე მეორე ოთახში გავარდა. ასე გათავდა ცოლქმართა სადილი.

საბრალო ქეთომ წელი ძლივს აითრია. როგორც იყო ტახტამდის მივიდა და მოჭრილ ხესავით ზედ მიეგდო. სტიროდა დაბრიყვებული ქალი და ცრემლით მოსთქვამდა თავის უბედურებას და მერე ისეთი სიტყვებით მოსთქვამდა, რომ იმის ცოდვით ქვებიც კი აღუღლდებოდნენ. ანდრია იქამდის გამხეცებულყო, რომ სიბრალულის ნაცვლად, კიდევ ემუქრებოდა ქეთოს და უბრძანებდა, ხმა ჩაეკმინა. ცოლი-კი ტირილით ეუბნებოდა: „ამაზე მეტი მოთმენა აღარ შემიძლია, უნდა ვამცნო ქვეყანას, რა უბედურებაშია ცავარ. რკინის ქალამნებს ჩავიცვამ, რკინის ჯოხს დავიქერ ხელში, შემოუფელი მთელს ქვეყანას, და ყველას გავაგებინებ შენს უბედურს ხასიათს. არა, რატომ არა გრცხვენია, შე უკეთურო, ჩამიგდე ხელში სუსტი არსება და მბატონობ რაღა, თან კი მაყვედრი ნასწავლი ვარო. აი, მენატროს შენისთანა ნასწავლი!“

— ნასწავლია!? დამიხედეთ ამისთანა ნასწავლს!— დრო-გამოშვებით წამოიძახებდა ხოლმე ქეთო და კვლავ იმუქრებოდა. მაგრამ ეს სიტყვები სიტყვებადვე დარჩნენ. გულმოკლულმა ქეთომ ველარ გაბედა სწვისთვის ეთქვა რამე. ოჯახის სახელის წახდენას თავისი ცემა-ტყევა არჩია. მის საყვარელ ქმრის თავის მოჭრას, თავისი დამცირება ანაცვალა. მით უმეტეს, რომ ანდრიამ იმ საღამოთივე, როდესაც გული დაიმშვიდა და თავის საქციელი მიილოკ-მოილოკა, ბოდიშის მსგავსი რაღაც უთხრა ქეთოს:— ხომ იცი ჩემი ხასიათი, როცა

მე გაჯავრებული ვარ, შენ ხმა გაკმენდილი უნდა იყო, სიტყვა არ უნდა შემომიბრუნო და აბა ნახე თუ მე შენზედ ხელი გამოვიღოვო. ნეტა რამ გამოიწვია ამ სიტყვების თქმა: იმან რომ დარიგება მიეცა ცოლისათვის, თუ იმან რომ კაცობრიული გრძნობა ჯერ სულ მთლად არ დახშოდა და ადამიანს ადამიანი შეეცოდა. მგონი უფრო პირველმა გამოიწვია, რადგანაც ხშირად პირდებოდა ცოლს, აღარ გცემო, მაგრამ ანდრია თავისას არ იშლიდა.

ღეთისმშობლობა დღეს მასწავლებელ დავით ღვინაძეს დიდი წვეულება ჰქონდა. ძველებური, ღვინაძის მამაპაპური დარბაზი ხალხით გატენილიყო. ორპირად შემოსხდომოდნენ სუფრას და სადილს შეექცეოდნენ. ამ დღეს დავითს ყველა წოდების კაცი ჰყავდა დაპატიებული. უმრავლესობა კი, რასაკვირველია, ნასწავლები და კეთილშობილნი იყვნენ. ამას ჯერ ერთი რომ დავითის წოდებაც მოითხოვდა, და მეორეც, დავითი დიდიხანია პირდებოდა თავის ამხანაგებს ღეთისმშობლობა დღეს დაგპატიებთო და ზართლაც ყველა ამხანაგ-მასწავლებელნი, ცოლიანი და უცოლო, შეეკრიბამათ რიცხვში ერთი ანდრიაც თავისი ცოლით.

თუმცა სუფრა ევროპულად იყო გაწყობილი, სტუმრებს გადაწყვეტილი ჰქონდათ მამა-პაპური, ნამდვილი ქართველური სმა-ქამა და ნადიმი გაემართათ. ამიტომ სუფრის თავში უფრო „პატივემული“, ტოლუბაშობაში განთქმული ადამიანი დაესვათ. ამას ჩამოდაღმა კი წოდებისა და ღირსების თუ თავაზიანობისა და ზრდილობისდა კვლად ჩამორიგებულიყვნენ. მოსადილენი მეტის-მეტად ოხუნჯობდნენ და თანსცდილობდნენ მუცელი მალე ამოეყორათ. ჯერ სმა არ გაჩაღებულეყო და ყველა თავდაქერილად იქცეოდა, თუმცა-კი ზოგი ხმა-მალლა ლაპარაკობდა, ზოგი ოხუნჯობდა, ზოგი იცინოდა. აქა-იქ, ნასწავლებს შორის საკამათო საგნებზედაც ჩამოვარდნილიყო სჯა-ბაასი.

ქართველ კაცს ხომ სუფრაზე გაახსენდება ყველაფერის სამშობლო, ეს სწავლა-განათლება, ეს ყმაწვილ-კაცობა, ეს ბანკობანა, ეს ზნეობა-გონებით დაქვეითება და სხვა ამგვარები, ერთის სიტყვით,—მთელი საქართველო თავისი ავლა დიდებით. აგერ რამდენიმე მასწავლებელი და მათ რიცხვ-

ში ანდრიაც, შეკამათებულან, რაღაც თავს სატეხი საგანი აურჩევიათ და ვინ იცის როგორ გამწვავდებოდა მათი ლაპარაკი, თუ რომ თამადას ოხუნჯობა არ დაეწყო და საერთო სიცილი არ გამოეწვია.

— დავით სპირიდონიჩ! მამა გიცხონდა, ერთი ე პილატეს ცრემლი გადმომაწოდე. შენ მაინც არა სვამ, შვილოსან, და მე რაღათ მაკლებ.

— ბიკოს, ე პილატეს ცრემლი რაღაა!— გაიკვირვა დავითმა და გაღიხარხარა.

— რა არის და, ოტკაა,— ჩაერია ლაპარაკში დავითის მოყვარე, შინ გაზრდილი, ძველებური აზნაური შვილი.

— დასწყევლოს ღმერთმა შენი ეშმაკი, რა ოხუნჯი რამა ხარ. ეგ რაღამ მოგაგონა, შე ოჯახქორო, მართლა და რომ პილატეს ცრემლია!— გაკვირვებით წამოიძახა მასწავლებელმა დავითმა და მოჰყვა კუქკუქს, მას ბანი მისცა მეორემ და ყველამ სიცილი დაიწყეს. სიტყვა აბურთავეს, იმღლექსავეს და სადილი გახურდა. თამადამ ჯერ ორ-ორი ქიქა დაატრიალა, მერე სამ-სამი, ანას ზედ მოაყოლა ფიალა, შემდეგ ჯიხვები და ისეთი სმა გაიმართა, რომ თქვენი მოწონებული. ასტყდა ხმაურობა, ჭიქყინი, პირვეულობა. ვინ ვის ელაპარაკებდა, ვინ ვის ღვინოს აძალებს, ვინა სვამს, ვინ ღვინოს ღვრის, აღარავის არაფერი გაეგებათ. ამ სმაში და ქეიფში ჩვენი ანდრიაც ლაზათიანად შეზარხოშდა. წითელმა ღვინომ ტვინი შეუხურა და მეტის მეტად თამამად იქცეოდა ქალების გუნდში.

ანდრიას ცოლი-კი განზე გამჯდარიყო და თავის ქმარს თვალ-წარბში შესტკეროდა, რადგან იცოდა, რომ სიმთვრალეშია ც გადახა ხასიათი ჰქონდა და შიშობდა ცუდი არა ჩადინოს-რაო. მაგრამ ცუდი-კი არა, ამ სადილზე ანდრიამ თავი გამოიჩინა და ერთხელ კიდევ მოალანდა საზოგადოებას, რომ იგი განვითარებული, განათლებული კაცია. ანდრიას „რეჩმა“ ყველა გააკვირვა. მართლა ის-კი დამავეიწყდა მეთქვა, რომ ტოლუმბაშმა „რეჩობანა“ შემოიღო და პირველადაც თითონ წარმოსთქვა სიტყვა, რომლითაც ქება-დიდება შეასხა დიასახლისს, მაღლობით მოიხსენია გულუხვი მასპინძელი და თავისი სიტყვა იმითი დაასრულა, რომ „ღმერთსა ესთხოვ მრავალი ლხინი და ქეიფი გაგვეტარებინოს ამ სახლ-

შიო.“ ამ სიტყვას ხანგრძლივი ტაშის-ცემა მოჰყვა. ტოლუმ-ბაშის შემდეგ ახლა სხვამ სთქვა სიტყვა და ამანაც „ქამით“ დაათავა. ჯერი მასწავლებლებზე — ნასწავლებზე მიდგა. ტოლუბაშმა „სმენა და გაგონება იყოსო“, გამოაცხადა, სკამის საზურგეზე გადაეყუდა და გულ-ხელ დაკრეფილი სასმენლად მოემზადა. მასწავლებლებმაც დაიწყეს სიტყვების წარმოთქმა და როგორც ნასწავლებმა, უფრო ფართოდ გაშალეს სიტყვიერების ბოხჩა და ბრტყელ-ბრტყელი სიტყვები ამოალაგეს. ერთი გაათავებდა, მეორე აიღებდა ხოლმე ჭიქას ხელში და ან ნალაპარაკების წინააღმდეგ იტყოდა რამეს, ან ისევ იმას განაგრძობდა. ამასობაში თითქმის მთელი ქვეყანა გადმოაბრუნეს, ალთა ბალთას შეუერთეს, რუს-ფრანგ-ინგლისელები ერთმანეთს შეაჯახეს, და ნამდვილი მკერმეტყველებით იბურთავეს, ასე რომ ანდრიას სათქმელი თითქმის ალარა დარჩა და ამიტომაც სდუმდა. მაგრამ როდესაც ჯერი იმაზე მიდგა და „რეჩის, რეჩის, რ — ე — ჩ — ის“ ძახილით ყურები გამოუქედეს, მეტი ღონე არ იყო, უნდა უთუოდ ეთქვა რამე. ანდრია დინჯად წამოდგა, ჭიქა მალა აღმართა და სიტყვა დაიწყო.

იგი ლაპარაკობდა წყნარად და თუმცა-კი ენას ურევდა, მაგრამ ეს ნუნუნას ბრალი იყო. და აბა რა დასაძრახისია, რომ ქართულ სუფრაზე კაცი დაითვრეს, ათი და ოცი კაცის სამყოფი ერთმა შთანთქმას და დააქციოს. ბევრი ილაპარაკა ანდრიამ და ის აზრი გამოხატა, რომ „წელან მე და დავით სპირიდონიჩს ქალების შესახებ გვექონდა ლაპარაკიო და მეც ქალებზე უნდა ვილაპარაკო, მით უმეტეს, რომ ეს სადღეგრძელო ქალისაა, ჩვენის კეკლუცი და გულუხვი მასპინძლისა და სხვა“. ბევრი იმკერმეტყველა ქალების შესახებ, ბევრი საგულისხმიერო აზრები წარმოსთქვა და საგულისხმიეროდაც დაათავა თავისი სიტყვა.

„იმას მოგახსენებდით, ჩემო ბატონებო: თუ ღმერთს სდომოდა, რომ ქალის კკუა-გონება ზნეობით კაცზე დაბალი ყოფილიყო, მაშინ ღმერთი ქალს ადამის წვივიდან გამოიღებდა, ან თუ სდომოდა რომ კაცზე მალა ყოფილიყო, მაშინ თავიდან გამოსჭრიდა, მაგრამ რადგანაც ღმერთმა კეთილინება და ქალი კაცის გვერდიდან, შუა ადგილიდან გამოსჭრა, ეს იმას ნიშნავს, რომ ქალი კაცზე არც მალა და

არც დაბალი, მაშასადამე, ქალნი და კაცნი ერთი უნდა იყვნენ, ერთი უფლება უნდა ჰქონდეთ. \* მაშ, ბატონებო, გაუმარჯოს ჩვენს ქალებს მე ვსვამ მათ სადღეგრძელოს“. ამ სიტყვების გათავება და ალიაქოთის ატყლომა ერთი იყო. ქალი თუ კაცი, ყველა აღტაცებით უკრავდა ტაშს და „ვაშა, ვაშას“ ძახილით ყურები წაიღეს.

ამ საერთო აღტაცებაში მარტო ქეთო არ იღებდა მონაწილეობას. ის კარგად გრძნობდა, რომ იმისი ქმარი ფლიდობით ლაპარაკობდა. ხალხის აღტაცებას საზღვარი არა ჰქონდა. ზოგიერთმა მანდილოსანმა ქეთოსაც კი მიულოცა. „ნეტავი შენ, ქალო, მაგისტანა ქმარი გყოლია“. ქეთო თავმდაბლად უკრავდა თავს და თან ფიქრობდა: „ნეტა ჩემს გულში ჩამოგახედათ და გაგაგებინათ რა უმსგავსად მექცევა ეს მქადაგებელი კაციო“. ანდრია თითონაც აღტაცებაში მოვიდა. უფრო გამხიარულდა. ამ დროს დაღონებულად მჯდომარე ცოლს თვალი მოჰკრა და თავისთან მოიხშო.

— რას დაღონებულხარ, რა ღმერთი გიწყრება, რატო შენ-კი არა მხიარულობ?— ჩასჩურჩულა ანდრიამ.

ქეთო მეტის-მეტად იყო აღელვებული, ველარ მოითმინა და თითონაც უჩურჩულა:

— მე დაღონებული არა ვარ, მხოლოდ იმაზე ვფიქრობ, რატომ საქმით ამასვე არ ასრულებ, რასაც სიტყვითა ჰქადაგებ.

ანდრია წამოწითლდა და უთხრა:

— მაგის პასუხს მერე მოგახსენებ, ქალბატონო, ეხლა-კი, როცა სხვები მხიარულობენ, შენც უნდა გამხიარულდე, — კვლავ დაარიგა ანდრიამ და ამასთანავე ისეთი თვალით შეხედა, რომ კაცს შეზარავდა. ვინ იცის იქნება ერთი სიტყვაც რომ ეთქვა ქეთოს, აქვე გაღაბულიყო, მაგრამ ამ დროს დაირა შემოიტანეს და ლეკური გამართეს.

\* \*

გარიჟრაჟი იქნებოდა, როდესაც ცოლ-ქმარი სახლში დაბრუნდნენ. დაღალულ-დაქანცული ქეთო დაწოლას ეშურებოდა, მაგრამ ანდრია კირვეულობდა და ოძახში ბოლთასა სცემდა. ბევრს ეხეწა ცოლი დაიძინე, ხვალ სამსახურში უნდა.

\* ეს სოფიზმი მგონი ნეტარ ავგუსტინს უნდა ეკუთვნოდეს.—ი. ე.

წახვიდეთ, მაგრამ ანდრო კვლავ კინკვლიანობდა. ეტყობოდა გულზე რაღაცა კბენდა. ერთხან კიდევ იჭირვეულა, მერე-კი ცოლს შარები მოუქრიბა და საცემრად წაეტანა, ამოიღო ქვეშ და დაუწყო უმოწყალოდ ცემა. კარგა ხანს შეუადური არსება, ბოლოს როგორც იყო ქეთომ თავი გაინთავისუფლა და წივილ-კივილით გარე გამოვარდა. განთიადი იყო და ხალხი უკვე გამოთხიზლებულიყო ძილიდან. ხმაურობაზე მეზობლებმა აქეთ-იქიდან ხმა მოსცეს. „რა იყო, რა მოგივიდათო.“ ახლა-კი ველარ მოითმინა ქეთომ, წახსნა პირს და რაც რამ გადახდენოდა ყველაფერი გაუზიარა ცნობის მოყვარეობით შეკრებილ ხალხს. ხალხი თვალ-გაქყეტილი შესცქეროდა თმა-გაწეწილს, მიწაზე მჯდომარე ქეთოს და ვერ შეენიშნა, რომ ცხვირპირიდან სისხლი სდიოდა. ისევ მანდილოსნებმა მოუარეს.

მეორე დღეს მთელმა ქალაქმა გაიგო ანდრიას ამბავი, მაგრამ ნამდვილი მიზეზი-კი მაინც ვერ შეიტყეს—ზოგი ანდრიას ამტყუნებდა, ზოგი ქეთოს, ასეა თუ ისე, ყველა კმაყოფილი იყო, რომ სალაპარაკო საგანი კარგი გაუჩნდათ. ათასგვარი ქორები გაავრცელეს. ანდრიას ხომ სამუდამოდ გაუტყდა სახელი და თუ აქამდის კაცადა სთვლიდნენ, დღეს ადამიანად არავე აღდებდა. მაგრამ... გავიდა რამდენიმე ხანი და ანდრიას ამბავი დაძველდა. ქორები შემცირდა. ბრბოს ახეულყბას კლიტე დაედო და ანდრიაც კვლავ მიიღეს საზოგადოებაში. ცოლთანაც ვითომდა შეარიგეს კიდევ. თითონ ანდრიამაც მოიბოდიშა და ცოლს შეჰფიცა, კარგად მოგეჰცევიო. მაგრამ ქეთოსთვის ყველაფერი დაკარგული იყო. ცენით მოუვიდა, თუ ჯაერით, ეს დანამდვილებით არ ვიცი, ქეთო ლოგინად ჩავარდა.

## IX

ქრისტიანობისთვის სუსხიანი ღამე იყო. ბუნებას სული შეხუთვოდა და მკაცრი ქარი ამყურად დასისინებდა. თეთრით შემოსილ ქვეყანას სიცივისაგან ბუსუსები აეშვა და გაყინულგათოშილი, მომაკვდავივით გმინავდა. ყინვისაგან დახუთულხალხი სახლებში შეყუჟულიყო და მკაცრი სტიქიონის ზეგავ-

ლენით გარინდებულიყო. კაცთა ხმაურობაც არსაიდან ისმოდა. დრო-გამოშვებით პატრონისაგან მოძულებული ძალი თუ დაიყმევლებდა ხოლმე და ეს ხმაც გამგონეს მომაკვდავის კვნესასავით აჟრჟოლებდა.

ანდრიას ფართო ეზოშიაც, უკანა ფეხებზე წამოსკუპებულიყო მოზვერის ოდენა ნაგაზი (ქოთაკი). ცხვირი მალა აეღო და საზარლად ყმოდა.

— შენი თავი ამოიქამე, შე უპატრონო, შენა,—ხრინწიანი, დაბალი ხმით წარმოსთქვა ლოგინად ჩავარდნილმა ქეთომ და რადგანაც თეძო დაბუყებოდა, მეორე გვერდზე გადაბრუნება მოუნდა.

— ვაი, ვაი, ვაი!—წამოიკენესა ავადმყოფმა და როგორც აყო გადაბრუნდა.

— ღმერთო, რა დაგიშავე, შე დალოცვილო, რათა მტანჯავ! თითქოს არაფერი ცოდვა არ მიმიძღვის და რას მახდევინებ. ღმერთო, ჩემო სალოცავებო, მილხინეთ მე უბედურება, — ცრემლმორეული თვალებით წარმოსთქვა ქეთომ და ჭერში აიხედა. საღამური პატარა ლამპის შუქი თეთრად გალესილ ქერს ზედ დასციმციმებდა და რაღაც საიდუმლო ელფერს აძლევდა. ქეთოს დასუსტებული თვალები აუჭრიალდა და მომაკვდავივით მილულა.

— უნდა მოვკვდე! ოხ, ჩემო ტანჯულო დღეო, მერე რა სიამოვნება მინახავს ამ ქვეყნად?—დაეკითხა თავის თავს და თავისი ცხოვრება გაითვალისწინა.—ერთი სურათი მეორეთი იცვლებოდა, ერთს აზრს მეორე მოსდევდა. წარმოუდგა თავის თავი ახალგაზრდად, მოაგონდა სიყმაწვილე, მოაგონდა დედ-მამა... და ზერე ანდრიაც. მისმა მოგონებამ ჟრუანტელივით დაუარა.

— ანდრო, ანდრო, ჩემო საყვარელო ანდრო; სადა ხარ, რატომ ჩემს გვერდით არა ზიხარ?—ანდრია ამ დროს მეორე ტახტზე წამოწოლილიყო და მაგრად ეძინა. ისიც დაიღალა ავადმყოფის ცქერით, მობეზრდა მისი მოვლა. ორი-სამი თვეა თვალი არ მოუხუჭნია. გრძნობდა რომ ქეთო მისი მსხვერპლი იყო და უნდოდა თავისი ბრალი გამოეყიდნა. ახლა კი კარვად უვლიდა, მაგრამ გვიანდა იყო.

— ანდრო, ანდრო, ვკვდები!.. მოდი ერთხელ კიდე და-



მენახე,—ხანგრძლივის სიჩუმის შემდეგ კვლავ წარმოსთქვა ქეთომ.

— განა უნდა მოეკვდე, ოხ, როგორ არ მინდა ეს ოხერი სიკვდილი! ღმერთო, ღეთის-მშობელო დედაო, შენ მომხედე, ჯერ ნუ მომკლავ, ჯერ ხომ ახალგაზრდა ვარ, ჯერ ისევ სიცოცხლე მწყურია! ღმერთო, წმინდაო გიორგი ოქროსკარიანო, სამებაო ერთარსებაო, დამიხსენ მე უბედური, დაჩაგრული არსება სიკვდილისაგან,—ასე ლოცულობდა ქეთო და თან თვალთაგან მდულარება გადმოსდიოდა.

მაგრამ... ქეთოს არსება თანდათან ქრებოდა, მუდმივმა სულის ქენჯნამ, მუდმივმა დამკვირებამ, მუდმივმა ტანჯვამ მისი სხეული დააძაბუნა. გამოუთქმელმა სიყვარულმა კი მისი გულ-ღვიძლი გამოლრდნა და სამუდამოდ ბოლო მოუღო.

თენდებოდა, ქვეყანა ღამეს ისტუმრებდა. ბუნება-კი თითქოს დღის სინათლეს უღიმისო, თანდათან სპეტაკდებოდა. ანდრიას ეზოში მდგარმა ხეებმა ტოტები შეიბერტყეს და იმ ღამის დანათოელი მხრებიდან მოიშორეს. ანდრიასაც გამოვლვიდა, თვალები მოიფშენიდა და ცოლის საწოლთან მიიქრა. ქეთოს ისევ ეღვიძა, მაგრამ სიცოცხლის ნიშან-წყალი კი აღარ ეტყობოდა, ამ სოფლიდან პირი ებრუნებინა.

— ქეთო, როგორა ხარ, ქალო?—ჩასძახა შეშინებულმა ანდრიამ.

— ოჰ! ანდრო, შენა ხარ? ძალიან ცუდათ. ვკვდები, ანდრო, და ვკვდები ისე, რომ შენი სიყვარულით ვერ გავძებ. ამის მიზეზი-კი შენა ხარ, მე შენ მიყვარდი და შენ-კი ყურადღებას არ მაქცევდი; მე შენთვის ვღნებოდი და შენ-კი სული შეუბერე ჩემს სიყმაწვილეს და სანთელივით ჩააქრე იგი. ღმერთმა ისე გიშველოს, როგორც მე მემართლებოდე. მე-კი შენი სახე სამარეშიაც თან ჩამყვება. მშვიდობით!

— მაპატიე, მაპატიე, შენი ღეთის გულისთვის!—დაიღრიალა ანდრიამ და ცოლის მკერდზე დაიხარა. როდესაც გონს მოვიდა ქეთო აღარ იყო...

ბევრი ივაგლახა ანდრიამ, ბევრი თავში ქვა იცა, მაგრამ რაღას უშეეღიდა, სიკვდილზედაც ხომ ვერ იბატონებდა! დაღონდა, დანაღვლიანდა და სევდის გასაქარვებლად სამუდამოდ მოშორდა იმ ადგილს, სადაც ისეთი სიხარულით მიე-

შურებოდა ახლად გამწესების დროს. მხოლოდ გულის ქენჯ-  
ნამ იქაც არ დაანება თავი. მეტად დიდი მარცხი მოუვიდა  
ცხოვრების სარბიელზე და ძალა კი არ შესწევდა ამ ვარა-  
შისათვის დაეძლია. ამბობენ ტვინიც შეეკყო. არ ვიცი რამ-  
დენად მართალია ეს მითქმა-მოთქმა, მხოლოდ ეს-კი ვიცი,  
რომ რაღაც ავადმყოფობა დასჩემდა: როდესაც გაკვეთილს  
უხსნის ხოლმე თავის მოწაფეებს, უცბად გაშტერდება და  
იღრიკება. მოწაფეები ხშირად იკითხავენ ხოლმე, ნეტა რა  
ემართება ანდრეი გიორგიჩსაო!

— დიდი ნასწავლია და ეგ იმისი ბრალია, — უპასუხებენ  
ერთმანეთს.

— ნასწავლია, ნასწავლი! — იმეორებენ გულუბრყვილო ბავ-  
შვები და ამით უნდათ ანდრიას გამოთაყვანებას ბოდიში მო-  
ზადონ.

მხოლოდ ანდრიას ნაცნობებმა იციან მისი ავადმყოფობის  
ნამდვილი მიზეზი, მაგრამ, რადგანაც ებრალებათ თავისივე  
წინდაუხედაობით დატანჯული ადამიანი, ისინიც გულუბრ-  
ყვილოდვე გაიძახიან: დიდის სწავლისაგან დაემართა მაგ  
უბედურს ეგ ავადმყოფობაო.

ნუთუ?

1894 წ. ქ. გორი.

# სურათი

სოფლის ცხოვრებიდან

## I

ჯერ ისევ დილა იყო მაისისა, ისეთივე ტურფა და ლა-  
მაზი, როგორც ტურფაა ხოლმე თვით მაისი. ს. გარდაშენის  
გლეხებს ის-ის იყო გამოელვითა და სამუშაოთ მინდვრად  
მიეშურებოდნენ; აქა-იქ მოსჩანდა გაფანტული ღორ-ხბო და  
სოფლის აკარწახებული დედაკაცები, რომლებიც ყვირი-  
ლითა და კიჟინით საქონელს ერეკებოდნენ. მალა ხეზე  
ფრინველები ჭიკჭიკობდნენ და დილის სუფთა ჰაერში წკრია-  
ლით, იფანტებოდა მათი ხმა. ძირს-კი საშინელი ჭყვიტინი,  
ლაპარაკი, გადაძახილი და ხმაურობა მოისმოდა. ყველა ეს,  
ერთად შეერთებული ხმა, გაჰქონდა მინდვრად დილის ნიავეს  
და გლეხის ნაპირნახულევე ყანებს უზიარებდა, რის გამოც  
ჯეჯილები ზღვასავით ღელავდა.

ლხინობდა მთელი სოფელი და ცხრათვალა მზე თვალ-  
უწვდენელ და ფრიალო მთას გადმოკიდებოდა.

სოფ. გარდაშენის გზატკეცილზე გამოჩნდა რამდენიმე  
მგზავრი.

ერთი მათგანი ყველაზე წინ მობაჯბაჯებდა და საშინე-  
ლის ხვნეშით მოგორავდა სწორად გაკრულ შარაზე. ეს გახლ-  
დათ დაბა (ა—ის მოვაქრე და ს. გარდაშენის კარგი ნაცნო-  
ბი ბაღდასარ ტერ-ბაღდასარიანცი.

ბაღდასარ ტერ-ბაღდასარიანცზე, როგორც ეტყობოდა,  
არავითარი გავლენა არ ჰქონდა სულის ჩამდგმელ მაისის დი-  
ლას. მას სახე მოლუწოდა, თვალები ასწითლებოდა და მო-  
პარსული პირის სახე საშინლად დაპრანქოდა. მოდიოდა  
თავ-ჩალუნული, დაფიქრებული. მხოლოდ დრო გამოშვებით  
გადაავლებდა ხოლმე თვალს გზის ნაპირებზე გადაქიმულ ჯე-  
ჯილებს და მაშინ კი მის თვალებში სიხარულის ნაპერწკალი  
ღვივდებოდა.

— ტერ ასტვან! რა ჯეჯილია, შენი ჭირიმე და!—წაიდუღუნა ბალდასარმა და ნაბიჯს მოუმატა. ბალდასარას ჩაკეცილ ჩუსტებს ტკაცა-ტკუცი გაუდიოდა და ბალდასარაც ფეხს აყოლებდა. მას უკან მოსდევდა ხმელ-ხმელი და ტანდაბალი სოფლის მოხლე-ნაცვალი, რომელიც მალ-მალ დახედავდა ხოლმე გულზე ჩამოკიდებულ მედალს, მერე ამაყურად შეხედავდა თვის თანამგზავრს, იორდანე გლეხს და ბრძანების კილოთი ეუბნებოდა: „გამოადგი ფეხი, შე -ოჯახ-ქორო, ვერა ხედავ სადილობის დრო მოვიდაო“. იორდანეც უსიტყვოდ ემორჩილებოდა „ჰტარშინის პოპოშნიკის“ ბრძანებას და გაუბედავად წინ მიიწევდა.

ბეჩაფი სანახავი იყო ამ დროს საწყალი იორდანე! მის თვალებში ნათლად იხატებოდა ის დაჩაგრულობა და დამცირობა, რომელიც წილათ რგებია ცხოვრების უკუღმართობით დაძაბუნებულ სოფლის შვილს. ნათლათ ეტყობოდა ის ძალმომრეობა, რომლის მეოხებითაც ყველა ზურგზე ამობღებია ჩვენს გლეხს და თავის ერთგულ სახედარად გაუხდია. იორდანე გლეხს ცალი ხელი უბეში ჩაედო, მეორე ილიაში იფნის სახრე ამოეჩლიავებინა და ეს მისი ერთადერთი თანამგრძნობი გულზე მაგრა მიეკრა.

დიდხანს მიდიოდნენ ჩუმად ჩვენი მგზავრები. ბოლოს ბალდასარა შეჩერდა, გაიხსნა ახალუხის ღილები, გაქონილი „შლაპკა“ მოიხადა და ერთი ღონივრად ამოიფშვინა-გამობერილმა მუცელმა ზანზარი დაიწყო და ჩასუქებულის კისერი კოტირ-მოკიდებულებით დაუწითლდა. ოფლი წურწურით ჩამოსდიოდა დაპრანქულ სახეზე და ჩასუქებულ თვალის ქუთუთოები აბურცებოდა. ქშინავდა ბალდასარა და გაქონილი „კარტუზით“ სახეს იგრილებდა. მგზავრებაც წამოეწინენ.

— ვა, ვარაუდი არა გაქვს, რა ძიელა ცხელა?—გაიკვირა სომეხმა და ნაცვალს შეხედა.

— მაისის გასულია, შენი ჭირიმე და, მა რა იქნება. არ გვეყო ამთენი წვიმები?—დაბალის ხმით უპასუხა ნაცვალმა და გაიღრი-კა. გაიცინა სომეხმაც, მხოლოდ იორდანემ კი ამოიოხრა.

— ღმერთო შენითა, ალექსი, წრეულს კარგი მოსავალი გექნება, არა?—სთქვა კიდევ სომეხმა.

— ჰაი, ჰაი, რომ კარგი მოსავალი გვიქნება,—ისევე იმ კილოთი უპასუხა ნაცვალმა. იორდანემ კი ჩაახველა, ხმა ამოიწმინდა და გაუბედავად უთხრა:

— ალა, შენ უნდა გიხაროდეს! მგონი ყველას მოზიარე უნდა იყო. არა?—სომეხს არ ესიამოვნა იორდანეს სითამამედ და შეტევიით უთხრა:

— ვა! მამაჯან, ვითომ რატომ არ უნდა მიხაროდეს. მე როცა ფულებს ვაძლევდი ამ ჯეჯილების პატრონებს (ხელი ჯეჯილებისაკენ გაიშვირა), განა ჰალაჰალა იყო!

— შენ, ნაცვალო,—მიუბრუნდა შემდეგ მოხელეს,—უნდა მიშველო, კალოობას პური ამაკრებიანო და ერთ კაი ჩოხას ჩაგაცმევ. ხომ იცი, მე პირიანი კაცი ვარ.

— ღმერთმა შენი თავი მიცოცხლოს, ჩემო ბაღდასარ, ვიცი რომ პირიანი კაცი ხარ,—ემპაკურის ღიმილით უთხრა ნაცვალმა და წასვლა დააპირა.

— შენი ქრიჭტეს კირიმე, მეც დამაცადე კალოობამდის. აბა რა ვქნა, ეხლა ერთი გროშიც არა მაქვს,—დაეღრიჯა იორდანე.

— ვა, მე რა ვქნა, რომ არა მაქვს, ჩემი ფულები აზრუმიდგან ხომ არ მოსულა, შე მამაცხოვნებულო, მეც ეხლა მიჭირს. თუ არ მომირიგდი, „ისპოლანიტელნი ლისტი“ ხელში მიჭირავს და დღესვე პრისტავს მოვიყვან,—შეუტია იორდანეს და გასწია.

— პრიჭტავ მოიყვან-რა! რაც არა მაქვს-რა, რას წაიღებს, ხომ არ დამახრჩობ, შე დალოცვილო, ნათელმირონი კაცი ხარ, ცოტა კიდევ დამაცადე,—კვლავ დაეღრიჯა გლეხი.

— არა, ძმავ, მე ამდენი მოცდა მეყო. დღესვე უნდა ფულები დამითვალო.

— რა ვქნა, არა მაქვს და რა დაგითვალო,—ყრუდ წარმოსთქვა იორდანემ, ჩოხის კალთით ოფლი მოიწმინდა, ნაღვლიანად გაიქნია თავი და აგორებულ სომეხს უკან გამოუდგა.

## II

ბაღდასარ ტერ-ბაღდასარიანიცი ჩარჩი მოვაკრე გახლდათ და ჩარჩების ცხოვრება ხომ იმდენად ცნობილია ყველასაგან, რომ დიდი განმარტება არ უნდა, რადგანაც მეტი-მეტი სადა და ერთფეროვანია. ფული—აი ის სიტყვა, რომლითაც

გამოიხატება მთელი ნასკვი მათის ცხოვრებისა. ფული—აი მათი სული და სჯული, ფული—აი მათი მისწრაფება და იდეალი. მერე რად უნდათ ეს ფული? იმიტომ, რომ იბატონონ, მაგრამ იბატონონ კი ისე, რომ თითონვე ყურმოკრილი ყმანი იყვნენ კრელ-კრელ აბაზებისა.

ბაღდასარ ტურ-ბაღდასარიანციც იმ თავითვე მონა იყო ფულისა ცხოვრებულმა ოპანებამ, ბაღდასარას პირველმა აღამ, სამ კაპიკად თხუთვეტჯერ ამოატანინა ლიახვიდგან კოკით წყალი, ასე რომ ბეჭას ფრთა სულ გადაეტყავა, მაგრამ როდესაც აღამ კოპიტინი ხელში ჩაუგდო ბაღდასარას, მაშინკი ყოველასფერი დაავიწყდა და მეტის სიხარულით ცრემლები გადმოსცივდა. თვალის დახამხამებამეც გამოიქცა თავის დიდება—ხამფერასთან, კოპიტინი დაანახვა და მერე გულში ჩაიკრა. ეს დღე პირველი დღე იყო ბაღდასარას ბედნიერებისა; ამ დღიდან ამან უკვე ისწავლა ფულის ყადრი და ამჟამადაც დიდის სიამოვნებით მოიგონებს ხოლმე თავის აღას და იმ ჟანგიან კოპიტინს, რომელიც დღეს ას მანეთიანებად აქცია.

აქ შესანიშნავი ის არის, რომ ყოველი ჩარჩი, ყოველი მოვაჭრე, სომეხია იგი, ქართველი თუ ებრაელი, ერთ ყალიბზე და ერთ მეთოდზე არის აღზრდილი. დედა აზრი მათის აღზრდისა არას „ფულების შეძენა“ და ამ ფულების შეძენისათვის-კი ყოველგვარ საშუალებას ხმარობენ. ცხოვრებულმა ხამფერამ თავისი დისწულის აღსაზრდელად ოპანეზას მაგალითი იმარა და როგორც ოპანეზას დაუწყია პირველად ვაჭრობა, ისე ბაღდასარას დააწყებინა.

წამოაზარდა თუ არა ბაღდასარა, ხამფერამ მაშინვე პატარა ყუთი უყიდა, შიგ ჩაულაგა სხვადასხვა წვრილმანი და გაგზავნა სოფელში სავაჭროდ. თვალთმაქცმა და ენა-ფხიანმა ბაღდასარამ მალე მოიგო სოფლელების გული და ნელნელა ფულიანი კაცი შეიქნა. რაღა ბევრი გაგიკრელოთ, თქვენც კარგად მოგეხსენებათ ჩვენი სოფლელების საქმე, თუ როგორი ცხვრებო არიან და ან როგორ მინდობა იციან. ბაღდასარა ხერხაანად სარგებლობდა ამ გულკეთილობით; ერთი წლის შემდეგ თავისი ზურგი ვირის ზურგზე გადასცვალა. იმდენ ხან აწოწავდა საწყალი ვირი, ვიდრე ცხინვალის გზაზე

ბარგ-ქვეშ სული არ ამოხდა. მაშინ-კი სწვნია წვენი ჩვენა ბაღდასარამ! მოხსნა ვირს ბარგი, აიკიდა ზურგზე და რის ვაი-ვაგლახით სახლში ამოათრია. შინ რომ მოვიდა, ისეთი დაღალული იყო, რომ ძლიეს-ღა სუნთქავდა. მაგრამ სულიც რომ ამოსვლოდა, არას ინაღვლებდა, ოლონდ-კი გზაში კვერ-ცხები არ დამტეროდა!

— დავილუბე, დიდედოჯან,—შესტირა ბაღდასარმა თავის ხამფერას,—გზაში ასი კვერცხი გამიტყდა. ვაი, ვაი, რაღა გვეშველება.

— ვა!—გაიკვირა ხამფერამ,—ეგ რა ხათა მოგსვლია, შენ მოგიკვდეს შენი ხამფერა. ახ, არ გეუბნები დუქანი გააღე-მეთქი და ერთ ალაგას ივაჭრე. შენ-კი შენსას არ იშლი. ეს როგორი საქმეა, სუფ-სარქისო, შენ დამითარე!

არ ვიცი, ხამფერას ბრალი იყო, თუ არა, ბაღდასარასაც კუთაში მოუვიდა, ეს-კია რომ ვირი აღარ უყიდნია და დუქანი გააღო.

ამ დღიდან ჩვენი ბაღდასარი მოვაჭრე გახდა და სახე-ლიც გაითქვა. თანხა დღითი-დღე ეზრდებოდა და მოვახშე-ობას მიჰყო ხელი. მალე მთელი ხეობა ბაღდასარის მოვალე შეიქმნა, ასე რომ დღეს ყველას ბატონია. ბაღდასარ გევორ-ქიჩ, ბაღდასარ გევორქიჩ, დასძახიან ბაღდასარს და ისიც დი-დის ამბით ასწევს კარტუზახეულ გაქონილ „შლაპკა“-ს და მელოტ თავს ნახევრობაზე გამოიჩენს ხოლმე. მართალია სულ ეს გაქონილი „შლაპკა“ ხურავს, მაგრამ განა ახალი ქუდი და ტანისამოსი არა აქვს? ამ ექვსი წლის წინად, ცო-ლის შერთვას რომ აპირებდა, მაშინ იყიდა ახალი ტანისა-მოსი და დაკეცილი უწყევია ხამფერასეულ სკივრში, რადგან-ც ცოლის შერთვა უეცრად გადიფიქრა.

— არა, მამავ-ჯან, ცოლს დიდი ცოში უნდაო, იტყვიან ხოლმე ქართველები. მე რომ ცოლი შევირთო, ვაჰმე თუ ერთი არამზადა ვინმე გამოდგეს. მერე ხომ დავილუბე. არა, ჯერ კიდევ მოვიციდი,—გაიფიქრა ბაღდასარმა და დღესაც უცოლოა. ან კი სადა სცალიან ცოლის შესართავად. მთელი დღე საქმეში არის გართული, მთელ დღეს თავის ნისიებებსა და მოვალეების დავთრებს ათვალეირებს და სულ იმის ან-გარიშვია: ამა და ამ დღეს ვის რამდენი სარგებელი გამო-

ართვას, ვის თავნი, ვის ქონება აუწეროს და სხვა. მეტი-მეტი ფიქრით შუბლი დადარვია, უძილობით თვალები დასწითლებია და ჩოთქზე ანგარიშით სალოკი თითი ისე დაბებრებია და დაგძელებია, გეგონებათ საგანგებოთ დაუბეგენიათო. მაგრამ ვიდრე პირში სული უდგია ჩვენ ბაღდასარას, მინამ იგი დაღლილობას ვერ იგრძნობს, ეტყობა დიდი სიყვარული ჰქონია ფულებისა; დიად, ფულებს ხომ ძალიან უხალისებია კაცის გული, მაგრამ ამავე დროს თავის მეპატრონის დიდი პატივის შეძღვნაც სცოდნია. ვილას ახსოვს ბაღდასარას სიყმაწვილე, ვილას ახსოვს მისი ზურგგადატყავებული ვირი! დღეს ბაღდასარი პირველი შეძლებული კაცია მთელს დაბაში და მაშასადამე, პირველი კაციც იგი უნდა იყოს. აკი იმიტომაც დეპუტატად არის ამორჩეული და თუ ვინიცობაა გამოჩენილი და მთავრობასთან დაწინაურებული კაცი ეწვევა ხოლმე ამ დაბას, უთუოდ ბაღდასარა არის პურმარილის მიმრთმევი. ბაღდასარასაც თავი მოაქვს ამგვარი პატივით და თუ გარემოება მოითხოვს ხოლმე, თავის ვაჟკაცობას კიდევ ტრაბახობს. მსმენელებიც მოწიწებით უგდებენ ყურს და ქება-დიდებათ იხსენიებენ. პირს უკან კი, სწორე რომ მოგახსენოთ, საშინლადა სძაგთ ეს კაცი და სძაგთ იმიტომ, რომ სულთამხუთავად გარდაქცევია მთელს ხეობას, წურბელად მოვლენია გლეხობას. ბაღდასარის დანახვა და შაგი ქირის დანახვა ერთგვარად მიაჩნიათ აქაურებს, მაგრამ მაინც მოწიწებით უკრავენ ხოლმე თავს და სულ თვალ-წარბში შესცქერიან, არაფერი ვაწყენინოთო.

— ბარაქალა, ბარაქალა, ბაღდასარ გევორქიჩ, — ეუბნება ხოლმე ბაღდასარა თავის თავს, როდესაც ერთად თავმოყრილი ც—ბი თავდაბლად მოუხდიან ხოლმე ქუდს და შურის თვალით უცქერიან მის გაქონილ შლაპკას. — საქმე გარეგნობა კი არა, საქმე შეძლებაა. თორემ ე ჩვენ კნიაზს რო ყოველ-დღე ქულაჯები აცვია და მხარზე ბეკვიალა სირმის პაგონები გაუკრავს, იმიტომ ჩემი ფულები-კი არ მართებს, ჰაი! რომ ჩემს სულს გადვუდგე, ჩემს წმინდა ნიშნარტზე რომ ხელი ავიდო, დღესვე გავყიდი პაგონებიანათ... მაგრამ რა მეჩქარება? ჯერ პატარა გაბევრდეს და! დააბოლოვებს ხოლმე თავის ფიქრებს ბაღდასარი, ერთი-ორჯერ გა-



იველ-გამოივლის ც—ის „ბულვარზე“ და შინ ბრუნდება იმ უიქრით, რომ თავის ჩოთქს მოუჯდეს და მოვალეები ერთ-ბელ კიდევ დასთვალოს.

მოვალეები კი ბევრი, ძალიან ბევრი ჰყავს ბალდასარ გე-ვორკიჩის. მღვდლიდან დაწყებული უკანასკნელ გლეხამდის ერთი კაცი არ იქნება მთელს იმ ახლო-მახლო მიდამოში, რომ ბალდასარას ვალი არ მართებოდეთ. მართალი-კი უნდა ვსთქვათ, რომ მეტის-მეტი გულ-ქვა და შეუბრალებელი მევახ-შეა. არც ცრემლი, არც ხევწნა, არც მუქარა, ვერაფერი, ვერა-ფერი ვერ აშინებს ფულების მოტრფიალე ვაქარს. აკი იმი-ტომაც ანდაზად გაიხადეს ბალდასარას გულქვაობა და თუ ვაჭირვებული კაცი დაიჩივლებს რამეს ხოლმე, მაშინვე ხუმ-რობით იტყვიან „მაგის ჯავრი აქვს ბალდასარ ტერ-ბალდა-სარიანცსაო“. დიად, ბალდასარას არავისი ჯავრი არა აქვს! იგი მხოლოდ იმასა სციდილობს, როგორმე ბევრი ფულები ჰოაგროვოს და სიკვდილის შემდეგ სულის მოსახსენებლად სურფ-კარაპეტის ეკლესიას შესწიროს! ალბათ, მართლა სურფ-კარაპეტი თუ სწყალობს, რომ ბალდასარას ვერაფერს ეკ-რაფერს აკლებს. ბევრი ემტერება ჩვენს ბალდასარას, ბევრი უკრიჭინებს კბილებს მის ფულებს, მაგრამ ვინ რას უზანს? დაყვლითა, დაატყავა მთელი გლეხოზა, აქამდისაც ბევრი მსხვერპლია და დღეის შემდეგ ხომ, თუ დასცალდა, უფრო ბევრს იმსხვერპლებს.

ერთხელ, როდესაც ბალდასარა ჩვეულებრივად დავთ-რებს ჩასჯდომოდა და ძველ ბარათებს ათვალეირებდა, სხვა-თა შორის, თვალი მოჰკრა ერთ აღმასრულებელ ფურცელსა და აღტაცებით დააფრინდა.

— ვა, ეს რა მიქნია, რაზე დამილუპავს ჩემი თავი, რაზე გადამიციდენია ვადა... მაგრამ არაა... რის ვადა, რას ვამბობ, ეს ხომ გუშინწინ გამოვიტანე, — სიხარულით დააბოლოვა ბალდასარმა და გაფითრებული სახე თანდათან გაულაყ-ლაყდა.

— არა, უნდა ეხლავე წავიდე, თორემ კიდევ დამავიწყ-დება, — ეს თქვა ბალდასარამ, ბურნუთით ცხვირი გამოიტენა და წასასვლელად დაემზადა.

ის აღმასრულებითი ფურცელი, რომელიც ბალდასარას

ვინა ვასული და ან დავიწყებული ეგონა, გამოტანილი იყო ჩვენი ნაცნობი იორდანე გლეხის სახელობაზე და რატომ ერთი ხუთჯერ აღარ უნახავს მას შემდეგ, რაც იგი გამოიტანა, ხოლო თუ დავიწყებულად სთვლიდა, ის კიდევ იმის ბრალი იყო, რომ იორდანე გლეხს ჩვენივე ნაცნობი ნაცვალის მიუგზავნა „ფული გადამიხადეო“ და აქამდის იმის ცდაში იყო, რა ამბავს მომიტანს ნაცვალიო. მაგრამ რადგანაც ნაცვალის აღარ ჩამოვიდა, ბაღდასარას მოთმინების ძაფი გაუწყდა. დაავლო თავის კარტუსს ხელი, თონთლედ მოიგდო თავზე, რის გამოც ქუდის ცა წინ წამოეხარა და აჩქარებით გაუდგა გარდაშენის გზას. გზაზე ნაცვალის შეხვდა და ორივენი ერთად იორდანეს სახლისაკენ წავიდნენ.

### III

გლეხი იორდანე გუთნიდებდაშვილი, ის, რომელიც დღეს ბაღდასარას კლანკებში გაბმულიყო და ეხვეწებოდა ცოტა კიდევ დამაცადე და ვალს გადავიხდიო, ერთ დროს კარგი ოჯახის შვილი იყო. მამა მისი გიო, ს. გარდაშენის გუთნიდებდა, სოფელში პირველ კაცად ითვლებოდა და, ღვთის წინაშე, დოვლათიც კარგი ჰქონდა, ასე რომ როცა მოკვდა, თავის ოთხ შვილს ერთი გუთნიეული ხარ-კამეჩი, რამდენიმე დღიური სახავე-სათესი პიწა და ერთიც ვენახი დაუტოვა... მაგრამ რაკი იორდანეს ოჯახს დედა ბოძი გამოეცალა, რაკი შრომის მოყვარე და დოვლათის დამაფუძნებელი გიო გამოესალმა ამ სოფელს, იორდანეს ოჯახის საქმე პირ-უკუღმა წავიდა. გიოს სიკვდილს მისი ცოლის სიკვდილიც მოჰყვა და იორდანეს ძმებს-კი ოჯახიშვილობა ნებას არ აძლევდა უბრალოდ დაემარხათ თავისი დედ-მამა და სასახელო ქვლებზეც გადაუხადეს... გამოიგლოვეს ძმებმა დედ-მამა... ცხოვრების მიმდინარეობამ და მოთხოვნილებამ მალე გადაჰყარა გულიდან დედ-მამის ნაღველი და ოთხი ხელმარჯვე ბიჭი კვლავ შეუდგა მუშაობას, კვლავ ცხოვრებასთან საბრძოლველად მოემზადა.

გადიოდა დღეები, მაგრამ ერთხელევე შერყეული ოჯახი, სულ უკან-უკან მიდიოდა. ჯერ დედ-მამის სამარეს ზედა პირი

არ შეშრობოდა, ჯერ ოჯახი ვერ გაშართულიყო წელში იმ დანაკლისის გამო, რომელიც მას მოუვიდა, რომ ფოსტის ფული ზედ მოჰყვა. გიოს ოჯახს, როგორც შეძლებულს, საკმაოდ ბევრი ფული ჰქონდა შეწერილი, და როდესაც „ბიარჩიკი“ კარებზედ დაადგათ, იორდანანთ ერთი გროშიც არ მოეპოვებოდათ სახლში. მართალია ფოსტის ფული გადადებული ჰქონდათ, მაგრამ ადგილობრივმა მღვდელმა აღარ ჰოუსვენა, გინდა თუ არა წინ-გასაძლოლი და საორმოცო წირვისა უნდა მომცეთო. აბა რაღას იზამდნენ, შეეშინდათ სულიერი მამისა, შეეშინდათ, ვაი თუ დედ-მამა წაგვიწყდესო, და ისიც მღვდელს მისცეს.

გლეხის ავლა-დიდებას მოძრავი საქონელი და სახნავე-სათესი შეადგენს; ამით უძღვება იგი სახელმწიფო ხარჯს და ცხოვრების ათასგვარ მოთხოვნილებას. ნაღდი ფული მის სახლში არ მოიპოვება და ამიტომ, თუ გაქირვება დაადგება გლეხს, ან მამული უნდა დაავიროს, ან კირნახული უნდა გაჰყიდოს და ან საქონელი. მაგრამ საუბედუროდ ამგვარ მოვლენას თავისი უბედურებაც თანა სდევს. ფული ჩარჩება აქვთ ხელში. გაქირვებულ კაცს რომ ნახვენ, ყელში ხელს უჭერენ და სამი თუმნის საღირაღს ერთ თუმნად დაინარჩუნებენ ხოლმე.

იორდანეს ოჯახსაც ხომ უბედურება ეწვია; რამდენჯერმე მიმართა ჩვენ ნაცნობ ბაღდასარ ტერ-ბაღდასარიანს და იმანაც თავისებური ხრიკები იხმარა. იორდანემ და მისმა ძმებმა პირველად სამი თუმანი ისესხეს. მაგრამ ამ სამ-თუმანში ბაღდასარმა კარგი ცხრა თუმნის საუთასური აინახლა-ურა. როგორც იყო თავი დააღწიეს ამ ვალს და დაიფიცეს კიდევ, ფული აღარ ევალნათ, მაგრამ ერთხელ კიდევ დასკირდა იორდანეს ბაღდასარას თავი და ახლა კი სამუდამოდ დაიღუპა.

189... წელს, ხოლერობის შემდეგ სოფელ გარდაშენში საქონლის საშინელი კირი გაჩნდა. როგორც სხვებს, ისე იორდანეს ოჯახსაც შეუდგა კირი და საქონელი სულ-მთლად გაუწყვიტა. ახლა-კი თვალსაჩინოდ გაღარიბდა იორდანეს ოჯახი. ასე რომ, ამ ოდესმე გამოჩენილი ოჯახის შვილმა, ყველაზე უმცროსმა, იორდანემ, გადასწყვიტა მოჯამაგირედ დაშ-

დგარიყო. დიდად სწუხდა ახალგაზრდა, სოფლის თავ-მომწონე ბიჭი მოჯამაგირეობას, მაგრამ სხვა ხსნა არსით იყო. სახელმწიფო გადასახადი ერთი-ორად მოუმატეს, ძმები დაუქორწილდა, ოჯახმა იმატა და სარჩო-საბადებელი-კი ხელიდან გამოეცალათ. მეტი ღონე არ იყო, ნაშემოდგომევეს ვაჰოეთხოვა თავის ძმებს და თავის ნაბატონართან გასწია, რომელსაც ადრევე შეუპოვდა მოჯამაგირეობაზე. ძნელი და აუტანელი იყო იორდანესთვის მოჯამაგირეობის პირველი დღეები, მოუნელბელი ცეცხლი იყო მისთვის თავისი ძმებისა და ოჯახის მოშორება. მუშაობაში გართული იორდანე ხშირად თავდავიწყებას ეძლეოდა და ერთგულად უღირღიტებდა შავ-მიწას, მაგრამ როცა მოლამდებოდა ხოლმე და თავის სახლის მაგიერ ბატონიანთკენ დაუხვევდა, თვალები ცრემლებით ევსებოდა და სასოწარკვეთილებით უმატებდა: „ჯადო გვიყვებს, ჯადო — თორემ განა ჩემი დედ-მამიშვილი მოჯამაგირეთ უნდა იყოს?“ რა იცოდა საბრალომ, რომ როდესაც ერთი ღარიბდება და მეორე-კი ჯიბეს ისკელებს, აწინდელის ცხოვრების უკუღმართობის ბრალია, იმ ცხოვრებისა, რომელიც ძარცვა-გლეჯაზე არის აშენებული, იმ ცხოვრების ბრალია, რომელიც თავის წესწყობილებით ფულის ბატონობას დამორჩილებია და პოლიტიკურად ვითომდა თავისუფალი ადამიანი, ოქროსთვის დაუმონავე-პია! რა იცოდა იორდანემ, რომ თითონ ისიც ფულის მაძიებელი იყო, და რაღაც სამი თუ ოთხი თუმნის გულისათვის მთელი თავისი არსება რამდენიმე წლით სხვას დაუმონავა!

გულხეტქებით ატარებდა იორდანე თავის მოჯამაგირეობას, მაგრამ მალე გული შეეცვალა და სხვაგვარად დაიწყო ფიქრი. იმ მწარე და აუტანელ ცხოვრების შემამსუბუქებლად, ბედმა უყო თუ ეშმაკმა, ერთი მისგვარივე სხვის ხელში შენაყურებელი ადამიანი გამოუგზავნა, რომელმაც იორდანეს გულში რაღაც ტკბილი მისთვის გამოურკვეველი ნექტარი ჩაასხა, ნეტარებით და იმედებით გული აუძგერა. ეს გახლდათ ბატონიანთ გოგო ტასა.

ტასასთან შეხვედრამ ისე გაუადვილა მოჯამაგირეობა, რომ იორდანემ ვერც-კი შენიშნა, თუ როგორ გაუთავდა ეადა.

ვადის გათავების შემდეგ როგორც იყო გამოსთხოვა ნება თავის ბატონს ტასაზე ჯვარის დაწერისა და შემოდგომის ერთს დღეს თავ-გვირგვინიანი იორდანე სახლში-კი დაბრუნდა. უხაროდა იორდანეს, ახლა-კი ღმერთმა მიშველა და სახლში დავბინადიო, მაგრამ ხელ-მოკლე და ქონებრივად დაქვეითებულ კაცს ტანჯვით სავსე წუთი-სოფელმა აქაც სამსალა დაალეგინა.

გოგო ტასა, როგორც ბატონის ოჯახში გაზრდილი, მალე გამოიცვალა და გამოიცვალა იმიტომ, რომ მისთვის აუტანელი შეიქნა სოფლის ცხოვრება, რომელიც ჯაფა და წვალების მეტი არა არის რა. რომ არ ეზრომა, ეს კიდევ შეუძლებელი იყო, რადგანაც სიცოცხლე უნდოდათ და სიცოცხლის განსაგრძობად კიდევ საზრდო იყო საჭირო.

მართალია ტასა, როგორც ახალი რძალი, პირველად მხარს უჭერდა თავის მახლის ცოლებს, მაგრამ შემდეგ-კი მოსწყინდა მულმივი შრომა, თუმცა ბატონის სახლშიაც მთელი დღე ფეხზე აღამებდა, მაგრამ იქაური შრომა და სოფლის სულ სხვადასხვა იყო. ბატონის სახლში მის შრომას შეადგენდა ხელზე სამსახური. მთელი დღე ფეხზე უნდა ყოფილიყო, თავის ბატონ-ქალბატონისათვის თვალ-წარბში ეცქირნა და როცა რამეს უბრძანებდნენ, თვალის დახამხამებაზე აესრულებინა. გოგო, ჩიბუხი მომიტანე, დაიღრიალებდა ხოლმე ქალარაშერთული ბატონი. ტასაც სამ-ადლიან ჩიბუხით ხელში უმაღლე იქ უნდა გაჩენილიყო. გოგო, სარკე, საეარცხელი მომართვი—დასქვივლებდა მისი ქალბატონი, რომელიც მთელი დღე სულ სარკეში იყურებოდა და შიგვრელ ქალარას ივლეჯდა—გოგო, „სმოვარი“ დასდგი, გოგო, სახლი დაგავე და სხვა ამისთანები.

დიად, გოგო ტასა მთელი დღე ფეხზე იდგა ხოლმე, მაგრამ მშვენიერი საკმელ-სასმელი და სუფთა ჩაცმა-დახურვა შრომას უადვილებდა.

თავის ქმრის სახლში-კი ყველაფერი მალე მოაკლდა, გემრიელი მოხრაკულები კად-პურზედ შეეცვალა, ქალბატონის გამონატანი ტანსაცმელი მალე გაუხუნდა და პირისპირ შეეტაკა იმ სილატაკეს, რომელიც სხვადასხვა გარემოების გამო, დაბუდებულია ჩვენის გლეხის ოჯახში. სილატაკესთან საბრ-

ძოლველათ მუდმივი შრომა იყო საჭირო, მძიჟე და აუტანელი. ბატონის სასლში გალაღებულ გოგოს ყველაფერი ემძიმებოდა და მალე ისე დაზარმაცდა, რომ ლობიოს შექამანდის შენელებაც-კი ეზარებოდა. მთელი დღე გაბუტული იჯდა კერის ძირას და თავის რძლებს ებუზღუნებოდა. რძლებიც ჯიბრში ჩაუდგნენ და გაიმართა ისეთი ქიშპობა, რომ ერთმანეთისათვის პირში სული შურდათ, ხოლო ვისაც-კი რძლების გადამტერება უნახავს, ის ადვილად წარმოიდგენს, რა ჯოჯოხეთი გაჩნდებოდა იორდანესას.

#### IV

გაზაფხული იყო, მაგრამ გაზაფხულს-კი არა უგავდა-რა. განუწყვეტელმა ავდრებმა და მუდმივმა სიცივეებმა საშინლად შეაწუხა ს. გარდაშენის გლეხები და მთელი დღე გულხელ-დაკრეფილები შესცქეროდნენ გაავზნებულ ბუნებას. ხენათესვის დრო იყო და ამინდი-კი ხელს არ აძლევდა. წლის სარჩოს მომზადებას დღეიდან უნდა შესდგომოდნენ და ტაროსი კი თავისას არ იშლიდა. შეწუხდა მთელი გლეხოზა და შიმშილის მომლოდინე მწარედ ოხრავდა.

ერთ დღეს როგორც იყო გადიდარა. მზემ ღრუბლებიდან გამოანათა და გიჟმაჟი ქარი კავკასიონის მთა-გრეხილს ამოეთარა. გლეხებმა პირჯვარი გადაიწერეს და სამუშაოდ მინდორში გაიფანტნენ. იორდანე და მისი ძმებიც საჩქაროდ წავიდნენ ანეულის სახნაეთ.

მუშის სადილობა მოახლოვდა. შინ დარჩენილმა რძლებმა ჯერ ბევრი იჩხუბეს, ვინ გააკეთოს ლობიო შექამადიო, მერე-კი ჯერის მინდორში წაღებაზე მოუვიდათ ლაპარაკი. ტასას უფროსი რძალი ყველაზე კაპასი და ანჩხლი იყო, მაგრამ გულის მობრუნება მალე იცოდა. დღეს-კი რალაც ღმერთი გაუწყრა და გაკერპდა, მიაცივდა ტასას და აუხირდა, გინდა თუ არა ჯერი შენ უნდა წაილოო.

— სინამ ნურასა სქამთ, მინამ ტასამ მინდორში ჯერი არ წაგილოთ,—გაიძახოდა ტასა.

— მაშ რის მაქნისი ხარ სახლში,—გაჰკიოდა უფროსი რძალი.—ჰო, დიდკაცის შვილი ბრძანდები და აბა როგორ გეკადრება მინდორში გასვლა.

— მაშ არ იცი, რომ არ მეკადრება? როდის ვყოფილვარ მინდორში, რომ ეხლა წაფიდე. ადექი, თავში ქვა იხალე და წაილე რა, — ეუბნებოდა ტასა და თან ტახტზე იკალათებდა.

— თავში ქვაც იხალე და მუცელში სამართებელიც, არა. შე გომბიო, მე შენგან ეგ მეკადრება? ადექი, წამოიკიდე ე ხურჯინი თორე, ღეთის წყალობა მაქვს, მე შენ ღლე დაგაყარო; არა, ხო იცი მე შენი!!

— ყურებზე ხახვი არ დამაქრა! არა, რა უნდა მიყო, ემანდერა მანდ არ არი ე შენი მომხრე (მეორე რძალი), ე მაგას უთხარი და წაიღებს.

— მე რალას გადამომწედი, შე მოპტორიკა! ვერ დაინახა შენმა დასაბრმავებელმა თვალებმა, რომ ღლეს მთელი ღლე თონეში ვეკიდე! არა ღედავ და თვალო, შენ ისეთი ღეთის რისხეა რამა ყოფილხარ, რომ შენ ადამიანის შეცოდება არა გქონია, — წამოწიწმატდა მეორე რძალი და გაკერპებულ ტასას ქოქოლა მიაყარა.

— არა, მაშ რა იქნება მოახლედ ნაგდები გოგოი! — კვეროდა უფროსმა.

ახლა-კი ველარ მოითმინა ტასამ, მოხსნა პირი და რაც ენაზე მოადგა, ყველაფერი წამოუყაჟა. ატყდა საშინელი ხმა-ურობა, ჩხუბი, გაიპართა ლანძღვა-გინება. ამას ვილა ჩიოდა-ერთმანეთს ხელი წაატანეს. გაბრაზებულმა ტასამ გაიძრო ფლოსტი და უფროს რძალს თავში სთხლაშა. უფროს უმცროსი მიეშველა, დაეკიდნენ ტასას და სულ ბუწუწებიდან გასცალეს. ძალამიხდილი ტასა საშინლად გაჰკიოდა და ფრჩხილებით თავ-პირს იკაწრავდა. ყვირილსა და ხმაურობაზე მეზობლები შემოცვივდნენ და მოჩხუბარნი რომ დაინახეს, წყევლა-კრულვით გააშველეს.

გათავდა ჩხუბი, მაგრამ დასახიჩრებული რძლები მაინც ილანძღებოდნენ. ყველას სახე დაკაწრული ჰქონდა და სისხლი თქრიალით ჩამოსდიოდათ.

ვიდრე მაზლის ცოლები ჩხუბს გაათავებდნენ, მზემ დაისამხრეთა კიდეც და მინდორში მომუშავეთ საშინლად მოშივდათ. ლოდინით გაჯერებულმა მუშებმა ერთ-ერთი მეხრე გამოგზავნეს, რომელმაც დაბრუნებისთანავე იორდანეს უამბო მაზლის ცოლების თავ-გადასავალი და სხვათა შორის, დაუმატა.

რომ საწყალი ტასა „ბორა ვაშლივით დაუბეჩნიათ“. ამის ვამგონე იორდანე აიძრინა, დაავლო სახრეს ხელი და შინისკენ ვამოსწია. სახლში რომ შევიდა, ყვირილით მიჰმართა ქალებსა:

— რა იყო, რა დაგემართათ, თქვე ოჯახ-დაქცეულებო, რა ხოლვერა შევიდვით.—ტასამ, რომ თავისს ქმრის ხმა გაიგონა, მაშინვე ზეზე წამოიჭრა და ტირილით მივარდა:

— რაღა რა იყო, მომკლეს, მომკლეს ამ პირში სულ გასაწყვეტებმა. განა ამიტომ მომიყვანე, რომ ამათ ეცემნათ? არა, მე მეტი მოთმენა აღარ შემიძლია, ვაიმე დედავ, თავი... წელი, ვაი, ვაი! მოვეკდიი!..—გაჰკიოდა ტასა და თან მღულარება გადმოსდიოდა. ამის დამნახველ იორდანეს სული ყელში მოებჯინა. აზროვნება დაუბნელდა; მოიმარჯვა იფნის სახრე და რძლებს მიაშურა.

— ერთი, ორი, სამი,—სთვლიდა იორდანე და ურტყამდა თავის რძლებს. კვლავ ერთი ორომტრიალი შეიქნა, ნაცემი რძლები გამოცვივდნენ და ქმრებისაკენ მინდორში მოჰკურცხლეს. იმათმა ქმრებმა რომ გაიგეს, იორდანეს ჩვენი ცოლები უცემნიაო, თითონაც სახრეებით სახლს მოაშურეს და ახლა ძმებს მოუვიდათ საშინელი ჩხუბი, დაღეწეს, დაამტკრიეს ერთმანეთი და ვიდრე მთელი სოფელი ფეხზე არ დადგა, მათ გაშველებას არა ეშველა-რა.

ამ ამბის შემდეგ, რასაკვირველია, ძმებს ერთად აღარ ედგომინებოდათ და გაიყარნენ. განაწილების შემდეგ იორდანეს არგუნეს: ერთი ხარი, ერთი ფურ-კამეჩი, ორი პატარა ქვაბი და ერთი დღიური სახნავი მიწა. სახლი-კი სხვა ძმებს დარჩა. ამგვარად იორდანე უქეროდ დარჩა. დროებით მეზობელს შეეფარა და სახლის გაკეთების თავდარიგს შეუდგა; სახლის გაკეთებისათვის-კი ფულები დასჰირდა და ჩვენ ნაცნობ ბაღდასარას მიაშურა.

— არა, ჩემო ძმავ, მე სადა მაქვს ფულები, რომ შენ გასესხო,—ეუბნებოდა ბაღდასარი მის წინ მდგარ იორდანეს და თან ისეთი კილოთი დაასრულა თავისი ლაპარაკი, თითქოს უნდა სთქვას, „გატყუილებ, ფულები ბევრი მაქვს, მაგრამ უდიდსარგებლოთ შავ-ქვასაც არ მოგცემო“.

— აი, შენი პირივე, ხუთ-თუმანში სამ კოკა ღვინოს ეხლავე დაგიკეთამ სარგებელში და თავნი ხომ თავნია და



თავნი. როცა მომთხოვე, მოვალე ვიქნები უნაკლულთ და-  
გობრუნო, — ეხვეწებოდა იორდანე, გულგრილ ბაღდასარას-  
და მის თვალებში სრული სასოწარკვეთილება იხატებოდა.

— სამი კოკა სარგებლად ძალიან ცოტაა, ჩემო იორდანე-  
აი ძმაოჯან, დღეიდან ხუთი თუმანი უნდა დავაბანდო, ე. ი.  
ჩემთვის მკვდარია, მე ის ხუთი თუმანი რომ დუქანში მქონდეს  
წელიწადში ათი თუნანის საქმეს გაეკეთებინებ. მაგრამ რა-  
ბევრი ვილაპარაკო, მე ფულა ეხლა ხელში არა მაქვს...

— მაშ, რა ვქნა, შენი ქირიმე—ცოლ-შვილი ცის ქვეშ მი-  
ყენია, ი ჩემმა ძმებმა ხო ისე უსახლ-კაროთ გამომისტუმრეს,  
ექ, რა ვქნა, რა წყალში ჩავარდე! აბა ვილასთან უნდა წავი-  
დე?—სასოწარკვეთილებით წარმოსთქვა იორდანემ და გამო-  
ბრუნება დააპირა.

— მააცა, ბიკო,—დაუძახა ბაღდასარამ,— ერთ რამეს-  
გირჩევ და თუ ქვეაში მოგივიდეს, ხომ კარგი, თუ არა და  
შენი ნებაა. იცი რა გითხრა, მოდი ხუთი კოკა სარგებელი  
იყოს და მე გიშოვი სადმე.

— არა, შენი ქირიმე, ხუთი კოკა სულ არ გამოყვა ი ვე-  
ნახს და აბა რა წყალში ჩავარდე. ნეტა-კი მქონდეს, თორენ  
ვინ ღმერთ გამწყრალი არ მისცემდა. არა შეილოსან, ტყუი-  
ლი რა ხელისაა, სამ კოკაზე მეტს ვერ მივცემ.

— ჰო და ვნახოთ,—უკმაყოფილოთ წარმოსთქვა ბაღდა-  
სარამ და საღამოსნთვის კიდევ დაიბარა.

გაბრუნდა სახლისაკენ ხელ-ცარიელი იორდანე, მაგრამ  
სახლში მისვლისაც-კი ეშინოდა. მისი საყვარელი ცოლი, მისი  
გულის ამძგერებელი გოგონა ტასია, სწორედ ქასქანჯიელად  
გარდაექცა თავის ქმარსა, სულ ებუტბუტებოდა, სულ ცეცხ-  
ლის პურს აქმევდა ხოლმე. ბევრნაირად ეცადა იორდანე  
თავისი ცოლი დაემშვიდებინა, მაგრამ ყოველგვარი დარიგე-  
ბა ამაო იყო. ტასამ თავ-პირი წაიქამა და სულ იმას აყვედ-  
რებდა თავის ქმარს, ბედრანგი, უშნო რამა ხარო. თუ შე-  
მირთე, მომიარე კიდევ, თორემ მე შენი გაძლება აღარ შე-  
მიძლიაო. იორდანეს ცოტა არ იყოს ეშინოდა კიდევ ამგვა-  
რი მუქარისა, რადგანაც ხედავდა, რომ ტასა თამამად იქ-  
ცოდა. პირველ ხანებში რომ სითამამე შენიშნა, ერთი ორი  
სახრე სწყვიტა კიდევ, მაგრამ ცემით რომ ვერაფერი გააწყო,

ასევე დარიგებას მიმართა. ასე მიდიოდა დღეება, მაგრამ ტასა თან-და-თან აფთარდებოდა, თან-და-თან წიწმატდებოდა. მოტყდა, დაუძლურდა საბრალო იორდანე და ისედაც მწარე ცხოვრება უფრო გაუმწარდა. მეტი ღონე არ იყო, ცოლს უნდა დამორჩილებოდა—მისი ყურ-მოჭრილი ყმა უნდა გამხდარიყო. „რა-ვქნა, ნათქვამია, თუ დედაკაცმა გაიწია ცხრა უღელი კამეჩი ველარ დაიქერს“, გაიფიქრა იორდანემ და მიჰყვა ცოლის ნებასა. რაკი ერთხელვე დაჩიავდა, რაკი ერთხელვე გული გაუტყდა, ველარ გამობრუნდა და საქმე აქამდის მივიდა, რომ თუ ოდესმე იორდანე სცემდა ხოლმე ცოლსა, ახლა ცოლი სცემდა მას და როგორც კარგ მოჯამავირეს ისე იმსახურებდა. დაძაბუნდა საბრალო იორდანე და ცოლისა, როგორც ღმერთისა, ისე ეშინოდა.

— რა ქენი, იშოვე ფულები?—დაუღრიალა ტასამ იორნეს, როდესაც იორდანე ოხვრით შინ შევიდა.

— სად ოხრობაშია, რა-ვქნა. სულით და ხორციით ხომ ვერ ვავიციდები.

— რაც გინდა ქენი, თუ გინდა თავში ქვა ირტყი სახლი-კი ამიშენე,—უფრო ძალიან დაუღრიალა ცოლმა და მეტის სიბრაზისაგან ცრემლები წამოჰყარა.

საბრალო იორდანეს ენა მუცელში ჩაუვარდა. რაღას იზამდა, გადაწყვიტა ბაღდასარისათვის უღმერთო სარგებელი მიეცა და თავისი ქირვეული ცოლი-კი დაეკმევიდებინა.

## V

გავიდა ერთი თუ ორი წელიწადი. ბაღდასარის ფულებით აშენებული იორდანეს კედელი ცოტა არ იყოს მოძველდა კიდევ, ასე რომ ტასია ხშირად უსაყვედურებდა ხოლმე თავის ქმარს შენობის მასალის უფარვისობას. მაგრამ იორდანეს ამის ჯავრი აღარა ჰქონდა. იგი მთლად ფიქრსა და ვარაშს შეეპყრო.

ბაღდასარას, რომელსაც ერთი პირობა კიდევ გადაუხადა ვალი, რაღაც მანქანებით საჩივარი განეახლებინა და ერთ საღამოს, აღმასრულებელი ფურცლით ხელში კარებზე მოადგა. ამას თან მოჰყვა ჩვენი ნაცნობი ნაცვალიც.

ბინდ-ბუნდი იყო და მინდვრიდან დაბრუნებული იორდანე თავის ხელით აზავებდა ლობიო შეკამანდს. ტასა-კი ტახტზე

წამოწოლილიყო და კენესოდა. ლობიოს ზელით გაჯერებულმა იორდანემ ველარ მიითჳინა, მაჳვარდა ცოლს და დაუყვირა:

— ადე, შე ოჯახ-დასაჳეო, ე ლობიო შეჳამანი მიინც გამიკეთე.

— გაიკეთე რა, ვერა ხედავ ავათა ვარ?— გულცივად უჳასუხა ცოლმა და მხარი იცვალა. ბრაზმორეულმა იორდანემ ის-ის იყო მოიმარჯვა ციცხვი, რომ ცოლისათვის დაერტყა, მაგრამ ამ დროს გარედან შემოესმა:

— იორდანე, ჰაი იორდანე! — იორდანემ ერთი-კი შეუკურთხა ცოლსა და გარეთ გამოვიდა.

— გამარჯობა, იორდანე,— (ებიერად მიესალმა ბაღდასარი და ხელი გაუწოდა.

— გაგიმარჯოს, ალაჯან,— ძლივს წაიღულულა იორდანემ და ხელი ჩამოართვა. პატარა ხანს სიჩუმე ჩამოვარდა. გაფითრებული იორდანე კედელზე მიყრდნობოდა და გული საშინლად უძგერდა. კარგად მიხვდა, რომ ბაღდასარი სასიკეთოდ არ მოვიდოდა მასთან. ბაღდასარაც თავ-ჩაღუნული იდგა და, თითქოს სინიდისი ამხილებსო, ხმა ჩაეწყვიტა; ხოლო ნაცვალს მოედერებინა კისერი და ხან ერთს უყურებდა და ხან მეორეს. ბოლოს ბაღდასარას მიმართა:

— ჰე, გავათავოთ საჳმე,— ხომ იცი მოხელე ვარ და არ მიცალიან.

— უთხარი რალა, ვა! — ამოიგმინა ბაღდასარამ.

— რა უნდა უთხრა, განა თითონ არ იცის, რომ შენი ფულები მართებს იორდანეს და ვალს-კი გადახდა უნდა.

— აკი ერთხელ გადავიხადე, შეილოსა, ათას-ჯერ ხომ არ გადამახდეინებთ. ღმერთი აღარა გაჳვთ,— კანკალით წარმოსტჳეა იორდანემ და ცრემლ-მორეული თვალებით ბაღდასარას შეხედა.

— რო გადაგეხადნა, ამ კაცს ხო ისპოლნიტელნი ლისტს აღარ მისცემდნენ, — ჩაერია ლაპარაკში ნაცვალი.

— აბა როდის გადამიხადე, მოწმეები მიჩვენე, თუ მოგიცია, ვა, ჩემი ფულები ფულები არ იყო? მაგრამ გლებ-კაცს სინიდისი ვინ მისცა. მამაე-ჯან, აღება კარგი იცით და გადახდა-კი არა, ვა, ხათაა?! — ჳშენით დააბოლოვა ვაჳარმა და აღჳასრულებელი ფურცელი უბიდან ამოიღო.

— ტყუანს რისხამდეს ძელ ქეშმარიტი, ოპო და ანგრე!?

— ვა, რას იწყევლები, შე ოხერო, ფული აგილია, უნდა მომცე, მე მეტი ლაპარაკი ძალიან მეჯავრება.

— მაშ უნდა დამარჩო!—დაიკვნესა იორდანემ და სასო-წარკვეთილებით ქვითინი ამოუშვა. ან-კი რაღა დარჩენოდა მეტი. კანონი და სამართალი ვაქრის ხელში იყო. ისევ ცრემლით თუ მოიღობდა დაჩაგრული გულის ძგერას.

იმ ღამეს რაღა იქნებოდა. მეორე დღეს დილა აღრიან ბაღდასარამ იორდანე და ნაცვალი დ. ცხინვალში ჩაიყვანა, იქნება როგორმე მომირიგდესო, მაგრამ იორდანე სულ უარზე იდგა. გაჯავრებულმა ბაღდასარამ აღმასრულებელი ფურცელი სოფლის სასამართლოში წარადგინა.

სოფლის სასამართლომ ბევრის ლაპარაკისა და ყაყანის შემდეგ როგორც იყო მოარიგა. იორდანეს თავისი უღელი ხარი უნდა მიეცა ჩარჩისათვის, რომლებიც საღამოთივე დაირეკა ბაღდასარამა და სახლში წამოიყვანა. თვალ-ცრემლიანი იორდანე ქეასავით გაშეშებულიყო და ბუტბუტებდა: „ვაიმე, ჩემო წიქარა, ვაიმე, ჩემო ფარნა, ჩემო მაცხოვრებელნო, ჩემო იმედებო. ვაი, შე რჯულ-ძალლო, შენა, რაზედ დამღუპეო“, მაგრამ ეს სიტყვები მარტო ტუჩებზე აკედებოდა და მღუღარე ცრემლები სახეს უღარავდა.

\* \*

გალარიბდა, გათახსირდა საბრალო იორდანე და უმისოდაც დამცირებულს დღიური მუშაობით უნდა გაეტარებინა თავისი სიცოცხლე. ამიერიდან თავის დამჩაგვრელებისათვისვე უნდა მიეყიდნა თავისი ძალ-ლონე დი უბარაქო მუშა უნდა გამხდარიყო.

\* \*

მშვენიერი საღამო იყო. გახურებული მზე გადაჰფარებოდა მთას იქით და კავკასიონის მთა-გრეხილიდან წამონაბერი სიო დასთამაშებდა მწვანედ გადაშლილ ველმინდორს. აბობოქრებული და სიცხისაგან გახურებული სოფელი მშვიდად ფშვინავდა და წყნარად მოდუღუნე რუ რაკრაკით ჩაუდიოდა ს. გარდაშენის ვენახებს. ერთი ნაკადული-კი დაქანებულიყო ქალებისაკენ და თავის ჩანჩქარით აყრუებდა მიდამოს. მის

ნაპირზე მდგარი ყვავილ-ბალახი გალალეზულ თავებს აკან-ტურგბდა და მოჩუხჩუხე წყლის მომზირალნი სიამოვნებისა-გან საყვარლად ბიბინებდნენ. მალალ კაკლის ხეზე მალალუ-რი სევდიანად გაიძახოდა თავის „ბიჭო გოგიას“, იქვე მახ-ლობლად-კი ბულბული მწარედ დაჰკენესოდა ბატონიანთ ბალ-ში გაფურჩქენილ ვარდს. ცოტა მოშორებით მოსჩანდნენ ფილოქსერის დასში მომუშავე იმერლები და თავის „ხელ-ხეავით“ ბულბულს ეჯიბრებოდნენ. ბუნება თანდათან წყნარ-დებოდა და ნაძმინარევი კეკლუცივით მორცხვად ილიმებოდა.

თითქოს ბუნების სილიაღის გაუტაცნიაო, ბატონის ბალ-ში მომუშავე იორდანე დაყრდნობოდა თოხს და ავსა და შავს ფიქრებს მისცემოდა. ვინ იცის რას ოცნებობდა ბედი-საგან დაჩაგრული გლეხი, ვინ იცის რას ელამუნებოდა მისი გარემოებისაგან და უვიცობისაგან ფრთებ შეკვეცილი ოცნება. იგი უნძრეველად იდგა და ფიქრობდა... ვინ იცის, რამდენ ხანს იდგებოდა ასე გაშეშებული, რომ მისი ყურადღება ღობის ლაწანს არ მიეზიდნა, საიდგანაც გამოჩნდა ერთი ხელ-მარჯვე და მალხაზი გურული, ფილოქსერის დასში მოპუშავე, რომელიც თავის ამხანაგებს წყაროზე გამოეგზავნათ.

— გამარჯობა შენი, ძაძიავ,—მიესალმა გურული ღობეზე გადმომდგარ იორდანეს და პასუხი რომ ვერ მიიღო, ცოტა ხანს შეჩერდა, მერე გაიღიმა და თავისთვის წაიბურტყუნა: „რა აბღლები არიან ეს უბედურები აქაური გლეხებიო“ და დასასვენებლად იქვე ქვაზე ჩამოჯდა.

იორდანე შეიშშმუნა, ერთი ამოიხრა და ზარმაცად და-იწყო თოხნა. ცოტა ხანს თოხნა და კვლავ შეჩერდა. შეიძ-ლება ისევ ფიქრებში გაბმულიყო, მაგრამ ამ დროს ორლო-ბეში მომავალი ბაღდასარა დაინახა.

ბაღდასარა გადამჯდარიყო თავის ლურჯაზე და ვიდაცის ხარებს მოერეკებოდა. ამის დანახვაზე იორდანეს თვალები აენტო, მოაგონდა თავისი ხარები, მოაგონდა ის დამცირება და დაჩაგვრა, რომელიც ამ ჩარჩმა მას მიაყენა, მოაგონდა თავისი სიღარიბე და აუტანელი ცხოვრება, რომლის უჩთავ-რესი მიზეზი ბაღდასარა იყო და გულში ცეცხლი აენტო-ანგარიშ მიუცემლად წამოაველო თოხს ხელი; ვეფხვივით გა-დაეშვა ღობეზე და ბაღდასარას წინ ჩაუსაფრდა.

აყუდა იორდანე ბატონიანთ კაკალსა და თან ფიქრობდა: „ერთს მაინც ვდრუხამ ამ თოხს თავში, გინდა ციმბირში გამგზავნონო!“ აგერ ბაღდასარიც მოახლოვდა და ხრინწიანი ხვით ხარებს გაუჯავრდა.

— ვაი, შე უღმერთო, ვინ იცის, ვის წაართვი ეგ ხარები! გიხარიან განა? ვაი, შენი, შენი,—ილანძღებოდა იორდანე და თან თოხს იმარჯვებდა. „ღმერთო, წმინდა გიორგი ზეარეთისაო, შენ მაპატიე, მომიმართე ხელი და როგორც მემართლებოდეს, ისე გადაახდევინე ამ ჩარჩსა“. ეძნელება იორდანეს მისი ცემა, მაგრამ გული ქვევიდან ამოსძახის: დაჰკა, დაჰკა, ნუ გეშინია, მაგითი მაინც ამოიყარე მაგის ჯავრიო. აი, ცოტა კიდევ და ბაღდასარი სამშვიდობოს გავა. მაგრამ ამ დროს აიმაღლა იორდანემ თოხი, ერთი მაგრა დასკყივლა და დაუშვა თოხი თავში.

— ვაიმე, მომკლეს!—წამოიყვირა ჩარჩმა და ცხენიდან ძირს ჩამოვარდა. ამ ხმაზე გურული ფეხზე წამოიქრა და თოხით ხელში გაქცეული იორდანე რომ დაინახა, წამოიძახა:

— ძაან არ მოახერხა მაგ კაზახმა, მე-კი ვამბობდი, აბდლებია-მეთქი.—და წამოსაყენებლად მივარდა ბაღდასარას. ამასობაში სხვა მუშებიც გადმოვიდნენ ვენახებიდან და ცოცხალმკვდარი ბაღდასარი ძლივს მოაბრუნეს.

— იორდანემ მომკლა, იორდანემ!—გაჰკიოდა ვაჰარი.

— ვინ იორდანეა?—კითხულობდნენ გლეხები.

— გუთნიდედაანთი,—წაილულლულა ჩარჩმა და კვლავ გული წაუვიდა.

მეორე დღეს მთელმა ქვეყანამ გაიგო ბაღდასარას ცემის ამბავი. ზოგს ეგონა მოკვდება კიდევცაო, მაგრამ იმედი გაურუჟდათ. ბაღდასარ გეგორქიჩი დღესაც ცოცხალია და თავისებურად დათარეშობს. ჩვენი ნაცნობი ნაცვალი რომ არ აწუხებდეს და იორდანეს საქის გამო გასამრჯელოს არა სთხოვდეს, ბაღდასარა დავიწყებასაც-კი მისცემდა იმ უსიამოვნო ამბავს.

საწყალი იორდანე-კი მართლ-მსაჯულების ძალით აქამდე საპკრობილეშია.

1895 წ. მკათათვე.

ს. დგვრისი

## ხ ა ს

(ლექსი პროზად)

რას მოიღრუბლე, შუბლი რად შეიკარ, თეთრლურჯად მოკამკამე სამყაროვ? მზე ჩაესვენა? გენაღვლება განა, გული გეხურება და ფერი მიგდის, შენს სატრფოს რომ შორდები? აგერ აღმოსავლეთით მოპირქეშდი კიდეც, ცრემლი გერევა, ღრუბლებს ეფარები, რომ თავი შეიმაგრო. მხოლოდ შენი დასავალი მორცხვად იღიმება, ჩამავალ მზეს ეალერსება, ფითრდება, ცახცახებს, ღიმილი მწუხარებად ეცვლება.

სულ მთლად დამწუხრდი კიდეც, გლოვის კაბა ჩაიცვი, აღარ გინდა უყურო ქვეყანას?

გერე რა გაღონებს? მალე, ძალიან მალე ამოცურდება ქვესკნელიდან ბადრი მთვარე და გულმკერდს დაგიკოცნის, ნაღვლიან სახეს შარავეანდებით შეგიმკობს, შენთან ერთად სევდიან სხივს დააფრქვევს და ღრუბლების თაიგულს მოგართმევს: ზედ სასხავს ვარსკვლავთა კუნწულებს, ირმის ნახტომით შეჰკონავეს და ხომლის ჯინჯილს გაუკეთებს. მაინც არ გინდა? ოხ, რა ძლიერ გყვარებია მზეი!

აბა, დახე, როგორ აციმციმდა ვარსკვლავთა კრებული, რა გაუბედავად მიმოსრიალებს მთოვარე, რა ოქროს ფრად დაღება შენი შავი სულარა. ქვეყანამ ნეტარებითაც-კი დაიძინა, ტკბილი სიზმრები შემოიბურა. შენი აშული დაღნა, დაილია, ღრუბლებში გაინაბა, რომ ყური დაუგდოს ძირს, მშვენიერ ვარდ-ნარში, ხელი-ხელ გადახვეულ შეყვარებულთ. ნუ გეშინიან შენ ყველაფერს გაიმბობს. იქნება არაფერი გჯერა ადამიანის ფიცისა? ნუ, ნუ იქნები ეგრეთი ურწმუნო, შენს მწუხარებას ქვეყნის ავკარგიანობას ნუ დაუნაცვლებ!

ან იქნება ტანჯულთა კვნესას თითოეულის ბედნიერება ვერა ჰფარავს და იმიტომ ნაღვლობ? მაგრამ ვინ მოაღწევენებს შენამდის ამ უბედურთა მოთქმა-გოდებას! აქ, ძირსვე, არიან მათი ხმის ჩამწყვეტნი, აქ არიან ისეთნი, რომლებიც მათ ზურგზე შესხლომიან და პირზე ხელს აფარებენ. დეე,

იმათ კისრად იყოს ტანჯულთა ცოდვა! შენ-კი ნუ განრისხდები! უცადე იმ დროს, როდესაც ტანჯულთა კენესა-ქვითინი ლახვრად გაუფლით გულში მტარვალებს, როდესაც მათი ცრემლი ნიაღვრად გარდაიქცევა და წალეკავს ამ უღმერთოთ, მათ ძალმომრეობაზე აგებულს ბედნიერებას, როდესაც აღიგვება მათი სახელი და ყალბი შარაგანდელი სამარცხვინო ძოწეულად შეეცვლებათ. მაშინ ხომ ყველა ნეტარებით შემოგლალადებს.

იქნება არც ესა გჯერა? ოხ, მაშ რა ეშველება ქვეყანას? გამხიარულდი, შუბლ-შეკრულო სამყაროვ, ჩვენ იმედი გადმოგვივლინე და დასტკბი, დასტკბი შენისვე სიმშვენიერით.

ხედავ, როგორ აენთნენ მნათობნი? ღრუბლებს ვერცხლს ტახტი შეუქრავთ, შიგ ჩაწოლილა მთოვარე, თვალები მიუღულულავს, გარს ვარსკვლავები შემოჟუფანტნია, კვდება, დნება შენის ეშხით, უნდა მოწინებით გეანბოროს, ქვეყნის აშბავი გიამბოს, გაგართოს, გაგახაროს.

არ გინდა განა, შენი სატრფოს გარდა სხვა მოარშიყე? თვით კეკლუცი მთვარე არარაობად გეჩვენება, არაფრად აგდებ ვარსკვლავთ ბრჭყვიალებას, ქვეყნის ჯავრიც აღარ გაქვს? რას გარინდებულხარ? მზის მეტი არავინ მოგწონს? ოხ, რა ამაყი, მაგრამ რა ერთგულიც კი ყოფილხარ!

გეცინება? ჰო, ვიცი, ვიცი, რათაც! მზემ შიკრიკები გამომიგზავნა, მოვდივარო. მორცხვად აბრჭყვიალდა ცისკარი, ხარიპარიამ მზისგან გამოტანებული უსტარი გადასცა შენდა მოსართმევად, მზის გზის პირად ძოწეული გაიშალა..

გაგაჟრჟოლა? სხივით არის დაწერილი უსტარი და შიგ უკვდავი გრძნობა გამოხატული, ხომ? როგორ გაფითრდი, კდემის სიწითლემ გადაგკრა, გულ-მკერდი აგითრთოლდა! სად არის ეხლა მთვარე, რომ შურით არ ჩაქრება. ეჰ! გაპარულა კიდევ თავის ამალით, მზემ რომ ამოაშუქა, ბედნიერი ხარ, ბედნიერი!

შენთან ერთად ხარობს მთელი ქვეყანაც: ტორუა ბუჩქიდან ამოფრინდა, ყვავილ-ბალახთ პირი დაიბანეს, ვარდი ნაზად გაიზმორა და საყვარლად გადაიშალა, კურდღლის ბაქიამ დანამულ ველზე შეითამაშა, ყელმადალი ჯეირანი, ნორჩი შვილს ნუკრი, ტურფა ირემი ველ-მინდორზე გაიშალა.



ბუმბერაზ მთებმა ამაყად გადახედეს ქვეყანას, ამღერდნენ ფრინველები, სიცოცხლემ ფრთა გაშალა. გამობრძანდა ადამიანიც, შენმა ელვარებამ თვალი მოსკრა, მაგრამ ვერა ხედავ არაფრად გაგდებს? მაგრამ შენც-კი ყურადღებას არვის აქცევ, უკვდავს—მომაკვდავისა არ გეშინიან.

ოხ, ცაო, ცაო! ნეტა მეც შენსავით ბედნიერი ვიყო, ნეტა ცვარათ მაინც ვიქცე, რომ ყოველ დილით ჩემ სატრფოს პირი დავბანო ხოლმე, ნეტა ცრემლად ვიქცე, რომ ტანჯულთ თვალზე შევაშრე და მწუხარება სიხარულად შევუცვალო. ჩემი ჯავრი აღარ გაქვს, ჰა? ჩაეკარ, ჩაეგრიხე მზის სხივებს დადნი, ნეტარებით აენთე!

თუ კარგი არ გემეტება ჩემთვის, ეკლად მაინც მაქციე, რომ ბოროტებას თვალში გავეჩხირო, ან ეფიხად მაქციე მაინც, მაგრამ გრძნობას კი-ნუ წამართმევ! მე მინდა მარად თვალყურს ვადევნებდე ქვეყანას, გავიგო როდის მოელება ბოლო მტარვალებს, უკვდავია თუ არა სატრფოს ფიცი, უანგაროა თუ არა „ქვეყნისთვის თავდადებულთა“ მოქმედება? ყურს არ მიგდებ? აბა, რაღა ჩემი ჯავრი გაქვს. შენ უკვდავი, მე მომაკვდავი. ან-კი რა გვაქვს საერთო. მაგრამ... რომ იცოდე რა მოუსვენარია ადამიანი, რა ამაყია! სხეულით თუ არა, სულით მაინც განეზიარება შენს უკვდავებას!“

## თ ა ო

### ამბავი

ღამე იყო, ღამე ზაფხულისა. ვარსკვლავებით გადაქედილ ცის სიერცეში მედიდურად მისრიალებდა გაბადრული მთვარე. მისგან შუქ ნატყორცნი ღრუბლები-კი ბამბის ქულასავით გადმოყუდებოდა კავკასიონის მთა-გრეხილს, თითქო ღამის გუშავს გზა უნდა შეუკრასო. უზარ-მაზარი ქედი—ბრუტ-საბძელა—ცამდის აღმართულიყო, გაეპო ღრუბლები და ათასის ხეე-ხუვის იქით, ვიწრო, მაგრამ კოპწიად შემკულ მინდორზე გაშენებულ ქართულ სოფელს მრისხანედ გადმოყურებდა... მშვენიერი, დიადი სანახავი იყო ხელთ-უქმნელი ბუნების სურათი. იმ დროს, როდესაც ვერცხლისფრად დაფერილი ღრუბლები ერთმანეთს ეზიდებოდა და სპეტაკ კავკასიონის მთაზე ათას გვარად იპენტებოდა, ცის მოპირდაპირე კიდე თან-და-თან ლაქვარდდებოდა, და მკრთლად მოციმციმე ვარსკვლავთა კრებულს კივკივით თავს ევლებოდა. ღამის სუსტი წყვილიადი გაუბედავად ებურებოდა ქვეყანას, მკვარტლის ფრთა იძაფებოდა, სადღაც ხრამებისაკენ მიეშურებოდა, რომ იქ გამეფებულიყო. გიჟმაჟი ცელქი ნაავი აქა-იქა დაფარფატებდა. ეძინა შრომისაგან დამაშვრალ სოფელს, არ ისმოდა კაცთა ხმაურობაც, მხოლოდ ნიავისაგან გაღვიძებული ტყე-მინდორი განუწყვეტლად შრიალებდა, ბებერი კაკლის ხეები ბუტ-ბუტით თავს უკრავდა მედიდურ ბუნებას. შორით მოისმოდა ლიაჭვის ქვეთინი და ეს კენესა დაულალავის მდინარისა ღამის საიდუმლო ხმებს ყრუ ბანს აძლევდა... ამღერდნენ ღამის მგალობელნიც, აპყენენ ერთმანეთს, გადააბეს ჰანგი ჰანგსა და შემომქმედის სადიდებლად კისრები მოიღერეს. მწყობრად გალობდნენ ბულბულები და ბუჩქიდან ბუჩქზე გადადიოდნენ. აგერ ერთი მათგანი გულსაკლავად აქიკქიკდა, მერე უცბად

ჩარაკრაკდა, ჩარაკრაკდა და ქყრილით გადაეველო შიდანოს. დაყრუვდა, დათვრა ნეტარებით მთელი ხეობა, მხოლოდ ღი-ახვი კვლავ გუგუნით მოხმაურობდა და მაღლა-მაღლა წასული მთვარე მის ზვირთებში მორცხვი კეკლუცივით თავს ილა-მაზებდა!..

ღიად, ღიადი იყო ეს ღამე. გამოუთქმელის სიტკბოებით აღსავსე იყო მთელი ბუნება. ღირდა, რომ მისი რომელიაღი ადამიანი დროებით მაინც ასცილებოდა თავის გულზე. დობას და დამტკბარიყო იმათი სურათების ცქერით, გულით და გრძნობით ამაღლებულიყო, მაგრამ დღეს ეფენია კეთილადის გულისთქმა ვერაფრად ეწყობოდა ბუნების სიდიადეს. იგი თავის გარშემო ვერაფერს ხედავდა, ნხოლოდ პირქვეშად გადმომჯდარიყო სახლის აივანზე და გაბრაზებული იღანძლებოდა.

ეფემია კეთილადისა გახლდათ ერთი ჩვენებური, ძველებური მანდილოსანი და მერე ისეთი, რომელიც აქამდისაც ვერ შერიგებია ძველებურ ჩვეულებათა შერყევას და რომელიც „ყოველ ახალში“ გარყვნალობისა და კუდიანობის შეტს არასა ხედავს; იგი იყო საშინელი ანჩხლი, თავის ნათქვამი და მეტი-მეტი ცრუმორწმუნე.

ეფემიამ თავისი სიყმაწვილე შეიღებს შესწირა, ეგონა „უფროსის მორჩილებაში და სარწმუნოებაში აღზარდო“, მაგრამ მოსტყუვდა. შეიღები აგრე რიგად არ ემორჩილებოდნენ და დედას ბატონყმობის დროის ადამიანს ეძახდნენ. ვაჟებისაგან კიდევ ითმენდა, რადგანაც ისინი ვაჟკაცები იყვნენ და, დედის აზრით, ყველაფრის თქმა შეჰფეროდათ, გარდა ამისა „ის დედა-მკედრები“ სხვადასხვა ქალაქებში იყვნენ სამსახურში და არამც თუ მათი ლაპარაკი, ნახვაც-კი ხშირად ენატრებოდა ხოლმე ეფემიას. მაგრამ ვერ ითმენდა თავისუფალ ლაპარაკს თავის უკვე გასათხოვარ ქალიშვილ თეოსაგან, რომელიც „რადაც ეშმაკად“ სასწავლებელში გამოზარდა. იმ საღამოთივე ეფემია იმიტომ იყო გულმოსული, რომ ბინდ-ბუნდისას სასეირნოდ გასული თეო ჯერაც არ დაბრუნებულყო.

— ერთი აქ მოვიდეს ის ძაღლის წიწილი! არა, აქამდის სად გამიგონია გასათხოვარი ქალის გარედ გდება! მერე ვინ

იცის იმ ბიკთან არის, მაშინ ხომ სულ ბუწუწებიდან გავცლი  
იმ მაიმუნსა!—ბუტბუტებდა ეფემია და სიბრაზისაგან არ  
იცოდა რა ექნა. მაგრამ ტყუილად ავზნობდა თავისებური  
ზანდილოსანი. ბადრი მთვარე გაქანებული მიეშურებოდა და-  
საელეთისაკენ, გაცრეცილი ვარსკვლავები ოდნავ-ღა ბეუტავ-  
დნენ, თეო-კი არსად სჩანდა. ეფემიას ლოდინში თვალები  
ამოულამდა და თვლელმა დაიწყო. მთვარის შუქი საჩეხე და-  
ფარფატებდა აივნის მოაჯირზე მიყუდებულ ეფემიას და უმი-  
სოდაც გაბრაზებულს მომაკვდავის ფერი დასდებოდა.

— ოიზე! ერთი აქ მოვიდეს, ერთი აქ მოვიდეს!—დრო  
გამოშვებით წამოიძახებდა ხოლმე ეფემია და კვლავ უტყდოდა.

სოფლის ბოლოს, კაკლებით დაფენილ სერზე, მოსჩანდა  
ორი არსება. ესენი კარგა ხანია განოსულიყვნენ სოფლის გა-  
ნაპირას და ადამიანის ცნობისმოყვარე თვალთაგან მოფარე-  
ბულნი, ერთმანეთს გულისნადებს უზიარებდნენ. ყმაწვილი  
კაცი ნხართ-თეძოზე წამოწოლილიყო, თავი ქალის კალთაში  
ჩაედვა და საყვარელ არსების სიახლოვით დამთვრალი გამო-  
უთქმელ ნეტარებას ეძლეოდა. ბალახზე მოკეცილი ქალი-კი  
დახროდა ვაჟის სახეს, ხელებით თმას უსწორებდა და ისე  
ჩასტკეროდა თვალეებში, გეგონებოდათ მთელი თავისი არსე-  
ბა იმის თვალეებში უნდა გადაადულოს, ან გულში ჩაუძვრეს  
და იქ სულის საძირკველთან დაისადგუროსო. ისხდნენ გაუნ-  
ძრევლად, ზარტო გაძნელებული სულთქმა მოწმობდა, რომ  
გამოუთქმელ სულისკვეთებაში უნდა ყოფილიყვნენ... ნაზი ნი-  
ავი ტკბილ ძილის-პირს უგალობდათ და სასწორს გადაცი-  
ლებული მთვარე აღმაცერად გადმოჰყურებდა შეყვარებულთ,  
თავისი სხივები ხის ტოტებში ჩაეპარებინა და თითქოს უნდა  
ყური დაუგდოსო, სვეტ-სვეტად დასდგომოდათ.

— აი, ჩემო თეო, რასა ჰქვიან ნეტარება,—დაიწყო ათრ-  
თოლებული ხმით ყმაწვილმა,—აი, სად არის ის ბედნიერე-  
ბა, რომელიც კაცს სულით ამაღლებს და ზნეობა-ხასიათით-კი  
აფაჭიზებს. ამჟამად ისე ამაღლებულადა ვგრძნობ თავს, რომ  
მზათა ვარ ყოველგვარ ბოროტებას წინ გადავედობო და კა-  
ცის სიცოცხლის მომწამვლელ ძალმომრეობას ქვაზე თავი ვუ-  
ხალო. მზათა ვარ ყველას სიცოცხლე შეეწირო, ოღონდ-კი  
შენს თავს ნუ დამაშორებენ! ოჰ, რა ძლიერ მიყვარხარ, ჩემო

ხალოცავო!—გატაცებით წამოიძახა ყმაწვილმა კაცმა, წამოიწია, ძლიერი ხელებით მოზიდა თავისკენ თეოს სახე და ხანგრძლივ დაეკონა.

— ხომ ჩემი ხარ... ჩემი... ხომ ყოველთვის გეყვარები, ხომ აიტან ჩემთან ერთად ღარიბსა და უფერულ ცხოვრებას?!—ჩასძახოდა ყმაწვილი გულზე მისვენებულ თეოს და აღელვებული სუნთქვას ძლიეს იბრუნებდა... მიბნედილი თეოკი ხმის ამოღებას ვერ ახერხებდა და კანკალით ჩურჩულებდა: შენი ვარ, შენი, ჩემო სიცოცხლე, ზურა, და სამარეშიაც კი თან წამოგყვებიო!

დადნენ, დაუძღურდნენ ორივენი და ნეტარების ბურანში გაეხვივნენ. ენა აღარ ემორჩილებოდათ, მხოლოდ სიცოცხლით სავსე თვალებით ერთმანეთს სულში უძვრებოდნენ. ვინ იცის რამდენს ხანს გასტანდა ეს თავდაფიწყება, მაგრამ ამ დროს კაკლის ჩრდილი სერზე ფართოდ წამოიხარა. შეყვარებულები შეკრთნენ და ერთმანეთს მოერიდნენ. დამშვიდდა ყმაწვილი კაციც და თითქოს ერთმანეთისა შერცხვათო, კრძალვით ღიმილი-ლა დაიწყეს.

— მე რა ვქნა, რომ მიყვარხარ?!—ამბობდა ყმაწვილის თვალები.

— მე რა ვქნა, რომ მიყვარხარ?!—იმეორებდა თეოს მთელი არსება და ძალაუნებურათ სატრფოს მხარზე ეყრდნობოდა, და ისევ გამოუთქმელის გრძნობით გატაცებულნი, ხან გულჩვილ ყმაწვილებივით ტიტინებდნენ, ხან ძლიერის გრძნობით აღფრთოვანებულნი, მზად იყვნენ დაეჩოქათ მედიდური ბუნების წინაშე და ცრემლით შევედრებოდნენ ერთმანეთის დღეგრძელობას. ხან უძღურებივით ოხრავდნენ, ხან კიდევ გმირად გადაქცეულნი თავისი ბედნიერების შემბლაღველს ემუქრებოდნენ.

— დასტკბით, დასტკბით! ცოტა არის მაგგვარი წუთები კაცის ცხოვრებაშიო, დაჰბუტბუტებდა დახაყსებული ნიგვზის ხე და ზანტად ფოთლებს ითვლიდა.

გატყდა ლამე. ქვეყნის მნათობმა დიდი ხანია დაიქვეითა და მივიწყებულ ხევ-ხუკშიაც ჩაიხედა. ლამე უჟრო დაყრუვდა, გამედიდურდა. გიჟი ნიავე სადღაც ჩამკვდარიყო და ლიახესაც, თითქოს დასძინებიაო, ზმუილი-ლა გაუდიოდა.

თეო და ზურა ისევ სერზე იდგნენ. ქალი ვაჟს მხარზე დაყრდნობოდა, ვაჟს წელზე ხელი შემოეხვია და ისე გააჭყურებდნენ კავკასიონის მთაგრეხილზე ღრუბლებისაგან გამოქანდაკებულ მშვენიერს სურათებს.

აგერ ერთი ღრუბელი შეინძრა, ფრთა შემოჰკრა მეორეს, გაიშალა, გაიშალა და საყვარლათ გადაპენტილმა ნაკეთი გამოიცვალა. სხვებიც აპყვნენ მის მაგალითს, რბევა დაიწყეს და ერთმანეთს ჩაეგრიხნენ. ალაგ-ალაგ. ცის კამარამ შავათ გამოიხედა. ვარსკვლავებმა ერთმანეთს შესციმციმეს და კვლავ ღრუბლებს ამოეთარნენ. ზურა და თეო გატაცებით დაშტერებოდნენ ღრუბელთა სრბოლას, მაგრამ ვინ იტყვის, რომ ამავე დროს მათი სიყვარულით აღვსილი გრძნობა-გონება ღრუბლების დაგვარადვე იმედებით არ იფურჩქნებოდა და „სიძნელეს გზისას არ იადვილებდა“. ან იქნება მათ ამაღლებულ ფიქრებს ბედნიერების მისალწევად საჭირო ბრძოლა ზედ დართოდა და ამ შერეულის გრძნობის ზეგავლენით, უსიტყვოდ, მარტო ოხვრით უზიარებდნენ ერთმანეთს ძლიერ სულისკვეთებას. დიად, ხანდახან ენაც ვერ შესძლებს ხოლმე გულის სიღრმეში ჩანასახ შორეულ გრძნობის გამოხატვას!

— წავიდეთ, წავიდეთ, ზურა, თორემ მგონი დედაჩემი კბილებს მილესავს!—დრო გამოშვებით იტყოდა ხოლმე თეო, მაგრამ ისევ იქ-კი იდგნენ, დაშორება ეზარებოდათ.

— წავიდეთ,—ერთზელ კიდევ გაიმეორა თეომ.

— ეჰ, წავიდეთ,—დაბლად უპასუხა ზურამ და დაუნატა: —წავიდეთ, მაგრამ თუ ხათრი გაქვს, გულს ნულარაფერზე აიძღვრე. რა ვქნათ, რომ არ ესმით რასა სჩადიან! ცოტა კიდევ მოვითმინოთ და იქნება ბოლო მოეღოს ჩვენს ტანჯვას. ეს ოხერი მდიდარი მაინც ვიყო, რომ დედიშენის გულიც დამშვიდებული იყოს,—გაუბედავად სთქვა ზურამ.

— სსუ! ჩემო იმედო, სიმდიდრეა გულწრფელობა, ბედნიერების მომნიჭებელი-კი სიყვარული და დაუღალავი შრომაო, მგონი მე შენგან გამიგონია,—სიყვარულით სავსე ღიმილით შენიშნა თეომ.

— ოღონდაც, ჩემო თეო, მაგრამ... შენ ხომ იმიტომ გტანჯავენ, რომა ღარიბ კაცს ნუ მისდევო,—ყრუო, ნაღვლიანად უპასუხა ზურამ და წასასვლელათ მოემზადა.

— არა, არა, ზურაბ, მე რა დამტანჯავს, თუ-კი შენ ყოველთვის ჩემთან იქნები. იქნება გგონია მე მაგაზე მეტობრძოლა არ შემეძლოს? გამიძელ წინ, შევეუდგეთ ცხოვრების უსამართლობასთან ბრძოლას და თუ არ მოგყევე, ადამიანს-ნუ-კი, მართო დიაცი დამიძახე.

— მაშ კარგი, შენ ნუ შედრკები, ცხოვრების ფუქსავატობა ნუ გაგიტაცებს და მეც დაგიმტკიცებ, რა შეუძლია შენთვის და პატიოსნებისათვის თავდადებულ ადამიანს—ალტაცებით დაუმატა ზურამ. მხურვალედ გაუწოდა ხელი და სერიდან თავქვე დაეშენენ...

— ნახვამდის, ზურა,—მიაძახა სახლთან მიახლოვებულმა თეომ.

— ნახვამდის, ჩემო შელის ნუკრო,—გაიმეორა ზურამ და გრძნობამორეული შინისკენ გამობრუნდა.

— ზი, ქააა! ერთი ნახეთ, რა ყოფაში არიან ეს საძაგლები!—დაცინვით წამოიძახა აივანზე მყოფმა ეფემიამ და ზეზე: წამოიქრა. ეფემია ეხლა უფრო ფხიზლად გრძნობდა თავს, რადგანაც თეოს მოლოდინში, ერთი პირი კიდევ გამოიძინა, მაგრამ რამდენათაც ძილმა დაამშვიდა, ორი იმდენათ განაგონმა „ნახვამდის!“ გაააფთრა და გააბრაზა.

თეომ საჩქაროდ აირბინა კიბე და რადგანაც დედა ვერ შენიშნა, სახლში შესვლას აპირებდა.

— მშვიდობა შენს მობრძანებას! სადა ხარ აქამდის, ქალბატონო?—წყნარის, მაგრამ ცოტა არ იყოს გესლიანი კილოთი, მიჰმართა ეფემიამ.

თეო შედგა. ერთხანს გაშტერდა, თითქო ამ დროს დედის გარედ ყოფნას არ მოელოდაო და შემდეგ მშვიდად უპასუხა:

— სად უნდა ვყოფილიყავ. განა ამისთანა უკვდავება ღამეში ამაზე აღრე დაიბუდებს ადამიანი? აბა დახე, რა მშვენიერებაა ეს დაძინებული ბუნება.

— აი, მეხი-კი დავაყარე მაგ თავში! მაგისთანა რამეები რომ იცი, რატომ ის-კი აღარ იცი, რომ შენოდენა გომ-

პიო ამ დროს გარეთ არ უნდა ეგდოს. ვერა ხედავ, რამოდენა სირჯულ-ძალღეა ქვეყანაზე, ჰააა!—დაიღრიალა ეფემიამ. თეო სდუმდა.

— გესმის, შენოდენა გომბიოს ასე გვიან სახლიდან გარეთ თავი არ გაეყოფინება-მეთქი! განა რამდენჯერ მითქვამს შენთვის, შე უმსგავსო, შენა!—უყვიროდა ეფემია და მეტის სიბრაზისაგან თვალებს აბრიალებდა.

მართალია თეოს პირველად არ ესმოდა დედის ამგვარი ლაპარაკი, ახლაც შეეძლო პასუხი არ მიეცა, მაგრამ გადასწყვიტა ერთხელ კიდევ დაემშვიდებინა.

— აბა, რათა ჯავრობ, ჩემო დედა, ხომ გაიგე, რომ მე შენის აზრისა არა ვარ მაგ საგანზე და გარდა ამისა მე ჩემის ყოფაქცევით არავის ცუდს არ ვუშვრები. მაღლობა ღმერთს ისეთი პატარა არა ვარ, რომ ჩემი მოვალეობა არ მესმოდეს.

— რაო, რაო, შენ რომ მაგისთანა ყბედობა გისწავლია, მაშინ წახდა ქვეყანა. ე მანდ ხმა ჩაიწყვიტე, თორემ, ღვთის წყალობა მაქვს, მე შენ დღე დაგაყარო! არა, შე უბედურის შეილო, მაშ, დიდი პატიოსნებაა შუალამისას ალქაჯივით გარეთ დახეტიალობდე? ახლა რომ დაენახე ვისმე, აბა რას იტყოდა, ჰა!

— მე სრულიადაც არა ვცხოვრობ იმისთანებისათვის, ვისაც არც-კი ესმის, რას ლაპარაკობს და სრულიადაც არ ვაფასებ იმათ შეხედულებას!—ცოტა არ იყოს ხმის კანკალით უთხრა თეომ.

— აი გლახა-ამპარტავეან ზურიასთვის ხომ ცხოვრობ!—ველარ მოითმინა ეფემიამ და შეჰკიელა:—ე მანდ შენთვის გაჩერდი, ე ქვეყანას ნუ აყბედებ, თორემ, მაშაჩემ ქაიხოსროს აქვს ცხონება, გადმოგიღებ და რაც სიგრძე გაქვს იმ სიბრტყეს მოგცემ. მეყო მეყო, ამდენი მოთმენა! ეხლაც იმასთან იყავ, არა? სთქვი-მეთქი, სთქვი!—აღელვებით, ხმა ჩახლეწილად წამოიხაეხავა ეფემიამ და გვერდზე მოუდგა.

— მერე, მე როდის გიმაღავ, ან-კი რა საძრახისია, რომ ადამიანი თავის საყვარელ არსებასთან იყოს?—გაბედვით უპასუხა თეომ.



— დახე, დახე ამ მამ—სა, თუ ერთი ბეწვა დარცხვენა: ჰქონდეს! გოგო, რეებს ლაპარაკობ? გოგო, რათ მარცხვენ? განა იმიტომ გამოგზარდე პენციონებში, რომ ვილაც ზურაა, იმას წაჰყევე? ან-კი, რა ნახე იმ კუდიანის შვილში. წამალი ხომ არ გაქამა, მგლის ქონი ხომ არ მოგისვა, იმ უკეთურმა იმან! მე ხომ წინადაც დაგიშალე, ნუ დასდევ-მეთქი, შენ კიდევ შენსას არ იშლი, განა!—თან-და-თან წიწმატლებოდა ეფემია და რაც ძალი და ღონე ჰქონდა გაჰკიოდა:—ღმერთო, ღმერთო, ეს რა დრო დაგვიდგა! აი მეხი-კი დაეაყარე, ვინც ქალი სასწავლებელში გამოგზარდოს!..

თეოს რაღაცა უნდა ეთქვა. უნდოდა გაემტყუნებინა ეფემია. უნდოდა თავის წმინდათა-წმინდა დაეცვა, მაგრამ ამ დროს გაათურებული დედა მივარდა საბრალო ქალს, ერთი ორი ქიბუნჯი უთავაზა და ჩქმეტა-ხორცების გლეჯით საწოლ-თან მიათრია.

დიდი შეურაცხყოფა იყო შესმენილ, გასათხოვარ ქალი-სათვის დედის ასეთი მოპყრობა, მაგრამ ეფემია, ისეთი ადამიანი გახლდათ, რომ, როცა გაანჩხლდებოდა ხოლმე, ყოველგვარ მოსაზრებას ჰკარგავდა და ამასთან ისეთის უშვერის პირობით და უწმაწური სიტყვებით ილანძღებოდა, რომ კაცი ყურებზე ხელს დაიფარებდა.

დედას, მამას, რჯულს, ღმერთს, სარწმუნოებას, შინაურს და გარეულს დომხალივით აურეცდა ხოლმე ერთმანეთში. შვილებს ბევრჯელ ურჩევიათ, თავი დაანებე მაგისტანა ლანძღვა-გინებასაო, მაგრამ დღონჯ შემოდგმული ეფემია თავდაპირვით ეუბნებოდა:

— დიად, მამა გიცხონდათ! კარგად მოიქეცი და აღარ გავილანძღები. ავი შვილი დედ-მამის მაგინებელიაო.

ამჟამად ლანძღვა-კი არა, მზად იყო კბილებით დაეგლიჯა თავისი ქალი. რას ბრძანებთ, ეფემიას მოთმინების ძაფი გაუწყდა. აგერ რამდენიმე ხანია სულ იმას ეჩიჩინება თეოს, თუ ჩემი დედაშვილობა გინდა ისე მოიქეცი, როგორც მე გირჩევ, თორემ ინანებო. რითი ემუქრებოდა ეფემია, ან რაში ინანებდა, ეს ეფემიასათვისაც გამოურკვეველი იყო, მხოლოდ ეს-კი აშკარაა, რომ დედის თავმოყვარეობას რწმენა-შეხედულობას და შვილის ურჩობა-წინააღმდეგობას სასტიკი

ბრძოლა გაემართათ, რომელსაც ეფემია გაეაგვაცებინა და თეო-კი უფრო განემტკიცებინა ხასიათით.

ეფემია, როგორც „ცხოვრებაში გამოცდილი“, მაგრამ უმეტრებით გარემოცული, ადამიანის ღირსებას სმა-ქამითა და ჩაცმა-დახურვით აფასებდა, თეო კი როგორც ახალგაზრდა, ათასგვარის იმედებით და იდეალებით გატაცებული, არაფრად აგდებდა ცხოვრების ფუფუნებას, კაცის დანიშნულებას მხოლოდ უსამართლობასთან ბრძოლაში ხედავდა და სიამოვნებას—დაულალავ შრომაში. თქმა ალარ უნდა, რომ ქალის მხრივ ამგვარი შეხედულება ეფემიას სიგიჟეთ ეჩვენებოდა. აკი იმიტომაც ყოველგვარ საშუალებასა ხმარობდა, რომ თეო ჭკუაზე მოეყვანა.

— აბა შეხედე შენს ტოლებს, როგორ იქცევიან, შენ რაღა ღმერთი გიწყობა,—ხშირად ეტყოდა ხოლმე ეფემია და მოუთვლიდა: როგორ უნდა ჩაიცვას გასათხოვარმა ქალმა, როგორ უნდა დაივარცხნოს თავი, როდის უნდა გავიდეს გარეთ და როდის არა, კაცის დანახვაზე როგორ უნდა მოიქცეს, რაგვარად უნდა წაისევას ფერ-უმარული და სხვა-და-სხვა. როგორც ხედავთ, ეს სულ უმნიშვნელო რამეა, მაგრამ ეფემია-კი დიდად აფასებდა და სულით და გულით სწამდა კიდევ, რომ ქალის უმთავრესი ღირსება-დანიშნულება კეკელაობააო. სამაგიეროდ თეო ხშირათ ეკამათებოდა ხოლმე დედას ამ საგნების შესახებ და ეუბნებოდა: „მე თოჯა კი არა, ადამიანი ვარ, ადამიანი და ადამიანს-კი არ შეჭყერის ზაიმუნობაო.“ ოხ, ღმერთო ჩემო, ნეტა როდის იქნება, რომ ჩვენი მშობელ-აღზრდელნი საარშიყო საგნებად არ გვამზადებდნენ, ნეტა როდის იქნება, ჩვენ, ქალებსაც, რიგიანი სწავლა-ცოდნა მოგვეცეს, რომ მალე გამოვიდეთ იმ უმეტრებიდან, რომელიც გარს გვახვევიაო.

არ ვიცი, როგორ ასცდა თეო ჩვენის ახალგაზრდა ქალების საზოგადო მიმართულებას, მხოლოდ ეს-კი ვიცი, რომ ამ გვარის აზრებით გამსჭვალული თეო, სწავლის დამთავრების შემდეგაც მთელს თავისუფალ დროს წიგნების კითხვას ანდომებდა—უკვირდებოდა თავის თავს, გარემოს, დაულალავად შრომობდა. ჩვენი ნაცნობი ეფემია კრეჭის თვალთ უყურებდა თეოს ლაპარაკსა და საქციელს, ხან კიდევ დასცინოდა

და ურჩევდა რატა-რუტისათვის თავი დაენებებინა და ისე მოქცეულიყო, როგორც შეფეროდა იმის დედ-მამისშვილს. ეს შეფერება კიდევ იმაში მდგომარეობდა, რომ თეოს ვინმე „ნასწავლი, კკვიანი“ კაცი მოედებნა და მალე დაბინავებულიყო. თეოს გულში ეცილებოდა ხოლმე, როცა დედა თავისებურ ნასწავლ კაცებს დაუსახელებდა და მშვიდად ეუბნებოდა: „რადროს ჩემი გათხოვებაა, ჯერ კკუა არ მისწავლიაო“.

— არა, შენმა მზემ, კომბოსტოსავით დამჟავდი სახლში და მერე ხელმწიფის შვილი წაგიყვანს,—უპასუხებდა ხოლმე ეფემია, და ქალისათვის საქმროს დაედებდა. ბევრი ნასწავლი კაცი შეეძლია თეოს, ბევრმა კარისკარ მოსიარულე სასიძოვებმა მოიწადინეს თეოს შერთვა, მაგრამ თეო ზიზლით ეგებებოდა ქუჩა-ქუჩა ბედის მაძიებელთ და ერთი-ორი პირშიაც გამოლანძღა.

აი, ამ დღიდან დაიწყო დედასა და შვილს შორის უთანხმოება. გაიმართა ისეთი ბრძოლა, რომელიც სხვადასხვა მხრით და სხვადასხვა შემთხვევაში ბოლოს უღებს გარემოებისაგან შეთხზულ მანე ჩვეულებათ და თითოეული ოჯახი გამოჰყავს სამართლიანობის, განათლების გზაზე. მაგრამ ძვირად დაუჯდა თეოს ეს ბრძოლა. კერძა და თავისებურ ადამიანს ვერაფერი შეასმინა-რა. ხოლო როცა ზურას დაუახლოვდა, ეფემია საშინელი მოწინააღმდეგე გახდა, აამხედრა ყველა თავისი ნათესავებიც და შეერთებული ძალით ებრძოდნენ ყმაწვილი ქალის გულწრფელ გრძნობას, მაგრამ... დაბრკოლებანი ქარია, რომელიც უფრო აძლიერებს გულზე მოკიდებულ სიყვარულის ცეცხლს.

სწუხდა თეო დედის ასე მოპკობისა გამო, მაგრამ სიყვარული მომავალს უცისკროვნებდა, გული სტკიოდა რომ ასე უღმერთოდ ამცირებდნენ, მაგრამ ამავე დროს სიყვარული ცხოველ-მყოფელ ნექტარს ასხამდა უსამართლობისაგან დაკოდილ გულში: „ცოტა კიდევ და ბოლო მოეღება ამ ტანჯვას, ცოტა კიდევ და ჩემ ზურასთან ერთად ბედნიერი ვიქნებიო“. ამ სიტყვებით იქარვებდა თეო გულის დარდს, რადგანაც სწამდა, რომ ცხოვრებაში, საყვარელ არსებასთან თავისუფალი იქნებოდა და თავისუფლება ხომ პირველი ნექტარებაა ქვეყანაზე!

იმ დროს, როდესაც ეფემია თავის ქალს ეჩხუბებოდა და ნამტირალევი თეო იმის ფიქრში იყო, უთხრას თუ არა ზურას ეს უკანასკნელი თავის დამცირობაც, ზურა ქებაშეილი, თითქო გულს უგრძენიაო, ჩქარის ნაბიჯით გადი-გამოდოდა თავის სახლის წინ და თათქმის ხმამაღლივ იძახოდა:

— უთუოდ კიდევ გაუჯავრდებოდა იმ ადამიანს! ღმერთო, ღმერთო, რა უნდათ ჩვენგან, რაზე გვიშხამავენ სი. სიცოცხლეს! ერთი ჩქარა მაინც მომივიდეს ჩემი არზის პასუხი... გუბერნატორობას ხომ არ ვთხოვ, მე მინდა ჩემს სოფელში სასწავლებელი დავაარსო, ხარჯს არა ვთხოვ და ბორჯსა. მაშ, ნეტა რაღათ აკიანურებენ საქმესა! ოი-მე, ოი-მე!—ბრაზობდა ზურა და თავჩაღუნული ფეხს უფრო უჩქარებდა. ან-კი როგორ არ გაბრაზებულყო. ეხლა მის გულში მთელი ჯოჯოხეთი ენთო: ხედავდა სატრფო ეტანჯებოდა და გარემოება-კი ნებას არ აძლევდა დაეხსნა იგი ამ ტანჯვისაგან, უნდოდა მალე შესდგომოდა არჩეულის საქმის ასრულებას, უნდოდა გამოეცადნა თავისი ძალ-ღონე, უნდოდა დამეგობრებოდა ხალხს, მათთან ერთად ქირი და ლხინი გაეწია, მაგრამ დღე დღეს მისდევდა და გაძოურკვეველ მდგომარეობას კი ბოლო არ ეღებოდა.

ზურა ქებაშეილი ერთი იმ ყმაწვილკაცთაგანი იყო, რომელთაც ადრე გამოუკვლევიათ ცხოვრების მიზანი და რომელნიც სულით და გულით ეწათებიან თვითგანვითარების, წარმატების წყაროს. მაგრამ ზურა მეტი-მეტი ღარიბი იყო, სწავლის შესაძენათ ქონებრივი მხარე ხელს არ უწყობდა და ძალა-უნებურად უნდა დამონებოდა მწარე ბედს, უნდა დაკმაყოფილებულიყო საშუალო სასწავლებლის დამთავრებით. ძნელია სიღარიბე, ძნელია, როდესაც კაცს სწყურია სწავლა, როდესაც ათას გვარი მწვავე საკითხავი გულს უღადრავს და იმას კი შეძლება არა აქვს გამოიკვლიოს, გამოსჩხრიკოს, ცოტათი მაინც ახსნას ცხოვრების ათას-გვარი ამოცანა. ამგვარ შემთხვევაში ქონებრივ სიღარიბეს, ბრძოლას „ლუკმა პურისათვის“ ზედ ერთობა სულიერი ბრძოლა.

ზურა ქებაშეილი იმ თავითვე ტანჯვა-ვაებაში ჩავარდა. ობოლი, ერთ უფერულ სასწავლებელში მიბარებული, პატარაობითვე უნდა შებმოდა ათასგვარ გაქირევებას. ხან შიმ-

შილს ეომებოდა, ხან სიტიტელეს, ხან მასწავლებელთაგან ითმენდა დამცირებას, ხან უფროსებთან მოუხდებოდა ხოლმე შელაპარაკება და ამგვარად მთელი დრო თითქმის სულ ზრუნვაში იყო. ასეთმა უფერულმა ცხოვრებამ თავისებური ზეგავლენა იქონია ზურაზე და გული შხამით აუვსო. სძაგდა ყველა, ვინც პირფერობა-ფარისეველობაში აღამებს მთელ დღეს, ეზიზღებოდა „ქვემძრომ-ქვეწარმავალნი“ კაცუნები (როგორც თითონ იტყოდა ხოლმე), უყვარდა პირდაპირობა, თუმცა-კი ადვილად არ ენდობოდა ადამიანს... ზურას დაღვრემილ, სევდით საეგე სახეზე ნათლად ამოიკითხავდით, რომ ამ ყმაწვილ კაცს ბევრი სულიერი ბრძოლა უნდა გამოეელოსო და არც მოსტყუედებოდით. იშვიათი დღე ახსოვდა ისეთი, რომ მშვიდად გაეტარებინოს... აგერ გაათავა კიდევ სასწავლებელი, ცხოვრებაში გამოსდგა ფეხი და ეს ნეტარი ხანა, როდესაც მოსწავლე ისე სუბუქადა გრძნობს თავსა, თითქოს მთელი ქვეყნის ბარგი ზურგიდან მოხსნესო, ზურასათვის მთელი ტანჯვა იყო... ვერ მოუხდა მაღალ სასწავლებელში წასვლა...

„ჩვენც დავამთავრეთ სწავლა, პა?“ დაეკითხებოდა ხოლმე ზურა პირველ ხანებში თავის თავს და უმატებდა: „მერე მომზადებულნი-კი ვართ ცხოვრებისათვის? განა შეგვიძლიან ჩვენის შრომით ვიცხოვროთ? სხვისა რა მოგახსენოთ და მე-კი ასე მგონია, რომ ჯერ ბევრი, ძალიან ბევრი გვაკლია და... ოხ, ნეტა შემეძლოს მაღალ სასწავლებელში წასვლაო“, სრული გულის ტკივილით აბოლოვებდა. ხოლმე ზურა და მთელი დღე დაღვრემილი დაიარებოდა...

სწავლის დამთავრების შემდეგ ზურას შეეძლო სახელმწიფო სამსახურში შესულიყო, მაგრამ დასძლია ამ „ტკბილ მაცდურებას“ და სოფელში ცხოვრება ამჯობინა. „ერთ ორ კაცს ხომ ვასწავლი წერა-კითხვას და ესეც დიდი საქმეაო“, გაიფიქრა ზურამ და გამოსწია თავის საყვარელ სოფლისაკენ. უნდა მოგახსენოთ, რომ ერთადერთი სატრფიალო ზურას ცხოვრებაში სოფელი იყო. აქ, მშვენიერ ჩრდილების ქვეშ ბევრჯელ დაულამებია მთელი დღეები წიგნის კითხვით, მარტო აქ უგრძვნია თავი თავისუფლად და გლეხებთან ლაპარაკით, მათი ტანჯვა-წვალების მზერით, შეუდგენია სხვა-

დასხვა საოცნებო გეგმები, წარმოუდგენია თავისი თავი მათ ბელადაჲ ქირსა და ლხინში, გაუთვალისწინებია ღარიბი, მაგრამ პატიოსანის შრომით სავსე სოფლის ცხოვრება, და ისეთი ნეტარება, ისეთი სიტკბოება უგრძენია ხოლმე, რომ გადავიწყებია ნანახი შავი დღეები. მაგრამ, საუბედუროთ, ოცნება იმოდენადვე ხან-მოკლეა, რამდენადაც ტკბელი და სუბუქი.

თითქმის მეორე წელიწადი მიდიოდა ზურას სოფელში დაბინავების შემდეგ და მაინც ვერ მოეწყო ისე, როგორც ძვითონ ფიქრობდა. სოფლის მოხელენი ისე უყურობდნენ, მას, როგორც თავის მეტოქეს (ჩვენში ამ ბოლოს დროს „ნასწავლი“ მამასახლისები გვყავს). ღვდელი—როგორც მოადგილეს; ღვთის წინაშე პირველ ხანებში, არც გლეხები ენდობოდნენ, არ ვიცი ეს ვისი ბრალი იყო, მხოლოდ ხმა-კი დადიოდა, რომ ერთმა მოხელემ შეაგულიანა სოფლის მეთაური კაცები და სასწავლებლის გახსნა იმიტომ იგვიანებდნენ. დაღონებულ-დაძმარებული ზურა ყოველგვარ საშუალებასა ხმარობდა გლეხებისათვის თავი შეეყვარებინა, მაგრამ ვინ არ იცის, რომ ჩვენი გლეხები მიუხედავად იმისა, რომ წინდახედულები არიან, მეტის-მეტათ დაუშინებიათ. თუ-კი რამდენჯერმე დაინახეს ერთი და იგივე კაცი, ევროპიულ ტანისამოსით, მაშინვე ან „ხელამერს“ დაუძახებენ და ან ხელმწიფის კაცს, რომელიც, რასაკვირველია, სოფლის შესაკმელად მოვლინებულაო. ზურაც პირველად ხელმწიფის კაცად ჩასთვალეს. მართალია, ამავე სოფლის შვილი იყო, მაგრამ ხშირად გაიგონებდით გლეხებისაგან, რომ „შვილოსან მაგას თუ სოფლის შექმა არ უნდოდეს, აქ-კი აღარ მოვიდოდაო“.

— ნწ, არა, გიო, ჩემმა მზემ, შენა ჰტყუი. მაგას სოფლის შექმა რომ უნდოდეს, სოფლის მოხელეთ გახდებოდაო,—ეუბნებოდა ხოლმე მეორე.

ასეა თუ ისე, ზურა თითქმის ორ წელიწადს მოუწდა, ვიდრე გლეხებში რამე პატივს დაიმსახურებდა... დამშვიდდა ზურა. გლეხებმა გული გაუხსნეს და შიგ ჩაახედეს. სოფლისათასგვარმა გაკირვებამ აიძულა ქებაშვილს მხურვალე მონაწილეობა მიეღო სოფლის წარმატებაში. მთელი დღე გლეხობაში დატრიალობდა. თავისუფალ დროს წიგნებს, გაზეთებს

ჟუკითხავდა, სცდილობდა ჩარჩი ვაქრები თავიდან მოეშორებინა სოფლისათვის... ზურას სოფლის გულშემატკივარის სახელი გაუვარდა და გლეხები ბუზებივით ეხვეოდნენ...

ამ დროს ეკუთვნის ზურას თეოსთან დაახლოების ამბავიც. სოფლის ორი შესვენილი ადამიანი ერთმანეთს მალე დაუმეგობრდნენ. მეგობრობას აზრების გაცვლა-გამოცვლა მოჰყვა, გულმა გული იცნო და სული სულს შეუერთდა...

\* \*

ბედნიერი იყვნენ თეო და ზურა, ბედნიერი. ზურას დაჩაგრულმა გულმა გამამხნევებელი და დასამშვიდებელი ნავთსაყუდარი ჰპოვა. სიყვარულის ზეგავლენით ზურას სიცოცხლის, ენერჯის ძალამ ერთი ათად გაშალა ფრთა. თეო ხომ ნეტარებით დნებოდა, რადგანაც იმანაც ჰპოვა თავისი აზრების შესაფერი ადამიანი, ჰპოვა ნამდვილი მუშა კაცი, რომელზედაც ხშირად ოცნებობდა. მართალია დედამისი დიდი მოწინააღმდეგე იყო, მართალია თავისებურად კიდევ ბევრჯერ გალანძლულა, მაგრამ რაკი ხედავდა ქალის თავგანწირვას, ბევრს ვერაფერს აწყობდა და ძალა-უნებურად თავმოყვარობა დედა-შვილურს გრძნობას უთმობდა უპირატესობას.

სოფლელებიც აღტაცებით მიეგებნენ თეოსა და ზურას დანიშნის ამბავს და უხაროდან, რომ ორი მათთვის თავდადებული ადამიანი, „გაბედნიერდნენ“.

— გათავებულია, გათავებული ჩვენი საქმე, — სიხარულით უთხრა ერთხელ თეომ ზურასა. — არამც-თუ ერთი და ორი, მთელი ქვეყანა რომ ამხედრებულ იყო, ჩვენი განშორება შეუძლებელი იყო. ჩქარა დავიწყეთ ერთად ცხოვრება და ყველას დავანახეთ, რომ მედგარი შრომა და თავგანწირული ურთიერთობა ყოველი კეთილის შემძლებელია! — აღტაცებით დააბოლოვა თეომ, წელში გასწორდა და ამაყად შემოავლო თვალი მიდამოს, თითქოს უნდა აგრძნობინოს თვით ბუნებასაც-კი, რომ მისგან შექმნილი, სუსტ არსებად წოდებული დედა-კაცი, მართლა ისეთი სუსტი არ არის, რომ საზოგადო ცხოვრებაში თავისი წვლილის შეტანა არ შეეძლოს და თავისი მოვალეობა არ აღასრულოსო.

თეოს ვაჟკაცურმა გამომეტყველებამ, მისმა ცეცხლით აღ-  
გზნებულმა შავმა თვალებმა ზურას გულშიაც ცეცხლი დააქ-  
ვესა და იგი ალტაცებით გადაეხვია საყვარელ არსებას.

— მომეცი, მომეცი ხელი, შეერთებული ძალით გაეწიოთ  
ეკლიანს გზაზე, მედგრად მივეშვიროთ გული წუთისოფლის  
ქარტახილს, ვიბრძოლოთ იმდენ ხანს, ვიდრე ჩვენი მოსიყვა-  
რულე გული მკვერდ-ქვეშ გვიცემდეს. გაესწიოთ წინ უმანკო  
სიყვარულით აღქურვილებმა და სიყვარული ხომ დედაა ყო-  
ველგვარი სათნოებისა!

— სიყვარული ყველა გაპირვების მძლეველია,—დაუმატა  
თეომ და ისე მაგრად ჩასქიდა ხელი ზურას, თითქოს ეხლავე  
უნდა წაიყვანოს საბრძოლველათაო.

— დიად, სიყვარული დიდი ძალაა,—ჩამოართვა სიტყვა  
ზურამ,—და ჩვენც დავძლევთ ყოველგვარ გაპირვებას, მაგრამ  
ჩვენი სიყვარული ქალაჩუნობაში არ უნდა გამოიხატოს.  
დღეს ჩვენ რომ ბედნიერები ვართ, ვეცადოთ სხვასაც შეეუქ-  
სუბუქოთ თავისი მწარე ბედი... ჩვენ დაგვაახლოვა ხალხზე  
ლაპარაკმა და მოდი ისევ იმ ხალხისთვის ზრუნვა იყოს ჩვენი  
სიყვარულის თავდები. ხედავ ამ მშვენიერს და მიღი-  
დარს ბუნებას. ისეთი ლამაზია, ისეთი დიადი, რომ მგონი  
მკვდარსაც-კი სული ჩაუდგას, მაგრამ ჩვენი სოფლელების  
ცხოვრება გაძიმწარებულა, შეუბრალებელ ისტორიის ქარ-  
ტახილს დაუძაბუნებია, უვიცობის წყვილიაღში გაუხვევია. აი  
მაგათ უნდა შეეწიროთ ჩვენი მცირეოდენი ცოდნა, მაგათ  
გაგზარდეს და უშობელს ამაგი უნდა გადაეუხადოთ, შეეწი-  
როთ ჩვენი სიცოცხლეც, თუ-კი ამას საპირობება მოითხოვს.  
მხოლოდ ერთი რამა გვაქვს საკუთარი და იმითი-კი ჩვენ უნდა  
ვისულდგმულოთ,—ეს არის ჩვენი სიყვარული, ჩვენი კავში-  
რი.—აქ ზურა ცოტას ხანს შეჩერდა და შემდეგ დაუმატა:  
— მართლაც და ან-კი რა არის ბედნიერება თუ არა შეურ-  
ყვეელი ურთიერთობა და მოძმისათვის თავის დადება?

— ოლონდაც, ჩემო იმედო, ოლონდაც!—კვერს უკრავდა თეო.  
ამ დროს მართლა ისეთი ბედნიერები იყვნენ, რომ მათი  
სულსიკვეთების გამოსახატავად ფოლადის კალამი არა კპარა.  
ამის გასაგებად გულია საჭირო, გული წმინდა გრძნობით და  
ტკბილის იმედებით აღსაყვს!



დიდხანს არ გასტანა შეყვარებულების პოეტურმა აღტაცებამ! არ გასულა რამდენიმე კვირა ზემოთ აღწერილის ბაასის შემდეგ და ცხოვრებამ ისეთი განსაცდელი მოუვლინათ რომ ძალა-უნებურად მოეშხამათ ტკბილი წუთები. ზეციურ აღმაფრენიდან ისევ ძირს მიწაზე დაეშვნენ, რომ კვლავ უფრო დატანჯულიყვნენ, ადამიანებს არაადაშიანური გაჭირვება გამოეცადნათ და ამგვარად ან სავსებით გამოწაფულიყვნენ ცხოვრებაში და გმირები გამხდარიყვნენ, ან არა და ქელი მოეხარათ ბოროტების წინაშე და ცხოვრების მორევში უმნიშვნელოდ დაღუპულიყვნენ.

ჯერ ისევ ნეტარების, სიყვარულის მორევში დალივლივებდნენ, ჯერ ისევ გულის ცემით მოელოდნენ იმ მათთვის ბედნიერ დღეს, როდესაც სასწაელების დაარსების ნებართვა მოუვიდოდათ და ცოლ-ქმარნი შეუდგებოდნენ ხალხის წაომატებისათვის შრომას, ნაფიქრ-ნაგრძობის წმინდა იდეალების განხორციელებას და ამ დროს უცბად ხმა გაერცელდა, რომ ზურა ქებაშვილი უნდა დაიქირონო!

ხმა ტყუილი არ გამოდგა. ზურას პოლიცია-გაფაცვიცებით დაეძებდა.

დაქერის მიზეზი მგონი ყველასათვის ცხადი უნდა იყოს და მე-კი ნება არა მაქვს ამის შესახებ ვილაპარაკო... ზურას კეთილ მისწრაფებას ლაგამი ამოსდეს, მის შეყვარებულ გულს უსამართლობის ლახვარი გაუტარეს და მისი ახლო მომავალი ჯანლით შემოსეს.

გულ-მოკლულმა, დაღონებულმა ზურამ ერთ დღეს თეოსკენ გასწია, ის კარვად გრძნობდა, რომ უკანასკნელად-ღა ნახავდა თეოს! მიდიოდა ნელას ნაბიჯით. სულიერ ბრძოლას მის სახეზე მომაკვდავის ფერი აღებეჭდა და მაღალი შუბლი დაენაოჭებინა. მოულოდნელ ამბავს ვაჟკაცი თითქმის დაელაჩრებინა და გულოვნება წაერთმია. აგერ თეომაც დაინახა და აღეწილი გამოეგება.

— რათა ხარ ეგრე, კაცო, რა მოგივიდა?— დაეკითხა შეშინებული თეო.

ზურა ხმას არ იღებდა.

— მითხარ, მითხარ რა მოგივიდა?—მოუთმენლად ეკითხებოდა თეო.

— რალა რა მომივიდა, ჩემო კარგო, ჩვენს ოცნებას, ჩვენს ერთად ცხოვრებას დროებით ბოლო უნდა მოედოს.

— როგორ, რა ნაირათ, ნუთუ აზრი გამოიცვალე? მითხარ, ნუ მტანჯავ!—ეხვეწებოდა თეო და თან-და-თან ფითრდებოდა.

— ხმები გამართლდა, მე უნდა დამაპატიმრონ,—მოკლეთ წარმოსთქვა ზურამ და თავი უფრო ძირს ჩაჰკიდა.

— ვაიმე!—წამოიძახა თეომ, წარბარბაცდა და თავი რომ ველარ შეიკავა, ზურას მიეყრდნო. მიხვდა თეო, რაშია ციკო საქმე, მიხვდა და მისმა ჩვილმა გულმა ველარ მოითმინა, თვალთაგან ცრემლის ნაკადული წამოსკდა. სტიროდა თეო, სწუხდა ზურაც და სანუგეშო სიტყვები ველარ ეპოვნა. ან-კი რა ეთქვა, რილათი გავმხნეებიანა, რილათი შეემსუბუქებიანა ეს უკანასკნელი დანაკლისი.

— კარგი, ნუ სტირი... სჩანს ბედი არა გეწყალობს. ჰო, კარგი ნუ სტირი, ჩემო თეო,—ეუბნებოდა ზურა და ცრემლის შესაკავებლად ტუჩებს იკენეტავდა. თეო-კი ისევ სტიროდა, ისევ ქვითქვითებდა.

— ღმერთო, ეს რალა მოგივიდა, ღმერთო, ეს რალა დაგვემართა!—ნაწყვეტ-ნაწყვეტად იძახოდა თეო.

— ჰო, კარგი ნუ სტირი, კარგი-მეთქი!—წამოიძახა ზურამ,—სირცხვილია ჩვენი ასეთი საქციელი. სჩანს უნდა ვიტანჯოთ და გულ-მაგრობა, ხასიათის სიმტკიცეც სწორედ აქ არის საჭირო. იმედი მაქვს, შენ სულით არ დაეცემი და ყოველთვის გეყვარები. მე-კი... წავალ ჩემთვის გამზადებულ საპატიმროში და იქ... შენით გავმხნეველები!—ზურას ხმა ჩაუწყდა.

— ოხ, ზურა, ზურა, რა აუტანელი ღვთის ცეცხლი მოგვევლინა!—წარმოსთქვა ხმის კანკალით თეომ, — მაგრამ რას ვიზამთ, უნდა მოვითმინოთ... ნუ, ჩემო ზურა, ნუ იფიქრებ, რომ შენ ჩემ თვალში დამციირდე, შენმა თეომ დაგივიწყოს, ნუ გგონია მარტო ლხინისათვის უნდოდი შენს თეოს. არა, მე შენ დაგიმტკიცებ, რომ მიყვარხარ და მეყვარები კიდევ! დეე, დაინახოს მთელმა ქვეყანამ, რომ ყველა ქალი მარტო

გათხოვებისათვის არ აძლევს ხელს საყვარელ კაცსა, დეე ყვე-  
ლამ დაინახოს, რომ ჩვენ, ქალებსაც, შეგვიძლია გაჭირვების  
ატანა. შეგვიძლია ბრძოლა ცხოვრების უკუღმართობასთან...  
მე პატივს ვცემ იმ დედა-აზრს, რომლის გულისთვისაც შენ  
უსამართლოდ უნდა დაიტანჯო. წადი, ჩემო ზურა! ციხეში  
მარტო უპატიოსნონი არ არიან ხოლმე დამწყვდეულნი!—  
ძლიერად სთქვა თეომ და გულზე ხელი მოიქირა. ეტყობოდა  
ძნელი წარმოსათქმელი იყო თეოსათვის ეს სიტყვები.

ზურა თავჩაღუნული ოხრავდა. თეოც დააქცერდა და კვლავ  
აქვითინდა.

— ოხ, რა ჯოჯოხეთია ჩენი ცხოვრება! უნდა მომშორ-  
დე?—ქვითინებდა ქალი და დასუსტებული ფეხზე ველარ  
დგებოდა.

ამემად მათი არსება შეეპყრო თვით-დაცვის გრძნობას,  
მათი ბედნიერების დამრღვევ სინწარეს. ურდოდათ ცხოვრება,  
ერთად ყოფნა და ერთად სიკვდილი... გამოუთქმელი იყო  
მათი სულისკვეთება! ადვილი შესაძლებელია ამგვარ წუთებში  
იხატებოდეს ხოლმე ის საშინელი გადაწყვეტილება, რომე-  
ლიც ხანდახან საზოგადო საქმეს პირადობას უნაცვლებს-  
მაგრამ ზურა არც ეგრეთი სუსტი იყო.

\* \*

ასე დასრულდა თეოს და ზურას ცხოვრების პირველი ხანა-  
სოფელს გლოვის ზარად მოედო ზურას დაქერის ამბავი და  
ათასგვარი მითქმა-მოთქმა გაიმართა... ისევ მარტო დარჩა  
თეო. გული ზურას გაატანა და თითონ შავი ფიქრებ-ლა  
დაიტოვა. ეფემიას მწუხარება-სიბრაზეს საზღვარი არა ჰქონ-  
და. „აკი ვეუბნებოდი ამ ჩემ ქალბატონს, თავი დაანებე მა-  
გასა-ნეთქი. ვატყობდი, რომ კაი შეილი არ იქნებოდა, ვი-  
ცოდი, რომ ჩემი ქალი უბედური შეიქმნებოდა, მაგრამ რომ  
არ დაშიჯერა!“ ჰფიქრობდა ხოლმე ეფემია. მისთვის გაუგე-  
ბარი იყო ზურას საქციელი და ვერც დაათვასებდა. ამგვარი  
ადამიანები ჯერ ბევრი არიან ჩვენში, მათი იდეალი თბილი  
სამსახურია და ბედნიერებას—მხოლოდ ფუფუნებით ცხოვ-  
რებაში ხედავენ. დიახ, ბრაზობდა ეფემია, მაგრამ თეოს  
ველარას ეუბნებოდა, რადგანაც ხედავდა თეოს წუხილს. ხან-

და-ხან თუ შეიკურთხებოდა ხოლმე თავისებურად. სხვასაც ეცოდებოდა თეო. მაგრამ თითონ-კი, თუმცა სწუხდა, მაინც უბედურად არა სთვლიდა თავის თავს, პირიქით, თეოს შემთხვევა ეძლეოდა დაემტკიცებინა თავისი პატიოსნება.

\* \*

ქ. წყალთაშუას საპატიმრო ქალაქის განაპირას იყო აშენებული. მაღალი, თეთრად შეღესილი ქვიტკირის გალავანი შთასავეით აპყუდებოდა საპატიმროს შენობას და პირველ შეხედვაზე აგრძნობინებდა ადამიანს, რომ ეს შენობა ტუსაღთა თავშესაფარი უნდა იყოსო. საპყრობილეს ჟამთა-ვითარებისაგან დახვესებული სახურავი, საგანგებოდ წინ წამოწეულიყო და უმისოდაც პატარა, რკინებით გახლართულ ფანჯრებს შეებნელად ჩამოჭთარებოდა. დიდი, მწვანედ შეღებილი ალაცაფის კარები შავად შეღებილი ბოქლომებით დაეჯალჯნათ, თითქოს მართლა მარტო იმ კარების იქით იყოს ბოროტება დამწყვდეულიო! საპყრობილეს წინ იყო პატარა მოედანი, რომლის თავსა და ბოლოს წამოქიმული სადარაჯოები ერთმანეთს გასკქეროდნენ. ამ მოედანზე გადი-გამოდოდა მხარზე თოფ-გადებული ჯარისკაცი. სდუმდა. არემარე, მხოლოდ ფანჯრებთან მოგროვილი ტუსაღები რაღაცას ხმაურობდნენ, ზოგი მათგანი-კი დაყრონობოდა რკინებს და დაღონებულ-დამმარებული გამოიყურებოდა. გამელელ-გამომელელი ცნობისმოყვარეობით შეხედავდნენ ხოლმე ტუსაღებს და ძალაუნებურათ ღონდებოდნენ.

აგერ ერთმა ტუსაღმა ვილაცა ნაცნობი დაინახა, ჩიტივით შეფრთხიალდა ფანჯარასთან და ხრინწიანის ხმით გადმოსახა:

— გამარჯობა, სოსიკაა!

სოსიკა შედგა, შუბლზე ხელი მიიფარა და ფანჯრებს დააკქერდა.

— ვერ მიცან, კაცო, მე ვარ, მე პეტრეი!

— ვაიმე, ვაიმე, რაღას გიცნობ,—მღევივით ბიკი კიწაწით ვამხდარხარ!—გაიფიქრა სოსიკამ და უფრო დააკქერდა. — აჰაი! შენა ხარ, ბიკო, როგორა ხარ,—დაუყვირა აქედამ სოსიკამ.

— ეჰ, როგორ ვიქნები, განა არ იცი!—ნაღვლიანად უპაპუხა პეტრემ... მაგრამ შენ ეს მითხარი, დედაჩემი როგორ არის?.. ი გოგო ხომ არა ჯავრობს, უთხარ მალე მოვა-თქო.—ნაწყვეტ-ნაწყვეტად გადმოსძახა პეტრემ და თავი ჩაღუნა.

— ვეტყვი, ვეტყვი,—ყრუთ უპასუხა სოსიკამ.

პეტრეს კიდევ რაღაც უნდა დაებარებინა, მაგრამ ველარ შოახერხა. ცრემლი თუ ხრიწი არჩობდა.

სოსიკამ უცქირა, უცქირა, ნაღვლიანად გაიქნია თავი, ყოჩაღად იყავიო—მიაძახა,—ჩოხის კალთით ცრემლმორეული თვალები მოიწმინდა და ოხერით გასწია. პეტრემ ხანგრძლივ გააყოლა თვალი. ვინ იცის რა გამოუთქმელი ჯოჯოხეთი უტრიალებდა გულში საბრალო პეტრეს?!

პეტრეს გვერდზე, მეორე ოთახში, მოთავსებული იყო ჩვენი ზურა.

ზურა წამოწოლილიყო გამხმარ ლოგინზე და შავ-ფიქრებს მისცემოდა. ტუსადის ხრინწიანმა ხმამ ყურებში გაურბინა და წამოდგა.

„დედაჩემი როგორ არის? ი გოგო ხომ არა ჯავრობს?“ გაიმეორა ზურამ და მწარედ ამოიოხრა.

— ოხ, ცხოვრებაჲ, ცხოვრებაჲ! საწყალი პეტრე, საწყალი „გოგო“,—ნაწყვეტ-ნაწყვეტად იძახდა ზურა.

მაგრამ მე რაღა ვარ, მე-კი საწყალი არა ვარ? დაეკითხა თავის თავს. მე-კი არა მყავს გულის სატრფო, მე-კი არ ვიტანჯები! სასოწარკვეთილებით წამოიძახა ზურამ და თვალზე ცრემლი მოადგა. ოთახში ბოლთის ცემა დაიწყო. ზურას სახეზე რაღაც უცნაური გამომეტყველება დასდებოდა. თვალები მიბნელოდა, ჩაღრმავებოდა, თითქოს ამ ქვეყნის საცქერად აღარ მოუცლია, გულისკენ გაბრუნებულა და იქ ათვალეირებს მის კრილობასაო.

ოხ, ღმერთო ჩემო, რათა მტანჯავენ ასე უწყალოდ, ვისი მეოხებითა ვარ ყოველგვარ სიამოვნებას ღოკლებული? ადამიანო, ადამიანო, რა დიდი გამოცანა რამა ხარ, როგორ უკუღმართად მოგიმართავს ცხოვრების ჩარხი, რა ჯალათად გახდომიხარ შენსავე თავსა,—ჰფიქრობდა ზურა და სახე თანდა-თან ებურებოდა.

— მეუბნებიან ადამიანი თავისუფალიაო. სად არის სად ეს

თავისუფლება. რაში გამოიხატება ეს დიადი სიტყვა. აქვს განა შესაფერისი მოქმედება? სად არის თავისუფლება, როდესაც ადამიანი ყოველ ფეხის გადადგმაზე საფრთხეში ვარდება. სად არის თავისუფლება, როდესაც სიმართლის მიმდევარი ქიანქველასავით ისრისება! ნუთუ ის არის თავისუფლება, რომ პირუტყვივით ვიმუშაოთ, კუჭი და მუცელი გავიძლოთ, ლამაზად ჩავიცვათ და დავიხუროთ? ან ნუთუ იმაში გამოიხატება—რომ ერთმანეთს ფეხები ვულოკოთ, სუსტი დავჩაგროთ, ძლიერს მუხლი მოვუდრიკოთ, საყვარელი საყვარელს გამოვგლიჯოთ, ოჯახი შევუვინოთ, ერთი მოვკლათ იმიტომ, რომ მეორე გავამდიდროთ? ამაზე მეტი ხომ არა არის-რა ჩვენი ცხოვრება!—ბობოქრობდა ზურა და რაც უფრო ფიქრობდა, გული ყელში ებჯინებოდა, ათასგვარი საკითხავეები ენაზე ადგებოდა და მთელ თავის ცხოვრებაში ნანახ-ნაგრძნობი თვალ-წინ ემლებოდა. აგერ ერთ თვეზე მეტია გათვალისწინებული, სულ ფიქრობს, სულ იტანჯება. ამ ერთის თვის განმავლობაში ძირიანად გადასჩხრიკა მთელი ცხოვრება, გაჩიჩქნა ნაცნობის გული და გონება, ჩაიხედა სულის ყველა კუნჭულში და იქ აღმოიკითხა ეს მწარე მაგალითები.

— მომეცი, მომეცი ცხოვრება!—გაიძახოდა ზურა,— მეც გული მაქვს, მეც მიყვარს, ჩემი სულიც სიმშვიდისკენ მიისწრაფის, მომეცი თავისუფლება, მაგრამ ისეთი კი არა, როგორიც შენ გესმის, ცხოვრებისაგან გაღალღებულო ადამიანო! მომეცით ხელი პეტრე, სოსიკა, ნინია, ყველა, ყველა ტანჯულნო! როდემდის უნდა ვიყენეთ სხვის ხელში შენაცქერალნი? როდემდის უნდა შევცქიროთ ამ ქვეყნის ძლიერთა ტაბლას, როდემდის უნდა ავიღოთ ხოლმე ნებართვა ცხოვრებისა? „წადი, შენ შეგიძლიან გიყვარდეს, შენ შეგიძლიან იმუშავო, შენ შეგიძლიან ბედნიერი იყო, მხოლოდ ის-კი არ დაგავიწყდეს, რომ ყველაფერი მე მემსახურება ქვეყნად და შენც ჩემი მოსამსახურე უნდა იყოვო, თავდაკერით მოიქეცი, საესებით ნუ გამოიჩენ შენს სულისკვეთებას, თორემ მოგკლავ, დაგახრჩობ, საყვარელს წაგართმევ, სამუშაოს მოგისპობ, ენას ამოგგლეჯ და ან ძელზე ჩამოგკიდებო!“ ასე უნდა გვემუქრებოდნენ ყოველთვის განა? კვლავ ეს არის ჩვენი ცხოვრება

ჰა!—თავგანწირვით იმეორებდა ზურა, ერთსა და იმავე სიტყვას ყვიროდა, დარბოდა ოთახში და ხან ერთს კედელს შემოჰკრაედა ხოლმე ხელსა და ხან მეორეს.

— *ИТО ТАМ ПУХИ!*— მოისმა სატუსალოს ზედამხედველის ხმა, რომელმაც ამ დროს ზურას ოთახის წინ გაიხრა, მაგრან ზურას არა გაუგონია რა.

-- მოდი, თავს მოვიკლავ და მოვშორდები ამ ტანჯვას,— გაიფიქრა ზურამ.— ოხ, რა კარგია დამშეიდება!— ზურა ღრმად ფიქრებში წავიდა.

— არა, არა!— წამოიძახა გიჟივით,— მე მინდა ვიცხოვრო. მე მინდა ვიცოცხლო! მინდა ვიბრძოლო იმ უკულმართობასთან, რომელმაც სიცოცხლე მომიწამლა!— ზურამ თავი მაღლა აიღო, თვალი შემოავლო საპატიმროს მაღალსა და ვიწრო ოთახს, დაიღრჩა და გადიხარხარა.

— ებრძოლე ამ კედლებს!— დაცინვით წამოიძახა ზურამ,— თავი შეანარცხე ამ ქვიტკირს! ოხ, ნეტა თუ მეღირსება აქედამ გასვლა! ნეტა თუ კიდევ ვნახავ ჩემი სოფლის მშვენიერს ველ-მინდორს,— გულსაკლავად სთქვა ზურამ და თანჯარასთან მივიდა.

მზე ის იყო ჩადიოდა და ოქროსფერად დაეფერა ქვეყანასაპყრობილეს წინ მდგარ ეკლესიის გუმბათი ძალზე ბჭყვიალებდა. ჰაერი თრთოდა, თითქო მზის ჩასვლისა ეშინიაო. ზურამ დიდხანს უცქირა ეკლესიას, მინდვრებს, სახლებს, გამვლელ-გამომვლელს, გული აუჩუყდა, სიცოცხლე მოსწყურდა.

— იქ, ამ ფანჯრების იქით, სადაც ჩვენი დაუდგარცხოვრება დულს და გადმოდის, მე მყავს სატრფო, მე მყავს ტოლ-ამხანაგი, მე მყავს მშობლები, მე მინდა იმათთან ერთად მოვეკდე. ნუთუ მარტო ამისათვის არა ღირს სიცოცხლე?.. ოხ, თეო, ჩემო სალოცავო, ნეტა ახლა როგორ ხარ, ნუთუ კიდევ გახსოვს შენი დამცირებული ზურა?— დაიღრიალა ზურამ და საწოლზე პირქვე დაეხია.

„საპატიმროში მარტო ბოროტმომქმედები არ არიან დამწყვდეულებიო“, გაახსენდი ზურას თეოს სიტყვები და მედგრად წამოიძახა:

— დიად, დიად, საპატიმრო ბევრი ქვეყნისთვის თავდადე-

პულის სავანე ყოფილა, მაგრამ მე რა? მე ერთი უძლური  
პატლი ვარ, რომელსაც ჯერ ცხოვრებაში არა გამოიკეთებია-  
რა და ასე საშინლად-კი ვიტანჯები. ჯერ ვის რა ვარგე? ვინ  
მყავს ამ ქვეყნად გულშემატკივარი. ვინ იცის უწმინდურე-  
ბივითაც-კი ხითხითებენ ჩემი ნაცნობები. მარტო დედიჩე-  
მის ძუძუები თუ დამლოცავს, მარტო ჩემი სატრფო თუ მო-  
პიგონებს. ოხ, დედავ, ოხ თეო!—კიდევ გაიმეორა ზურამ და  
ქვითინი ამოუშვა. დიდხანს ტიროდა ზურა, მაგრამ ტირილი  
ყოველთვის ხომ ნიშანი არ არის სილაჩრისა!

\* \*

— თუ ღმერთი გწამთ, ნულარ მალოდინებთ! — ეხვეწებო-  
და თეო კეთილადე სამაზრო სამმართველოს ერთ მწერალს,  
რომელსაც ბრალმდებელმა უბრძანა თეოსთვის საკირო ქა-  
ლალდი დაეწერა.

რამდენი დამცილება, რამდენი ხვეწნა-მუდარა დასკირდა  
თეოს, ვიდრე ზურას ნახვის ნებას მისცემდნენ. მაგრამ ახლა  
ყველაფერი დაავიწყდა. მისი სული მხოლოდ მწერლის ხელ-  
ში-ლა იყო და მერე-კი ზურასთან გაფრინდებოდა.

— მალე, მალე, თქვენი კირიმე, ნულარ მაგვიანებთ,—მეა-  
თასედ ეღრიჯებოდა თეო.

მწერალი-კი ზანტად აწრიპინებდა მისგან დატანჯულ კა-  
ლამს, დროგამოშვებით თვალს გადაავლებდა ხოლმე ამხანა-  
გებს, რომლებიც შემოსხდომოდნენ გრძელ მაგიდას, გადაე-  
შალათ დავთრები და საქმიანობის მაგივრათ ცულლუტობდ-  
ნენ. შემდეგ ცბიერად შეხედავდა ხოლმე თეოს და კვლავ  
კალამს აწრიპინებდა.

— ვაიზე!—გული მოსდიოდა თეოს.

კანცელარიაში რაღაც საიდუმლოება სუფევდა. უფროს-უმ-  
ცროსობა გამეფებულიყო. ყოველ ნივთს, ყოველ საგანს ფორ-  
მალური სახე მიეღო. მდივანი, ლამაზი შეხედულობისა, მაგ-  
რამ საშინელი ტუტუცი გამომეტყველებისა, მწერლებს უბლვე-  
როდა, მწერლები ჩაფრებს რაღაცას ეტუტუნებოდნენ, მა-  
გიდის უფროსნი (სტოლონაჩაღნიკი) მიკიოტებივით გამოი-  
ყურებოდნენ. უფროსი-კი, უკან ხელებდაწყობილი, ოთახში  
გადი-გამოდიოდა, ყელში ხიხინებდა, ბზუოდა და შიშის



ქარსა გვრიდა კანცელარიის წვრილ-ფეხობას, რომლებიც ისეთი ლმობიერებით უყურებდნენ, როგორც ერთგული ძაღლი თავის პატრონს. აუტანელი იყო არა მოხელესათვის აქ ყოფნა.

თეოც ძალზედ იტანჯებოდა. ხან ერთს შეხედავდა ხოლმე, ხან მეორეს, ვერავის სახეზე თანაგრძნობა ვერ ამოიკითხა, ყველა დაღვრემილიყო, თითქოს ქვეყნის ბედ-იღბალი მართლა იმაზე იყოს დამოკიდებული.

დასრულდა თეოს წვალება. სასურველი ქალაქი ხელთ იგდო, სიხარულით წამოწითლდა და საჩქაროდ გარეთ გამოვარდა.

მოისმა მწერლების ჩუმი ხითხითი და ოხუნჯობა, მაგრამ თეოს მათთვის არა სცალოდა. წაავლო ხელი გარეთ მომლოდინე ეფემიას და საპატიმროსკენ გასწია.

— ერთ თვეზე მეტია ჩემი ზურა არ მინახავს. ოხ, როგორ გადაეხვევი! — ჰფიქრობდა თეო და ჩქარის ნაბიჯით მიეშურებოდა. ეფემიაც ქშენით მისდევდა.

\* \*

შემოდგომის ცივი და ღრუბლიანი დღე იყო. ქვეყანას თავპირი ჩამოსტიროდა. ქალაქი ტალახის გუბეებად გადაქცეულიყო. თეო თავდავიწყებით მისტოპავდა ტალახში.

აგერ საპატიმროც გამოჩნდა. თეოს გულმა შემოკენესა. ერთი საშინლად ამოიოხრა და თავჩაღუნულმა ალაყაფის კარებს მიაშურა.

ყარაულმა ნიშანი მისცა. მძიმედ გაიღო კარები, თეო და ეფემია შიგ შეუშვეს და ისევ მაგრად დაკეტეს.

საპატიმროს ვიწრო ეზოში ტუსადები ლანდივით დაიარებოდნენ, გულ-ხელ დაკრეფილები ღრმა ფიქრს მისცემოდნენ. საშინელება იყო ეს კედლებით შემოზღუდული, მთელ ქვეყანას მოწყვეტილი, ვიწრო ნაქერი მიწისა. ირგვლივ კედლები, ირგვლივ ჯარის კაცები, ირგვლივ რაღაც უცნაური საზარლობა და გამოუთქმელი დამცირება.

შეკრთა თეო, გულმა ცახცახი დაუწყო.

— ვაი თქვენ დედასა, თქვე უბედურის შვილებოო! — წუწუნებდა ტუსადების მომზირალი ეფემია და თვალები ცრემლით ევსებოდა.

— თუ შეიძლებოდეს ზურა ქებაშეილი მაჩვენეთ,— გაუბე-  
დავად მიმართა თეომ ზედამხედველს და ნებართვის ქალა-  
ლი გაუწოდა.

— ზურა ქებაშეილი?

— დიად,— მოკლედ უპასუხა თეომ.

ზედამხედველმა ექვის თვალით შეხედა თეოს. მერე ეფემია  
ათვალიერ-ჩაათვალიერა და ბოხის ხმითა ჰკითხა:

— თქვენი შეილია, დედი, ქებაშეილი?

— არა, სასიძო გახლავთ, უთხრა ეფემიამ.

— თუ არა ვცდები თქვენი საქმრო იქნება,— მიუბრუნდა  
ახლა თეოს.

„რას ყბედობს ეს ოხერი! მე გული მელევა და ეს აქ  
ცნობისმოყვარეობას იჩენს“, გაიფიქრა თეომ და სიბრაზისაგან  
აიღწა.

— გვიან გვაჩვენებენ?— სიტყვა ბანზე აუკლო თეომ.

— ოჰ, რა ძლიერ მეცოდებით,— განაგრძო ზედამხედველმა,  
თითქოს თეოს სიტყვები არც-კი გაუგონიაო,— ეგრეთი ყმა-  
წვილი, ლანაზი ქალი და...— ცბიერად შესწყვიტა მოხელემ და  
თეოს თვლებში ჩააცქერდა.

— მალე გვაჩვენებენ თუ არა?— მოუთმენლად გაიმეორა  
მოხელის თავხედობით უარესად გაბრაზებულმა თეომ.

— მე ვუბრძანებ და გაჩვენებ... იმის გარეთ გამოყვანა  
შეუძლებელია,— უთხრა თვალის ჩაკვრით ზედამხედველმა და  
ჟმკროს მოხელეს დაუძახა.

ეს უკანასკნელი გაუძღვა ზურას ქირისუფლებს და სად-  
ღაც ვიწრო დერეფანში შეიყვანა, აქედან გაატარა რამდე-  
ნიმე ოთახი და უთხრა, აქ ზოიციადეთ და ეხლავე მოვი-  
ყვანთო.

ის ოთახი, სადაც თეო და ეფემია შეაჩერეს, გატიხრული  
იყო მოაჯირით და მავთულების ქსელით. ამ მოაჯირის იქით  
დააყენებდნენ ხოლზე მძიმე დანაშაულიან ტუსაღს და მნახე-  
ლები ისე ელაპარაკებოდნენ.

მოისმა ზურას ფეხის ხმა. თითონაც მალე გამოჩნდა. თეომ  
ერთი შეჰკივლა და გადასახვევად გაექანა. მოაჯირმა ზან-  
ზარი დაიწყო და თეო წაბარბაცდა...

ახლა მკითხველმა წარმოიდგინოს რა ნეტარება და ამას-

თანავე რა ჯოჯოხეთი იქნებოდა ორი შეყვარებულის ასეთი შეხვედრა. თეოს მალიმალ გული მისდიოდა, ზურა მოაჯირის იქიდან ამხნევებდა, გმინავდა, დამბლადაცემულივით ლულულულებდა! სტიროდა ეფემიაც.

— ზურა, ზურა!—სასოწარკვეთილებით იძახოდა თეო.

— შეილო, რაზე ჩაიგდე თავი მაგ განსაცდელში,—ტირილით ბანს აძლევდა ეფემია თავის ქალს, სხვა რომ ვერა მოეხერხებინა. რა.

ზურა დამარცხებული, დამწყვდეული ლომივით გრგვინავდა, ცასა და ქვეყანას იწვევდა უსამართლობის აღმოსაფხვრელად!

საზარელი სანახავი იყო ეს სურათი, თვით დარაჯიციკი ცახცახებდა, საცოდაეობისაგან იწვოდა.

— ვიმე, ვაიმე რა ჯოჯოხეთში ჩავარდი!—კენესოდა თეო.

— ვაი, ჩვენ მტერსა და მტარვალებს!—აღელვებულის ხმით უთხრა ზურამ,—კარგი, ნუ სწუხარ, გენაცვა, გული გაიმაგრე. მითხარ, როგორა ხარ, ჩვენი სკოლის საქმე როგორ მიდის. რა ხდება ქვეყანაზე?—ზედი-ზედ ეკითხებოდა ზურა.

— შენ, როგორ ხარ, შენ!—ეკითხებოდა თავის მხრივ თეო,—თორემ მე რა საკითხავი ვარ. უშენოდ მარტო ლეშით ცოცხალვარ, ჩვენი სკოლის საქმე-კი დაიშალა... სხვა რაში მოგვიმართა ბედმა ხელი, რომ კეთილი საქმე აგვსრულებიყო.

— ნუ, ნუ ჰგმობ, თეო, ბედსა! აქ ბედი რა შუაშია, როდესაც ყველაფერში გაღალღებული ადამიანები არიან დამნაშავენი, ადამიანები და მარტო ისინი უნდა დავგმოთ, იმათ უნდა ვებრძოლოთ! შენ, გამხნედი! ხომ ხედავ მე, ჯერ-ჯერობით, მოწყვეტილი ვარ ქვეყანას, შენ ხარ ჩემ მაგივრათ დარჩენილი სოფლად და იმედიცა მაქვს არ დაივიწყებ შენს მოვალეობას. ვინ იცის,—განაგრძო აღელვებულის ხმით ზურამ,—ამ ორ დღეში მე სხვაგან გამგზავნონ, რადგანაც ისიც-კი შურთ, რომ ამ დახავსებულ საპატიმროს სარკმლიდან ვუცქერი ჩემს ქვეყანას, ჩემ ხალხს, ვუცქერი იმ ცისკამარას, რომელიც შენ თავს დაგნათის. იქნება ველარც-კი გნახო... და აბა შენ იცი და შენმა ქალობავ, შენმა ადამიანობამ!—ზურას ხმა ჩაუწყდა.

— არა, არა ზურა, მე შენ შემდეგ სიცოცხლე არ მინდა.

მეც აქ შენთან ვიქნები, მეც შენთან დავიტანჯები!—ქვითი-  
ნებდა თეო.

— აბა რას ამბობ, თეო,—განაგრძო ისევ იმ ხმით ზუ-  
რამ,—მე ხომ ჯერ ცოცხალი ვარ. ჯერ კიდევ იმედი მაქვს.  
განთავისუფლებისა, თუ არა და ჩემზე ხომ არ არის ქვეყანა  
დამყარებული. ჩემს გარდა კიდევ გაქვს ერთი რამ, რომელიც  
ჩემ თავსაც კი უნდა ვერჩივნოს, ეს არის ჩვენი ქვეყანა, ჩვე-  
ნი მოვალეობა. ჩვენ მოვალენი ვართ ჩვენი პირადობა სა-  
ქვეყნო საქმეს შეეწიროთ, ჩვენი სიამოვნება საზოგადო გუ-  
ლის ტკივილს დაფუნაცვლოთ. ძნელია, ძალიან ძნელია ამგვა-  
რი მოქმედება, ყველა ვერ შესძლებს, მაგრამ რაკი ერთხელ  
ავირჩიეთ ეს გზა, რაკი ერთხელ დავადექით ძეძვის ჩხვას,  
ბარემ გავკაფოთ კიდევ, რამდენადაც შეგვიძლიან ეკალნა-  
რი, უკან ნულარ დაგბრუნდებით სულმდაბლებივით, გვწამდეს,  
რომ ყოველთვის არ დავიტანჯებით.

— როდის აღარ ვიტანჯვით. განა ისეთი დღე იქნება?—  
გულმტკივნეულად წამოიძახა თეომ.

— როდის? როდის და მაშინ, როცა ზედ შევაკვდებით  
მტარვალებს, როცა ჩვენი ბრძოლით ძირს დავცემთ უსამართ-  
ლობის დროშას და განწირულ სულისკვეთებას საზოგადო  
საქმის გაფაქიზებით ავიმალლებთ. სამწუხაროთ, ბევრისთვის  
ეს მარტო სიტყვებია, მეც ამ ბოლო დროს ბევრჯერ ჩავარდ-  
ნილვარ სასოწარკვეთილებაში, მაგრამ სულმდაბლობით რა  
გამოვა? მოვიკრიბოთ ძალღონე, გავიხსენოთ, რომ ქვეყნად  
მარტო ბოროტება არ სუფევს, არის სიკეთეც, თუმცა ათას  
გაქირვებაში გახვეული და სწორედ იმის ძებნაში უნდა დაე-  
ლიოთ დღენი. კმარა, თეო, გულს ნუ იკლავ, მე არ ვღირ-  
ვარ იმათ, რომ შენისთანა სოფლისთვის საჭირო ადამიანი  
ჩემი გულისთვის სასოწარკვეთილებაში ჩავარდეს. კიდევ გი-  
მეორებ, მე იმედი მაქვს განვთავისუფლდე და მაშინ ორივე-  
ნი ხომ ერთად ვიქნებით. მოდი, მოდი ჩემთან ახლო, მოეყრ-  
დნე ამ ოხერ მოაჯირს... ერთხელ კიდევ დავინახო შენი თვა-  
ლები, კიდევ ისეთ ცეცხლს აკვესებს, კიდევ ისეთ სიმხნევეთ  
არის საესე თუ არა?—დააბოლოვა ზურამ თავისი სიტყვა და  
ამოიოხრა.

თეო ცრემლებად იღვრებოდა.

— ოხ, ზურა, რა უღმერთოდ ვიტანჯებით!—თავგანწირვით გაიძახოდა თეო. ცოტა ხნის შენდევგ თვალები მოიწმინდა, მიეყრდნო მოაჯირს და ზურას გატაცებით ცქერა დაუწყო. ზურაც თავდავიწყებით უცქეროდა. ეს ისეთი ცქერა იყო, რომ მთელ სამოთხე-ჯოჯოხეთს იყიდდა და გაჰყიდდა. მათ თვალებში ნათლად იხატებოდა, რომ ამ ქამად იმათთვის ყველაფერი ამაოება იყო, თვით დაფნის გვირგვინი, თვით კაცის გამამხნეველებელი და შარავანდედით შემშოსი დიდება, თვით უკვდავება! მაგრამ მალე გამოერკენენ. მიწიერმა, წარმატებულმა მაცდურებამ ვერ დასძლია იგინი.

— თეო,—სთქვა ზურამ,—ხომ გახსოვს რაც გითხარი. მაგრამ ან-კი რალად გაგონებ, როდესაც მე იმედი მაქვს შენ ყოველთვის მაგ აზრისა იყავ და იქნები კიდევ. ჩვენ რამდენიმე წუთის შემდეგ დავეშორდებით ერთმანეთს. შენ წახვალ სოფლად და მე-კი ისევ ამ შავ კედლებს უნდა ვეომო. შენ იქ იშრომე, რომ გულის ჯავრი შეიმსუბუქო და შრომა პატიოსანი უმნიშვნელოდ არ დარჩება. ერთხელაც იქნება გამოიღებს ნაყოფს და მშრომელსაც სულის სინშვიდეს შიანიქებს... ეჰ,—ამოიოხრა ზურამ,—სხვა რალა გითხრა, ჩვენს მდგომარეობაში მყოფ ადამიანს მეტი არა დაგვრჩენია-რა.

გაჩუმდნენ თეო და ზურა. სხვა გულის ნადები არა ჰქონდათ-რა. „ერთმანეთის სიყვარული და დაუღალავი შრომა“—ეს ორი სიტყვა ეწერა იმ დროშაზე, რომელიც პირველ, ერთმანეთის გაცნობისთანავე, ზე აღმართეს. შრომა ჯერ წინ იყო. სიყვარული-კი ძლიერი ჰქონდათ, ისეთი ძლიერი, რომ დღეს თითქმის თავდავიწყებამდის მიდიოდნენ.

ამათ ლაპარაკში ეფემია განზე გამდგარიყო და იქიდან შესცქეროდა ზურას. მისი ტუსაღის გახუნებული ფარაჯა, ყისინას ქუდი, ნორჩი, მაგრამ აწეწილ-დაწეწილი წვერ-ულვაში, გაბურძგნული თმა, მიბნედილი თვალები და გაფითრებული სახე ეფემიას გულს უღადრავდა; იგი პირველად უცქეროდა ზურას ასე გატაცებით, პირველად დააკვირდა და რალაც ნათესაურმა, დედაშვილურმა გრძნობამ სულის სიღრმიდან ამოსძახა: „ღირსია ზურა პატივისცემისა, ღირსია სიყვარულისაო“. გულში ჩანასახმა გრძნობამ სახეზე წამოუქროლა, თვალებში ცრემლი მოაგორა, მერე მთელს ტანში

დაუარა, გააჟრკოლა და სულ ერთიანად დათუთქა. ტიროდა ეფემია ზურასათვის და ეს მარტო სიბრაღელის ცრემლი არ იყო!

— Ну, довольно, пора расойдтись!—მოულოდნელად დაარღვია სიჩუმე დარაჯმა.

სამივე დატანჯულებს ლახვარივით დაუარა გულში ამ სიტყვებმა: თეო დადნა, ზურას გულ-მუცელი გადმოუტრიალდა და თავს ზარი დაეცა, ეფემია ხმა მალლა ატირდა. ოხვრა, კენესა და გოდება ერთმანეთს შეუერთდა.

— მშვიდობით, მშვიდობით!—ხავხაეებდა ცრემლებისაგან დაოსებული თეო.

— გამხნვედი, გამხნვედი, ღმერთი მოწყალეაო!—ცრემლებითვე ეუბნებოდა ჯურა.

— შეილო, ბევრს ნუ იჯავრებ, ღმერთს სამართალი არა აქვს? როგორ დაგკარგავს უდანაშაულო ადამიანსაო!—ხმა-მალლა ღრიალებდა ეფემია.

— Ну, время!—კიდევ გაისმა მოხელის ხმა. კვლავ აქვითქვითდნენ ზურა და თეო, კვლავ მოსთქვამდა ეფემია.

— მიშველე, მიშველე, დედავ!—დაიკივლა თეომ და გულშემოყრილი იატაკზე დაეცა. ამის დამნახველი ზურა მოაჯირს იქით გაგიჟდა, გადაირია. ანგრევედა იქაურობას და თავდავიწყებით ქვითინებდა. ეფემიას სიმწარით ვერ მოეხერხებინარა. ახლად შემოსულმა მოსამსახურეებმა ასწიეს გულშემოყრილი თეო და გარეთ გაიტანეს. ეფემია ცრემლებით გამოეთხოვა შოკვითქვითე ზურას და მოსამსახურეებს უკან გამოუდგა.

ოთახში სიჩუმე ჩამოვარდა. მოისმა-ლა ზურას თავგანწირული წყევლა-კრულვა უსამართლოებისადმი, კიდევ რალაც გამოურკვეველი გმინვა და ესეც მალე შთანთქა სატუსალოს კედლებმა.

\* \*

ჩიტოვანის სასოფლო სასწავლებელი მოთავსებული იყო ორ პატარა ოთახში. ერთში ფეხ-მოტეხილი, დამტვრეული სკამები ელაგა მოწათეთათვის, მეორე კი მასწავლებელს ეჭირა. ღარიბად მოწყობილ ოთახში იდგა ერთი პატარა მაგიდა თეთრის სუფრით გადაფარებული, ორი ხის ოთხკუთხი

სკამი და ხისავე ტახტი. მარჯნივ კუთხეში იდგასკიერი წიგნებისთვის. უფერული, მოღრუბლული იყო მთელი სადგომი. ალბათ, იგი თანაუგრძნობდა პატრონის უფერულ ცხოვრებას, სანთელივით ჩამომდნარი თეო მისჯდომოდა მაგიდას, გადაეშალა თავისი დღიური და გაშტერებით შესცქეროდა ანთებულ ლამპას.

ჭეტიკობდა თეო! მისი ოცნება ძალიან შორს წასულიყო და იქ საპატიმროში მყოფ ზურას დასტრიალებდა. თეოს სახე ხან იღრუბლებოდა, ხან-კი ღიმილი შეეპარებოდა ხოლმე და ამ დროს იმის დიდრონი თვალები ოდნავ ბეჭუტავდა. მაგრამ აგერ ქუთუთოზე გადმოეკიდა ერთი ცრემლი, ამას მეორე მოჰყვა, მეორეს მესამე და ცრემლის ნაკადულმა გადმოხეთქა. გაუნძრევლად ზის თეო და კვლავ ფიქრობს. ბოლოს სანთელს თვალები მოაშორა, ღრმად ამოიოხრა და ზურას სურათი აიღო ხელში, ერთხანს უცქირა, მერე მაგრად მიიკრა გულზე და გააქრჟოლა.

— ვერა, ვერ დაგივიწყებ, ჩემო ტანჯულო ზურა! ოჰმე, ნეტა ეხლა შენი თავი დამანახვა; მაგრამ საიღამ დაგინახავ, შენს ქვეყანასაც-კი მოგაშორეს. ვაი შენ, ჩემო ტანჯულო ცხოვრებაე!—გულიანად წამოიძახა თეომ და თვალებზე ხელი მიიფარა. ცოტა ხანს იქით ერთი კიდეგ ამოიოხრა და დღიური მოიმარჯვა.

დღიურს თავზე ეწერა:

„ძნელი არის მარტოობა სულისა,  
ოხვრა არის შეება—უბედურისა“.

თეო დიდხანს დააცქერდა ამ თავის მიერვე ამონაწერ სიტყვებს და მერე სთქვა: „დიად, ოხვრა არის შეება უბედურისა“. განა მე უბედური ვარ?—არ ვიცი თავის გულში რა იფიქრა, მხოლოდ ხმამაღლა-კი სთქვა: „არც ჰო, და არც არა“. შემდეგ შეუდგა დღიურის კითხვას. იქ სხვათა შორის ეწერა:

„3 ენკენისთვე. დღეს ჩავიბარე სასწავლებელი. მეტის-მეტად უყურადღებოდ იყო დატოვებული. ჩემზე წინათ ვილაც „კ.“ ასწავლიდა. საწყალი, ეტყობა მარტო კუქის გასაძლომით ყოფილა აქა, რადგანაც, ჯერ ერთი, არაფერი გაუკეთებია და მეორეც, ხალხი მომდურებული ჰყავს. მე-კი მგონია, რომ

სოფლის მასწავლებელი მარტო ბავშვების მასწავლებელი-კარუნდა იყოს, არამედ იმათი მშობლებისაც. ღვთის წინაშე ჩვენ თვითონაც არა ვართ დიდი ნასწავლები, მაგრამ სინდისიერათ მაინც უნდა მოვეკიდნეთ ჩვენს მოვალეობას, თორემ ზარალის მეტს სარგებლობას ვერ მოვიტანთ... ეჰ, რამდენი მასწავლებელია სოფელში, რომ საშუალო სასწავლებელიც არ გაუთავებია, ერთი რიგიანი წიგნი არ წაუკითხავს. მიაღწევს თუ არა რომელიმე ზარმაცი მოწაფე სემინარიის მეორემესამე კლასსა, მაშინათვე მასწავლებლად გამოირბის. ასე ჰგონიანთ ხალხი შილაფლავი იყოს, რომ სკამონ!.. ოხ, ღმერთო, რა დაუდევრები ვართ, ჩვენვე ვახდენთ ჩვენს საქმესა! იმის მაგივრათ, რომ ხალხს თავი შევაცუაროთ, გავაცნოთ თავისი ვინაობა, წარსული, დედა-ენის მნიშვნელობა, შევაცუაროთ შრომა და ავუხსნათ აწინდელი მისი მდგომარეობა, პირიქით, ან ვაშინებთ და ან ვუფრთხით... ღმერთო, შენ შემადლებინე სინდისიერათ ავასრულო ჩემი მოვალეობა“.

გადაიკითხა თეომ, რამდენიმე წინადადება წაშალა და კალამი მოიმარჯვა. იმ დღის დაკვირვება უნდა შეეტანა დღიურში.

\* \*

ეს მეოთხე თვე მიდიოდა, რაც თეო მასწავლებლად დანიშნეს. ეფემია ეუბნებოდა, ნუ გინდა მასწავლებლობა, ჯავრიანათა ხარ და ვერ შესძლებო, მაგრამ თეოს გულს მარტო შრომა თუ გაართობდა. გარდა ამისა, ზურამდისინაც თეოს სანატრელი საგანი იყო სოფლის მასწავლებლობა, პირველადვე გამწესდებოდა კიდევ, მაგრამ საკმარისად არ იყო მომზადებული და ბრკოლდებოდა, თავის თავს ვერ ენდობოდა. ზურასთან დაახლოვებამ ხომ უფრო აღაფრთოვანა თეო, აკი ერთადაც აპირებდნენ სასწავლებლის დაარსებას, მაგრამ ნებართვა ვერ აიღეს, საქმე ჩვეულებრივად შეფერხდა... ზურას დაქერის შემდეგ თეომ სოფ. ჩიტოვანში ითხოვა ადგილი.

ჩიტოვანელები სიხარულით მიეგებნენ ახალ მასწავლებელს და მერე ისიც ქალს. ეს პირველი მაგალითი იყო ჩიტოვანელებისათვის, რომ იქ ქალი ყოფილიყო მასწავლებლად. სოფლის დედაკაცები მალი-მალ ინახულებდნენ ხოლმე



თეოს და უკვირდათ მისი სიმშვიდე, დაღვრემილი სახე და დაუღალავი შრომა. მალე ახლო-მახლო სოფლებშიაც გავარდა თეოს ქების სახელი და ყველა ქალებისათვის სამაგალითო შეიქმნა... მოწაფეები ერთი-ორად მოემატა. უხაროდა თეოს, რომ ხალხმა ასე შეიყვარა, უხაროდა და მის დაჩაგრულ გულს სიამოვნების შუქი ეფინებოდა.

რამდენად წაიწია სწავლის საქმე წინ, ასე ადვილად და მოკლე დროში აბა რა გამოჩნდებოდა, მხოლოდ ის კი თვალნათლივ ჩანდა, რომ თეო კვირა-უქმე დღეს ჩაჯდებოდა ხოლმე ხალხში, ნამეტნავად ქალებში და ხან წიგნებს უკითხავდა, ხან უფრო ხშირად, პირადათ უამბობდა ხოლმე სხვადასხვა ამბებს.

— განათლდეს შენი დედ-მამის სული და აგისრულდეს, შვილო, გულის საწადელი, როგორც შენ ჩვენ კარგ ამბებს ვვეუბნები,—ეტყოდნენ ხოლმე სოფლის ხანში შესული მანდილოსნები და მზად იყვნენ კაბის კალთა დაეკოცნათ.

— შენ თქვი, ქალიაო, რამითი რამ იცი, შენი ქირიმე, დედავ!—გაიკვირებდნენ ხოლმე ახალგაზრდა ქალები.

— მა რა, კოტრიკაანთ ფეფუკა ხომ არა გგონია, ბეჩა, ქალს შვიდჯერ-შვიდი შკოლა გაუთავებიაო, — აუხსნიდნენ ხოლმე ისევე ხნიერები. ესა და ამგვარი ლაპარაკი, რასაკვირველია, ბევრს არაფერს ნიშნავს, მხოლოდ ის ახარებდა თეოს, რომ დიდებსაც აღეძრათ სწავლის სურვილი და პატარებს სულ იმას ეჩიჩინებოდნენ:

— გოგო, შე სასიკვდილე, წადი თეოსთან, წიგნი წაშკითხე-თქო.

— გოგო, წადი, თეოს უთხარი, დედაჩემი ავით არის და ჩვენსა გადმოდი-თქო.

სოფელი უთეთოთ და თეო უსოფლოდ ვეღარა სძლებდა, გამხნევედა, გაკაჟდა თეო და იმ ტკბილი დღის მომლოდინე, როდესაც ზურა იმასთან დაბრუნდებოდა, დაუღალავად შრომობდა. ყოველ დღე შემოუვლიდა ხოლმე სოფელს, გამოიკითხავდა სოფლელების გაქირებებს, ზოგს სიტყვით ამხნეუებდა, ზოგს საქმით ეხმარებოდა და თავისი დაკვირვებანი დღიურში შექონდა. ამსალამოთიც თეომ დღიურს პირდაპირ იმიტომ მიმართა.

გაათავა თეომ წერა, დღიური დაკეცა, ადგა, გულბელი დაიკრიბა და ოთახში სიარული დაიწყო. ისევ ფიქრებში გაება.

„ღმერთო, ღმერთო, ერთი მალე დაამშვიდე ჩემი გული,— წამოიძახა თეომ და დაუმატა,— ნეტა მალე მაინც გათენდეს, ჩემი გოგონები მოვიდნენ და იმათთან ერთად გავერთოვო.“

გათენებას მგონი ბევრიც აღარ აკლდა-რა. ღამე საშინლად ჩამობნელებულიყო, ისე როგორც გათენებისას იცის ხოლმე. ბუნებას ძილი გასტკბილებოდა. გულიანათ ეძინა თეოს დედაკაცსაც: რომელიც მეორე ოთახში გაქიმულიყო და ბაყბაყ მღვივით ხვრინავდა. არ ეძინებოდა თეოს. იგი ოცნებით ისევ ზურასთან იყო...

გარედან ცქერა ადვილია, მაგრამ ვინ იცის, როგორ ელადრებოდა გული ახალგაზრდა თეოს?!..

\* \*

გათენდა დილა. სინათლემოკლებულ ამომავალ მზის სხივებს ფეხზე დახვდა თეო და თავის ზურასთან მოკითხვა დააბარა.

პატარა ბავშვებიც მალე გამოჩნდნენ. გლეხის გოგო-ბიჭები საყვარლად მოგოგავდნენ დათრთვილულ მდგლოზე და მასწავლებლის დანახვაზე მორცხვად, ფეხ-აკრებით სკოლაში შესვლას ეშურებოდნენ.

ასტყდა ჟრიალი, ხმაურობა, დილის სუთთა ჰაერში წკრი-ალით გაისმოდა მოთამაშე ბავშვების კასკას-სიცილი და სკოლის მიდამოს სიცოცხლით ავსებდა. თეოს სახე გაეხსნა. გულიდან შავი დარღები გადაეცალა და სიამოვნებით დამტკბარი თვალ-ყურს ადევნებდა ბავშვებს. თეო დააცქერდა ერთ ბავშვს. კოხტად ამოსხმული ქალამნები კოპწიად გადასკიმოდნენ ფეხებზე და ღამაზად გადაეარცხნილი ქოჩორი ნაბდის ქუდის ქვეშიდან კულულ-კულულებად გამოშლილიყო. თვალები სიცოცხლით ავსებოდა და მთელი არსება უმანკოებით უფშვენდა. უყურა, უყურა თეომ და აღტაცებით წამოიძახა: არა, ჯერ კიდევ ძლიერი სულია დამარტყლი ჩვენს ხალხში და ნეტა იმას, ვინც მის ამაღლება-გაღვიძებას შესძლებსო.

სიცოცხლე იყო თეოსათვის სასწავლებელი, მაგრამ თეოც კი სული იყო მთელი სასწავლებლისა, მთელი სოფლისა.

გადიოდა დრო, ცხოვრება თავისებურის გულგრილობით მიმდინარეობდა, მას აყოლოდნენ ადამიანები და წალმა უკულმა ტრიალით თავსბრუ დასხმულნი ერთმანეთს ეჯიბრებოდნენ. ბიჭობა ის არის, ვინ ვის გაასწრებს ამ საერთო კოწი-აწში, ვინ უფრო ისარგებლებს ცხოვრების აკვარგიანობით, ვინ უფრო გულცივად მოექცევა თვისსა და ტომს, ვინ უფრო ხელს მოითბობს სხვის უბედურებით, რომ ამით თავისი პირადი ბედნიერება უზრუნველყოფილ ჰყოსო—დაჰხიბიხითებდა კუქის მრწამსი მთელს ქვეყანას.

— თავში ქვა იმან იცეს, ვინც გაჭირვებაშია, თორემ ჩვენ ქვაცა გვაქვს და კაკალიცა,—იძახდნენ ბედნიერნი ამა სოფლისა.

— ვაი ჩვენი ბრალიცა! ჩვენ როდის-ღა გვეღირსება ადამიანებში გავერივნეთ, ჩვენც დავსტკბეთ, სულის სიმშვიდე შევიძინოთო,—ოხვრით გაიძახოდნენ დაჩაგრულები.

დრო-კი თითქოს ხალხს დასცინისო, გარბოდა სირაქლემა-სებურათ. დღე ღამით იცვლებოდა, ღამე დღეს ეცილებოდა, კვირა კვირას თავს უკრავდა და თევები საუკუნის უფსკრულში იღუპებოდა.

ოხვრა, ტირილი, სიმღერა, სიცილი, უკანასკნელი სასო-წარკვეთილებითი გმინვა მომაკვდავისა და უმანკო „აღუ“ ახლად დაბადებულისა, ყველა, ცხოვრების მიმდინარეობას ექვემდებარებოდა და მიმგრინავ დროს გუგუნით ბანს აძლევდა.

ოხვრით ათენებდა და თვალზე ცრემლით ალამებდა ზურას მომლოდინე თეო. კეთილაძეც. მაგრამ ზურა არსად იყო. აგერ მეშვიდე თვე მიდიოდა და თეოს ერთი წერილის მეტი არ მოსვლია. არ იცოდა მკვდარი იყო თუ ცოცხალი.

ერთ დღეს, გაკვეთილების შემდეგ გაზაფხულის თბილმა დღემ თეო მინდვრად გაიტყუა, იქ, შარა გზის მახლობლად მიმდინარე რუს პირათ ჩამოჯდა და წყლის ცელქებს მზერა დაუწყო: მშვიდად მიდუღუნებდა სოფლის რუ-ნაკადული, წყნარად მიაფრქვევდა ზვირთებს, ტალღა-ტალღას მისდევდა და ჩანჩქერი ქვებზე მითამაშობდა. წყლის ზედაპირივით იცვ-

ლებოდა თეოს ფიქრებიც: ტკბილი მოგონება გულს უნათ-  
ლებდა, მწარე აწმყო სულს უხუთავდა, ხან სტიროდა, ხან  
იციროდა. რუს პირას მდგარი ახლად გადაშლილი ყვავილე-  
ბი, თითქოს თეოს ფიქრებს აჰყოლიანო, ნაზად ირხეოდნენ  
და მოსაწყვეტათ იტყუებდნენ ადამიანს. ალბათ, თავის ჭი-  
რად თუ არიან ისე ლამაზები!

— ოხ, ზურა, ზურა, სადა ხარ, სად? ნეტა შენი თავი  
დამანახა!—ეს იყო თეოს დარდი და ახლაც ეს წამოიძახა.

გულმა ჩქროლა დაუწყო. წამოდგა, წყალი ჩაყლაპა და  
ზევით შარასკენ გაიხედა. შარაზე მოსჩანდა შავი წერტილი.  
თეოს გულმა უცნაურად ტოკვა დაუწყო. ახლოვდებოდა  
წერტილი. თეო თვალეზად გადაიქცა. აგერ მოვიდა ვილაც  
ყმაწვილი კაცი.

— ზურა!!—შეჰკივლა თეომ.

— თეო!!—ამოიგმინა ზურამ და ერთმანეთს გადაეხვივნენ.  
ოხ, ნეტარება იყო ეს წუთი!

\* \*

ახლად მოსული ყმაწვილი კაცი გახლდათ ზურა ქება-  
შვილი. იგი ბევრი გამოკითხვა-წვალების შემდეგ, ესე იგი,  
როდესაც მისთვის სისხლი გამოეწონათ, სხეულით დაეძაბუ-  
ნებიანთ, უდანაშაულოთ ეცნოთ და განეთავისუფლებინათ და  
ძაუჯიდან (კავკავი) ლიახვის ხეობაზე გადმოეხვია და პირდა-  
პირ სოფლისაკენ დაქანებულყო, — უფრო მალე ვნახავ ჩემს  
თეოსაო.

\* \*

სუფთად მოწყობილ ლოჯინში გადასვენებული იწვა ზურა.  
მას გვერდით მოსჯდომოდა თეო და ნაღვლიანად ჩასტკეროდა  
თვალეზში. იქვე სულგაკმედილი იდგა რამდენიმე მოწაფე,  
რომელთაც სხვა-და-სხვა ნობათი მოეტანა თეოსათვის. ეტყუ-  
ბოდა, რომ მთელი სოფელი მონაწილეობას იღებდა თეოს  
მწუხარებაში.

საპყრობილის მყარალ ჰაერს, ათასგვარ გაქირვება-სული-  
ერ ბრძოლას საზარელო ზედგავლენა მოეხდინა ზურაზე და  
ცოცხალ-მკვდარი დაბრუნდა შინ. უწინდელ ზურასი აჩრდი-

ლიდა იყო. ჩამომხმარ-გაყვითლებულს თითქოს სიცოცხლის ძალაც-კი დაჰკარგოდა. მხოლოდ ჩაღრმავებულ თვალებში გამოკრთოდა ძველებური სულის სიმტკიცე, ძველებური სიყვარული, განუსაზღვრელი შურისძიება მტარვლების მიმართ, წყურვილი სიცოცხლისა, წყურვილი თეოს მხერით დატკობისა!

ზურა იწვა გაუნძრევლათ. თვალები მიელულნა და გაძნელებულად სუნთქავდა. თითოეული მისი გაძნელებული სუნთქვა ლახვარივით თეოს უელიდა გულში. გაჰქრა თეოსთვის ოცნება, მარტო ფიქრით აღარ ეალერსება თავის სატრფოს, დღეს მის გვერდით არის, მაგრამ... ჩამომდნარი, განახევარკაცებული! ოჰ, როგორ იტანჯება!

თეომ დიდხანს უცქირა ზურას. გაითვალისწინა ის ტანჯვა-ვაება, რომელიც მათ გამოიარეს, გაიხსენა ყველა ავი და კარგი, რაც უზურაოდ გადახდოდა, მოაგონდა სულ უბრალო რამეც-კი, რომელიც მათ ცხოვრებაში ყოფილიყო და გულმა საშინლად ღელვა დაუწყო. ნუთუ ამდენი ტანჯვა-ვაების შემდეგ სრულიად უბედური შევიქნებო? გაიფიქრა თეომ, ტანში ერუანტელმა დაუარა, ყურებმა რეკვა დაუწყო, სული შეეხუთა. ველარ გაუძლო ზურას ცქერას და ფეხაკრებით გარედ გამოვიდა.—ვერა, ვერა, მე ველარ ავიტან, უწინ დღე დამელიოს, ზურას რომ რამე დაემართოს. ან-კი რას ვამბობ? რათა ეწუხვარ? ჩემი სული ზურას სულში დგას და თუ ზურას რამე მოუვა, მეც სიამოვნებით მოგვედებო, — ბუტბუტებდა თეო და თვალები ცრემლებით ევსებოდა.

გაზაფხულის მშვენიერი დღე იყო, სიო წყნარად იძროდა. გარედ გამოსულ თეოს შუბლი გაუგრილდა, შავი ფიქრები გადაეფარა და სასწავლებლის მიდამოს გადაავლო თვალი. „ჩემი ნაამაგდარევი სკოლა, ჩემი მოწათენი... ძალიან-კი ვუყვარვართ, მაგრამ ნეტა თუ დავტოვე რამე კვალი ამათ გონებით განვითარებაში. ოჰ, რა ბედნიერი ვიქნები მაშინ. ეხლა ხომ ჩემი ზურა ჩემთან იქნება და ეგეც მომეშველება. ღმერთო შენითა!“ თეომ ფიქრი გასწყვიტა, რადგანაც თავისკენ მომავალი რამდენიმე დედაკაცი დაინახა.

— შუადღე მშვიდობისა, ბატონო! — ერთხმად მიესალმნენ დედაკაცები და ჩამომწვევრივდნენ, ისე რომ ყველა მათგანი სცდილობდა ერთი მეორეს მოფარებოდა.

— ღმერთმა გაცოცხლოთ!—მშვიდად სალამი გადაუხადა თეომ.

დედაკაცები ერთხანს გაჩუმებული იყვნენ, ხმის ამოდებას ვერ ახერხებდნენ. თეომ შენიშნა, რომ რცხვენოდათ და ღიმილით მიმართა:

— რა ვქნა, პირველათა მხედავთ, თუ რა ამბავია, ნუ ხართ, ადამიანებო, ეგრეთი მორიდებულნი და!—მერე კერძოდ უთხრა ერთს მათგანს:

— სხვა, სიდონია, დაგიბრუნდა შენი ბიჭი, სამუშაოთ რომ იყო წასული?

— დიალ, შენი ქირიმე, დაბრუნდა, მაგრამ ფეხზე რაღაც მუწუქი გამოსვლია და ლამის არ ვიცი, რა მოუვიდეს.

— რა უნდა მოუვიდეს. უბრალო თვალი იქნება რამე,— ანუგეშა თეომ.

— ეგ-კი არა და ბატონი როგორ ბრძანდება?—დაეკითხა ერთი მათგანი თეოს.

— ქიტიაურო, ეგ რომელი-ღა ბატონი გაგჩენია?—გაეხუმრა თეო, თუმცა-კი კარგად მიხედა, ვის შესახებაც ელაპარაკებოდენ.

ქიტიაურმა ტუჩებში ჩაიციინა, კაბის კალთა ფლოსტებზე გადაიფარა, მერე შუბლ-ქვეშიდან შეხედა თეოს და გაუბედავად უთხრა:

— შენ-კი გადღეგრძელა ღმერთმა, ჩვენო ბატონო, რომ ეგეთი ხარ. მე თქვენ ავადმყოფზე მოგახსენებთ, ავად თქვენი ნტერი და ღუშმანი იყოს.

— ჰო, ეგრე თქვი, შე დალოცვილო,—ღიმილითვე უთხრა თეომ,—მადლობა ღმერთს, ცოტა უკეთ არის.

— ბეჩა, ღმერთს საწართალი არა აქვს!! კარგად უნდა იყოს მა რა?—ჩაფრია ლაპარაკში მესამე.

— ნუ-კი გეწყინება, შენი ქირიმე და, აი ეს ოთხიოდე აბილაური მოგართვით, ამბობენ კარგიაო, ავადმყოფს გულს უპოვნისო,—სთქვა მეოთხემ და ოთხი ვაშლი ჯიბიდან ამოიღო და მოწიწებით გაუწოდა.

თეომ დიდი მადლობა გადაუხადა და ვაშლები ჩამოართვა. ძლიერ იამა კიდევ. მართალია ბევრი არა იყო-რა, მაგრამ გლეხი ქალის მზრუნველობამ გულში სიამოვნებით უღიტინა.

— ქა, სად იშოვე, ქალო, ამ გაზაფხულის პირზე მაგეთო დაკროლებული ვაშლები!—გაიკვირვა ქიტიაურმა.

— რო იცოდე, ქალო, ი ჩვენ სასიკვდილე კატუკას ბელელში ჰქონია შენახული, მაშა! ძაან-კი გაგვიკვირდა, რომ აგრე შენახულა...

— ბატონო,—კვლავ მიჰმართეს თეოს,—ი თქვენი ყმაწვილი რას უფრო იტკივებს?

თეოს პასუხის მიცემა აღარ დასცალდა, ზურას ხველების ხმა მოესმა და სახლში შეიქრა.

ზურა ჯერ ნელა ახველებდა, მერე თან-და-თან მოუმატა და ჩაბეირდა. სახე გაულურჯდა, თვალის კაკლები დაეკარგა.

თეო ერთხანს გაშტერებული შეჰყურებდა, მერე კი მივიარდა და სასოწარკვეთილებით დაუწყო ნჯღრევა.

— ზურა, შენი ქირიმე, ზურა, რა დაგემართა, ვაიმე, ვაიმე!—ზურა არ ბრუნდებოდა.

— მიშველეთ!—დაიკივლა თეომ.—მიშველეთ, ვინა ხართ ქრისტიანი. ზურა, შენი ქირიმე,—გულსაკლავად გაჰკიოდა თეო.

გარეთ მყოფი დედაკაცები გულგახეთქილები შემოცვივდნენ, ზოგი წყალს მოარბევინებდა, ზოგი ძმარს და როგორც იყო მოაბრუნეს ჩაბეირებული ზურა, რომელმაც უკანასკნელად მაგრად ამოახველა და სისხლნარევი ნახველი გადმოავდო პირიდან.

თეოს თვალთ დაუბნელდა, გულმა წუხილი დაუწყო.

— ნუ გეშინია, ჩემო თეო, ნუ გეშინია,—ძლივს წამოიძახა ზურამ,—მე კარგადა ვარ... ეხლა-კი გავნთავისუფლდი, თურმე ეგ ოხერი ნახველი მაწუხებდა.—თეომ მწარედ ამოიოხრა.

— თეო,—კიდევ მოისმა პატარა ხანს უკან ზურას ხმა,—ავდგები შენი ქირიმე, თბილად ჩაეიცვამ და სუფთა ჰაერზე გავალ. ჰაერი მინდა, ჰაერი.—თეოს რაღა ეთქმოდა. ზურას სურვილის ასრულებას სიამოვნებით შეუდგა.

წამოლახლახდა ზურა ლოგინიდან. ორ-კაპი ჩხირივით გამზდარიყო და რადგანაც მარტო სიარული არ შეეძლო, თეო შეუჯდა მხარში და აივანზე გამოიყვანა.

— ოხ, თეო, როგორ გტანჯავ, ნეტა ერთი ჩქარა გავსალ-

დე, რომ შენ წვალებიდან გაგანთავისუფლო,—წყნარად ეუბნებოდა ზურა თეოს და ისეთი თვალით უყურებდა, რომ მტერსაც-კი შეეცოდებოდა ეს ოდესღაც ძალ-ღონით სავსე ვაჟაკი და დღეს-კი მარტო თვალებად გადაქცეული.

— ნუ გეშინიან, ჩემო სიცოცხლე, ღმერთს სამართალი არა აქვს?!—გაუბედავად უთხრა თეომ და თვალები წყლით აეკსო.

— ჰმ,—ჩაიციანა ზურამ,—როგორ არა აქვს, ჩემო სალოცავო, მაგრამ იმასაც მსხვერპლი უნდა,—გაიხუმრა ზურამ... სიჩუმე ჩამოვარდა.

— ნეტა, ა იმ ფერდობში ვინ მოღრიტინებს იმ დანჯღრეული ურმით,—იკითხა ცოტა ხანს შემდეგ ზურამ და აეოს თითით ანიშნა.

— არ ვიცი, გენაცვა.

ეს იყო ეფემია, რომელიც თეოსა და ზურას სანახავათ მოდროდა.

ვიდრე თეო და ზურა ამ ლაპარაკში იყვნენ, სოფლის დედაკაცებს ხმა გაეგდოთ სოფელში ზურას შეწუხების თაობაზე, ყველა ერთად შეგროვილიყო და მწუხარებით ადევნებდნენ თვალ-ყურს.

— ღმერთს სამართალი არ აქვს?!

გაისმოდა აქეთ-იქიდან. ვაიმე, ჩვენო თეო! იმეორებდნენ მეორენი. თეო-კი იმედით სულდგმულობდა.

მოსწყინდა ზურას გარეთ ყოფნა და ისევ დაწოლა მოუნდა.

— ნუთუ ისე მოგკვდები, რომ ჩემს მტრებს სამაგიეროს ვერ გადაუხდნი? ნუთუ ისე მოგკვდები, რომ ჩვენ ღარიბ საზოგადოებას ვერაფერში გამოვადგე! ნუ-თუ ისე მოგკვდები, ჩემო თეო, რომ შენი ცქერით ვერ გავძლე? ოხ, მტარვალეზო, მტარვალეზო, რამდენ ადამიანს უღებთ ბოლოს!—წამოიძახა ზურამ და თეოს გაუმაძლარი სიყვარულის თვალით შეხედა.

— ნუ ამბობ, ნუ მაგას. რა დროს სიკვდილია. ვერა ხედავ, როგორი ბედნიერები ვართ, მთელი სოფელი ჩვენ შემოგვცქერის? ოხ, ზეციერო მამაო, შენ გვაკმარე ტანჯუვაება!—გულმხურვალეთ წამოიძახა თეომ და ზურას გადაეხვია.

— არა, არა, მე არ მინდა სიკვდილი! მე უნდა სამაგიერო



გადავუხადო ჩვენს მტარვალებს, საშვილიშვილოთ გადავცენ მათდამი შურისძიება. ღმერთო, შენ მომეცი ძალი და ღონე, თეო, შენ გამამხნევე, სამშობლოს ჰაერო, შენ გამკურნე. მც მწყურიან, მწყურიან სიცოცხლე!—ნაღელიანად გაიძახოდა ზურა.

იქნება ეს უკანასკნელი გაბრძოლებაც იყო, მაგრამ იმედი, იმედი ტკბილი არა სტოვებდა თეოს. იგი კვლავ გატაცებით დაეკონა ზურას ავადმყოფ, მღელვარე მკერდს და ცრემლი დააპკურა. ეს იყო ცრემლი სათნოებისა და თავგანწირვისა, ეს იყო უკვდავი მსხვერპლი უკვდავი სიყვარულისა!

1895 წ. ღვინობისთვე. ქ. მოსკოვი.

## მთაო მაღალო!

(ლექსისებური)

მთაო მაღალო! რას მიყურებ აგრე პირქუშად.  
ნეტა რას ნიშნავს შენი აგრე გაამაყება?  
კი, მთად ქცეულხარ, ბედისაგან გალაღებულო,  
და მე—გორაკი—აბა შენთან რას გამოვჩნდები!  
გიმზერ ძირიდან, გულ-ზვიადო, ტყით დაბურულო,  
და დაჩაგრული მე ჩემ თავსა ვებუტბუტები:  
შენ თუ ცას ეტრფი და ამაყად, თავდავიწყებით  
ლაქვარდ სივრცეში ვარსკვლავთ კრებულს თვალსა ადევნებ,  
მე მიწას ვუმზერ, მიწას შავსა, სისხლით მორწყულსა,  
სადაც ნაშვრალი მუშა ხალხი კენესის და გოდებს.  
სადაც სიამე, ნეტარება და პოეზია  
დღიურ ვარამსა ჯოჯოხეთად გარდუქცევია.  
შენ თუ ღრუბლებსა ენაზები, ეალერსები  
და მზის სხივებით ალიონზე გულმკერდს იქარგავ,  
მე მთელი დღენი წყაროთ ქცეულ ცრემლებს მიწისას  
მუხლმოდრეკილი ვებეწვები, ვემუდარები:  
„გასწიე, ცივო ანკარაო, და გაგოგმანდი,  
სალამი უძღვენ ამწვანებულ ტყე-ველ-მინდორსა,  
ჩაირაკრაკე ბალახებში. მორწყე ყანები,  
პირი მოჭბანე ყვავილებსა და ეამბორე!  
იქ ერთ ყანაში ქვრივ-ობრისა ულამი მოჩანს,  
იქ მოგროვილან დაჩაგრულთა დამხმარებელნი,  
გლებებს ნამგლები აუღიათ, ატრიალებენ  
და მოქანცულნი გზისკენ მალ-მალ იყურებიან,  
წყაროვ, მიხედე, საცოდავებს ძლიერ წყურიათ!“  
ნუ იმრიზები, პოი მთაო, და ნურც დამცინი!  
პირს ნუ იბურავ მოსრიალე კრელი ღრუბლებით,  
გეყოფა კიდევ ცის-კამარის თვალიერება.

აბა რას გარგებს მზის ქიშპობა ვარსკვლავთ ცილობა.  
 ნუ გეშინია! ბადრი მთვარეც შენთვის არ კვდება,  
 შენც კარგად იცი, მას სამყარო ეარშიყება...  
 მაშ, ერთხელ მაინც, ბუმბერაზო, ძირს... ძირს ჩამოდი  
 და იმ ქვეყნად, სადაც შენთვის ქება უძღვნიათ,  
 მიმოიხედე და გაიგე აბა რა ხდება!?  
 არსად გინახავს ნალვლიანი შენ დედაბერი?  
 არსად გსმენია უსუსურთა მოთქმა-გოდება?  
 არ შეგინიშნავს, როგორ იკეცხს ურცხვი ბაქია  
 და ამავე დროს თვის ჩრდილისაც კი ეშინია?  
 არსად გინახავს სრულად საღი შენ მათხოვარა,  
 ვისაც ტყუილათ დაუკვლანჯავს ხელი და ფეხი,  
 და დახავებულს, ზარმაცს, საპყარს, მოდუნებულსა  
 სურს სხვისი ოფლით მოიპოვოს არსების პური?  
 არც ის გინახავს კორიკანა როგორ ლაქლაქებს,  
 თვის მეზობელსა, აესა, და კარგს, როგორა ჰკიცხავს,  
 პირში რომ გაქებს, გენუკეება და პირს უკან კი  
 სხვის სასიამოთ თვის „მეგობარს“ სამარეს გითხრის?..  
 მაშ, თუ გინახავს, მეტი არის, მე მოგახსენო,  
 რომ ამგვარებით სავსე არის ჩვენი გარემო!  
 მხოლოდ ეს მითხარ, თუ ყურს მიგდებ, მთაო მაღალო,  
 ნეტა როდემდის ვიწუწუწუნებთ და თაყვანსა ვცემთ  
 უვიცობასა, ძმის გამყიდველს და ზარმაცობას.  
 ნეტა როდემდის ვანებიერებთ იმ გვარ არსებათ,  
 ვინც დღეს აღმერთებს ერთ საგანსა, ხვალ-კი „სანდალობს“,  
 ნეტა როდემდის?.. მაგრამ კმარა... შენც კი მიხედები!  
 ხოლო კვლავ გკითხავ: „ჩვენ ქვეყანას რა ეშველება?“  
 სუ! რა ხმა ისმის? შენ გაქებენ, შენ გადიდებენ?  
 განა ვინაა? ღირსეულნი თუ მგლების ხროვა,  
 რომელთაც დათენი მოუძღვიან, მოაბოტებენ  
 და მელღები ცბიერობით დამოყურებიან!  
 არ მიპასუხებ? გინხარია, მთაო მაღალო,  
 რომ მგლების ხროვამ თაყვანი გცა, გაგაბატონა?  
 თაქს-ბრუ დაგასხა, გაგალენჩა მელის აღერსმა  
 და დათვის ტაშმა, მის დამქაშმა აგათამაშა?  
 რას იბღვირები? ჩემი სიტყვა არც კი გსმენია?

ნუ, ნუ სტყუვდები, ნუ ეძლევი ბოროტ გულისთქმას!  
ნურცა ამაყობ მით, რომ ელჩად არწივი გიზის  
და ცის სიერცეში ანაეარდებ, ანებებს ტყობილობ,  
ან რომ ირემი, ჯეირანი, ჯიხვი და არჩვი  
კლდიდან კლდეზედა ელვასავით მსწრაფლად ხტებიან  
და შენის ნებით შენს ტყეებში, ნაძვნარებში იმალებიან...  
ნუთუ არ იცი მხეცთა ბინაჲ, ველურთა ბუდეჲ,  
რომ პირუტყვთ ძმობა-მეგობრობა არ გამოდგება??  
კი, თავი მოგაქვს მით, რომ ღამით საბნათა გხურავს  
ღრუბლად ქცეული გაჭირებულთ ოფლი და ცრემლი,  
განთიადისას სარკეთ ხმარობ ცისა ციაგსა  
და სავარცხლად—ამომავალ მზისა სხივებსა,  
მაგრამ... არმად შექმული მუშის ოფლი ერთხელ იქნება  
ცაში იგრგვინავს, ძირს წამოვა შხაპუნა წვიმით,  
სულ ჩამორეცხავს მაგ შენ კალთებს, გაგანადგურებს  
და მუშის მტარვალს, მუშის მჩაგვრელს შიშის ზარს დაგცემს...

1897 წ. 17 მარტი.

## ბ ე ნ ე ს ა ს

შუა ზამთარი იყო... გააფხნებული ბუნება, ბობოქრობდა თოვლით დაფენილი დედა-მიწა მომაკვდავსავეთ ჰგმინავდა და სიცივისაგან საცოდავად იკუმშებოდა. ქარბუქისაგან შეშინებული მთა მთას ეფარებოდა, მინდორი ტყეს, მდინარენი—თავიანთ კალაპოტებს. სულდგმულთა ცხოვრება ხომ სორობუნაგებში შეყუჟულიყო და მოღუმართავ საათივით ოდნავ, სულ ოდნავ ფეთქავდა. ცა-კი მაინც არ იბრალებდა ქვეყანას! ყბები საბერველებად გაეხადნა, ხელები არნადად, პირიდან განუწყვეტილვით თოვლს აფრქვევდა და ნამქერს ქვეყნის გულმკერდს აფორიაქებინებდა... ადამიანის ოცნებასაც ფრთები ჩამოეშვა, მხოლოდ ყინვა გაბატონებულიყო და დაუნდობელ ქარბუქს მავნე სულივით ასდევნებოდა.

— ოი, ოი, ოი!

— ბა, ბა, ბა!—გაღსმოდან აქეთ-იქიდან და ამ ღეთის რიხსხეა ამინდს ყველა წყევლა-კრულვით იხსენიებდა.

დაღამდა, მაგრამ ბუნება მაინც არ წყნარდებოდა. გათამამებული ქარი ისევ და ისევ დანავარდობდა სამაზრო ქალაქგ-ს ოღრო-ჩოღრო ქუჩებზე და თან ისეთი ძლიერებით დაჰქროდა, გეგონებოდათ, უნდა აჰგავოს ქვეყნის პირიდან ეს პატარა ქალაქიო.

— აი, ამოგივარდეს საბერველი, თუ ეს ოხერი ქოხი თავზე არ დამანგრიო,—მიაძახა, სხვათა შორის ერთმა მანდილოსანმა ქარაშოტს, როდესაც იგი თავ-განწირვით მიაწყდა ქალაქის ერთს მიყრუებულ უბანში მდგომ ფიცრულ სახლსა და ტკაცა-ტკუცი დააწყებინა.

— ნუ გეშინიათ, დედა, არ დაინგრევა,—ყრუთ, თითქო გულის გასაკეთებლად უპასუხა უფროსმა ვაჟიშვილმა და ნალელიანად მიმოავლო თვალი თავიანთ ბინა-სადგომს.

ეს ბინა-სადგომი ვიწრო და დაბალქერიანი ოთახი იყო, საღორეს უფრო ჰგავდა იგი, ვიდრე ადამიანთა საცხოვრე-

პელ შენობას; მაგრამ სიღარიბეს რა გაუკვირდება? ღარიბი, ქვრივ-ობერი იყო, სოფლიდან შვილების სასწავლებლად ქალაქში გადმოსახლებული მღვდლის ქვრივი ნენე და ამიტომ დაბინაჟებულიყო ამ ქოხში, რომელსაც თვისი შესაფერი მოწყობილობაცა ჰქონდა. შიგ იდგა ერთი გრძელი ტახტი ძველი ფარდაგითა და ქილობით დაფენილი, ერთი ფეხმოტეხილი და კედელზე მიმაგრებული მაგიდა და ერთიც ხის ოთხ-კუთხი სკამი, რომელიც ხან მაგიდის დანიშნულებას ასრულებდა და ხან სკამისას, ერთის სიტყვით, როგორც მოხდებოდა. სტუმარს სკამად ემსახურებოდა და შინაურებს-კი მაგიდად ღა აი, როგორ: ნენეს სამი მოსწავლე და სამიცი იმათი მომდევნო შვილი ჰყავდა. რადგანაც მოსწავლენი ფეხმოტეხილ მაგიდაზე ვერ ეტეოდნენ ხოლმე, ერთი რომელიმე მათგანი მუხლის თავებით დგებოდა იატაკზე, დაიდებდა ამ სკამზე რვეულსა ან წიგნს და ისე მეცადინებდა გასაკეთესა... ერთ-ერთ კუთხეშიაც იდგა შავად შეღანილი, ნახევრად დაქანებული და სიძველისაგან ალაგ-ალაგ დაჩხვლებული თუნუქის ღუმელი. ეს ღუმელი იყო ერთადერთი გამათბობელი და გაშართობელიც ნენეს წვრილშვილისა. როცა გახურებული იყო ხოლმე, წვრილი ბავშვები გარს ეხეოდნენ და უფიცხებდნენ გვერდებს, როცა არა-და, ღუმელის თავზე დაყრილ ქვიშაზე თითით ასოებსა და სხვადასხვა სურათებსა ჰხატავდნენ...

ამ საღამოს-კი არაჩვეულებრივად ატარებდა დროს ნენეს ოჯახობა. ჩართალია, ცეცხლიც აებოლებინათ ღუმელში, მაგრამ ღუმელს არავინ ეკარებოდა. მოსწავლენიცა და იმათზე უმცროსებიც წამოგორებულიყვნენ ტახტზე დედის მუხლებთან და გაჩუმებული ყურს უგდებდნენ ქარის ღმუილს. წიგნები გადაშლილი ჰქონდათ, მაგრამ არ კითხულობდნენ. აღარც დედა უჩიჩინებდა ჩვეულებრივად, — „წიგნები იკითხეთ, „დოიკები“ არ მიიღოთ, თორემ დაგხოცავთო!“ იგი წინდას ყელს აქსოვდა... სიჩუმე ჰსუფევდა ნენესას, მხოლოდ გარედან ქარი არ ასვენებდა და თითოეულ შემოქროლვაზე სახლში საკმაო ცივ ჰაერს შემოგზავნიდა ხოლმე. მართალია, ოთახის ფარღალალებს ნენემ ზამთრის პირშივე შიაკრა ნაბდის და ქალაღდის ნაქრები, მაგრამ რომ ველარა

გაუმაგრდა რა იმ ლამინდელს კორიანტელს? გაითანგნენ, დაბუქდნენ სიცივით დედა-შვილები ღუმელშიაც ჩაიწვა ის ორიოდე მუგუზალი და ახლა საცოდავად, ხჩოლავდა. ბევრი უჩიჩხვინა უფროსმა შვილმა, მაგრამ მაინც აღარ ეკიდებოდა და სახლი ბოლით ივსებოდა. აწუხებდა ეს კომლიც მოწაფეთ, თვალებსა სწვავდა და პატარა ლამპარს სინათლეს აკლებდა.

— ოხრად დარჩი, ოხრად დარჩი, კაი ამინდი შენა ხარ! — ბუტბუტებდა თავისთვის უკვე დაქაბუკებული გოგია.

— ტი-ტო, ტიტო, ხატი, ხატი! — დაარღვია სიჩუმე დედაენაში ჩათვლით პატარა ფუნთუშა სიკომ და დედას შეხედა, იქნება გაუხარდეს მაინც, რომ წიგნის კითხვა ვისწავლეო. მაგრამ ნენეს ბავშვისა არა გაუგია-რა. დედას წინდა ხელიდან გაეგდო, აეყუდებინა ბექებზე ნაალი და ცხრად მოკაკული ფიქრებში წასულიყო. ვინ იცის რასა ჰფიქრობდა? მაგრამ რას არ იფიქრებდა ისეთი ადამიანი, რომელსაც ჰშიოდა, სწყუროდა, შვილები სიცივით ეხოცებოდა, სიღარიბისაგან დამციკებული, გათახსირებული იყო... ოჰ! ნეტა როდის მოითხოვენ დაკმაყოფილებას ტვირთ-მძიმენი!

— ტიტო... ხატი, — უფრო აუმაღლა ხმას სიკომ. ნენემ ახლა-კი მიაქცია შვილს ყურადღება. ჯერ ალერსიანად გადაჰხედა, მერე ერთი ამოიოხრა და გულიანად დაუმატა:

— აი, გაუწყრეთ ხატიცა და ჯვარიც იმ პირში სულ-გასაწყვეტებს, ვისაც ღარიბი არ ებრალება. ოიი! ჩემი კაბითაც დამჯდარა და ჩემი წყალიც დასხმია ი „სმოტიტელია“, თუ რაღაც ოხრობა, იმის ცოლსა, რომ მაშინ უფრო შემობრალებს... ვაი, ძვლები გამეყინა, ძვლები!..

— რათ იცი, ადამიანო, ეგეთი წყევლი-კრულვა! — გააწყვეტინა გოგიამ, — იმისი რა ბრალია, — შემწეობა რომ არ დამინიშნეს სასწავლებლიდან. ჩვენზე ღარიბები იქნება სხვებიც არიან?

— შენ ემანდ იკითხე და კარგადაც დაიხსომე, რა ცეცხლის პურსა ვქამთ, ჯერ მეტი არა მოგეთხოვება-რა! — მკაცრათ შენიშნა დედამ.

გოგია შეკამათებას უპირებდა, მაგრამ ამ დროს საშინლად დაიგრიალა ქარმა, რაც ძალი და ღონე ჰქონდა მოაწვა

ნენეს ქობის კარებს და რაზა ჩაუგდებელი კარები შემოახეთქა. სახლში საშინელი სიცივე შემოიქრა და იქაურობა ააფორიაქა.

— არიქა, მიხა, კარები დაუგდე!

— დედავ, დედავ, რა სიცივე შემოვარდა!

— ოი, ოხრად დარჩი, ოხრად, ასეთო ცხოვრებაე!

ახმაურდნენ დედა შვილებიანად და დაფაცურდნენ: გოგია კარებს ეცა, მიხამა და მეორემ ლამპარს ხელები მოაფარეს, არ გაგვიქრესო, და დედა-კი კვლავ წყველა-კრულვით იხსენიებდა თავის გაჩენის დღეს.

თითქოს ამ უმნიშვნელო საქციელის ჩადენით გული იჯერაო, გააფთრებული ქარი მოულოდნელად სადღაც ჩაკვდა. ცა მოიწმინდა და თუმცა ყინვამ იმატა, მაგრამ სამაგიეროდ ქვეყანამ მოისვენა ღრიანცელა ნამქერისაგან და სული განაბა. შიშალ-მოიშალნენ ღრუბლებიცი; ჯერ ერთმა ვარსკვლავმა გადმოჰხედა თოვლით დაფეფქვილ დედა-მიწას, მერე მეორემ. ერთმანეთს გაუცინეს და თითქოს პირიდან აღმასები გამოსცივდათო, მალე მთელი ცის კამარა მოიფინა ბრჭყვიალა ვარსკვლავებით ბოლოს მთვარეც ამოვიდა, მაგრამ ისე მალლა-მალლა-კი გასწია, გეგონებოდათ ქვეყანას პირს არიდებსო, ალბათ, იმიტომ, რომ მისი სხივები თოვლის სისპეტაკეს ველარ ეცილებოდნენ.

ეძინა ყველას. ეძინა ნენესაც. იგი კრუხივით გადაფარებოდა თავის წვრილ-შვილს, თუმცა მძინარესაც-კი ზრუნვა და მწუხარება აღბეჭდოდა სახეზე. არ ეძინა მხოლოდ გოგიას. საბან წამოსხმული მოსჯდომოდა მაგიდას, გადაეშალა წინ ბერძნული გრამატიკა და გაჩქარებით გაიძახოდა! „ვულევო, ვულევის, ვულევი“. მეათედ, მეოცედ იმეორებდა ერთს და იმავე სიტყვებს, მაგრამ გონებას-კი არა ეკარებოდა რა. ეს სიტყვები, ეს გრამატიკა თავისის ათასის ახსნა-განმარტებით სრულიადაც არ აკმაყოფილებდა, არ უდგებოდა გოგიას გულის თქმას, დღევანდელი საღამოთი გამოწვეულ იმის ფიქრებს.

სცივა და შიან? მერე მართო გოგიას?

— ვულევო, ვულევის, ვულევი!—იმეორებდა თუთიყუშით გოგია...



— ხელაღაც რომ ასეთი დარი იყოს, რა გვეშველება, შე-  
ვა არა გვაქვს და საქმელი!—დაეკითხა გული გოგიას.

— პატერ იმონ (მამაო ჩვენო),—უაზროლ უქარნახა გა-  
ზეპირებული სიტყვები გონებაში.

გაცივდა, გალელეჩდა ნენეს ოთახი. გოგიას საბანძაც ვე-  
ლარ უშველა, ფეხები დააძრა და სულ გადააფიწყდა „ვეულე-  
ვო, ვულევოები“, გიტივით ზეზე წამოიჭრა და მობღუნძულ-  
მა ოთახში სიარული დაიწყო. ერთხელ გაიარა კუთხიდან  
კუთხეში, ორჯელ, სამჯერ, მაგრამ არც სიცივე და არც ბერ-  
ძნული გაკვეთილი თავს არ ანებებდნენ. დაწოლილიყო, ჩა-  
ხუტებოდა თავის ქიჟმატა ძმებსა და ამათი გამთბარიყო?  
გაკვეთილი რომ მოსამზადებელი რჩება?.. დასძლია თავს  
გოგიამ და ერთხელ კიდევ ჩაიზეპირა ბერძნული ლოცვები.  
არა და არა! არ ახსოვდება. ხან სიტყვები ავიწყდება, ხან  
მთელი წინადადებანი: „გული გონებას ეურჩება“, სხეული  
მეხსიერებას... ბოლოს ბერძნული წიგნის ასაღებად მობ-  
რუნდა და თავისდა უნებურად დააცქერდა მძინარე ბავ-  
შეებს.

მშვიდად ეძინათ პატარებს. ლოგინში ჩათბუნებულები  
ანგელოზებსა ჰგვანდნენ. არც დარდი, არც მწუხარება, არც  
არავითარი ფიქრი იმათ სახეზე არ გამოკრთოდა. ჩახუტებოდ-  
ნენ დედის მკერდსა და ჯერჯერობით მეტიც არა ენალღლე-  
ბოდათ-რა! „ნეტავი თქვენ“! გულწრფელად შენატრა გო-  
გიამ. რათა, ან რისთვის? იმიტომ რომ ამ ყამად გოგიას  
გული ბოღმით ავისილიყო. გაიხსენა... არა, გაიხსენა კი არა,  
აღლოთი იგრძნო, რა მოვალეობა უნდა აწვეს თითოეულ  
კაცს, იგრძნო, რა ძვირფასი უნდა იყოს თითოეული წუთი  
ადამიანის სიცოცხლისა, რომ ეს წუთები, ეს დრო უბრა-  
ლოდ არ დაიკარგოს და მწარე აწმყოს გაუმჯობესებას მოხ-  
მარდეს... გოგიამ-კი რამდენიმე წელიწადი დაკარგა ამ უმს-  
გავს ბერძნული გრამატიკისათვის, რამდენჯერმე დასტოვეს  
სხვადასხვა კლასში მარტო ბერძნულისათვის. გული აუცრუვ-  
და გოგიას, ჩამორჩა ამხანაგებს და მასწავლებლების დაცინ-  
ვით ხომ კინაღამ არ გამოყეყეღა. საწყალი დედა, როგორ  
სწუხდა შვილის ასეთ უკან ჩამორჩენას, საწყალი წვრილი  
ძმები, რამდენი დღე დაუღამებიათ მშიერებსა?! თითონაც

გაიზარდა, დავაეკაცდა და ისევ ანაბანაზედ კი სდგას... გოგო-  
გიას გული ამოუჯდა, გაბრაზებით სწვდა ბერძნულ გრა-  
მატიკას, კედელსა სტყორცნა იგი და კრემლმორეული  
თვალეებით წამოიძახა:

— რას მომცემს ეს მკვდარი ენა, მასწავლეთ ისეთი რამ,  
რომ თავის დროზე გაქირვებულთ ვუშველო და დაჩაგრუ-  
ლები ფეხზე წამოვყენო.

— აღარ დაიძინებ, შვილო?— შეეკითხა გოგო-  
გის ბობოქრო-  
ბით გამოღვიძებული დედა.

— სულ არა გვიძინავს!— ორ აზროვნად უპასუხა გოგო-  
გამ და ღრმა ფიქრებში გართულმა გასათბობათ ნელთბილს ღუ-  
მელზე ხელები დააწყო...

1898 წ.

## პანო და მარო

— ღმერთო... რა ბედნიერნი ვართ?!— აღლევებით წამოიძახეს მუშტაიდის ბალის ერთ განმარტოვებულ სკამზე მჯდომარე ვანომ და მარომ და ერთმანეთის ტუჩებს თავდავიწყებით დაეკონენ.

ჰმ!— ამოიკენესა იქვე, მათ მახლობელ ბუჩქზე მყოფმა ბულბულმა, ხმა ამოიწმინდა და მოყვა გულწარმტაც გალობას: კილო კილოს მოაბა, ჰანგი ჰანგს ჩააგრიბა და თითქოს მეტის სიამოვნებით თავ-ბრუ დაესხაო, საოცნებოთ ჩარაკრავდა. ბუნებამ სული განაბა, მხოლოთ ვანოსა და მაროს საალერსო სიტყვები არღვევდა მიდამოს სიჩუმეს.

— მაშ გიყვარვარ?— შეათასეთ შეეკითხა ვანო მაროს, მერე ქალის ლამაზსა ხანე ორივე ხელებით თავისკენ მოიზიდა და თვალებში ჩააცქერდა. მაროს თვალები კი კელაპტარივით ანთებულიყვნენ, ბედნიერებათ გავარვარებულიყვნენ, და ვანომ რამდენიც არ უმზირა შიგ, ვერაფერი ამოიკითხა იმის მეტი; რომ მიბნედილნი ემუდარებოდნენ: „ჩამკოცნე, რა დროს ამოცანის ამოკითხვააო!“ ვანოც ერთხელ კიდეც დაეწათა ამ თვალებს ისე მხურვალეთ, როგორც მონადირისაგან დამფრთხალი, მაგრამ სამშვიდობოს გასული ხარ-ირემი გულის გასაგრილებლათ დაეწათება ხოლმე მთის ანკარა წყალს.

— ვიცხოვროთ ბედნიერად, დღეის შემდეგ სომ ერთმანეთისა ვართო!— ჩურჩულებდნენ ქალ-ვაჟი.

— დიაღ, დიაღ!— დაუშტვინა ახლა მეორე მხრიდან იადონმა და უზრუნველად აყა თავისავე ხმას. გალობდა დიდხანს, ხმა შეწყობით და სანეტაროთ.

ლურჯად მოკამკამე ცის სივრცეში მთვარე ბატონივით ამაყურად მისრიალობდა და გზა-გზა ოქროს სხივებს აფრქვევდა. შურით ფერწასული ვარსკვლავები ჩამოცლოდნენ გზიდან მთვარეს და შორს, ცის-ტატნობზე შეჩერებულებდნენ. საოცნებოთ გაჭათქათებული ცა გარინდებული გადმოყურებდა ძირს დედამიწას, რომელსაც განთიადის მო-

ლოდინში მიძინებოდა და მთვარის შუქით გულმკერდ მოქარგული მშვიდად ფშვინავდა. ლამის ნიაფი თავს დალილინებდა, ხე-ტყე ნანას დაჩურჩულებდა თავის დედა-მშობელს, ყვავილ-ბალახნი სურნელებას უკმევდენ, ხოლო განზე გამდგარი მთები დარაჯად დადგომოდენ მძინარე ქვეყანას და ფიქრში წასულნი შუბლ-შეკრულნი გამოიყურებოდენ. არც კენესა, არც მწუხარება, არც ოხვრა-ტირილი, არც შიმშილ-წყურვილი, არც დამცილება და ძალ-მომრეობა, არც თვალთმაქცობა და ვერაგობა, არაფერი ამისთანა აღარ გაახსენდებოდა ვაცსა, პირიქით, ამ დიაღი ბუნების მომზერალი ადამიანი, მარტო უმნიშვნელო, ბუნების სულ უბრალო ქმნილებად თუ წარმოიდგენდა თავს, იმგვარ გონივრულ ქმნილებად, რომელიც იმიტომ არის გაჩენილი, რომ ბუნების სიდიადეს, მის ჰარმონიას ხელი შეუწყოს და თავის გაიძვერაობით თავის მსგავსებს სიცოცხლე არ მოუწამლოს და გაჩენის დღე არ აწყევლინოს, იცხოვროს მშვიდად და დატკბეს, დატკბეს ყოველივე სიკეთით!..

სტკბებოდენ მარო და ვანო, მაგრამ ბუნების სიდიადით კი არა, თავისი „მე“.თი და თავისი სიყვარულით. ამ ჟამად სხვა გარეშე არა სუფუვდა რა მათთვის. „შენ და მე, მე და შენ“. ამ ორ სიტყვაში იხატებოდა მთელი მათი სულისკვეთება, მთელი მათი აწმყო და მომავალი... რაც კი ქვეყანაზე სააღერსო სიტყვებია, ერთმანეთს უძღვნეს და მაინც ვერა ძლებოდენ ერთმანეთის ცქერით და ხელი-ხელ გადახვეულნი გვრიტებივით ღულუნებდნენ.

მოწყინდა ბულბულს სტვენა და იქვე ბუჩქებში მიეძინა. ქვეყანას ღრმა ძილი დააწვა. მთვარემ გაიარა თავისი გზა, ცამაც ცოტა ხანს თვალი მოხუჭა, რომ განთიადს ფერმკრთალი არ დახვედროდა, ხოლო მარო და ვანო ისევ ერთ ადგილას ისხდნენ და ერთმანეთის მზეს ფიცულობდნენ...

\* \*

ადამიანის სიცოცხლე—ერთი დამთქნარებაა, რადგანაც დრო-ჟამის სრბოლას არ ვაფასებთ და დღე და თვეები უმნიშვნელოდ, უაზროთ გვეპარება ხოლმე თვალსა და ხელს შუა. დიდი ხანი გავიდა ზემორე აღწერილ ლამის შემდეგაც. რამ-

დენჯერზე გამოიცივალა სახე დედამიწამ და იმდენჯერვე აირ-  
დარია ბუნების სილიადე და სიწყნარე, მაგრამ 189... წლის  
დეკემბერში რომ სიცივე და უბედურება დაატყდა ქვეყანას,  
იმისთანა არ გაგონილა. საშინელი ყინვებისაგან დედა-მიწა  
ბნედიანივით ცახცახებდა. ისე შეეშინებია ამ ხამთარს მთე-  
ლი ქვეყანა, რომ გაზაფხული საოცნებოთ ეჩვენებოდათ, მზის  
სხივები—საარაკო ამბად და სითბო—საზღაპროთ. საცოდა-  
ვად კანკალებდნენ ღარიბები,\* ხოლო მდიდრები კი ბევრს  
არასა დარდობდნენ.

სიცივე-ჯავრისაგან წელში მოხრილი ვანო გულ-ხელ დაკ-  
რეფილი და თმაბურძღვლული, ჩქარის ნაბიჯით დარბოდა თა-  
ვის ოთახში და მწარედ დაღვრემილიყო. ამავე ოთახში ტახ-  
ტის ბოლოზე ჩამომჯდარიყო გაბუტული მაროც და სახე მო-  
ლუშული საწვიმრად მომზადებულ ცასა გვანდა. პირი ეშმა-  
კებისკენ წაეღო: ვანოსთვის ნახევრად ზურგი შეექცია და  
ტუჩებ-წამოშვერილი, სახიდან შეშლილიყო. ოთახიც არეულ-  
დარეული მოჩანდა.

— მაშ ასე უნდა ვიჩხუბოთ ჩვენი დღენი! ამის მეტი საქ-  
მე აღარ გექონია, რალა!—კბილების კრაკუნით წამოიძახა  
ვანომ და განზე გაიხედა.—სიღარიბე, სიღარიბეა ყველა ამის  
მიზეზი.—ამოიგმინა კიდევ ვანომ,—მე რო ფული მქონდეს,  
ყველას ძალღივით თითო ლუკმას მივუგდებ და გავაჩუმებ..  
გაგაჩუმებ შენც, ქალბატონო, კარგ ჩაგაცმევ, კარგ დაგხუ-  
რამ, გაგიყვან-გამოგიყვან და მაშინაც იღრინებ? ხომ ამაზეა  
თანამედროვე „ბედნიერება“ აგებული!.. ამას ეძებს ახლან-  
დელი „სიყვარულიც;“ მე კი... მე სულ სხვა მეგონა...

— ხმა ჩაგიწყდეს, თუ ენა მუცელში არ ჩაიგდო, —  
თვალების ბრიალით გააწყვეტინა მარომ და შეტევით  
უთხრა: —კმარა, ნულარ ამაყბედებ, თორემ არ ვიცი, რას  
გიზამ.

— ჰმ!—ამოიგმინა ვანომ და ფეხს უფრო აუჩქარა.

— ზმუკი!—მოაძახა მარომ.

— შენ თავსა და კისერს!—წაიბურტყუნა ვანომ და და-  
ფიქრდა. დიდხანს მიდი-მოდოდა ვანო დაღონებული. მიდი-  
მოდოდა მანქანასავით, ისე თავის უნებურათ. ბოლოს ხე-  
ლები ჩამოუშვა და მწარეთ გადინახარა.

— უცუნა!—აფთარივით მივარდა მარო,—შენ რო სინი-  
დისი გქონდეს, რა გაქვს ერთი გასალრეკი?!

— გინდა გითხრა რაზედაც ვიციანი, თუმცა კი წაი ამის-  
თანა სიცილს.

— ოლონც კი ხმა ჩაიწყვიტე და შენი არა მინდა რა.  
მე შენ მოგახსენო ფილოსოფიას იტყვი, აი!—დასცინა მარომ.

— ფილოსოფია კი რა ჩვენი ქალების საქმეა, მაგრამ..

— ჰა, კიდე დაიწყე!—შირიდან სიტყვა გამოაცალა მა-  
რომ,—მე შენ გეუბნევი ქალებზე ლაპარაკს თავი დაანებო და  
ე შენ ცინგლიანს თავს მოუარე-მეთქი.

— მადლობას მოგახსენებ დარიგებისათვის,—ჩამოართვა  
სიტყვა ვანომ,—მაგრამ ერთი ეს მითხარი, ახლა გავხდი  
ცინგლიანი, თუ აქამდისაც ვიყავი? გახსოვს, ქალბატონო,  
ჩვენი შეხვედრა... მთვარიანი ღამე... ბულბულის სტვენა, გა-  
ლობა... ჩვენი ერთმანეთისადმი აღტაცება... აი რამ გამაცი-  
ნა,—მგონი მას შემდეგ ძლიერ დიდი ხანი არ არის გასუ-  
ლი,—ნაწყვეტ-ნაწყვეტად და ირონიული კილოთი ლაპარა-  
კობდა ვანო.

— ოი, ჩაქცეულიყო ის დღე და საათი, როცა მე შენ არ  
გადაგკიდებოდი! მაშინ სულელი ვიყავ და ახლა...

— ახლა კი სიბრძნის კბილები ამოგივიდა, განა?—დასცინა  
ვანომ.

— ხმას აღარ ჩაიწყვეტავ, შე ქოფაკის შვილო!—შეუ-  
კურთხა მარომ და თვალებიდან წინწყლები წამოყარა.

— რა მეტი გზა მაქვს... უნდა გავჩუმდე, თუ ჩემი უდა-  
ნაშაულო დედამამის შემკობა არ მინდა, მაგრამ ეს კი უნდა  
გახსოვდეს, რომ შენ ჩემი ცოლი ხარ და ეგრე უშვერად არ  
უნდა ილანძღებოდე,—აუმაღლა ხმას ვანომ და ცოლს და-  
უბღვირა.

— ცომი დაგეკრას მაგ თვალებზე, შე გაუნათლებელო,  
ხეპრე. მე შენი ცოლი კი არა, ამხანაგი უნდა ვყოფილიყავ,  
მაგრამ არც ერთის მოვლის თავი არ გაქვს, შე უმსგავსო.

— რა გაეწყობა! დღეის შემდეგ ეგ ახალი ტერმინი უნ-  
და ვიხმარო, თორემ საუკუნოებით შემოღებული სიტყვაც  
საჩხუბარი გაგვიხდება!—გესლიანად სთქვა ვანომ და მხრები  
აიწია.

— ოხ, შე გველო!—დაიღრიჯა მარო და ზეზე წამოიწია—  
— ნუ სწუხდებით, დაბრძანდით და დამშვიდდით, ჩემო  
ანგელოზო, ჩემო პირ-თათლო და პირ-შაქარავ, — ხელის გა-  
წოდებით დაიწყო ვანომ, — მხოლოდ ნება მიბოძე ერთხელ  
კიდევ გაგიმეორო, ჩემო ნაზო და სუსტო არსებავ, ჰაეროვან  
ქმნილებათა წარმომადგენელო, რომანების დამამშვენებელო,  
სიყვარულის ქმნილებავ, სიცოცხლის ნექტარო და უკვდავე-  
ბის წყაროვ, ნება მიბოძე-მეთქი მოგახსენო, — ორ აზროვანათ  
და კილო მობმით გააბა ვანომ (რადგანაც ასე უფრო აბრა-  
ზებდა ხოლმე მაროს) და ვინ იცის, როდის მოიოხებდა გულს,  
მაგრამ მოთმინებიდან გამოსულმა მარომ დაავლო ერთ ვე-  
ბერთელა წიგნს ხელი და გესლიანად მოლაპარაკე ქმარს შიგ  
შუბლში სტკიცა... დარეტიანდა საბრალო ვანო, ხოლო ვიდრე  
გონს მოვიდოდა, მარო მეორე ოთახში გავარდნილიყო და  
პირქვე დამხობილი სიბრაზისაგან მწარედ ქვითინებდა...

1897 წ.

# ზღვის პირად...

(ლექსისებური)

## I

ვიდექ ზღვის პირად უცხო მხარეს გადაღუპული  
და გრძნობით ავისილს, დაობლებულს, მიტოვებულსა,  
ის ლა მშთენოდა ზღვის მზერითა გამერთო გული!..  
ვუმზერდი დიდხანს... ფრთა გაშალა ჩემმა ოცნებამ  
და ფიქრი გაჰყვა ზღვის ტალღებსა შორს, შორს სადღაცა.  
გადამავიწყდა ჩემს გარემო თუ იყო სხვა რამ:  
ტყე, ან მინდორი—მოქარგული ყვავილებითა,—  
სოფელ-ქალაქი აგებული ხალხთ საბინადროთ,  
თვით ჩემი თავიც, მარტოობა, დაობლებაცა!..  
მხოლოდ თვალთა წინ ზღვა უფსკრულად გარდაქცეული,  
ზღვა მოელვარე, მოქუხარი, მკენესარი მწარეთ  
გადაშლილიყო... მას დაეპყრო მთლად არე-მარე,  
იგი მეფობდა, მისი იყო მზე და მთოვარე!  
ტალღა ტალღაზე მოდიოდა ნაპირებისკენ  
და ყრუ გმინვითა, სიბრაზისგან აღქაფებული,  
თავ-განწირვითა აწყდებოდა ხმელეთის კვარცხლბეკს.  
გრგვინავდა მედგრად, ღრიალებდა, ზვირთებს ისეროდა,  
და შიშისაგან მუშტის ოდენ გამხდარ ქვეყანას  
მედიდურობით, ხმაურობით თავზარსა სცემდა!..  
ვით სულ-მდაბალი უთვითნებო ადამიანი  
თავის ბატონის წინ მუხლ მოდრეკით ცრემლებსა აფრქვევს  
და თვის მჩაგვრელსა, თვის მტარვალსა, მონად ქცეული  
უილაჯობით ძალმიხდილი ამკობს და აქებს.  
ისე ხმელეთი გარინდული, ცახცახ-კანკალით  
გადასცქეროდა ზღვის ტალღებსა სასომიხდილი,  
და ტალღა იგიც, თითქოს ჰგრძნობსო თვის ძლიერებას,  
არ ისვენებდა... კვლავ ტოკავდა, კვლავ ლივლივებდა  
და დაუდგრომლად, უდარდელად, ვითა ჯალათი,  
საბრალო კიდეთ სილას მალ-მალ უტყლაშუნებდა!..



ზურგი ებრუნა ზღვის ბრძოლისთვის ხმელეთს წამებულს  
და უღრან ტყესა დაბურულსა შეჭყარებოდა.  
სდუმდა!.. და ხან კი, თითქოს ვისმე შეველასა სთხოვსო,  
თვის გაქირვებას, თვის წამებას ოხვრა ზრიალით  
შორს გამდგარ მთებსა—წარბ შეკრულებსა—უზიარებდა.  
მაგრამ შეველა კი არსით იყო! მხოლოთ ხან-და-ხან  
აღვის-ხე მუხას გადასცემდა საიდუმლოთა,  
რომ: დაბლობშიო ზღვას, და ხმელეთს ბრძოლა შეჭქმნიათ!  
— მერე მე რაო? ტყე გულგრილად ეკითხებოდა  
და გულზვიადი, ჩათხრობილი, ჩაბნელებული,  
იგი თავისთვის ბუტბუტებდა და შრიალებდა!..

## II

აქ,—კიდევზე,—ბრძოლა იყო გახურებული  
და სტიქიონი ყრუ-მიწასა შთანთქმას უქადდა.  
მეც ვკანკალებდი საცოდავით... ქმნილებათ გვირგვინს  
ზღვის მომზირალსა ჩემი თავი ქიათ მიმაჩნდა...  
სამაგიეროთ როს გაეხედე ცის დასავალსა,  
სადაც ზღვა და ცა ერთმანეთსა ჩაკონებონდენ,  
და ცის კამარა ზღვის გულ-მკერდსა დაშტერებოდა,  
იქ... საწუთისოფლო, საამქვეყნო არა რა სჩანდა:  
ზღვისა კამკამი ცის ციალსა ეცილებოდა  
და მის მომზირალთ მალლა-მალლა წასულ ღრუბლებსა-  
ზღვის ცელქობაზე, ზღვის ფრთონვაზე ეცინებოდათ.  
მზისა სხივები, გამოქრილი დასავლეთიდან,  
თვითეულ მათგანს ოქროს ჯილად თავს დასდგომოდა  
და ვით აშიყნი, სიყვარულით თავს-ბრუ დასხმულნი,  
ფარვანასავით აქა-იქა დაციმციმებდა!..  
ტურფად შეემკოთ ცის კამარა ღრუბელთ, მზის სხივებთ  
და საარაკოთ გაეხადნათ ბუნების ძალნი,  
თავისუფლებას იქ დაედგა დროშა სპეტაკი  
და მყუდროებას იქ აღეგო საკურთხეველი!..  
ღრუბელი ღრუბელს შესდგომოდა, შეჭყარებოდა  
და ბამბის ქულად, საუცხოვოდ გადაპენტისა  
კიბე დაედგათ მეოცნებეთ ცათ ასასეულად.

გულზე მეფონა მათ დამნახველს, მომეცა შეება  
და ამ კიბეზე გავისტუმრე ჩემი ოცნება.  
ვთქვი თუ „რას ვაქნევ ნეტა დღიურ ვარმისა ძალას,  
როდესაც სულსა შეუძლია აღფრთოვანება,  
როდესაც გული უსამართლოდ ლახვარ სობილი  
ბუნების ცქერით მოგირჩება, გაგიმთელდება?!“  
აღტაცებულმა გავაყოლე თვალი ღრუბელთ სვლას  
და მზად ვიყავი მიწიერი ზეციურ არსთა  
შევეცილებოდი უკვდავება-ნეტარებასა!..

### III

მაგრამ... აგერა ჩრდილოეთით ერთი ღრუბელი  
რა საცოდავად გაცრეცილა, გაფითრებულა!  
აცა! ის არის... სამშობლოდან გადმოსრბოლილი!  
— სალამი შენდა! გამარჯვება, სამშობლოს ელჩო!  
ცნობას მოსული აღელვებით შევეხმაურე.  
ვაჭკრა ოცნება, ვაჭკრა წუთის თავდავიწყება,  
სამშობლოს მხრიდან წამოსულმა ღრუბლის დანახვამ  
კვლავ გამახსენა ჩემი თავი და... მარტოობა!  
— რას გაცრეცილხარ, შე ბედშავო, ჰოი, ღრუბელო,  
და ან კი რატომ არ იქარგვი მზისა სხივებით?  
შავად შებურვილს გლოვის კაბა რად ჩაგიცვია?  
რას იკრუნჩხები, საცოდავო, თითქოს ვერ ბედავ,  
რომ შენ ტოლებთან გამოხვიდე, შეინაჟარდო?!  
შენც ხომ გაქვს ბინა ცის სივრცეში, ხომ ცოცხლობ კიდეც,  
ჯერ შენ სიკვდილზე ცის ბრძანებელს არ უფიქრნია!  
ვაშ, რაღას სტირი, რასა გლოვობ, რამ შეგაშინა?  
მზისა სხივები ვერ გიდგება, გისხლტება ხელთგან,  
მზე შენ ვერ გიწევს და შენ იმას ვერ მოსწევინხარ,  
თუ ჩვენთა წყალთა ვერ გაგზარდეს, ვერ გამოგკეცებს  
და ბნელით მოცულს სამშობლოს არემარესა  
შენი სამყოფი ომხივარი არ ასდენია?..  
მარკვი, ღრუბელო, გულს ნუ ზიკლავ, შენი ქირიმე,  
გამაგებინე სამშობლოს ყოფა, ცხოვრება,  
შემატყობინე: ცოცხალია თუ არა სატრფო,

ზხიარულობენ, თუ სტირიან ჩემი მოძმენი,  
ძინავთ თუ ღვიძავთ, ან ჰტიქრობენ თვის მომავალზე,  
რომ სამერმისოთ თვის არსება მათ განიმტკიცონ?!

გულო, ნუ ჩქროლავ! ოცნებაო, წინ ნუ გაუსწრობ,  
ყური ათხოვე სამშობლოდან მოვლენილ ღრუბელს!..

— ჰა, ხმას არც კი იღებ? არც გეცინება?

პირიქით უფრო მგლოვიარობ და პირქუშდები?!

ეჰ, ვიცი, ვიცი, დაჩაგრულო, ნულარას მეტყვი,  
მაგ შენ სახეზე ყოველიფერს ნათლად ვკითხულობ:

„ისევა სძინავთ ჩემ მოძმეთა, ისევე ჩხუბობენ,  
ერთმანეთს ჰამენ, ცილს წამებენ, იმრიზებიან,  
სხვას ახარებენ, თვისის ხერინვით სასო მიხდილნი

და სხვის დამქაშად გარდაქმნილნი ილანძღებიან, ჰოო!?!“

ნუ ტოკავ მაინც, მაღლა მაღლა ნულარ მიდიხარ!

გიჟო ნიავო, დააკავე ერთ ადგილასა!

ნუ, ნუ მიცურავ, გვეედრები, მინდა გიმზირო,  
მინდა... გულისტქმა დაჩაგრული თავს მოგახვიო

და ცრემლით გთხოვო: ჩემი აჯა, ჩემი ვედრება  
სამშობლოს მთებსა თავს დაადგა, ზე დააყუდო,  
რომ თუ მე მოვეკვდი უცხო მხარეს, თუ გაეცამტვერდი,

იგი ვედრება შენ მოვლენას მარად უმზერდეს  
და გაგონებდეს ჩემს ტანჯვასა და სულთსწრაფვასა!..

ნუ მიხვალ-მეთქი ჰოი, ლეგავ, ნუ მემალები!

ნეტა შეეძლოს ჩემს გულისტქმას ფრთები შემასხას:  
გამოგეკიდო, გწვდე, პირქუშათ გარდაქცეულო,  
და გადგისროლო მზის სხივებთან... იქნებ განათლდე,  
და სხივმოსილი მოველინო ჩემსა სამშობლოს!

ოხ! რად არ ძალმიძს მე ბედკრულსა სამოელისებრ  
მოენახო გმირი გამომხსნელი ხალხთა ტანჯვისვან,  
ვისაც შეეძლოს შურდული ჰკრას ბილწსა გოლიათს,  
დასცეს მონობა, სილაჩრესა ფრთა შეაკვეცოს  
და აღფრთოვნებულ, გაღვიძებულ ხალხთა სიმრაველს  
მამაცურადა წინ გაუძღვეს, შენზე უჩვენოს...

ნეტა შემეძლოს სამსონივით სახედარის ყბით  
თავი ვუჩეხო გაავზნებულ ფილისტიმლიანებს

და გედეობად გარდაქცეულ მოძვეთათვისა,  
ლამპართ სიმრავლით თავზარი ვცე სიბნელის მცველთა!  
ნეტა შემეძლოს მოვუწოდო ისო ნავინსა  
და ცრემლით ვთხოვო, შევავედრო დიდი პატარა,  
რომ მზეს უბრძანოს: „გაჩერდიო კვალად ერთ ადგილს  
და გამოაშრე, რაც რომ ქვეყნად ცრემლი დაღვრილა.  
დასწვი, დასდაგე ბოროტება,—ხალხთა მტანჯველნი,  
და დაამყარე სათნოება, ძმობა ერთობა!..“  
გაჰქრი! მომშორდი გულის-თქმითა გატაცებულსა!  
წაიღე მაინც ჩემი გული, ჩემი ოცნება  
და სამშობლოსა საწირავად თავს შემოავლე!..

\* \*

გამოვერკვიე!.. ჩემ თვალთა წინ ზღვა კვლავ შფოთავდა  
და დაჩაგრული დედა-მიწა ისევ ოხრავდა,  
მეც-კი გულ მოკლულს, ოცნებითა დაღლილ დაქანტულს  
მარტოობისა და სიმწარის ცრემლი მდიოდა!..

1897 წ. ქ. ლენქორანი.

# ლაულებარი

წერილი მეგობართან

ლავროვს კაცის დაუწავლად

## I

...„ბედმა თუ გარემოებამ,— ჩემო მეგობარო ტროფიმე,— ამ ზაფხულსაც სხვის მოსამსახურე, სხვის ხელში შემყურებელი გამხადა... შენ ხომ იცი დედი-ჩემის ამბავი! იმ დღიდან, რაც სამსახურს თავი დავანებე უზრდელ უფროსთან შეკამათების გამო და სოფელში დაებრუნდი, დღე და ღამ დედი-ჩემისგან მოსვენება არა მქონდა. უკანასკნელად მოთმინებიდანაც-კი გამომიყვანა.

— ბიჭო, შვილო,— მომაცივდა ერთ დღეს,— მაგოდენა კაცი გამომიზრდინარ, მიწვავს, მიდაგნია, ლეჩაქის ყურით გამომიკვებიხარ... როგორც იყო, სამსახური იშოვნე და ღვთისგან მოცემული ერთი ლუკმა პური გავვიჩნდა... რა გინდოდა, რაზე დამისხი ცეცხლზე წყალი, რატომ არ დააყენე ეგ შენი წანკლიანი ენა, რომ აბურაგანი ამოგიკრეს და დღეს მშიერები ვართ? აი, ხვალ ბზობაა და ჩვენ კი დაობებულ პურით უნდა მივვებნეთ ამ დღესასწაულს. ერთი გირვანქა თევზის ფასი მაინცა გექონდეს, რომ ხვალ გავიხსნილოთ!.. ქრისტიანი არა ხარ? ღმერთი არა გწამს? ეს ხომ ყველა შენი ბრალიაო!

მე გაჩუმებული ვიწეე ჩვენი ფშატის ქვეშ ახლად აბიბინებულ ბალახზე და იქვე, ყორის ძირში გამონასკულ, იის ბუჩქს ხარბად მივჩერებოდი. ოხ, რა ლამაზები იყვნენ ეს სოსანი ყვავილები!.. გაზაფხულის მზეც მორცხვად დაჰნათოდა ქვეყანას; ახლად სულ-ჩადგმული, ლამაზად შესარული და შეყვლევილი ვენახი ყელ-მოღერებული შესჩერებოდა ლურჯად მოკამკამე ცას. სრულიადაც არ იყო ჩხუბის დრო, მაგრამ დედა-ჩემი მაინც არ ისვენებდა.

— აბა, რა უყავ, შე უკეთურო, შენი კაკარდიანი ქული?.. მერე როგორ გიხდებოდა? შენ რომ იმას დაიხურავდი, ასე

მეგონა, ჩემი პირმშოსთვის ხელმწიფობა მიუციათ-მეთქი. ვაი, ვაი, დადევ თვალს და ყურო, რა უბედურება დამემართა, ვენაცვალეთ! ქვეყანა შემომნატროდა: შენი შეილი ნაჩაღნი-კობას თუ არა, პრისტავობას მაინც მიიღებსო (ღმერთი, რჯული, ტროფიმი, ჩემს დღეში პოლიციაში არ მიმსახურ-ნია) და დახეთ, დახეთ, ანაზღეულად არ გამიქრა კერაში ცეცხლი, მოულოდნელად არ გადმომივარდა შეილი ხელმწი-ფის ტახტიდან, თქვენი ქირიმე!

როგორც არ მოგკლავ, ტროფიმი, კრინტი, ხმა არ დამი-ძრავს, პირიქით, თითქოს მე არ მელაპარაკებოდა, მხარი ვიცვალე და ბალახს დაუწყევი წიწკნა.

— ნეტა ახლა, ე ჩამი რომ დაგიდვია თავზე და გიყი მო-შანასავით წამოგორებულხარ მაგ გახუნებული ხალათით,— უმაღლებდა თანდათან ხმას დედა-ჩემი,—ერთმა რიგიანმა კაც-მა მაინც დაგინახოს, უყურე როგორ მასხარად ავიგდებს, შე უკეთურო!.. ეგ არ არის შენი ვაჟკაცობის ბოლო? მაშინ (ე. ი. როცა კაკარდიანი ქუთი გეხურათ) და ახლა ერთი შე-ხედულობისა არა ხართ, შენმა სიცოცხლემ!

— აღარ უნდა გაათავო მეთქი?—წავიდუღუნე, მაგრამ დე-დაჩემი ისე ხმა-მაღლა და გატაცებით ლაპარაკობდა, რომ ჩემი სიტყვები ვერ გაიგონა.

— ბიქობა ის კი არ არის, ხალხს რომ ემაღები და მთე-ლი დღე ჩაღირლიტებ მაგ ვერანა წიგნებსა. აი, კიდევაც მაგათ აგირიეს ეგ ტვინი, მაგ კუდიანების დაწერილებმა! საქმე ის არის, გელათის გლახასავით აბრანძულო, ე მა შენი მშვენიერი ტანისამოსით გაბრძანდე საზოგადოებაში: უყურე, პამპულად გაგზდიან თუ არა? შავითი დაამთავრე ჩემი ამო-დენა შრომა და ამაგი, რაღა? აი, მიწამ გიყოს პირი, რომ თვალთ მაინც აღარ ეუყურებდე ჩემ წამხდარს ქირანახულსაო!

ჯერ ისევ ვსდუმდი. ამისთანა ქება-დიდება ჩემთვის ახალი ამბავი არ იყო.

— ადგი, ადგი, აქედან დამეკარგე, შე სულკატიანო, თორემ შამი-ჩემის, დეკანოზი ფილიპეს სული არ წამიწყდება, ამ მარ-გილს თავში დაგთხლიშავ!—შეჭკივლა ჩემის სიხუმით მოთმი-ნებიდან გამოსულმა დედა-ჩემმა და მართლა მარგილს წამოაფ-ლო ხელი. ახლა კი ხუმრობა აღარ იყო... ხმა უნდა გამეცა.

— რა გინდა, დედილო, რასა ჯავრობ-მეთქი?—ტკბილი ხმით შევეკითხე.

— შენი ჩაჩი და ქუჭყიანი ლურჯი ხალათი! რა უნდა მინდოდეს? ცხოვრება მინდა, ცხოვრება, დიდება და პატივი! რით ვერ მეყო ამდენი სიღარიბე და დამცირება!

— ბიქოს, კარგი რამა გდომებია-მეთქი!—უეცრად წამოვიცახე და, სწორე გითხრა, გულიანადაც ვადვიხარხარე.

— აი, უცუნა, უცუნა, ვიდრე სხვა ქირი აგიტყდებოდეს! უსირცხვილოდაც რომ იღრიკები!—დაიღრიალა დედამ და მარგილი მომიღერა. მე ადგომა ვიკადრე, მარგილს ხელი მივაშველე, სიცილი შევწყვიტე და ვუთხარი:

— მოითმინე, დედა-ჩემო, შენ ისეთი საგნები ჩამოთვალე, რომ ადამიანი სწორეთ მაგის გულისთვის იკლავს თავსა... მხოლოდ შენ ეს მითხარი, დღეს, ამ ქამად რასა თხოულობ ჩემგან, მგონი, თევზი გინდოდა, არა?

— თევზიც მინდა, ლვინოც, პურიც, არაყიც, გოგოცა და ბიქიც! ერთი სიტყვით, ცხოვრება ისეთი, როგორც შეეფერება ჩემი ხნისა და წოდების ადამიანსა!—თქათა-თქუფით, ამოუსუნთქებლივ ჩაილაპარაკა დედამა და დაუმატა:—გესმის თუ არაო?!..

— მერე, მე რაქენა, საიდან მოგართვა ყველა ესენი-მეთქი?

— მე რაქენა,—ტუჩის მოგრეხითა და დაცივნვის კილოთი გაიმეორა ჩემი სიტყვები, მერე ნაღვლიანად ამოიოხრა და განაგრძო—შენ ის უნდა გექნა, რომ სამსახურისთვის თავი არ უნდა დაგენებებინა. დღეს თუ სამი ოთხი-თუმანი ჯამაგირი გქონდა, ხვალ მეტს გაგიხდიდნენ, წინ წაგწევდნენ და ჩვენი ცხოვრება გაუმჯობესდებოდა... ხოლო თუ ღმერთი გაგიწყრა და თავი დაანებე, ახლა სხვა გზას უნდა დაადგე, სხვა სამსახური უნდა იშოვნო, დღე და ღამე გაასწორო და მაცხოვრო... მოვალე ხარ, მოვალე, შე თვალებ დასაბრმავებელო!.. აკი გეუბნები, რით ვერ მეყო-მეთქი ამდენი გაქირვება?!

— იცი, რა გითხრა, დედილო,—დავუმდაბლე ხმასა,—ყველაზე კარგი ქვეყანაზე პირველად სულის სიმშვიდე, სიღინჯეა... აპილპილებაზე ხომ არ არის საქმე? აი, დაუკვირდეთ ჩვენს თავსა, გარემოებასა და ისე ვილაპარაკოთ...

აქ, რასაკვირველია, ბევრი რამ შემეძლო შეთქვა დედ-ჩემისთვის. უკმეძლო ამეხსნა, რათ ვიყავით ჩვენა თუ სხვა ბევრი ჩვენისთანა, ღარიბები და ზოგი კი მდიდარი და დაწინაურებული, მაგრამ კუქის მრწამსისაგან აღელვებულს, სიღარიბისაგან გულგატეხილ და უშეცრებისაგან შეპყრობილს ადამიანს, ხომ იცი, ცარიელი სიტყვებით ვერას შეასმენ... დედა-ჩემმაც ყოველივე ჩემი მოსაზრება პირველადვე შორს დაიკირა.

— რაც გინდა ჰქენი, მე კი მაცხოვრო!— გაიძახოდა.

ბოლოს საქმე რომ გაქირდა და ველარაფრით გავაჩუნე, ახლა სახარების სიტყვებს მიემართე. ვიფიქრე, თუ სადმე გავლენაა, ისევე სამღვთო წერილს მაინც უნდა ჰქონდეს-მეთქი ამაზედ გავლენა, რადგანაც, შენ ხომ იცი, ტროაფინე, დედა-ჩემი მღვდლის ქალი, მღვდლისავე ქვრივია, პატარაობითვე საყდარში მოსიარულე და სარწმუნოებაში აღზრდილი.

— დედა, აკი შენ ღვთის-მმოსავე ხარ და სახარების კითხვა-ც გიყვარს-მეთქი. არსად გაგიგონია იესოს მიერ ნათქვამი სიტყვები: „მცირესა ზედან კმაყოფილ იყავნ, რათა მრავალსა ზედან დაგაყაროს უფალმანო...“ დღეს თუ ღარიბები ვართ და მარტო დაობებული პური გვაქვს, ოღონდ უსანართლობას ნუ გავეჭვდინებთ და იქნება ხვალ გამოკეთდეს ჩენი საქმე... ან არა და, ხომ იცი, „არა მარტო პურითა ცოცხალ არს კაცი“.

— იქით დამეკარგე!— დამელრიჯა დედაჩემი.— შენ თუ სახარების სიტყვების მიმდევარი ყოფილიყავ, არც ის დავა-ვიწყდებოდა, რომ უფროსის მორჩილი უნდა იყო, დედას პატივი უნდა სცე... მაგრამ შენ რომ მე პატივსა მცემდე, ვი-დაც ოხრების გულისათვის უფროსს, ჩვენს მაცხოვრებელს, კი არ გალანძღავდი.

იქაც მოვტყუედი! ცხოვრების მოთხოვნილებამ დედა ჩემს ნამდვილი მღვდლური კილოკავი აპოვნინა და მასთან „დო-ღმატიური“ ლაპარაკი ისეთივე უნაყოფო დარჩებოდა, როგორც სხვა ლიტონი სიტყვები. მაინც კიდევ შევეცადე, როგორმე დამემშვიდებინა, მაგრამ დედამ აღარ დამაცადა და გულის-წყრომით დაიწყო:

— დამშვიდდიო!.. შენმა დღეგრძელობამ, აი ონოფრეანთ



ტიტიკო თუ „მირი სუდობას“ მოელის ამ დღეებში და იმისი წუნკლიანი დედა სიხარულით ფეხზე აღარა დგას, მე გვერდებში გამიჯდა რაღა? შენც ხომ თითქმის იმის ამხანაგი იყავი, შე გლახა, ბევრით კი აღარ არის შენზედ დიდი, მაგრამ რომ არსად მოისვენე, ყველას ნიორივით გადაესხი, დაუდევარო, და სულ იმას გაიძახი: „არა მარტო პურითა სცოცხლობს კაციო!“ აბა, მაშ მიბრძანდი, შენმა სიკვდილმა, იმასთან და ფეხი გაშალე! მამა-შენი, შე უბედურო, ხუთი თაბახითა სჯობდა ონოფრე მღვდელსა, მაგრამ აგე, იმისი შვილი დიდი კაცი, ჩინისა და ჯამაგირის პატრონი შეიქნება და შენ კი აგრე უნდა იხეტიალო. ნეტავი-ლა მე, ბლალოჩინის ცოლსა, აფსუსს, დეკანოზის ქალო, რა უბედური შვილი გამოგივიდა,—სასოწარკვეთილებით გაიქნია გაშლილი ხელები, თითქოს თითისტრიდან ნართს იხვევსო, თვალები ცრემლებით აევსო და განაგრძო:

— ნუთუ გგონია, შე უბედურო, პირში რომ არას გეუბნებიან, მაღლიერი გყავს ვინმე? ქვეყანა ღიღიდანაა, ქვეყანა შენ დაგვინის, შენ კი გაიძახი: არა მარტო პურითა სცოცხლობს კაციო! აი მეხი კი დაგაყარე! დღეს რა გნებავს სადილათა, ყაბლუ-ფლავი, თუ ბოზბაში?.. მოგიგდებ ე დაობებულ პურსა და თავში ქვა იეცი!.. არა, არა, მეტი აღარ შემიძლიან! მისამარას კეჟა მოიკრიფე, პატარა ხომ აღარ ხარ, ამ კვირია, ოცდა ხუთი წლისა გახდები, ოცდახუთი ხატი და ჯვარი გაუწყრეს, ვინც შენ გადაგვრია,—თითი მოკაკვე, როგორც სხვა ასი და ათასი მსახურობს და წელში იღუნება, შენც ისე მოიქეცი, თორემ წმიდა თევდორე ტირონელს გეფიცები, ერთ დღეს ქვეყანას თავზე დაგახვევ და საჯაროდ შენს დედა-შვილობაზე ხელს ავიღებ. ხომ არ გინდა ციხეში გამოგალპობინო, კუდი რომ ათასგან გიდევს!.. მე დედა ვარ და უფლება მაქვს ჩემი საცხოვრებელი მოგთხოვო!..—გაცეცხლებით დააბოლოვა დედაჩემმა, ერთი ხარივით შემომბლვირა და თოფნაკრავივით გაბრუნდა...

— ღმერთო, ღმერთო, რამდენი შეურაცხყოფა, რამდენი უსამართლობა მომაყენა თავისი სიტყვებით დედა-ჩემმა, მაგრამ იმ ჟამად მე ის არ გამიმტყუნებია, ჯერ ერთი იმიტომ, რომ თავზარსა მცემდა მე და დედას შორის ასეთი სხვადა-

სხვაობა გულის-თქმა-მისწრაფებათა და მეორეც იმიტომ, რომ, მართლაც, იმ კვირის განმავლობაში, როცა ეს ამბავი მოხდა, სანათიც კი არა გვექონდა, არამც თუ საკმელი! რამდენჯერ დამინახავს რუს პირას ჩამომჯდარი მოხუცი დედა-ჩემი, როგორ ალბობდა ხოლმე დაობებულ პურს, სჭამდა და თან მღულარებას აფრქვევდა. ოხ! როგორ ვიტანჯებოდი მაშინ, რა ბოღმითა და ცეცხლით მეგვებოდა გული!..

დედა რომ თვალთაგან მიმეფარა, სევდის გასაქარვებლად სოფელში გავლა მოვიწადინე. ბოგირზე გასვლის დროს დავინახე: დედა-ჩემი რუს პირად კედელს მიჰყრდნობოდა და გულ-ამოსკვნითა ტიროდა!..

ეჰ, ჩემო ტროფიმე, ვისაც ამგვარი ამბები არ გადახედია და ან დაკვირებია ჩვენი ხალხის დახავსება-დაჩიავებასა, შეიძლება იმას სასაცილოდაც არ ეყოს ჩემი ნაამბობი და „ესთეტიურად“ ვერ დაატკბობს, მაგრამ მე კი?.. ოხ, ნეტა შემეძლოს თითოეულის გულში ავაპრიანლო ის ცეცხლი, რომელიც მე იმ დროს გულზე მეკიდა და რომელსაც ბოროტ-დამჩაგვრელთადმი შურისძიება ჰქვია!..

## II

თვალი ავარიდე მომტირალ დედეს და მწარად დაფიქრებული გავყევი რუს ნაპირს. დინჯად მობურტყუნებდა პატარა რუ ჩემს გვერდით და რაღაც საიდუმლო კითხვებს მაძლევდა. მე კი თანდათან ვბრაზდებოდი, გული ყელში მეტყინებოდა; ასე გასინჯე, იმ ჟამად გვირილა-ყაყაჩოთი მორთული მინდორი და მედიდური კაკლის ხეებიცკი თითქმის შემეჯავრდა და, თუ ადრე ვსტკებოდი ხოლმე მათის მხერიტ, ახლა მინდოდა საშინელი ქარიშხალი ამოვარდნილიყო, სულ მთლად გაექელა მშვენიერი ზედა-პირი დედამიწისა, მიენგრ-მოენგრია ქვეყანა და თუ ბოროტებას არ ამოფხვრიდა, ლაჩარი და ლარიბი ადამიანები მაინც ამოეწყვიტნა, რომ იქნება ამდენი უბრალო ცრემლი საკელავოდ მაინც არ დაღვრილიყო. მაგრამ... თითქოს ჩემს ჯიბრზე, მინდორი თანდათან უფრო ლამაზდებოდა, მდინარე კვლავ ლუკლუკებდა, და გაზაფხულის მზე უფრო და უფრო საოცნებოთა ხდიდა

მინდვრის ყვავილებს! რომ იცოდე, ველარ მოვითმინე ბუნების გულგრილობა, აფთარივით მივეარდი გვირილის ერთ კონას, ძირიანად ამოვგლიჯე მიწიდან და გაბრაზებით გადავისროლე მდინარეში!..

თითქოს გულზე ცოტათი მეფონა, მაგრამ სახეზე კი, ალბათ, მეტის-მეტი ცუდი ფერი უნდა მდებოდა, რადგანაც მიუხალოვდი თუ არა თადეოზიანთ სახლს, წინ მომეგება თადეოზ იერემადის ახალგაზრდა ქალი, მანო, და გაკვირვებით ჩამეკითხა:

— რა მოგსვლია, აუად ხომ არა ხარო?

— არა, რამ შეგაშინა-მეთქი.

— მომაკდავის ფერი კი გადევს და რავიცი! შენო, შენო შინ და ყველაფერი მიაძებო, — მითხრა მანომ და ამ სიტყვებით ოთახში შემეწვია.

— ეს ოთახი უბრალოდ იყო მოწყობილი. აქა-იქ დაედგათ ხის სკამები. ერთ კედელთან ხალიჩა-ფარდაგ-გადაფარებულ პატარა ტახტი იყო. ხის, შეუღებავი იატაკი სისუფთავისაგან ისე კრიპლებდა, რომ გული გაგინათლდებოდა... მე ტახტზე ჩამოვჯექი. მანომ კი ჩემს პირდაპირ სკამი დაიდგა, ერთხანს ორივე ვსდუმდით.

— ახლა აღარ უნდა სთქვა, რა ზოგივიდა? — ძლივს გამიბედა მანომ და თვალები წყლით აევსო.

— არაფერი მომსვლია... მე და დედა კიდევ შეველაპარაკდით... — ნაწყვეტ-ნაწყვეტად ვუპასუხე და მანოს სიახლოვით ცოტა რომ სული მოვითქვი, ყველაფერი დაწვრილებით ვუამბე.

— არა, უნდა. წავიდე სადმე, ჩემო კარგო, რაიმე კერძო საქმეს მოვეკიდო, თორემ ასე ცხოვრება ყოველად შეუძლებელია-მეთქი, დავასრულე.

— რომ არ შეიძლება, რა უჯიათი ადამიანია ე დედა-შენიო! — ნაღვლით სთქვა მანომ და დიდრონი სევდით სავსე თვალები ერთ წერტილს დააშტერა.

— ნუ იტყვი მაგას, ჩემო მანო, — ვუსაყვედურე, — დედა-ჩემი კი არ არის უჯიათი, უჯიათია ის ცხოვრება, რომელიც მაგვარ ადამიანებსა ჰქმნის. მე არა მწყინს დედის საქციელი, მხოლოდ გულს მიკლავს ის გარემოება, რომ უმისოთაც ჩვენი სუსტი ძალ-ღონე შინაურებთან ბრძოლას უნდა მოვახმა-

რომ; მაწუხებს ის მოვლენა, რომ ჩვენი, დახავსებული აზრების მქონე ნათესავებ-ნაცნობები ცხარი ცრემლებით წინ გველობებიან და ხელებს გვიჭერენ; გამხნეების ნაცვლათ, ლამის ქვით ჩაგვექოლონ, წაქეზების მაგიერ, ლამის თითონვე მიგვცენ სატანჯველში! ასეთი დარეტყანებულნი არიან უკუღმართ დროთა ბრუნვისაგან. დიად, დიად, ჩემო მანო, სწორეთ თანაშეძროვე ცხოვრებისაგან არიან დაშინებულნი და ეს ცხოვრებაც უნდა გვეჯავრებოდეს... გიშვებ, კერძოდ არა მწყინს დედი-ჩემის საქციელი, პირიქით მეცოდება, მეპრალება კიდევცა.. რა ჰქნას, ცხოვრება უნდა... ჰსურს მეც სხვასავით კეთილ-დღეობაში ვიყო!.. არა, არ ეძრახვის! თუმცა კი, გამოტეხით რომ გითხრა, ვინ იცის რამდენი ყმაწვილი კაცისა თუ ქალის კეთილი მოსწრაფება გამდნარა და კიდევ გადნება დედიჩემისთანების ცხარე ცრემლში, რამდენი შექმნილა უსახო, უთვითნებო და სხვის ყურ-მოჭრილ ყმად, მარტო იმიტომ, რომ თავისიანებს დაუძლევიათ, თავისიანებს და მათ წუწუნ-ყვედრებას ველარსად გაჰქცევია. აქაც ხომ ისევ ცხოვრებაა დამნაშავე..

— ეჰ, ჩემო კარგო, შენ დამნაშავედ არავისა ჰცნობ ხოლმე, ყველაფერს ცხოვრების სიბინძურეს აბრალებ!..—სიტყვა გამაწყვეტინა მანომ.

— და მე მგონია მართალიცა ვარ!.. თუ გვინდა ადამიანი ადამიანობამდის ამაღლდეს და საქონელივით არა ბლაოდეს, უნდა მოისპოს ხალხის შემავიწროებელი გარემოებანი, უნდა გავრცელდეს სწავლა და განათლება!.. მინამდის თვით ცხოვრებას უნდა ჩავუდგეთ კრიკაში.

— ჩავუდგეთ, ჩავუდგეთ!.. ძალიან კარგი სიტყვებია, ჩემო ტიმოთე, მაგრამ...—გულ-ამოსკვნითა სთქვა მანომ.

— ვიცი, რაც გინდა სთქვა. სწორედ მაგ „მაგრამ“-შია დამარბული ძალღის თავი და ამ ძალღის თავის ამოსათხრელად განათლება და ბრძოლაა საჭირო, ბრძოლა შეერთებული, დიდის თუ პატარისა. თუმცა, ჩემი აზრით, ერთი კაციც არ უნდა შეუშინდეს ამ ბრძოლასა! ერთი მუჟა ბღღვირს ხომ აადენს ხალხის გოლგოთას, ერთი ბეწოთი ხომ შეეხება საერთო წყალულსა? იმედია, ამაზე მაინც დამეთანხმები, ჩემო მანო, და მიხედი კიდევც, რაც უნდა ვსთქვა.

— მივხვდი, მაგრამ ყველას ხომ არ შეუძლია?—კვლავ დაშეკითხა მანო.

— მე რომ მკითხო, მანიკო, საერთოდ, ან „ჰო“ და ან „არა“ სჯობიან ძალღურ ცხოვრებასა, მაგრამ... ხშირად მართო გმირი ბედავს ხოლმე თავის განწირვასა, ის გმირი, რომელსაც დაბრმავებული ბრბო ჯერ სტანჯავს, ჯვარს აცვამს ხოლმე და მერე პირქვე ემხოზა მისის ჯვარის წინაშე ცოდვების მოსანანიებლათ!

— ნეტარება იმ გმირს!—წამოიძახა მანომ,—გამარჯვება მაინც იმისია!..

— ჰაი, ჰაი!—ეუბასუხე მე და ორივე დიდხანს, დიდხანს ჩუქად ვიყავით...

### III

მანოანთ ოთახის პატარა სარკმელში მზემ შემოიხედა და მისი სხივთა კონა სვეტად ჩამოდგა ჩემსა და მანოს შუა, თითქოს დასაზვერად მოსულა და უნდა გაიგოს, რასა ფიქრობენო. სწორედ გითხრა, ტროფიმე, არც ამ სხივთან და არც შენთან დასამალავს არას ფეიქრობდი... ვნატრობდი მხოლოდ: ნეტა ჩვენი მომავალი დედები მაინც იყვნენ გულ-კაენი და გაკირვებამ არ დაჩაგროს-მეთქი... ის იყო მანოსთვის უნდა მეკითხნა კიდევ, ივარგებდენ თუ არა მისი სკოლის ამხანაგები ცხოვრებასთან საბრძოლველად, მაგრამ მანომ დამასწრო და სიჩუმე დაარღვია:

— შე ეხლა ისევ დედა-შენზე ფეიქრობდი... მიკვირს, ღმერთ-მანი, რად არიან ასე დაქვეითებული ჩვენებურ სამღვდელთათა ცოლები თუ ქალები? განა მათში უფრო არ არის გავრცელებული სწავლა-განათლება?—დაშეკითხა მანო.

მე გავიცინე.

— რას იცინი? განა ტყუილს ვამბობ?

— არა, მაგრამ მაგას ბევრი თავისებური მიზეზი აქვს.

— მაინც?

— მაგაზე ლაპარაკი შორს წაგვიყვანს, ჩემო მანო! კვლავ, ოდესმე...

— განა არ შეიძლება საზოგადოთ ითქვას?

— საზოგადოთ რა ვთქვა იმის მეტი, — ეუბასუხე მე, — რომ

ჩვენი მამა-პაპა (ნუ დაივიწყებთ რომ მე მღვდლის შვილი ვარ), იმ თავით ამ თავამდე, მქადაგებელია: შიშისა, ძრწოლისა და მორჩილებისა. ეს არის მათი დანიშნულება. კერძოდ, ჩემი თმოსანი ძმები მოკლებულნი არიან რიგიან განათლებასაც, განათლებას სულით და გულით, რასაკვირველია, თორემ დიპლომიანები ძლიერ ბევრი გვყავს... ტყუილად წარმოგიდგენია, მანო, რომ რაიმე საფუძვლიან ცოდნას ფეხი ჰქონდეს მრკიდებელი ჩვენს ოჯახებში. ხშირად თვით დიპლომოსანიც კი ჰკარგავს ხოლმე ადამიანურ მოსაზრებას და უბრალო ხავერდის „სკუფია“ უჩვენია მთელს შენს საქართველოს. ამის მიზეზი, სხვათა შორის ისიც არის, რომ ქართველ ნაკურთხებს თავისუფლება არა აქვთ და სხვის ყურებადა და თვალებად არიან გადაქცეულნი... ძალიან იშვიათად შეგვხვდება ცოცხალი თვითცნობიერებით აღსავსე ოჯახი ჩვენის წოდებისა, მღვდელი, თუ ნასვამი არ არის, დაღვრემილი და ყურებ დაცქვეტილი გამოიყურება, თითქოს ზარის დარეკას უცდის, რომ ეს ერთადერთი საქმეც თავიდან მალე მოიშოროსო. დიასახლისის ტაბლების მოლოდინში თვალები სულ კარებისკენ უჭირავს... ბავშვები დაშინებული, ან მეტად გააფხნებული ჰყავთ. რიგიანი წიგნი მათ სახლში არ მოეპოვება და ხშირად უბრალო გახეთსაც კი ვერა ნახავთ... საიდუმლოება უვიცობისა და ცრუმორწმუნოებისა სულს გიხუთავს: როგორც დედა-ჩემსა და სხვა „ფოფოდიებს“ (ქართლში ეს სიტყვა ისე ვიაჩნიათ, როგორც, მაგალითად, თავადის ცოლებს „კნენა“. „ფოფოდია“ თუ არ დაუძახე, ძლიერ იწყენენ) უხილავთაგან: ჭინკისა, ეშმაკისა და ტარტაროზისა, ხოლო ხილულთაგან: ბოქაულისა, მაღალი სიტყვისა და დამუქრებისა ეშინიათ, ისე მართლა ღვთისა და კეთილი ანგელოზებისა რომ ეშინოდეთ და მათ მცნებას მისდევდნენ, მაშინ ხომ მუცელი ქვეყნის წარმატებას არ ერჩივნებათ... გარდა ამისა საშინელი შურიანები არიან, ნამეტნავად „ფოფოდიები“ ერთმანეთისათვის პირში სულიც კი შურთ და ცისმარე დღეს ერთმანეთს დასცინიან, თუმცა კი ერთმანეთზე დამკირებულნი, დაქვეითებულნი და უმეცარნი არიან... მე ეს მინახავს და მიგრძენია, ჩემო მანო, და, სწორე გითხრა, უარესიც ბევრი ითქმის.. ერთი კარგი მხარე კი, ღვთის წინაშე ისა

აქვთ, რომ შვილებს, მომავალ თაობას ამრავლებენ...—დავა-  
სრულე ღიმილით.

მანომ გულიანად გადიხარხარა და გვერდზე მომიჯდა... მა-  
ნოს მოახლოებამ რაღაც სიტბო მომიმატა, გულმა საშინლად  
ცემა დამიწყო, განუსაზღვრელი სიტკბოება ვიგრძენ და მეც  
თავი მხარზე დავაყრდნე.

— ოჰო, შეყვარებულიცა ყოფილხარო!—ვიცი წამოიძახებ.  
ჩემო ტროფიმე.

— დიახ! მე და მანოს დიდი ხანია ერთმანეთი გვიყვარს,  
თუ კი ამ სიტყვით სავსებით გამოიხატება ჩვენი დამოკიდე-  
ბულება, რადგანაც სიტყვა სიყვარული წარამარა ხმარებით ცო-  
ტა არ იყოს გაფერმკრთალებულია. ნუ კი გამიჯავრდები და  
გიჟურ თავ-დავიწყებასაც ჩვენში მგონია სიყვარულს ეძა-  
ხიან!..

მე და მანოს კი ერთ წუთსაც არ დაგვიწყებია, რომ უბ-  
რალო სიკვდილის შვილები ვართ; არ დაგვიწყებია, რომ  
ცხოვრებაში ჩაფლულნი, ცხოვრებას უნდა გავუმკლავდეთ;  
არ დაგვიწყებია, რომ მტერიც ბევრი გვყავს, მოკეთეცა, ბევ-  
რი შურით გვიყურებს და უფრო ბევრი დაცივნის თვალითა-  
და ამიტომ ჩვენი ერთად ყოფნა—მუსაიფი უფრო თავ-დაქე-  
რილი, უფრო წინდახედული და მოფიქრებული იყო ხოლმე,  
ვიდრე იმ შეყვარებულთა, რომელთა შესახებ არა ერთი და  
ორი გადაჭარბებული მოთხრობა-რომანია დაწერილი... გულ-  
ახდილათ გეუბნები, არ მახსოვს, თუნდა პირველ ხანებშიაც.  
კი ისეთი ზიზილ-პიპილა გჩვენებოდეს ქვეყანა და მისნი არს-  
ნი, როგორსაც აგვიწერენ შეყვარებულთა მესაიდუმლენი...  
კერძოთ მე (და, ალბათ, მანოსაც) ისიც დიდის ნეტარებებით  
მავსებდა, მატკბობდა და მათერთოვანებდა, რომ ჩემ გვერ-  
დით ვხედავდი ისეთ ადამიანს, რომელიც სულით და გულით  
თანამიგრძნობდა და ამ თანაგრძნობას სიკვდილამდის მპირდე-  
ბოდა! ამ დროს ჩემი არსება თითქო იზრდებოდა, ჯანსაღ-  
დებოდა გონებრივად და ზნეობრივად, ვგრძნობდი ჩემს კარგ-  
სა და ავს, ძალ-ღონე მეძლეოდა ავის განსაღვენად და კეთი-  
ლისკენ მისასწრაფავად. თითქოს ისეთი ობოლი და ისეთი  
უღონო-უპაატრონო აღარ მეჩვენებოდა ჩემი თავი, როგორც  
აი თუნდა ეხლა, ამ წუთში, როდესაც შენ ამ წერილსა გწერ...

ნამდვილი უმანკო სიყვარული, ჩემო ტროფიმე, სადაა, მაგრამ უკლავი, მწვაფი, მაგრამ თავდაპირველი, თუმცა ამავდროს პეტის-მეტ თავმოყვარე და თვით მოყვარეც კი! და ეს კიდევ იმიტომ, რომ ნამდვილი სიყვარული ერთგვარი მადლია, რომელიც ყველაში არა სადგურობს და თუ ერთხელ კაცმა დაჰკარგა იგი მადლი, თუ ერთხელ მოსტყუვდა ამ მადლის სიწმინდე-ძლიერებაში, მაშინ მადლ-დაკარგულ, რწმენა-შეღახულ კაცს რაღა დარჩება ამ ქვეყნად, თუ არა ტანჯვა და შურის ძიება! აი რისთვის სდარაჯობს ხოლმე კაცი თავის სიყვარულსა!..

მგონი, მანოც ასევე ჰუნძრობდა, რადგანაც გამოცდილი თუ არა კარიბჭეს, ექვ-ნარევე კილოთი ერთხელ კიდევ მომადანა:

— შენ იცი, როგორც არ დამივიწყებო.

— კიდევ?.. რაღა დროს მაგაზე ლაპარაკია-მეთქი!—ლიმილით ვუსაყვედურე და გავჩუმდი. რამდენიმე წუთს აღტაცებულნი შეგცქეროდით ერთმანეთს... ვინმე რომანების მწერალი აქ რომ დაგვსწორებოდა, ვინ იცის, რას არ აღმოიკითხავდა ჩვენს სახეზე!? ერთ წუთს ყოველგვარი გაქირვება გადაგვავიწყდა!

\* \*

შენ ხომ იცი, ჩემო მეგობარო, რაც მომინდომებია, იშვიათად ამსრულებია, პირიქით მადლი მატლათმქცევია ხოლმე. ესეც ერთი იღბალთაგანია! მაგრამ მანოსთან ლაპარაკის შემდეგ უცბად ადგილი გამომიჩნდა! ერთმა მამულების გამგე-მოურავმა გამიცნო. აქეთური ვილაპარაკეთ, იქითური—და ბოლოს აღმოჩნდა, რომ იმას ქალაღდების გადამწერი სდომებია და მე კი ადგილს ვეძებდი. მოვრიგდით... მცირე ფასად დამიქირავა... დიღ, „დამიქირავა“, რადგანაც, როცა ვუღლებზეა საქმე მიმღგარი, მაშინ შენს ადამიანობას აკრე რიგად აღარავინ აფასებს. მაგრამ მეტი რა გზა მქონდა?.. დედა-ჩემიც დროებით შემირიგდა და ესე მითხრა: „შენი გულისთვის ვიკლავ თავს, თორემ განა მართლა ჩემი ცხოვრებისთვის ვფიქრობო“. საწყალი დედა, იქნება მართალიც იყო! მაგრამ ის კი დაავიწყდა, რომ მისი შვილი გროშებზე ჰყიდდა თავის ძალ-ღონე-მისწრაფებასა.

ერთ დღეს ვიქირავე ცხენი თავის უნაგირითა, მოვაჯექ



ზურგზე და ტაატით გავსწიე რკინის გზის სადგურისაკენ-  
დედამ გზა დამილოცა, მაგრამ ველარ მოითმინა და მომადახა:

— ვინძლო, შვილო, იქაურობაც აურ-დაურიო!.. ნუ, გენაცვალოს დედა, ნუ იქნები დაუდეგარიო!

— მე გამეცინა და ღიმილიც სახიდან არ მომშორებია, ვიდრე მანოს სახლს არ დაუპირდაპირდი. აქ კი გული გადმომიქანდა. მანო კარებში გაჩერებულიყო, ცალ ხელში ცხვირსახოცი ეჭირა და ცრემლებად იღვრებოდა. მეც, სწორე გითხრა, გული ამიჩქოვდა. ცხენი გაეაჩერე, შორიდან ქული მოუხადე და დიდხანს გავსცქეროდი. გამოურკვეველ მდგომარეობაში ჩავევარდი, თავსბრუ მესხმოდა. ერთით ვიფიქრე, მოდი მივალ მანოსთან და გავეამხნევებ-მეთქი, მაგრამ თავს დავეძლიე, უცბად ცხენი მივატრიალე, და რაც ძალი და ღონე ჰქონდა „ჩემს მერანს“, ისე გავაჩაქჩაქე. კარგა გზა გავიარე... მაგრამ ვგრძნობდი კი, რომ უნაგირზე მარტო სხეული დამრჩენოდა, სული და გული-კი მანოსთან გადაფრენილიყო!.. შუბლზე გამწარებით ხელი შემოვიკარ და წამოვიძახე:

— ლუკმა პურის მაძიებელ ადამიანისათვის, ყოველგვარი სიამოვნება მოშხამულია-მეთქი!..

#### IV

რკინის გზის სადგურზე შემხვდა ჩემი დამქირავებელი პაე-  
ლე კოტორაშვილი. ჩავსხედით მატარებელში და გავსწიეთ... მთელი დღე და ღამე ვიარეთ და ძლივს მივალწიეთ დანიშნულ ადგილს. ჩვენ მისვლაზე მშვენიერსა და მდიდრულად მორთულ სახლის აივანზე ხალხი ბლომათ გამოიშალა. თურმე ყველა, როგორც შემდეგ შევიტყვე, პაელეს თავისაანები ყოფილიყვნენ, მომეტებული მათგანი ხნიერები იყვნენ. სწორედ „ბებრების გამოფენა“ გეგონებოდათ. პირველათ კიბეზე მოგვეგება ერთი შუა ხნის, ღაბაბა და სუფთად ჩაცმული მანდილოსანი. პაელემ გამაცნო:

— იცნობდეთ, ყმაწვილო, ჩემი მეუღლე გახლავთო.

— დიდად სასიამოვნოა... ტიმოთე ტიმოთეშვილი-მეთქი, — წავილულლულე და ხელი ჩამოვართვი.

აივანზე რომ ავედით, პავლე სხვების გაცნობასაც მიპი-  
რებდა, მაგრამ ამ დროს საიდანღაც გამოლოლდა ერთი ყვე-  
ლაზე უფრო ხნიერი მანდილოსანი და ხელებ გაშლილი პავ-  
ლესკენ გამოეჭანა.

— მოხვედი, შვილო, შენ კი გენაცვალოს ჩემი თავიო?—  
აიხრიწინა ბებერმა და შვილს კისერზე ჩამოეკიდა.

— მოვედი, დედი, მოვედი!— ეუბნებოდა პავლე და თან  
ხარხარებდა, სხვებიც ანგარიშ მიუცემლად იცინოდნენ...

— ეს ვილაა!— ნიკაპის ზევით აწევითსთქვა ბებერმა, რო-  
დესაც შვილს კისრიდან მოეხსნა და შუბლზე ხელ შემოდე-  
ბით დამაშტერდა.

— ესა, დედი? ჩენი გადამწერია! აკი მეუბნებოდი, დაი-  
ქირავე ვინმე, თვალში ჩინი აღარა გაქვს მაგდენი წერითაო.  
აჰა, ავასრულე შენი თხოვნა. ნახე როგორა მყვარებიხარ.

— ოიი! მამა ზეჩიერმა გაგაჯრიელოს დედის პატივისჩე-  
მისათვინა, — ხელ გაპყრობით მიმართა შვილსა და მერე გაშ-  
ლილი ხელები მე დამარტყა მხრებზე:

— შენჩა, შვილო, თუ კარგი გამოდგე.

მეცინებოდა, მადლობა ველარც კი გადვუხადე.

მალე ბებრები ჭინკებივით შეცვივდნენ სახლში და დია-  
სახლისმა მეც შემეწვია. მოწიწებით გადავაბიჯე უცხო სახ-  
ლის კარაპანსა და პირველად რომელი სკამიც მომხვდა, უნ-  
დობლად ზედ ჩამოეჯექ...

დაწვრილებით არ აგიწერ, ჩემო ტროფიმე, ამ სახლის  
მოწყობილობას! შენც კარგად მიხვდები, რა არ ექნებოდათ  
სახლში დადგმულ-დაკოსებული იმ გვარ ხალხს, რომელიც,  
როგორცა სჩანდა, არისტოკრატებს ჰბაძავდნენ! ათასგვარი  
ნიეთი, ავეჯი და ოთახის მოსართავი მოიპოვებოდა ამ სახლში;  
მართალი გითხრა, ზოგ-ზოგის სახელი არც კი ვიცი, მაგრამ  
ეს ამოდენა სიმდიდრე ისე იყო მიყრილ-მოყრილი, რომ მათ  
პატრონებს გემოვნებისა არა ეტყობოდა-რა... სწორეთ „მუ-  
ჟიკური“ ელფერი ადევს ამ უკვდავება სიმდიდრესაო, იტყო-  
და ხოლმე ერთი ჩვენებური კნენა, როდესაც გამდიდრებუ-  
ლი სომხის ან გლეხის სახლში შევიდოდა ხოლმე. „მარტო  
ფულები ხომ არ არის საქმე, ჯიში, მოდგმა უნდა ჰქონდეს  
კაცსაო“. (ეს ის კნენაა, გახსოვს, ტროფიმე, მე რომ მიმტკი-

ცებდა: „თავადები ქრისტეს ჩამომავალნი არიანო“). პავლეს სახლს რომ ვათვალისწინებდი თვალწინ წარმომიდგა ის კენი-  
ნა და გავიფიქრე: „როგორ თავისებურად დაიღრღიჯებოდა, აქ რომ იყოს-მეთქი?“

ამ ფიქრში რომ ვიყავ, ბებრებმა ყაყანი ასტეხეს. ძლივს დაბარბაცებდნენ, მაგრამ ერთმანეთს ლაპარაკს აღარ აც-  
ლიდნენ. საკვირველია, ტროფიმე, რატომ ენა არ ბერდება!  
— აბა, რა მომიტანე, შვილო,— შეეკითხა ერთი ბებერი პავლეს.

— მე-ლა?

— მე?

— მე?

მოსიმა აქეთ იქიდან. პავლემ სიცილით შემოარბენინა ხურ-  
ჯინი, გახსნა და სათითაოდ ყველას დაურთო: ზოგს საკაბე, ზოგს თავშალი, ზოგს ფეხსაცმელები და სხვ. ცოლსაც აბრე-  
შუმის საკაბე მიართვა და დაუმატა: „ჩემო სულის კოლოფო, ახალი მოდისააო“. „სულის კოლოფმა“ საკაბე გადააბრუნა-  
გადმოაბრუნა და მედიდურად ტუჩი აიწია...

ყველა მხიარულობდა, მხოლოდ ერთი ახალგაზრდა რუსი მოსამსახურე გოგო ვერ იყო გუნებაზე, ალბათ, იმისათვის არა მოეტანა-რა პატივცემულ პავლეს.

მთელი დღე ხმაამოუღებლივ მივჩერებოდი ამ ხალხს და... ჯერ საღამომდის კინალამ არ გამოვჩერჩეტდი. ერთი მხარე რა არის, ერთი იოტის ოდენა მხარე ვერ გამოვუნახე ამდენ ადამიანს, რომ გული მიმკვროდა, რაიმე საერთო აღმომეჩინა! პირველ დღესვე საშინელი მარტოობა ვიგრძენი!.. ძნელი ასა-  
ტანი ყოფილა, ჩემო ტროფიმე, როდესაც იძულებული ხარ ემსახურო იმისთანას (სულ ერთია ხალხი იქნება იგი, თუ კერძო კაცი), რომელთანაც არავითარი საერთო არა გაქვს რა და შენი მასთან დამაკავშირებელი ან ფულები, და ან მონობაა!..

\* \*

გავიდა ერთი თუ ორი კვირა... ამ ხანში მამული დავა-  
თვალისწინე, ჩემი საქმე გავიცანი და დავიწყე მუშაობა.

იქნება მანულის აღწერა გეყურადღებება, ჩემო მეგობარო, მაგრამ... ორიოდე .სიტყვაც საკმარისია მის დასასურათებ-

ლად: წარმოიდგინე რამდენიმე ათეულ ვერსის სიგრძე და სი-  
განე მამული, დაფენილი ნახნავით, სათესით, ხიზნებით და  
ულრანი, თვალუწვდენელი ტყით. ბუნებას ყოველის მხრით  
დაუჯილდოვებია ეს მამული... ადგილ-ადგილ, მთებში, სან-  
კურნალო წყლები და მადნებიც კი შეგხვდება. ერთის სიტ-  
ყვით, რიგიანი პატრონი და გულშემატკივარი რომ ჰყავდეს  
ამ მამულს, უღვევლ „ასიგნაციებს“ აალებინებს, და არამც  
თუ თითონ, იქ დასახლებულ ხიზნებსაც გაამდიდრებს... ხუმი-  
რობა ნუ გეგონება, ტროფიმე, ოდესმე ჩვენ რომელიმე თა-  
ვადს რომ ჰქონოდა ეს მამული, თავისს თავს „მეფეთა-მეფედ“  
აღიარებდა... დღეს კი?.. სხვის საქმელად არის გადაქცეუ-  
ლი. თვალები გეტკინება, რომ დაინახო, რა უღმერთოდ არის  
მიტოვებული მოურავების ხელში! საიდან გაჩდნენ ეს მოუ-  
რავებო, იკითხავ. პირვანდელ პატრონს დაუგირავებია ეს  
მამული რუსეთის ერთ-ერთ ბანკში რამდენიმე ასი ათას მა-  
ნეთად, თითონაც რუსეთში გადასახლებულა და ისე გაუ-  
ფლანგავს ფულები, რომ შერე ვეღარ დაუხსნია. ახლა დამ-  
გირავებელნი თავის მხრივ მოურავებსა ნიშნავენ და მამუ-  
ლის შემოსავლით სარგებლობენ. ბევრს გაუშნია, ძმაო, ჯიბე  
ამ „მუქთა ხორა“ მამულის შემოსავლით, ძრიელ ბევრი მოუ-  
რავიც გამოცვლილა, მხოლოდ ჩვენი პავლე ეს რამდენიმე  
წელიწადია განაგებს ამ მამულსა, მაგრამ ან კი რა მოვლა  
უნდა? როგორც მეურნეობა, ისე ტყის მრეწველობა ძველ-  
ბურად არის მოწყობილი. ერთი უბრალო სამეურნეო იარა-  
ღი რა არის, ისიც კი არ მოიპოება ამ უზარ-მაზარ მამულის  
მოსავლელადა... რასაც მამა-პაპური მოვლა და ბუნება იძლე-  
ვა, იმითიც დიდი კმაყოფილია პავლე მოურავი. მართალია  
მისნი განწესებელნი იმდენს ვერა სარგებლობენ, მაგრამ პავ-  
ლეს ყელშიაც-კი ამოსდის!..

რაც შემოსავალს დაჰკლებია, ჩემო ტროფიმე, ის ზამუ-  
ლების შესახებ საწერ ქალაქებს მომატებია: უნდა დაითა-  
როს თუ არა შემოსავალი? მეც ვიჯექ მთელი დღე და კალამს  
საცოდავად ვაწრიპინებდი... გადიოდა დრო, და „სტუმრის“  
საქმე მემართებოდა: მალე სპილენძად გადავიქეცი; მხოლოდ  
მიბრძანებდნენ თუ არა „ქარში გადიო“ ამას კი ვერ გეტყვი,  
რადგანაც პავლეს მგონი ძრიელ ვკირდებოდი. პირველად

არა უშავდა რა, რამდენადაც მოეთხოვებოდათ სხვის ხარჯით გამდიდრებულ ხალხს, თავახიანად მექცეოდნენ; მაგრამ მივიღე თუ არა პირველი ჯამაგირი, მაშინვე დავიწიე იმათ თვალში და უბრალო მოსამსახურეებში აღარ მარჩევდნენ (მერე რომ იცოდე როგორის კანკალითა და თან ბლევრით გადმომითვალა ჩემი ოფლით მოპოებული გროშები!). პავლეც ხშირად მაკრძნობინებდა, რომ ვითომ ის ჩემი „კეთილის-მყოფელი“ იყო!.. გული მომდიოდა... რას მიშვრებიან-მეთქი ვფიქრობდი, მაგრამ ჯერ-ჯერობით ვითმენდი.

„ნუ იქნები, შვილო, „დაუდეგარო“ — ჩამძახოდა ყურში დედი-ჩემის ხმა.

„ვინძლო მალე გაეასწოროთ ჩვენი აწეწილი საქმეო,“ — მეჩურჩულებოდა მანოს აჩრდილი. რა მექნა, საით წავსულიყავ, რა გადამეწყვიტა?

ვინ იცის, ტროფიმე, რაღდენჯერ დამიცინვია ჩემი თავისთვის, იმიტომ რომ, რის წინააღმდეგაც ვიყავ, იმას ვემსახურებოდი: ჩემი თავისუფლება, თავ-მოყვარეობა, ჩემი წიგნები, ჩემი მისწრაფება თანდათან ობდებოდა!..

— ბიკოს! ეს რა მომდის-მეთქი? — ვიფიქრე ერთ დღეს და საშინელი ამრეზილი შევედი სასადილოთ.

„დაუდეგარო, დაუდეგარო!“ გამიელვა თავში. მაშ რა ღვთის ცეცხლი უნდა იყოს ადამიანი ამისთანა გარემოებაში-მეთქი! — მევე ვუპასუხე ჩემს თავს და წარბშეკრული მოვუჯექ სუფრას, რომელსაც ჩვენი ბებრები ყვავებივით შემოსხლომოდენ.

ეშმაკი პავლე, ალბათ მიმიხვდა გულისთქმასა და ღიმილით მკითხა:

— რას მოგიწყენია, ყმაწვილო?

სწორეთ გითხრა, ვერაფერი ვუპასუხე, თუმცა კი ვიფიქრე, მოდი, გავაღებ პირსა და ყოველსავე ბოროტმოქმედება-დაკნინებას წამოუყაჭავ-მეთქი, მაგრამ კვლავ თავი შევკავე, თითქოს ვგრძნობდი, რომ უფრო მოხერხებული დრო დამიღებოდა.

— აი, ხვალ ჩვენი სტუდენტი მოდის და ერთად კარგ დროს გაატარებთო, — დაუმატა პავლემ, მე რომ ხმა არ გავეცი.

— როგორ? განა, პეტრე მოდის?—წამოიძახეს აქეთ-იქიდან.

— ჰო, წელან რომ ყანაში ვიყავ, პეტრეს წერილი გაღმომცეს... ამ ამბავს სადილისთვის ვინახავდი, მინდოდა ყველანი ერთად გამეხარებინეთ,—უპასუხა პავლემ.

— ოი, იმას ენაცვალა დედაი.

— ენაცვალა მამიდა!

— ენაცვალოს დიდიდედა თავის ბიჭუკელასა!

— ენაცვალოს თავისი დედაი!—აელაგვლავდენ მანდილოსნები და სიხარულისაგან პირში ლუკმა გაუშეშდათ.

მეტი ღონე აღარ იყო, უნდა მომეცადნა, ვიდრე დამშვიდდებოდნენ და მეც რამე შევითხნა ყმაწვილი სტუდენტის შესახებ.

## V

ხუმრობა იქით იყოს და, წარმოიდგინე, მეგობარო, როგორ გამეხარდებოდა ამდენ დახავსებულ ხალხში,—რომლებთანაც ლაპარაკსაც კი ვერა ვბედავდი, არამც თუ მობაასე მეშოვნა,—ყმაწვილი კაცის და, ისიც სტუდენტის, მოვლენა! სიამოვნებით მოველოდი „ხვალინდელ“ დღეს, აღტაცებით ვუიქრობდი მასზე. გამახსენდა ჩემი იდეალები, ვიფიქრე, ახლა კი გულს მაინც მოვიოხებ-მეთქი და გაუმხნეველები, მაგრამ... რა ვიცოდი, რომ უფრო გავცეცხლდებოდი და კვლავ ადგილი საძებნელი გამიხდებოდა.

ვინ იცის, ჩემი ოცნების დროს რომ ტყე ხმაურობდა, დედიჩემის მომავალ საყვედურს მებუტბუტებოდა—„დაუდეგარი ხარ, დაუდეგარო!..“ მე კი მოლოდინში ყურბიჯარ მითხოვებია ფოთოლთა შრიალისათვის.

ოცი თიბათვე, მეორე დღე წინათ აწერილი სადილისა, სადღესასწაულო დღე იყო მთელი ოჯახისათვის და მეც „გავინთავისუფლე“ ჩემი თავი. საღამოს შეიდსათზე პავლე, მისი მეუღლე, დედა, ცოლის დაჟ და გოგო-ბიჭები იმ შარა-გზაზე გაეფინენ, საიდანაც უნდა მოსულიყო მათი სტუდენტი. მე კი გადავუხვიე ამ გზას, ერთ დიდ მუხის ქვეშ წამოვწექ და ფიქრებს მივე თავი. მეტი რა დამრჩენოდა? ისეთ მარტობას, ისეთ სულის ქეჯნასა ვგრძნობდი, რომ ვერც-კი აგიწერ!.. მუხის გვერდით მთელი ქალა იყო გაშე-

წებული, კალა მეტად საამო და სანეტარო. იქვე, ახლოს ჩამოჩხრიალებდა პატარა რუ წმინდა და ანკარა. წვრიმალას შრიალი, ბებერი მუხის ხმაური, წყლის ჩხრიალი და გაღლებული მინდვრის ყვავილები, ყველა, ყველა, რაც კი ჩემს გარშემო იყო, თავისუფლებით ფშინავდა და საიდუმლო ხმებს ჩამჩურჩულებდა... ვიწექ გულაღმა და მიეჩერებოდი ტოტებ-შუა გამოჩენილ ლურჯად მოკამკამე ცის ნაკერს. დამავიწყდა ჩემი აწყყო... პატარა ღრუბელმა მხრებზე შეისვა ჩემი ოცნება და გააქანა... თუ მიხვდი, სად? ჩემს სამშობლოში, ჩემს მანოსთან... თვლები დაეხუჭე... ეხედავდი მანოს ცხვირსახოცი თხელში და მომტირალს, შორიდან ვეალერსებოდი: რა გატირებს? რა გინდა? ვინ მოგკედლობია-მეთქი?—ვეკითხებოდი. მაწო კი სდუმდა, სახეზე გაქირვება და შევიწროვება აღბეჭდოდა. ეს ვილაა? ოჰო! აგერ დედაჩემიც ჩამომჯდარა რუს პირად და წყალში დაობებულ პურს აღბობს. რა გულსაკლავად იტრემლება?! გარს ათასი სხვა ღარიბი შემოსხლობია და პურისკენ ხელებს უწვდიან... უცბათ მათ შორის საიდანღაც გაჩნდა პავლე, ხელში ფულის პარკი ეჭირა, დროგამოშვებით პარკს მაღლა-მაღლა ისროდა და თან ხარხარებდა... გვერდში ამოსდგომოდა ვილაც შეიარაღებული კაცი, მახვილით ხელში. აგერ პავლე მიცი ნის, მეძახის... ფულებს მპირდება, თუ იმ ვილაც კაცს ენას მოვაქრევიანებ, დავეგობ ჩემიანებს, გავეყიდი სინილისს, ჩენს ადამიანობას!.. ველარ მოვითმინე, მანოს ხელიდან ცხვირსახოცი გამოვტაკე, მივვარდი პავლეს და კისერზე მოუჭიკრე, შეიარაღებულ კაცს-კი მუჯღუგუნე ვუთავაზე... მანო იცინოდა, დედა-ჩემი დამშვიდებით შეექცეოდა დაობებულ პურს, ტიტველა ბავშვები დათამაშობდნენ... უცბად აირია ყველაფერი, ასტყდა ხმაურობა და ფეთიანივით ზეზე წამოვარდი!..

საცინელია, ტროფიმე, დევნილი და ღარიბი კაცის საქმე, ჩვენისთანა ხალხს ოცნებაც მოწამლული აქვს. თურმე ჩამძინებოდა და ოცნება არეულ სიზმრად გადამქცეოდა!..

ზარის წკარუნი და ხმაურობა იქვე ჩემს ახლოს გაისმოდა, ვიფიქრე, ოღბათ, სტუდენტი მოუვიდათ-მეთქი. სახე მაგრად დავისრისე, რომ შავი ფიქრები თავიდან მომეშორებინა და გავეშურე იქით, საიდანაც ხმაურობა მოდიოდა.

მთელ ოჯახს, დედა ბუდიანად, შუაში ჩაეყენებიათ სტუ-  
დენტი და წინ შემომეფეთენ... როდის-როდის პავლეშ-  
უთხრა:

— გაიცანი, შვილო, ეს ჩენი გადამწერიაო.

— ოჰო, ახლა გადამწერიც დაგიქერიაო,—გაიკვირვა სტუ-  
დენტმა და მედიდურად ხელი ჩამომართვა...

\* \*

ლამის თერთმეტ საათზე ვახშამი მზათ იყო და მთელი  
ოჯახი შევიყარენით. სუფრა აივანზე გაეშალათ. მშენიერი,  
ბადრი მთიარე სანათს ეცილებოდა და საოცნებოდ კაშკაშებ-  
და. მკირეოდენი სიჩუპის შემდეგ, როდესაც მარტო საინე-  
ბის ჩხარა-ჩხური და ტუჩების წკლატუნილა ისმოდა, სტუ-  
დენტმა ლაპარაკი დაიწყო. ყველანი იმას მიაჩრდენ და  
გაფაციცებით ყურს უგდებდენ, თითქო პირიდან ოქროები  
სცვივაო.

რადგანაც საზოგადოს არას ლაპარაკობდა ჩენი „ძვირ-  
ფასი სტუმარი“ (ასე ეძახდნენ იმ საღამოთი სტუდენტს), ამი-  
ტომ ვისარგებლებ და თუმცალა ცოტა გვიან არის, მაგრამ  
აგიწერთ თითოეულის სახე-შეხედულობას... მე თუმცა არა  
მწამს, ვითომც სახე ყოველთვის სულის სარკე იყოს, მაგრამ  
ხანდახან კი ცოტათი მაინც მიგვახვედრებს ხოლმე ადამიანის  
სულის ვითარებასა... დავიწყებ პავლედან: ეს იყო მომცრო  
ტანისა, ჯმუხი და შავგვრემანი კაცი, თმა-წვერში ალაგ-  
ალაგ თეთრი გამორეოდა. მოკლე შუბლი და პატარა მძივის  
ოდენა ციმ-ციმა თვალები, ახლო მისჯდომოდნენ ცხვირის  
ხერხემალს, თითქოს ამ უზარ-მაზარ, ზურნის ოდენა ცხვირი-  
სა შექმინებიათ და მიმალულანო. თმა და წვერი ისე გაბურ-  
ძგნოდა, გეგონებოდა, ქონიანი კანაფის ძაფი: კატას და-  
უწეწნიაო. უსიამოვნო, ყომრალი შეხედულობისა, ჩუმი და  
მუხმუხელა იყო პავლე. მის მუშტის ოდენა თავში ეშმაკობის  
მეტი, ერთი კეთილი აზრი არ დაფარფატებდა...

პავლეს ღირსეული მეუღლე უფრო სასაცილო იყო, სასა-  
ცილო იყო იმითი, რომ ლაბაბი სამკეცად ჩამოჰკიდებოდა  
ნასუქი ინდოურივით, ცხვირი კი გასთხლებოდა, გაფირფი-  
ცებოდა, რაც ნიშანია წიწლაკობისა და ამპარტავენებისა.



წარბი წარბზე ჰქონდა გადაბმული და მგელივით გამოიყურებოდა. ხომ იცო, ჩემო ძმაო, რა სახესაც მიიღებს ყოვლად უფიცი, გამხეცებული ადამიანი, რომელიც არარაობისაგან შემთხვევით ან „კნინა“ და ან მდიდარი მოურავის ცოლი გახდება. მაშ კარგად წარმოიდგენ, რა სულელური მედიდურება გამოიხატებოდა პატივცემულ დიასახლისის სახეზე.

პაველს დაჲ, ცოლის-დაჲ და დედა, ღმერთო შეგცოდნე, დაბერებულ მაიმუნებს უფრო ჰგავდნენ, ვიდრე ადამიანებს. ერთი მათგანი კი, სახელდობრ პაველს დაჲ, რომელიც გაუთხოვარი დარჩენილა, ცეცხლზე შეტუსულ ცალთვალა წიწილსაც კი მოგაგონებდა.

ყველაზე სახიერი მათში ისევ სტუდენტი სჩანდა: ტანადი, ჩასხმული და შავგვრემანი ვაჟკაცი იყო, წვერი მოპარსული ჰქონდა, მხოლოდ ყბებზე კიკინებევით ჩამოეშვა ბალანი და ქვეითა ტუჩზე, ნიკაპ-ზევით, ერთი ბლუჯა წვერისა დაენარჩუნებინა: ამ ბლუჯა ბალანს თითონ „ისპანიონკას“ ეძახდა და მე-კი არ ვიცი, სწორე გითხრა, რა ჰქვიან... სტუდენტი და მისი მამა რომ შეგედარებინა ერთი ერთმანეთთან, გაპკვირდებოდი, იმოდენა გარჩევა იყო თანამედროვე ყმაწვილკაცსა და მამის შორის. პაველ მგონი კვირაში ერთხელ არ ივარცხნიდა თმა-წვერსა და ბუს უფრო ჰგავდა, ვიდრე ადამიანსა. მისი შვილი კი ნამდვილ ერთადგადადულეებულ ესპანელს და ინგლისელს წააგავდა. ცხვირი რომ მამისა არა ჰქონოდა, ვერც კი მიხვდებოდი, რომ იგი ჩვენებური იყო!..

ნადიმი გაგრძელდა... ლაპარაკს აღარ ათავებდა ჩვენი სტუდენტი. დიდდა სთვლემდა, დეიდასაც რული ეპარებოდა, მაგრამ თავს იმაგრებდა და დაწითლებული თვალები აღმაცერად წასვლოდა. დედ-მამაც გაბუცებით შეჰყურებდნენ... ის კი ისევ ლაპარაკობდა და ლაპარაკობდა!.. ვინ იცის რა არა სთქვა! რაც კი რუსეთში კეთილი აზრი დაბადებულა, როგორც მისი სიტყვიდან სჩანდა, პირველად იმას შეუმოწმებია, ყველგან ყოფილა, ყველგან მონაწილეობა მიუღია... თუმცა კი, ჩვენთვის რომ ვსთქვათ, ის წყეული „ისპანიონკა“, ყბებზე დარჩენილი კიკინები, ცხვირი თვალები და ხმის მიხვრა-მოხვრა კი მოწმობდა, რომ ცოტა გაზვიადებულს ლა-

პარაკობდა. ბოლოს იქამდის მივიდა, რომ პატიოსან დედ-მამა-დიდელებს გულები დაუხეთქა.

— აბა, როგორ იქნება მაგისტანა სისულელის ჩადენა, ხომ გამოგაგდეს უნივერსიტეტიდან?—კანკალით გააწყვეტინა სიტყვა პავლემ, როდესაც იგი სტუდენტების ამბოხებაზე ლაპარაკობდა და თავის თავიც მონაწილეთ ჩასთვალა.—განა არ უნდა გებრალეობდეს შენი დედ-მამა?..

— აღარ სთქვა, აღარ, შენ შემოგველოს მამიდა... სულ ტანში მატერიალებს... აი, ის წყეულნი და შეჩვენებულნი, აკი არ ჩაუთრევიხართ!—წამოიწიწინა მამიდამ.

— რაო, რაო,—წამოილულულა დიდედამაც, თვალები გაახილა, მაგრამ ისევ მალე დახუჭა.

— შეილო,—დაბალი ხმით უთხრა დედამ,—აბა რა ბავშვობაა შენი მხრით? ერთიც ვნახოთ, შენც ციხეში დაეღვევით, ვაი მაშინ დედი-შენის გამწარებასაააა!! ხედავ ამ ლაწირაკსა? პავლე, კაცო!—მიუბრუნდა ახლა ქმარსა.—გესმის, კაცო, ვილაცას ულოცია, ჩვენთვისა, გენაცვალეთ!..—ხელების გასავსავეებით დააბოლავა დიასახლისმა.

ის იყო დეიდასაც უნდა ეთქვა რამე, მაგრამ თავისი-ანების ახმაურებით, ცოტა არ იყოს, შეფიქრიანებულმა სტუდენტმა უტბად წამოიძახა (იქნება თავის უნებურადაც):

— დამშვიდდით, დამშვიდდით. გეხუმრებოდით! ღმერთი, რჯული, მე არა დამიშავებია რა... თუმცა-კი კაცი ამხანაგობაში არ უნდა გამოწყდეს... აბა ამ ყმაწვილსა ჰკითხეთ, თუ ასე არ არის?—დააბოლავა პეტრემ და მოწმად მე დამასახელა.

— მაგას რა უნდა ვკითხოთ?—დაასწრო ახლა კი ყველას დეიდამა (ალბათ, სწყინდა, რომ წელან ვერ ილაპარაკა),—ყველა შავ-წყალსაც უზიღნია, ოღონც შენ იყავ კარგად!..

— მაშა, მაშა, მაშა!!.—კვერი დაუკრეს აქეთ-იქიდან.

პეტრე ვითომ გაგულისდა, ზეზე წამოიქრა და ჩვენი ვახშამიც დასრულდა.

ღამე გამტყდარიყო, ბუნებას ერთი პირი კიდევაც გამოეძინა, მთვარე დასავლეთისაკენ ძალზე გადაწეულიყო, თითქოს მოსწყენოდა ჩვენი ჯიჯლინიო და ჩვენი აივნის წინ ვეშაპივით გაწოლილიყო ვეებერთელა ჩრდილი. ყველა დასაძი-

ნებლად ემზადებოდა, მხოლოდ პავლე ცმუკავადა და შვილის ნალაპარაკევით გულგახეთქილი, ბრახ-მორევით ბურტყუნებდა:

— რა საძაგლობაა, რა საძაგლობაა!.. მადლობ, შენთვის ღმერთო, რომ ჩემი შვილი გადარჩენილა...

ისე შენს მტერს მოსწყდეს წელი, ტროფირე, როგორც მე ავგუნებაზე შევიქენი ჩემს ოთახში რომ დავბრუნდი!

მომავლები ტრაბახები ვართ, ტრაბახები! შინ დიდგულე-ბი, გარეთ კი მხდალები და აჩრდილები!.. ჩვენი მშობლები კი—დახავსებულნი, დაჩიავებულნი, და თვითმოყვარენი... ვცხოვრობთ იმიტომ, რომ საზიზღარ თავდაფიწყებაში დაე-ლიოთ ჩვენი ღღენი და სხვის უბედურება-გაპირვება აინუნ-შიაც არ ჩაეგდოთ! რა ადამიანები არიან, მაგალითად, პავ-ლე, იმისი ნასუქი ცოლი, ეს დედაბრები, რომელთაც მცო-ნარეობა-ყბულობისაგან ადამიანის სახეც კი დაუკარგავთ! რა ასულდგმულებთ, რას ყრიან წუთის-სოფელში? რითი სჯობი-ან სიღარიბისაგან გაავზნებულს დედა-ჩემს, „ქრისტეს შთა-მომავალ“ კნინას და ათასს მათ მაგვარებს? მარტო იმითი, რომ საკვები უშოვნიათ და ერთმანეთს საკენკს უყრიან?.. აბა დაჰკარგონ, წაართვას ვინმემ ქონება, თუ ცხვრებივით ბლავილი არ დაიწყონ, სულით არ დაეცნენ, მუხლი არ მოი-ყარონ ყოველივე მტარვალის წინაშე და უიშისოდაც გალა-ყებულნი ტვინი ხელის თავში ცემით უარესად არ გამოითქვი-ფონ! საღდაა ადამიანობა, ადამიანური კეთილი მისწრაფება, ღვთიური ცეცხლით აღფრთოვანება და კაცურ უფლებათა დაცვა?.. ძროხაც ხომ ბლავილითა თხოულობს საკვებს, საპ-ყარიც ხომ ტირილით ავედრებს თავს გამვლელს-გამომე-ლელს?!. საუ არის მედგარი ბრძოლა, ამალლება წინმსვლე-ლობისათვის?!. ამის მიზეზი ხომ ჩვენი შეტბორებული, ხავს მოკიდებული ცხოვრებაა, სადაც ჩვენ არავითარ მონაწილე-ობას არ ვიღებთ და თვალ ახვეულები, დაშინებულები, უსიტყვოდ ავეოლივართ უკულმართ ბედის ჩარხის უკულმა ტრიალსა-მეიქი,—შევეკითხე ჩემ დაბნელებულ ოთახსა და ყური მიეუგდე. ასე მეგონა მიპასუხებს-მეთქი: „ხალხი თვით-ვე ჰქმნის თავისს ბედსაო“, მაგრამ კრინტიც არავის დაუძ-რავს და აჩქარებული ნაბიჯით კუთხიდან-კუთხეში მივრბი-

შოვრობოდი... მოულოდნელად, თითქოს ყურში ჩამძახა დედიჩემის ხმამ: „ნუ ბობოქრობ, ნუ ხარ დაუდევარი, შე ოჯახ-დასაქცევო, წვიმა მოვა და ქვეყანას ისიც ვერ გასწვდება, რა გინდა, სხვებისთვის თავს რად იკლავო!..“

— ხა, ხა, ხა! უკეთეს აზრს როგორ შექმნის შიშისგან დარეტიანებულთა გონება-მეთქი!..— ეუპასუხე საიდუმლო ხმას და აღელვებული საწოლზე მივეგდე.. გული მიჩქროლავდა, თავბრქვეიალა მესხმოდა, ყურები მიწივოდა, თითქო დაჩაგრულთა მოაქმა-გოდება, ხალხის ყიჟინა ჟრიაშული, ჩემი გულისთქმა და ჩემის საყვარელი მანოს აჩრდილიც კი ძალ-მომრეობა-უვიცობასთან საბრძოლველად მიწვევდა. ოოხ! რა უღონო ვარ?!.

— მეგობარო, მომეცი ხელი!

## VI

მე და პეტრე ხშირათა ვხედავდით ერთმანეთსა, მაგრამ პირველი შელაპარაკების შემდეგ, ველარ ვრიგდებოდით, სა-გულისხმიერო ლაპარაკს ვერიდებოდით, მხოლოდ ათასში ერთხელ თუ გავიხუმრებდით ხოლმე... ჩემის აზრებისთვის მგონი ისიც „დაუდევრადა“ მთვლიდა და მე კი ის „მჩვრად“ უსულ-გულო კაცად მეჩვენებოდა... აუტანელი შეიქნა, ჩემო ძამიავე, პავლეს ოჯახში ცხოვრება, უნდა გავცლოდი რო-გორმე... მიზეზი, თუმცა კი მეტის-მეტი საძაგელი მიზეზი, მალე გამოვიჩინდა.

ზაფხულის ერთ შავ-ბნელ ღამეს, იქნებოდა ასე ათი-თერთ-მეტი საათი, ვიჯექი ჩემს ოთახში და რაღაც არზასა ვჯღაბ-ნიდი. საცოდავად ბეჭუტავდა ჩემი პატარა ლამპარი. ოთახი მკვდრულ სიჩუმეს მოეცვა. მხოლოდ ხანდისხან ღა ფანჯრი-დან შემოსული ნიავეი კედლებზე ჩამოხეულ-ჩამოკიდებულ ქა-ლალდებს აცოდვილებდა.

მოულოდნელად რაღაცა ჩურჩული მომესმა და ფანჯარას-თან მივედი. ხმა მიჩუმდა... მაინც ფანჯარას გადავეყუდე და გარეთ მხერა დავიწყე. უზარმაზარ სიმაღლის, შავით შესუდ-რული ალვის ხეები ჩამომდგარიყვნენ იქვე, ჩემი ფანჯრის წინ, ქანდრების უკან, რუ გაჯაერებით მიბურტყუნებდა და

ჯანლით მოცული ტყე საზარლად გრიალებდა, გევონებოდა შიგ მავნე სულები დახითხითებენო... ხევწნა-მუდარა და ჩურჩული კვლავ შემომესმა. ყურები ვაცქვიტე და ბევრი ლოდინიც აღარ დამჭირებია, აქვე, თანჯრის ძირას, ბუჩქნარში ხმაურობდნენ.

— წამოდი, წამოდი ისევ იქ, რას გამომეკეცი!— ხიხინებდა ვილატა.

— თავი დამანებე, თუ ღმერთი გწამს, აბა მე რა შენი ტოლი ვარ!— უპასუხა მეორემ, მგონი ქალის ხმამა.

— რა არის ახლა... ნულარა მტანჯავ!

— არა, არა თავი დამანებე, თორემ დავიყვირებ!

— დაიყვირე-რა!— მე ვარ აქ ბატონი.— შეკავებით აუშმაღლა ხმას ვაემა და უთხრა:

— შენი კირიმე, რაც გინდა ისა მთხოვე...

მივხვდი, ტროფიმე, რაც ამბავი იყო... გაცეცხლებული ჩაიქერ დაბლა და თვალის დახამხამებაზე ბალში გაეჩნდი, კედელ-კედელ გავიპარე და იმ ბუჩქს მივუახლოვდი...

— კაბას გიყიდი, ფეხსაცმელებს... რაც გინდა ყველას, ჩემო კარგო,— ეჭურჩულებდა ვაფი.

— არ შემიძლიან, ბატონო, ჩემ თავს ვერ გავყიდი, ვერა, ვერა!.. დამანებე თავი!— ემუდარებოდა ქალი რუსულ ენაზე.

აუტანელი შეიქნა ჩემთვის ეს ამბავი, მოურიდებლად გადავერიე ბუჩქნარში და საზარელის ხმით დავსკვივლე:

— რა ამბავია-მეთქი!

რალა რა ამბავი იყო! ცხრათ მობლუნძული რუსი გოგო ბუჩქის ძირას მიყუყულებდა და მუშტის ოდენად დაღეული, ძალზე ცახცახებდა. თავს ადგა... ჩემი „ბატონის“ შვილი..

— ვინა ხარ?— დაიღრიალა პეტრემ და მუშტ-მოღერებული დამეძგერა.

მე ხელი შევაშველე...

ჩვენ ხმაურობაში მთელ სახლს გამოეღვიძა, გოგომ დრო იპოვნა და სადღაც მიიმალა.

ამ უამად გადარჩა საცოდავი გაუპატიურებასა, მაგრამ ხვალ? ზეგ? ოხ, რამდენია ძალდატანებისა და უსინიდისობის მსხვერპლი! რამდენი ატარებს გულით ჯოჯოხეთსა, თუ

სულ მთლად არ დაცემულა და ქუჩა-ქუჩა არ დაუწყევია წან-წალი?!?...

რალა თქმა გინდა, ჩემო ტროფიშე, რომ მეორე დღეს მე და პეტრეს დიდი შელაპარაკება მოგვივიდა... თვით პატივცემული მასპინძლებიც ლაზათიანად შემომელანძლნენ, რადგანაც... ისინიც მე მამტყუნებდენ და პირმშო შვილის „ცელქობას“ თითქმის კიდევაც ამართლებდენ...

— ე-რა ღვთის ჩეჩხლი ყოფილა, — მომადახა ბებერმა, როდესაც პავლეს ყველა მისი საქციელი წამოგუჟაქე და გამოვუცხადე, რომ მე თქვენ სახლში დამდგომი აღარა ვარ-მეთქი... რაში ესია მოგნებოდათ?!

\* \*

აჰა, გაგათაეე ეს, შენთან გამოსაგზავნი წერილი, და ახლა კი უნდა აეიკრიბო ჩემი ბარხანა, ვიცი გაქირვება მომელის? მაგრამ...

— მერე სად მიხვალო? დამეკითხები; შენთვის „დაუდგარი“ ტყუილად არ დაურქმევიათო.

— ვნახოთ!.. პირველად მივალ ჩემს მანოსთან და თუ იმასაც რაიმე სიყალბე შევატყვე, ოო!.. მაშინ კი... მშვიდობით!.. მაგრამ რასა ვბოდავ?.. თუ ამ ქვეყნად დევნილმა კაცმა ბოროტება-უსამართლობას ცხვირი ქვაზე არ უცეცქევა, მგონი საიქიოსაც ვერ მოისვენოს!..“

თიბათვე, 169<sup>ა</sup> წ.

ქ. ლენქორანი.

# ქ რ ე ბ ე ზ ე

ე ს კ ი ზ ი

ქუპლენი იწინა სვედელიანის ხსენის

— მართლა, დღეს ხომ კრებაზე ვარ მიწვეული, კინალან არ დამავიწყდა!—გაკვირვებით წამოიძახა ერთ საღამოს ტასო დიდგულაძემ და პაწია საათი ხელში შეათამაშა.

— რა? კრებაზე? რით ვერ მოარჩით მაგ კრებას.. ნეტა არ მიედ-მოედებოდეთ, ის გირჩევნიათ! კრება... კრება... ყურები-კი წაიღეთ და!—ცოტა არ იყოს წყენით შენიშნა დედამ როდესაც ტასომ მოსართავ-მოსაკაზმავათ შკაფიდან ტანისამოსის გადმოლაგება დაიწყო. ჯერ გადმოიღო შლიაპა, მერე ახლად შეკერილი კაბა, შემდეგ ფეხსაცმელები და დაფიქრდა, თითქოს კიდევ რაღაცას ეძებო, ბოლოს ერთი შეფრთხილდა, მოხდენით დაიხარა და შკაფის ქვედა უჯრიდან კარსეთი ამოიტაცა. დედა აღტაცებით შეჰყურებდა თავის ერთადერთი ქალის ფუსფუსს და თან იღიმებოდა.

რა ახარებდა ტასოს დედას? გადაწყვეტილი ვერას გეტყვით, იქნება, დაბერებული და ნეკრესის ქარებით დახუთული თინათინი, იგონებდა თავის სიყმაწვილეს, ან თავი მოსწონდა, რომ ტასოსთანა ლამაზი და მოხდენილი გოგონა ჰყავდა? ვინ იცის? ჩვენთვის ისიც საკმარისია ვიცოდეთ, რომ ტასოს დედა მეტად გულკეთილი ადამიანი იყო და არც ჩვეულებადა ჰქონდა ტასოს სურვილისათვის რაიმე წინააღმდეგობა გაეწია, პირიქით სცდილობდა კიდევ ტასო საზოგადოებაში გარეუღიყო: „ყმაწვილია, გავიდეს, გამოვიდეს ხალხში, ქვეყანა ნახოს, ქვეყანამ ეგ გაიცნოს და ერთიც იქნება, რიგიანი პატრონი გაუჩნდესო“.

ტასომაც ძალიან კარგად იცოდა თინათინის ხასიათი და ამიტომ ყურადღება არ მიაქცია დედის პირველ საყვედურს.

— აღარ იშლი, ქალო, უნდა უთუოდ წახვიდე?—შეეკითხა დედა ტასოს, როდესაც ხელ-პირ დაბანილი, აწეწილი, თუ-

რაშაულ ვაშლისავით გაღაჟდაეებული ტასო პირსახოცით ხელში წინ გამონინასკვა და ქუსლებზე პროწიალი დაიწყო.

— მაშ აბა რა ვქნა, დედი, სიტყვა მივეცი და!..—ისეთის კილოთი უთხრა ტასომ, თითქოს ეუბნება,—შენც ხომ არ მიშლი ხალხში გასვლას და აბა, ტყუილად რას მელაპარაკებო.—მერე გაიღიმა და დაუმატა: რომ იცოდნე, როგორი ნდობით მეკიდებიან ჩვენი კრების წევრები... ერთი უკეთესი ქართველ ქალთაგანიაო, აი!

— არავის უთხრა! აბა მაშ შენზედ უკეთესი ლამაზი მეორე მაჩვენონ?—აღტაცებით გააწყვეტინა დედამ.

— მაგ მხრივ კი არა დედა,—ვარდივით აენტო ტასო,— ისე: მეორე მხრივ... კარგი ქართველიაო... ხომ იცი რაც არის ქართველი, ქართველობა?

— ქართველი ხარ, მაშ თათარი ხომ არ იქნები?—კიდევ ჩაურთო თავის სიტყვა დედამა.

— ეჰ, მაინც ვერ მიმიხვდი, დედილო,—სიცილით შენიშნა ტასომ.—არ იცი, რა ვქნა, ვის ეძახიან ქართველს?

— რა დამემართა, ქალო, რომ არ ვიცოდნე? ქართველი, შვილო, ქართველია, რუსი—რუსია, ლეკი—ლეკია. მაგას რა დიდი მიხვედრა უნდა?!—გაკვირვა თინათინმა.

— შენი ნება იყოს, დედილო! ძველ ადამიანს აბა რაღა უნდა გაგაგებინო, რა აზრითაც მიწოდებენ ქართველად... შენ ხომ არც სიტყვა პატრიოტკა გესმის?..

— მაიცა, მაიცა, შვილო. ყელსახვევი გვერდზე მოგქცევია,—უცბათ გააწყვეტინა საგულისხმიერო ლაპარაკი დიდამ და ყელსახვევს სწორება დაუწყო. ეტყობოდა შვილთან ლაპარაკის დროს იმის მორთვა-მოკაზმვას უფრო დიდ ყურადღებას აქცევდა.

ტასომ ხელები ჩამოუშვა და დედის გემოვნებას მიენდო. ვეებერთელა კედლის სარკეში აკრელებული თაიგულივით გამოქანდაკდა ლამაზი ტასო... დედა ტასოს ცქერით ვერა ძღებოდა, ტასო თავის სახეს სარკეში თვალს არ აშორებდა და ლაპარაკი ძალაუნებურად შესწყვიტეს.

ამ ყოფა-მდგომარეობაში დრო გადიოდა და კობტაის სახლში, N ქუჩაზე, წევრები ნელ-ნელა იკრიბებოდნენ, ამ ეამად-კი, როდესაც ტასო და თინათინი მასლაათობდნენ, კობ-



ტაიასას ბევრი არავინ იყო. კედლების წინ არიგებ-ჩამორიგებულ ვენის ყვითელი სკამები სულგარინდულნი უცდიდნენ წევრების შეკრებასა, რომელთა რიცხვში ბევრი ქალიც უნდა ყოფილიყო. ბუხრის თავზე დადგმული საღვიძარა საათი განუწყვეტლივ და ერთხმაზე წიკწიკებდა... აივანზე ორი თუ სამი წყვილი ქალ-ვაჟი დასეირნობდა. თვით ოთახში მოსჩანდა სამი ადამიანი: კვირიკე ამყაშვილი, ბესო ცერცვაძე და წვეულთა მასპინძელი, გასათხოვარი მართა კობტაია. ესენიც, თითქოს ერთმანეთს ერიდებიანო, ორად გაყოფილიყვნენ. კვირიკე ამყაშვილი და მართა კობტაია მოსჯდომოდნენ თავმჯდომარისათვის მომზადებულ მაგიდას და ერთმანეთს ხმადაბლა რალაცას ელაპარაკებოდნენ, ბესო ცერცვაძე-კი ბუხართან ატუზულიყო და ისე იბღვირებოდა, თითქოს ვისიმე ჯავრი სჭირსო... დრო გადიოდა, ბუხრის თავზე დადგმული საათი რვას უჩვენებდა, მაგრამ იქ მყოფთ ჯერ-ჯერობით არავინ ემატებოდა...

— ბრძანეთ, ბრძანეთ, უკაცრავად, რომ სიტყვა გაგაწყვეტინეთ,—ბოდინში მოიხადა მართას წინაშე კვირიკემ და მიზნედილი თვალებით გაუღიმა.

— სულ ერთია, ბატონო, მეც ეგ უნდა მეთქვა,—ლიმილითვე უპასუხა მართამ და კისერი მოიღერა. ამ დროს მართა მარილიანი შეხედულობისა იყო და კვირიკეს ხომ ანგელოზად, ცქრიალა ფარვანად მოეჩვენა... ანგელოზობამდის, რასაკვირველია, ბევრი რამ უკლდა მართასა, ცქრიალა იყო თუ არა, ესეც, ჩემო მკითხველო, ჩვენთვის სულ ერთი უნდა იყოს, მაგრამ ყველა ამას ამიტომ მოგახსენებთ, რომ მართას კისრის მოღერებამ ისეთ აღტაცებაში მოიყვანა კვირიკე, რომ თავდაქერილობას გადააბიჯა და რალაც ზრდილობიანი კომპლიმენტი უთხრა, მაგრამ რომ ჩაეფუჩეჩებინა თავისი სითამამე, აჩქარებით დაუმატა:

— უცილებლად, უცილებლად, ბატონო მართა, სრულს ქეშმარიტებასა ჰბრძანებთ... აბა მაგას რალა დამტკიცება უნდა. ვინ იქნება ჩვენში ისეთი აბსკურანტი (გონება დაბნელებული), რომ ქალების უფლება, ემანსიპაცია არ აღიაროს?—სრულის დაბეჯითებით დააბოლოვა კვირიკემ და მართას კიდევ გაუღიმა. მკითხველები მიხედებიან, რომ

მართასა და კვირიკეს ქალთა უფლების შესახებ ჰქონდათ მასლაათი.

— დიახ, მარტო შენა გრწამს ეგრე?—აუმაღლა ხმას მართამ, მერე შეჩერდა, ტუჩები შეათამაშა, წამოწითლდა, თვალები ეშმაკურად გადაატრიალ-გადმოატრიალა და კდემამოსილ სიცილით სთქვა:—დასწყევლოს ღმერთმა, კიდევ არ შემეშალა? წარმოიდგინე, ყმაწვილო, თქვენობით ლაპარაკი როგორღაც არ მეხერხება, ალბათ, იმიტომ, რომ ქართველი ვარ, და ქართველებს-კი თქვენობით ლაპარაკი არა ვუქონია.

— ეგ კიდევ გადასაწყვეტია, ჩემო ბატონო!—ისეთი კილოთი გააწყვეტინა კვირიკემ, თითქოს ამ საკითხის გადაწყვეტის შემდეგ არც ხენა უნდოდეს კაცსა და არც თესვა,— მაგრამ, —გამოცვლილი ხმით დაუმატა კვირიკემ,—მე დიდად მოხარული ვარ, რომ თქვენ, უკაცრავად, შენ... ახლა მეც ასე ვიტყვი... შენობით მელაპარაკებით... თითქოს უფრო ვახლოვდებით...—კვლავ მომხიბვლელად ჩაილაპარაკა ვაჟმა და თავი დახარა.

მართა კეკლუცად შეიშმუშნა და აირია... საზოგადოდ, კვირიკეს ისე ეჭირა თავი ყველგან და ყოველთვის, რომ დიდად განათლებული ყმაწვილი კაცის სახელი ჰქონდა მოხვეჭილი, ნამეტნავად ქალებში და ეს უკანასკნელნიც ბედნიერებათა სთვლიდნენ მასთან დაახლოვება-ლაპარაკს. მართალია, საქმის ქალები იყვნენ კვირიკეს ნაცნობი ქალები, როგორც თვით კვირიკე ცუო საქმის კაცი—მოწინავე ახალგაზრდა,—მაგრამ საქმროს ამორჩევაც ხომ საქმეა და ამიტომ ვერ ვუძრახავთ, რომ როცა-კი ჩვენი მოსაქმე ქალები ერთად შეიკრიბებოდნენ ხოლმე, კვირიკეს შესახებ უფრო ბევრსა ლაპარაკობდნენ, ვიდრე საზოგადო საქმის შესახებ... მაგრამ ამ ლაპარაკის განგრძობა არა ჰღირს, მით უფრო, რომ ერთს დროს ჩვენ ქალებს იდეალად ჰქონდა აღებული სტუდენტებთან დაახლოვება და კვირიკეც იმათში ითვლებოდა...

— მერე, რომ ეგრე ვამბობ...—გაიმეორა კვირიკემ ხანჯრძლივი სიჩუმის შემდეგ,—განა რომელიმე განათლებული ყმაწვილი კაცი და ისიც მეცხრამეტე საუკუნეში, წინააღმდეგი იქნება ქალების ემანსიპაციისა. არა, ბატონო, მარ-

თა, ეს წარმოუდგენელია!—გადაკრით სთქვა კვირიკემ, თუმცა-კი, ჩვენთვის რომ ვთქვათ, პირველი მოწინააღმდეგე გუნებაში თვითვე იყო.

— მილიონობით არიან წინააღმდეგნი, მილიონობით!—ღიმილით უპასუხა მართამ.

— ჩვენში?—კიდევ დაეკითხა კვირიკე.

— დიალ, ჩვენში, ჩვენში და იქნება ჩვენ წვერთა შორისაც...—კეკლუცად გაიცინა მართამ.

— მე-კი არა მგონია და!—სიტყვას არ უთმობდა კვირიკე.

— შენ უფრო კარგად არ იცი!—უადგილოდ და უაზროდ დაეთანხმა მართა და დასძინა:—აბა ბატონს ბესარიონსაც შევვხმაუროთ, ეგ რაღას იტყვის. ამ კრებაზე ახალი კაცია და მაგის აზრიც საინტერესოა.—ბესომ თავის სახელის გაგონებაზე თავი მალლა ასწია და მობაასეთ შეხედა.

— აბა, თქვენ რა აზრისა ხართ, ბატონო ბესარიონ, ჩვენი საკითხის შესახებ?—მიმართა კვირიკემ ბესარიონს, ისეთი ჩაფარდნილი ხმით, თითქოს მალლიდან დაბლა ჩამოვიდაო. აქვე უნდა მოგახსენოთ, რომ კვირიკე მეტის-მეტი დაბალი ხმით, დინჯად ელაპარაკებოდა ხოლმე ყმაწვილ კაცებს. (მარტო ვაჟებს, ნუ დაივიწყებთ) და თუმცა უგემური წიწინა ხმა ჰქონდა ჩვენ კვირიკეს, მაგრამ იმდენ გაუგებარსა და პრტყელ-პრტყელ სიტყვა-ფრაზებსა ხმარობდა, რომ მსმენელებს თავ-ბრუს ახვევდა მისი ხმა! ყველანი, ნამეტნავად ქალები, გაკვირვებაში მოდიოდნენ კვირიკეს განეითარება-მქვერმეტყველობით!.. ასეთი სიტყვები, როგორც მაგალითად, ასოციაცია, ექსპროპრიაცია, ემოცია, კლასიფიკაცია, კვინტესენცია და სხვა „ციები“ ასობით დაითვლებოდა თითოეულ მის გრძელ სიტყვაში. ხშირად უყვარდა აგრეთვე სიტყვა „აბსკურანტის“ ხმარება, კიდევ ფრანგულის ანდაზებისა და სიტყვებისა, კიდევ... მაგრამ ვინ მოსთვლის? მგონი ამითიც თავი მოგაბეზრე, ჩემო მკითხველო. შეიძლება ოდესმე შენ თითონვე შეგხვდეს კვირიკე და მაშინ გაიგებ რაებიც იცის... იმას კი ნუ დაივიწყებ, რომ კვირიკეს ერთი ახირებული ჩვეულებაც აქვს! როცა ლაპარაკობს, ისეთ გაქიმებულ-

ლებას მიიღებს ხოლმე, თითქო იმას გეუბნება: „მე ნუ გეხუმრები! მე... მე... კვირიკე ამაყაშვილი ვარ, რუსეთ-სათ-რანგეთ მოვლილიო“. აი ახლაც ისეთი თვალით შეხედა ბესარიონ ცერცვაძეს, რომ ნათლად აღმოიკითხავდით: „ვერა ჰხედავ, რა თავზდაბალი ვარ, შენთვისაც კი მოვიცალეო!“ ბესო მიუხვდა და აიმრიზა.

ორისა თუ სამი წამის განმავლობაში სიჩუმე ჩამოვარდა. კვირიკე ფიქრობდა: „რას იბღვირება ეს ყმაწვილი, სემინარიელი თუ არისო“. ბესო კი იძახდა: ეს კაცი თავმოყვარეობით იქნება დასნეულებულიო. მაგრამ დრო იყო ეპასუხნა:

— აბა რა მოგახსენოთ,— ნაწყვეტ-ნაწყვეტად უპასუხა ბესარიონმა,— მე თქვენი ლაპარაკისათვის ყური არ მიგღია. მგონია შინაურ საქმეებზე ლაპარაკობდით.

— სრულებითაც არა, ყმაწვილო კაცო, ჩვენ საზოგადოდ ვლაპარაკობდით და მერე ისეთ საზოგადო საკითხებზე, როგორიც არის ქალების ექანსიპაცია. — წარბებ-შეკვრით განიმეორა კვირიკემ.

— ვერაფერს მოგახსენებთ, ჩემო ბატონო, ვიდრე თქვენ საბუთებს არ მოვისმენ! — უკნებად უთხრა ბესომ და თითონაც კოპები შეიკრა.

— მაგას რა არგუმენტაციები-ლა უნდა, ეს ისეთი თვალ-საჩინო საგანია, როგორც მზე და მთვარე. თქვენზედ ნუკი მიიღებთ და მარტო გონებით განუვითარებელი მოითხოვს ათასჯერ და ათი ათასჯერ დაღეკილ საბუთებსა... როგორც ეხედავ, თქვენ ჯონ სტიუარტ მილისა, ან ბოკლის თხზულებანი არ წაგიკითხავთ, ქალების შესახები მწერლობა არ შეგისწავლიათ, თორემ... დოღმატიური კილოთი დაიწყო კვირიკე. კვირიკესა და ბესარიონის შორის ერთი ალიაქოთბ მოხდებოდა, რომ უცბად კარები არ გაღებულყო და გატრ-ცილებული ტასო არ შემოვარდნილიყო.

— უჰ, დედავ, როგორ დავიღალე, სირბილით მოვეკედი... მე ვთქვი დამაგვიანდა-მეთქი და აქ კი... ზედი-ზედ წამოი-დახა ტასომ, განცვიფრებით მიმოიხედა ოთახში და იქ მყოფთ ხელი ჩამოართვა.

— იქნება დაავიწყდათ წევრებს, რომ კრება გვაქვს? — სიტყვა ჩაურთო ბესომ.

— რა უბედურებაა, ღმერთმანი, შეიძლება გაგვათენებინონ კიდევ!—დაუმატა ისევ ტასომ.

— იქნება უკვე დაიძინეს და...—დაცინვით ჩაილაპარაკა კვირიკემ.

ამ ხმაურობაში აიენიდანაც შემოვიდა რამდენიმე ყმაწვილი, ორი თუ სამი სხვა ახალი წევრიც მოემატათ. მცირეოდენი ლაპარაკისა და სალამ-ქალამის შემდეგ, ქალები კვირიკეს შემოეხვივნენ. ვაჟები ჯგუფ-ჯგუფად დასხდნენ განზედ და სხვა-და-სხვა ლაპარაკი დაიწყეს: იცინოდნენ, ხარხარებდნენ, ერთმანეთს ჭკუას არიგებდნენ...

არ ვიცი ყოფილხართ თუ არა ჩვენებურ კრებაზე, ხოლო თუ ყოფილხართ, გეცოდინებათ, რომ ვიდრე წევრების საკმაო რიცხვი არ შეიკრიბება, კრების საგანს რიგიანად ვერც კი გაბრებთ, ამიტომ საათს ხშირად უცქერით, ოხრავთ, მოკისვენარადა ხართ, ხუთი წუთის განმავლობაში ათჯერ მაინც გადასთვლით წევრებსა და თვალი და ყური სულ კარებისკენ გიქირავთ. ასე მოსდიოდა ბესო ცერცვაძესაც, იგი ახალი კაცი იყო კრებაზე და მგონი ყველაზედ მოუსვენრადაც ის იყო. ხან ერთ ჯგუფთან მიდიოდა, ხან მეორესთან, ყველას ყურს უგდებდა, ყველას ათვალეერებდა. ბოლოს ერთ ჯგუფში ჩაება და მათ ლაპარაკს ბანი მისცა.

— გულწრფელობა!.. ხა!.. ხა!.. ხა!.. სად არის ქვეყნად გულწრფელობა? — ხითხითებდა ერთი ტანდაბალი და დიდთავა ყმაწვილი კაცი, თან ისეთი თვალით იხედებოდა აქეთ-იქით, თითქოს უნდა ყველას ენა მუცელში ჩაუგდოსო.

— თქვენ სცდებით, ბატონო კოდალა! (მოდი ასე დაეარქვათ დიდთავა და ტანმოკლე ყმაწვილს). გულწრფელობა რომ არ იყოს ქვეყნად, წინმსვლელობაც, ადამიანობაც არ იქნება. ყველა ხომ არ თვალთმაქცობს?—შეეკამათა ბესარიონი.

— ვინა სცდება?.. მე?—გაიკვირვა კოდალამ.

— დიახ, თქვენ, —უთხრა ბესომ. ნუ ვიქნებით, ყმაწვილებო, ქვეყნის მოძულე, პესიმისტები, როგორც ამბობენ, გვწამდეს, რომ თუ ბოროტებაა ქვეყნად, მისი გულწრფელი მოწინააღმდეგენიც იქნებიან, თუ უსამართლობაა, სამართლიანობაც წოიძებნება, თუ...

— ეე! ახლა თქვენ ფილქსოფიას მომიყვებით!—უცბად გა-

აწყვეტინა სიტყვა ბესარიონს ჩვენმა კოდალამ.—მე ბავშვი ნუკი გგონივარ, რომ ანაბანას მიკითხავ, მაგვარი აზრები თქვენზე წინად გამიგონია; მაგრამ მე მრწამს, რომ გულწრფელობა არ არის და არა! მე არავისი არაფერი ზჯერა-რა. ყველა ცოდვილობს იმიტომ, რომ თავისი „მე“, თავისი თავი გამოიჩინოს!..—ცხარობდა, არ ვიცით კი რად. კოდალა.

— მაშ, როგორც გეტყობათ, თქვენც თვალთმაქცი უნდა იყოთ,—დაურიდებლად შენიშნა ბესომ და ლაპარაკი რომ არ გაეგრძელებინა, მოშორებას აპირებდა.

— ბრავო, ბრავო! — ძროხასავით დაიბლაჟლა დათუა გულცივაქემ და სამჯერ თუ ოთხჯერ ცხვირში შეიტრუსუნა. მას ძლიერ ახარებდა კოდალას გაწიწმატება და ბესარიონის უგერგილობა.

— სსუ! ნუ ღრიალებ, დათუა! — ღიმილით შენიშნა ვილაცამ გულცივაძეს.—თქვენც გაათავეთ, თუ ღმერთი გწამთ,—ამ-შვიდებდნენ კოდალასაც, მაგრამ დიდ-თავა აღარ ისვენებდა. მან თავი შეურაცყოფილად ჩათვალა და ცდილობდა დაემტკიცებინა ბესარიონისთვის, რომ ისა ყოფილა „დამცირებული და მიწასთან გასწორებული, უტვიხო და ყოვლად საძაგელი“.

ჩხუბი არაფერზედაო, რომ იტყვიან, სწორედ, ამაზე ითქმობდა. რაკი დაიწყეს კამათი, აღარ ათავებდნენ. ცდილობდნენ ზრდილობიანად მოქცეულიყვნენ, მაგრამ აფორიაქებული გულის თქმა თავისას არ იშლიდა... მალე ყველა, ქალი თუ კაცი, კვირიკესა და მართას გარდა, რომელიც აივანს გადაყუდებოდნენ და თავისთვის მასლაათობდნენ, ერთად შეიკრიბა და ბესო-კოდალას კამათს ყურს უჯდებდნენ. ერთით საზოგადო ხასიათი ჰქონდა ამ კამათს, საზოგადო საგანს შეეხებოდა...

— რა მოხდა, რა ამბავია? — იკითხა ერთმა წვერთავანმა.

— ყური დაუგდე და გაიგებ,—ცინიკურად შენიშნა გულცივაძემ... მაგრამ ვინ რას გაიგებდა? თითქმის თითოეული წვერი ცხარობდა, თავისას გაიძახოდა, ხელებს და ფეხების ქნევით ცდილობდნენ თავისი აზრი გაეყვანათ. ვინ იყო მართალი და ვინ მტყუანი, ამის გამოცნობაში არავინ შედიოდა. მხოლოდ ერთად ერთი გულცივაძე არა ცხარობდა და ქანდა-

არივით დარკობილიყო შუაში. თითოეულის სახის გამომეტყველებასა სწავლობდა და ხან ერთს აქებებდა და ხან მეორეს... მართალი რომ მოგახსენოთ, საკვირველი ყმაწვილი კაცი იყო ბ-ნი გულცივაძე! ქვეყანა რომ გადაბრუნებულიყო, აინუნშიაც არ ჩაიგდებდა. მას თავის სიცოცხლეში ყველაფერი მასხარაობად ეჩვენებოდა და თუ იღებდა ხოლმე ან კრებაზედ ან სხვა საზოგადო საქმეში მონაწილეობას, მარტო იმიტომ, რომ უნდოდა როგორმე გართობილიყო, დრო გაეტარებინა. დიას, ყველგან იყო ხოლმე გულცივაძე და თავისი ახოვანებით თვალსაჩინო ადგილსაც იჭერდა, მაგრამ ყოველი საქმის გათავების შემდეგ იმას-კი არა კითხულობდა, რა გაჯაკეთე, ან რა შევიძინეო, არა! იგი სახლში დაბრუნებისას წამოგორდებოდა ხოლმე თავის ქუქკიან ლოგინზე და სიცილით იგუდებოდა. ხან ერთის სახეს წარმოიდგენდა, ხან მცორისას, ხან ვის სიტყვებს გააბურთავებდა, ხან ვისას და კვლავ უგემურად ხითხითებდა... ბედნიერი იყო ხოლმე ამ დროს ბატონი დათუა გულცივაძე!

აი, ახლაც, მოკამათეთა სახის გამომეტყველებას რომ ათვალთვრებდა, სახლში საცინელ მასალას იჩზადებდა!..

— რასაკვირველია, შენ მართალი ხარ,—დასტური დასცა კოდალას სიტყვებს და თან გულში ეციინებოდა დიდ-თავიანის თვალების ბრიალზე.

— დათუა, დათუა!—დაეჭიდა კოდალა გულცივაძეს,—შენ ხომ მიცნობ, კაცო, ხომ იცი, რაცა ვარ და, მე მგონია, ბ-ნი ცერცვაძის გარდა, რომელიც იმდენად დაბრმავებულა, რომ მე არ მიცნობს, ყველანი დამეთანხმებიან, რომ თუ ერთი და ორი სასიკაძულო ყმაწვილი კაცი მოიპოვება საქართველოში, იმათში ერთი თვალსაჩინო ადგილი მეც მიკავია...—დორბლების სროლით დააბოლავა კოდალამ.

— მაგას რაღა ლაპარაკი უნდა, კაცო!—ცბიერად უპასუხა გულცივაძემ, რომელიც დიდ-თავიანის მეგობრად ითვლებოდა.

— ყმაწვილო, მე იმას-კი არ ვამბობ რომ თქვენ არ ვარგინხართ-მეთქი, იმას ვჩივი, რომ ერთმანეთის მოსმენა არ ვიცით! საიდან დაიწყე და სად გადახველი!.. ჩვენ გულ-წრფელობიდან პიროვნებაზე ჩამოეუხევეით. აი, ეს არის სამარცხეი-

ნო; მე, ჩემო ძმაო, სრულიადაც არ მშურს, თუ-კი პირველი ადგილი გეჭირება საქართველოში, ოლონდ-კი შენი პირველობით ჩვენ საზოგადო საქმეს მოემატოს რამე, ოლონდ კი ჩვენს ადამიანობას დაეტყოს წინმსვლელობა!! მე ჩემო ძმაო...— უნდოდა კიდევ რაღაც ეთქვა ცერცვაძეს, მაგრამ კოდალაჰ ზიზლით გააწყვეტინა.

— ყმაწვილო... ჩემო ძმაო... აქეთურო, იქითურო... არა, რას მოყვები? მე შენი ძმა რად ვიქნები?.. ძმა-კი არა, Я ДАЖЕ ВНАТЬСЯ НЕ ХОЧУ С ТЫМ ИО (ვითომ, არც კი გიკადრებო),— ჩაურუსულა დიდ-თავამ და ტახივით ამრეზილმა თავით ფეხამდის აათვალიერ-ჩაათვალიერა ბესარიონი.

— ახა, ღმერთო ჩემო!..—ეს-ღა წამოიღულულა სასოწარკვეთილებამდის შეურაცყოფილმა ცერცვაძემ.

როგორც იყო გულცივაძემ დააშოშმინა მოკამათენი დო გაპარხლებული დიდ-თავა აივანზე გაიყვანა, სადაც მან ყვინჩილასავით ფხორვა და ქშინვა დაიწყო... თურმე აივანზედაც ყოფილიყო პატარა შემთხვევა. ორ მოსაქმე ქალს, მესამის თანადასწრებით, ერთმანეთი შეემკოთ, მგონი კვირიკეს გულისთვის, და გაბუტულები აქეთ-იქით გამსხდარიყვნენ...

ასეთი იყო კრების შესავალი, ხოლო თვით კრება უფრო მრავალხმოვანი და დიდად საყურადღებო.

## II

ბუხრის რაფაზე დადგმულმა საათმა ათჯერ გაიწკარუნა და წევრებიც მოიწვიეს ადგილის დასაკავებლად. ატყდა ხმაურობა, ფეხების ფლასტა-ფლუსტი, გადაჯდომ-გადმოჯდომა და ბოლოს ყველამ სული განაბა... ორი თუ სამი ყმაწვილო კაცი კარებში აეყუდა. ერთი მათგანი-კი ისე ღონიერად მოეპიდა კარების ყურს, გეგონებოდათ, უნდა გამოამტკრიოსო...

— აბა დრო არის, ბატონებო, საქმეს შევეუდგეთ!—ამცნო პატივცემულ კრებას დათუა გულცივაძემ.

— ძალიან კარგი იქნება! აბა თავმჯდომარე ამოვირჩიოთ.— გაისმა აქეთ-იქიდან. ყველამ ერთმანეთს შეჰხედეს, ზოგმა იმი-



ტომ რომ სათავმჯდომარეო კაცს ეძებდა და ზოგმა კიდეც იმიტომ, რომ თვალებით დაჰკითხებოდა ერთი მეორეს: „რა თავმჯდომარე გვინდაო“.

— ბატონო დათუა, ინებეთ თავმჯდომარეობა!—მიმართა ერთმა გულცივაძეს, ალბათ, იმიტომ, რომ თითქმის ყველაზე ახოვანი ის იყო.

— რას მიბრძანებთ, ბატონო, ჩემზე პატივსაცემები განა არ არიან?—ზრდილობიანად იუარა დათუამ.

— ბატონო კვირიკე, თქვენზე უკეთესს ვილასა ენახავთ?—წამოიძახა ტასომ და თან თვალებით კვირიკეს მახლობლად ცალიერ ადგილს ეძებდა.

— კვარიკე, კვირიკე!—ახმაურდნენ სხვა ქალებიც.

— ბატონებო, ნება მიბოძეთ უარი მოგახსენოთ, რადგანაც...

— არ იქნება, გთხოვთ! გთხოვთ!—დაიგრილა კრებამ.

— კენჭი ვყაროთ, კენჭი!—დაიყვირა ვილაცამ.

— კენჭი, კენჭი?—გაიმეორეს ხუთმა თუ ექვსმა და თან ერთმანეთს ეფარებოდნენ.

— რალა კენჭი გვინდა! აბა კვირიკე, კვირიკე, კვირიკე!—აუღავეღავედა მთელი ოთახი და როცა ხმა მისწყდა, კვირიკე უკვე თავმჯდომარის ადგილას გამონასკეულიყო, სიჩუმე ჩამოვარდა... საამუჟრია ამ დროს კრებაზე ყოფნა! გული გიტოკავს და ენას მალი-მალ ინერწყვავ, თუ შეგიძლია მალეც იმპერმეტყველები!.

— ბატონებო, და ქალბატონებო!—ალიმაღლა ხმა კვირიკემ,—პირველად მადლობას გწირავთ, რომ პატივი მეცით და თავმჯდომარეთ ამომირჩიეთ. იმედი მაქვს პირნათლად შევასრულო თქვენი მონდობილება... ახლა-კი დრო არის დავიწყოთ...

— ძალიან სასიამოვნოა, — ჩაუტოო ერთმა წევრთავანმა.

— მე გთხოვთ, ბატონებო, ვიდრე ხმა არ მოგცეთ, თქვენ თავად ნუ ილაპარაკებთ, — შენიშნა თავმჯდომარემ და დაუმატა,—კარგი იქნება, ბატონო ტასო, რომ თქვენც არ ჩურჩულებდეთ. ჩურჩულის დრო მგონი გავათავეთ...—ამ შენიშვნაზე ვილაცამ წაიფხაკუნა, თავმჯდომარემ-კი განაგრძო:

— ამგვარად, ბატონებო და ქალბატონებო, დღეს ჩვენ კრება გვაქვს.

— ახალი ამბავია!—წაიბუტბუტა გულცივაძემ.

— საგანი კრებისა—მგონი ყველამ იცით და ამიტომ ტყვილა დროს დაკარგვა იქნება კვლავ განემართო იგი...

— ბატონო თავმჯდომარე!—მოისმა ოთახის ბოლოდან,— სიტყვა მიბოძეთ.

კვირიკემ მიიხედ-მოიხედა და უთხრა:—ინებეთ სიტყვა.

— მე, ბატონებო, ახალი წვერი გახლავართ და კარგი იქნება გამაგებინებდეთ რაშია საქმე, რისთვისა ვართ შეკრებილი?

(ხმა ისმის: კარგი იქნება, კარგი! ჩურჩულებენ, თავ-დაქერით იცინიან).

— ბატონებო, გამაგებინეთ რამე!—დაიყვირა თავმჯდომარემ.—თქვენ რა გინდათ,—დაეკითხა კვირიკე, მაგრამ არ იცოდა ვისზე შეეჩერებინა თვალი, რადგანაც ერთის მაგიერად ახლა ხუთიექვსი იდგა ფეხზე.

— მე ის მინდოდა,—უადგილოდ დაიწყო ერთმა სათვალე-ბიანმა ყმაწვილმა კაცმა,—რომა... (სიტყვები ველარ იპონვა) ჰო, რომა... ნება მომცეთ რუსულად განემართო ხოლმე ჩემი აზრი, რადგანაც ქართული არ ვიცი და ან კი რა სირცხვილია, რადგანაც რომა არ მისწავლია.

კარგა ხნის კამათისა და ოხუნჯობის შემდეგ გადასწყვიტეს, ენათა თავისუფლება, ე. ი. სათვალებიანსა და სხვას, ვინც-კი მოისურვებდა, შეეძლო რა ენაზედაც ჰსურდა აზრი წარმოეთქვა და კრების საგანი აეხსნათ...

კრების საგანი მარტივი იყო: შრომა და ერთობა, მაგრამ წვერებს შორის ისევ საშინელი კამათი ასტყდა, სწორედ ამ შრომისა და ერთობისათვის არ იცოდნენ როგორ ეშრომნათ და ან როგორ შეერთებულყვნენ. ყველაზე ბევრს, რასაკვირველია, კოდალა, გულცივაძე, თვით თავმჯდომარე, ბესო და სხვა ინტელიგენტი ლაპარაკობდნენ. ამასთანავე მოგვხსენებათ აღამიანის ხასიათიც! ყველა თავისას გაიძახოდა და თითოეული მათგანი მარტო თავის ნათქვამს სთვლიდა სამართლიანად, რისთვისაც თითოეულ ხმას სამოცჯერ ჩამოუტარებდნენ ხოლმე კენქსა, ედგა ერთი ყიჟინა და ღრიანცელი, კარებთან

ატუზულები მალ-მალე აშოშმანებდნენ გაცხარებულ მობაასეთ, აგონებდნენ, რომ ხმაურობით საქმე არ გაკეთდებო.

ამ დროს კრებაზე შემოვიდა მალალ-მალალი და ტან-წკრილი სანდომიანი შეხედულების ყმაწვილი კაცი. პირველადვე ეტყობოდა, რომ მორცხეი უნდა ყოფილიყო. მართლაც შემოვიდა თუ არა კარებში, ყველას მოწინებით საერთო სალაში უძღვნა, ბატონებს ვახლავარო, წაიბურტუტა და მთლად გაწითლებული იქვე, კარებთან აეყუდა, კალმუხის ქუდი იღლიაში ამოიდო და მოწინებით ბოდიში მოიხადა:

— მაპატივეთ, ბატონებო, რომ დავიგვიანე... განა არ მოგეხსენებათ მარტოხელი მედუქნის საქმე... არავენა მუყანდა, რომ დუქანში დამეყენებინა და ვიდრე არ დავკეტე, წამოსვლა ვერ მოვახერხე.

— მედუქნე ვარო, — სთქვა ნიკოლამ და ამასვე მოწმობდა მისი ჩაცმა-დახურვა: იმისი დიბეტის ახალუხი, ვერცხლის ქამარი, საზაფხულო პალაო და მალალყელიან წალებში ჩატანებული განიერი შარვალი. ერთის შეხედვით ყარაჩოხელს მოგაგონებდათ, იმ ყარაჩოხელ ძმა ბიქს, რომელიც ლოთიფოთობაში ჩაფლულა და სველ ხელადას დასძმობილებია. მაგრამ უნდა დაკვირვებოდით ნიკოლას მალალსა და გაშლილს შუბლს, მის სიცოცხლითა და ქკუით საესე თვალებს, მის გულუბრყვილო და უმანკო ლაპარაკს, რომ ამ ყარაჩოხელში თქვენ გეცნოთ ნამდვილი ადამიანი, სულითა და გულით მოყვარე თავისი თანამოძმისა. ყველგან და ყოველთვის მზა, თავისი უკანასკნელი სიცოცხლეც-კი შეეწირა მუშისა და დაჩაგრულ მოძმისათვის. ასეთი გახლდათ ნიკოლა, მაგრამ გარეგნობამ მაინც თავისი გაიტანა და ზოგიერთებმა ტუჩიც კი აიწიეს!.. ამათ რიცხვში რამდენიმე ქალიც ერია, მაგრამ ისეთი კი, რომლებიც ყოველ კრებაზე მარტო კობტაობენ და რომელიმე ყმაწვილ კაცის ენა-პირად გადაიქცევიან ხოლმე...

— განაგრძეთ, თქვენი ჭირიმეთ, — შეეხვეწა ნიკოლა ეროხანს შეჩერებულ კრებასა.

— განვაგრძობთ-კი, ჩემო ძმაო, მაგრამ შენ რა იცი რა თავ პირის მტერევა გვაქვს! — წაიბურტუტუნა თავისთვის ბესომ და იდაყვზე დაყრდნობილმა ყური მიუგდო ბატონ თავიჯდომარეს...

მეტია, ჩემო მკითხველო, აღენიშნოთ თითოეულის ნალაპარაკევი!.. ადვილად წარმოსადგენია რასაც იტყოდნენ: ეს მთა იმ მთას აჯახეს, მთელი ქვეყნის ფილოსოფოსნი და მეცნიერნი შესძრეს და ასსნეს, ერთმანეთს უვიცობა და უვარგისობა შესწამეს, გახვრეტილი ჯიბეებით ქვეყანა გაამდიდრეს და თვით უეციებმა სამშობლო გაანათლეს... ერთი თვალის დახამხამებაზე დააარსეს მოძრავი სამკითხველოები, სათეატრო დასები და სხვა. რაც მუღმივ, დაუღალავ შრომასა და ადამიანის „მეს“ უარის ყოფას სხვა ქვეყნებში გაუკეთებია, აქ ყვირილით და ერთმანეთის გალანძქვით მოახერხეს...

ბევრი, ძალღან ბევრი ილაპარაკა ამ კრებაზე დამსწრე განათლებულმა ახალგაზრდამ, მხოლოდ ხელოსნები ისხდნენ გაჩუმებულნი და ანთებულ სანთელსავით შესსქეროდნენ ორატორებს... იქნება ეძინებოდათ კიდევ, იქნება მასხარადაც იგდებდნენ მოლაპარაკეთა მრავალ სიტყვაობას, როგორც გაიფიქრა კიდევ დათუა გულცივაძემ. მაგრამ არა! აი რა სთქვა ამ კრებაზე, სხვათა შორის, ნიკოლამ:

— ჩენს აზრსა თხოულობთ, ბატონო თავმჯდომარე? მე რა უნდა მოგახსენოთ, ერთი უბრალო, უსწავლელი კაცი ვარ! ნუ შემრისხავთ-კი, თქვენი ჭირიმეთ, თუ უბირი სიტყვა მომივიდეს... ოხ, ნეტა, შემეძლოს ეს ჩემი გული ამოვილო და წინ გადაგიშალოთ, მაშინ გაიგებთ რასა ვფიქრობ, მაშინ წაიკითხავთ ჩემისა და ათასის ჩემისთანას გულის ნადებს. ჩვენ გწყყურიან წინსვლა, ქვეყნის გაგება, ადამიანობა... მე თქვენში, ნასწავლებში, ვხედავ ხსნის იმედსა, მაცხოვარივით გიყურებთ, გაგვიძეხით წინ, კჳა გვასწავლეთ და... სიყრმეს გეფიცებით, ერთი გლახა დუქანი მაქვს და საზოგადო საქმის შემოვავლებ თავსა!.. აჰა, სულითა და გულით თქვენი ყმა ვარ, აბა წინ გაგვიძეხით!—ელექტრონივით დაუარა ამ სიტყვებმა მსმენელთა და გულცივაძისაც-კი გული აუტოკდა. „ბიქოს, ეს რა ყოფილაო,“ სახალხოდ წამოიძახა. მაგრამ კრება სდუმდა და პასუხი ვერა მიეცა რა თავგადადებულ მედუქნისათვის!.. ბოლოს კრება გამოირკვა ბურანისაგან და თითოეულმა წევრმა აღტაცებით ტაში დაუკრა ნიკოლას სიტყვებს...

დასრულდა კრება! თითქოს თავმჯდომარემ იგრძნო რომ

ნიკოლას სამართლიან მოთხოვნილებას—წინ გაძლოლას—კრებაზე დამსწრე განათლებულ ყმაწვილ-კაცობის ბაქიობით ვერას ვუშველითო, ორიოდ სიტყვით გაიპორა წევრთა გადაწყვეტილებანი და კრება დახურულად გამოაცხადა...

### III

სამწუხაროდ, ნიკოლას სიტყვების ზეგაკუნაწუთიერი გამოდგა! მართალია, თითოეულ წევრს გარედ რომ გამოვიდნენ, სახე უღიმოდა, თითქოს კმაყოფილნი არიან, რომ ეს საღამო მუქთად არ დაკარგეს და საზოგადო საქმის მზრუნველობაში გაატარესო, მაგრამ ეს სიამოვნება, ეს ლაღობა უფრო ლამის გრილმა ნიავმა და ფართო ქუჩამ გამოიწვია.

— თქვენ რომელი გზით მიბრძანდებით, ბატონო ტასო... ვნებავთ გაგაცილებთ,—უთხრა გულცივაძემ ტასოსა.

— გმადლობთ! მე კვირიკემ უნდა გამაცილოს, — ზრდილობიანად მოიშორა ტასომ.

— ბოდიშს ვიხდი, რომ არ ზემიძლიან თქვენი სურვილის ისრულება,—სიტყვა ჩამოართვა კვირიკემ.—მართამა მთხოვა ვახშმად.

— მაშ ნუ შესწუხდებით!—ტუჩის კენჭით უთხრა ტასომ კვირიკესა და გამოემშვიდობა. გულში-კი ჰფიქრობდა: „მართა, მართა, რა ეშმაკიაო!“ ამასობაში სხვა ქალებმა მალე იპოვეს გამცილებლები და სიცილ-მხიარულებით წყვილ-წყვილად გაიფანტნენ სხვა-და-სხვა ქუჩაში. დაშორების დროს, წევრებმა ერთმანეთს ღამე მშვიდობისა უსურვეს, კოდალასა და ბესარიონის გარდა, და ქუჩაში მისწყდა წევრთა ფეხის ხმა...

— ესეც შენი კრება! ჰფიქრობდა თავისთვის ბესარიონი; რა გავაკეთეთ, რა ვისწავლეთ, რა გამოვიტანეთ?.. არც აზრი, არც მტკიცე მიმართულება! მაშ რაღა გვექონია?!.. მწარედ ჩაეკითხა ცერცვაძე თავის თავსა და თავჩაქინდრული გაუდგა გზას. ის იყო სახლში შესვლასაც აპირებდა, რომ ნიკოლა წაპოეწია და გამოეხმაურა.

— ბატონო, ბესარიონ!

— შენა, ხარ ნიკოლა?

— მე ვარ, ბატონო, მაგრამ ნუ მიწყენ და ერთი რამე უნდა გკითხოთ.

— ორი ბრძანეთ, ჩემო ბატონო!

— ახლა რა უნდა ექნათ? რომ ვერ მიეხვდი, რითი გავათავეთ ჩენი კრება?— გაუბედავით წარმოსთქვა ნიკოლამ.

— რითი? სწორეთ გითხრა, ნიკოლა, მე შენთვის უნდა მეკითხა.

— ვაი!— გაიკვირვა ნიკოლამ და მცირეოდენი სიჩუმის შემდეგ დაუმატა:— რა ექნა, თუ-კი ნასწივლები არ გვიჩვენებენ გზასა, მაშ ჩვენ, დაბალმა ხალხმა რა უნდა ექნათ. გაიძახიან: ეს გავაკეთოთ, ის გავაკეთოთ, ზოლო საიდან? რა-გორ? ამას კი არავენ ამბობს, მარტო ერთმანეთს სიტყვას პირში აცლიან და ერთმანეთის დამცირებას ცდილობენ. ეჰ! ლამის მაგაშიაც არ მოვსტყუვდე?!

— ეტუობა ჯერ დაუწიფებელი ვართ, — ყრუთ უპასუხა ბესომ და ნიკოლა თავის ბინაზე შეიწვია.

— ოჰ, ნეტა სიტყვას საქმედ ვაქცევდეთ ხოლმე და თუნდა ჩემი საცოცხლე შუა გაიყოს! — გულწრფელად წამოიძახა ნიკოლამ და ორაგენი კარებს ამოეთარენ...

დრო არის მეც დავასვენო ჩემი კალაძი, მაგრამ მეორე გულით მინდა რამდენიმე სიტყვით მოგახსენოთ, რას აკეთებდნენ ჩვენგან ახლად გაცნობილი ყმაწვილები სახლში კრების შემდეგ, იქნება ცნობის მოყვარე მკითხველს ეყურადღებოდეს.

სახელდახელოდ მომზადებულ ვახშამს შემოსხდომოდნენ პირმოცინარე მართა და განათლებული კვირიკე, მადიანად შეექცეოდნენ სუფრაზე მოტანილ სანოვაგეს, ხოლო ერთმანეთს-კი თვალებითა სჰამდნენ. ერთი მათგანი და სახელდობრ კვირიკე, ოსტატურად იქცეოდა. მისი გამოცდილება ისხლეტდა მართას მიერ ეშხით ნასროლ კეკლუცობას და გულამდის არ უშვებდა, თუცა თავი-კი ისე ექარა კვირიკეს, თითქოს ეს არის ამ წუთში სიყვარულს გამოუცხადებს ამის მომლოდინე მართასო და სხვა ქალებს პირში ჩალა გამოვლებულს დასტოვებსო. მაგრამ, ეშმაკად, ასე არა ხდებოდა!.. ერთმანეთის ქებაში სანოვაგე სუფრიდან ნელ-ნელად ჰქრებოდა და მეორე ოთახიდან რომ ხვრინვის ხმა არ მოდენილიყო, ჩვენ მოარშიყეთ კიდევაც გადაავიწყდებოდათ, რომ საათმა ორჯერ ჩამორეკა. დაავიწყდებოდათ ისე, როგორც დაავიწყდათ კრება და მისი წევრები!..

ნახევრად დაბნელებულ ოთახში ფეხ-აკრეფით შეიპარა ტასო დიდგულაძე და კედლის სარკის წინ ტანისამოსის გახდა დაიწყო... სახეზე უკმაყოფილების ღრუბელი გადაჰკეროდა.

რითი მჯობია მართა, რომ სულ იმას ელაპარაკებოდა ი კვირიკეა თუ რაღაცა... გაიფიქრა ტასომ, როდესაც გულგადაღებულ სასაქეში თავის სახეს დააკვირდა.

— მოხერხებით!..—თითონვე უპასუხა ტასომ და დაფიქრდა... ვინ იცის როდის გამოერყევოდა ტასო კვირიკესა და მართაზე ფიქრისაგან, იმის დედას რომ არ გამოღვიძებოდა და დაბალი ხმით არ ეკითხა:

— მოხვედი, შვილო, ხომ მოკვდი უძილობით, შე დედა-მკედარო!

— რა დროს ძილია, დედი!—ამის მეტი ვერა უპასუხა რა დედას ფიქრისა და სიმწარისაგან გაბრაზებულმა ტასომ.

კრებაზე მყოფი ხელოსნები მკვდრებივით მიწვნენ თავთავის საწოლზე და დაღალულებს მალეც დაეძინათ. მხოლოდ ძილში არეული სიზმრები ეზმანებოდათ და მწარედ გმინავდნენ..

გულცივაძე და კოდალა ის იყო დასაძინებლათ ემზადებოდნენ (ამ ღამეს ერთად იყვნენ), მაგრამ დათუას ჯერ სიცილი არ გაეთავებინა: მოდათაა კრება, რას იზამ?—ხითხითებდა უდარდელად გულცივაძე...—მაგრამ კვირიკესთანა ქეიფში მაინც არაფერ არის, თაიგულია ჩვენის ქალებისა! უხანსად გადაჰკრა ქალებს დათუამ და ლოგინში ჩაწოლილს კოდალას უღიტიანა.

— დაიცა, შე ოჯახქორო!—წაშოიძახა კოდალამ. მე კიდევ ი ვილაც ბესარიონია, იმაზედ ვფიქრობდი—და მერე ნიშნის მოგვებით დაუმატა:—ჰე! კბილებში ქაფი ვადინე თუ არა!

— აბა, შენთან ის რას მოვიდოდა!—გააწყვეტინა დათუამ. კაცო, ნუთუ არ იცი, რომ შენ ცალიერი გოგრა ხარ!—გაეხუნრა გულცივაძე და მოჰყვა ხარხარს. ბევრ ხანს იოხუნჯა დათუამ, ერთი ორჯელ კოდალასაც მიუწოდა, მაგრამ დიდთავამ ხერინვით-ლა უპასუხა.

— ეშმაკებო, მაშ მიიღეთ ხვალამდისინ ჩემი ცოდვილი სულიცაო!—სთქვა დათუამ და ისიც ლოგინში ჩაწვა.

პეტრე ბრუციანიშვილი დინჯად მიდიოდ-მოდიოდა ოთა—

ის ერთი კუთხიდან მეორემდე და რაღაცას ფიქრობდა... შაგრამ, უკაცრავად, მგონი თქვენთვის არ გამიცნია ეს ყმაწვილი კაცი? რაქნა, კრებაზე ხმა არ ამოუღია და მეც გონებიდან გადამივარდა.

ეს იყო მეტის-მეტრ ჩუმი ყმაწვილი. სადაც უნდა ყოფილიყო, ხმას არ ამოიღებდა, მხოლოდ თვალეხ დაქვეტილი ერთ სიტყვას არ გამოაპარებდა სხვის ნალაპარაკევიდან და კმაყოფილებისა ან უკმაყოფილების ნიშნად ხან დაიზმუვლებდა, ხან თავს გაიქნევ-გამოიქნევდა ხოლმე. ეს იყო მთელი მისი მჭერმეტყველობა—ჭკუის გამოჩენა, თუმცა „რიგიან ყმაწვილ-კაცად“ იხსენიებოდა... რაც ზევითა სჩანდა ბრუციანიშვილი, ხუთი იმოდენა მიწაში დაძვრებოდა, ღვთის წინაშე არაეის წყენაში კი არ შედიოდა და თავის სიცოცხლეს მარტო ქალებზე ფიქრში ატარებდა, როგორც ემანსიპაციის მომხრე, რასაკვირველია. ყველა ქალი მოსწონდა და ყველას დასაძმობილებლადაც მზად იყო, ეხლა-კი ბრაზი მოსდიოდა, რატომ მართა, ტასო და სხვა ქალები მე კი არ მაქცევდნენ ყურადღებასო. ეს ჰკლავდა, ეს აწუხებდა და კრება არც კი მოჰგონებია.

არც სათვალეებიანი ყმაწვილი იყო მოსვენებით! თუ ბრუციანიშვილი დინჯად მიდი-მოდოდა კედლიდგან-კედლამდის, სათვალეებიანი ფეთიანივით მირბი-მორბოდა და სულ ლოთივით იფურთხებოდა: კრებაზე მყოფნი არ მოსწონდა.

ჩვენ წაცნობებში, ისევ ისე ნიკოლა და ბესო დადხანს ლაპარაკობდნენ კრების შესახებ და როგორც თავისა, ისე საერთოდ, ყველას უსაკმურობა-უვარგისობის გამო გული მოსდიოდათ.



## ო ლ ო ნ ლ ა ს

პატარა ამბავი

— სად მიხვალ, გენო?

— ასე... ზევით. შენა?

— მე კიდევ ასე... ქვევით.

ამ სიტყვებით შეხვდნენ ერთმანეთს გენო დონაძე და ალექსი ცეცხლაშვილი თბილისის ერთ-ერთ ქუჩაზე. ცოტა ხანს კიდევ შეჩერდნენ, რამდენჯერმე უაზროთ გაუღიმეს ერთმანეთს და გაიყარენ. გენო ფეხაჩქარებით გაუდგა თავის გზას, ხოლო ალექსი ერთ ხანს შედგა, თვალი გაადევნა ზევითვე მიმავალ ერთ კოხტა ქალს, რომელიც მწყერივით მიგოგმანებდა, და ღიღინით გასწია.

— განა ასეთი შეხვედრა გემართებდა ორ ძველ მეგობარს?—დაეკითხა აჩქარებით მიმავალი გენო თავის თავს და ნწარეთ ჩაიცინა,—მაგრამ ან კი რაღა გვაქვს საერთო? ეგ მდიდარი, გალალებული; მე კი... ლუკმა პურის მაძიებელი, გლახაკი! ოხ, ცხოვრებაო, ცხოვრებაო!—ამოიგმინა გენომ და ისევ ფიქრებში გაება. ერთ წუთს თვალ წინ წარმოუდგა თავისი სიყმაწვილე, ტანჯვა-წვალეებით გატარებული სამოსწავლო დრო, ამხანაგები, ტკბილი იმედები და ამ შუა ქუჩაზე გაჟივით გადაიხარხარა.

— ხა, ხა, ხა! მამულიშვილობა, მოყვასის სიყვარული! რა მაღალ ფარდოვანი სიტყვებია! და ჩვენც ხომ მაშინ ამ ცალიერი სიტყვებით ვიკვებებოდით. მერე ცხოვრება, მისი მრავალფერობა კი რატომ არ გვაგონდებოდა?—წაილაპარაკა კიდევ გენომ და აქეთ-იქით მიიხედ-მოიხედა, თითქოს ვისგანმე პასუხს მოეღისო, მაგრამ გენოს ჯავრი არავისა ჰქონდა, ყველა თავის საქმეზე მიეშურებოდა. ეტლების რახა-რუხით ყურთა სმენა არ იყო, ხოლო ფეხით მოსიარულეთათვის ხომ ყოველ ნაბიჯზე გვერდი უნდა აექცია მწარეთ დაფიქრებულ გენოს, თორემ პასუხის ნაცვლათ კაი ლაზათიან მუჯღუგუნებს მიიღებდა. მირბოდა ყველა. მიეშურებოდა დონაძეც,

შაგრამ სად? რისთვის? თითონაც გადაქრით ვერას გიპასუხებდათ.

ეტლების და ხალხთა ხმაურობას უცბათ რაღაც ღმუილი მიემატა და გენო ფიქრებიდან გამოარკვია. საზარლად ბლანდა ქარხნის საყვირი და შავად ალანძული მუშები ნელ-ნელა გამოდიოდნენ ქარხნის კარებიდან. გენომ მწარედ ამოიოხრა და იქვე, ქარხნის პირდაპირ, ამართულ ვებერთელა შენობისაკენ შეუხვია. რამდენჯერმე გაუარ-გამოუარა დონაძემ სიგრძე-სიგანეზე ამ შენობას, რამდენჯერმე ახედ-დახედა თავით-ბოლომდის, ბოლოს გამობრუნებაც კი დააპირა, მაგრამ გული გაიმაგრა და გაფითრებული სახით კიბეს შეუდგა.

— ვინა ხარ, ან აქ რათ მოსულხარ?—ხრინწიანი ხმით დაეკითხა კარის გუშაგი გენო დონაძეს, როდესაც კიბის თავზე მოექცა და აკანკალებული ხელით კარების გაღება დააპირა.

— მე?... საქმე მაქვს.—ყრუთ უპასუხა გენომ და კარებს მიაწვა.

— მოითმინეთ-მეთქი? — დასქყივლა კარისმცველმა და მკლავში ხელი წაავლო.

— რა გნებავთ? — გაჯავრებით შეუტია გენომ.

— რა მნებავს რომელია! თუ წერა-კითხვა არ იცი, დამეკითხე მაინც, შეიძლება თუ არა ამ —კარებში შესვლა,— გაჯავრებითვე გააწყვეტინა სიტყვა გუშაგმა და კარებზე გაქრულ ქაღალდზე მიუთითა. იქ ეწერა:

„უცხოთათვის შესვლა აკრძალულია“.

— უკაცრავათ! აბა, მაშ მითხარი: სად შეიძლება უფროსის ნახვა?—წაილულლულა გენომ.

— უფროსი ჯერ არ მოსულა.—უკმეხათ უპასუხა მოსამსახურემ.

— არ მოსულა?

— დიახ, არ მოსულა. ახლა თორმეტი საათია და უფროსი კი პირველის ნახევარზე, ხან პირველ საათზე მობრძანდება ხოლმე,—თითქოს დასცინისო ისეთი კილოთი თქვა კარისმცველმა და გენო თავით-ფეხებამდის აათვალეირ-ჩაათვალეირა.

რას მიყურებ?—აიმრიზა დონაძე.

— უთუოთ ადგილის სათხოვნელად მოხვიდოდით... ხომ აგრება?..— ეშმაკური ღიმილით შეეკითხა კარისმცველი.

— მერე შენ რაში გეკითხება, რისთვისაც მოვედი? შენ მოვალეობაა კარებთან იყო გაჩერებული და მომსვლელებს კარები გაუღო ხოლმე.— შეუტია გენომ.

— ჩემი მოვალეობა შენზე კარგად მესმის,— ღრეკით ჩამოართვა სიტყვა მოსამსახურემ,— მაგრამ ისიც კარგად ვიცი რომ...

— რა რომ?

— რომ ჩვენ თავისუფალი ადგილები არა გვაქვს.

გენოს გული მოუვიდა კარისკაცის უკმებ და მედიდურ ვამომეტყველებახე და გესლიანათ დაეკითხა:

— შენ ეს მითხარი, უფროსი რომ იგვიანებს, თავის თანამდებობას შენ ხომ არ გადმოგცემს ხოლმე?

— რაო— დაუბღვირა კარისკაცმა.

გენოს ხმა აღარ გაუცია. ჯიბეებში ხელები ჩაიწყო, გაჯავრებით გაიარ-გამოიარა.

მართლაც, ოვისაც კი შემთხვევა ჰქონია სხვადასხვა კანცელარიებში სიარულისა ის ადვილად წარმოიდგენს, რა უდიერადა და მტრულად იქცევიან, არამც თუ მოხელენი, არამედ თვით უბრალო „სტოროკებიც“ კი. ასევე უდიერად მოექცა ეს მოსამსახურე გენო დონაძესაც, რაკი შეატყო, რომ ხამი, გაუბედავი მთხოვნელი იყო. ან რა ურიგობა იქნებოდა, რომ თავის მედიდურობით „ნავოტკი“-ც გამოეცინცლა. გენომ ძალიან კარგად იცოდა კარისკაცების მუცლის ტკივილი, იცოდა რომ ერთი-ორი შაური თამამად გაუღებდა უფროსის კარებს, მაგრამ... ორი შაური რომა ჰქონოდა, ერთი ღლით კიდევ გადასდებდა აქ მოსვლას და მათხოვარასავით, მისთვის სრულიად უცნობის და ერთის მხრით, უსიამოვნო კაცის კარების წინ არ აეყუდებოდა.

ღიდ ხანს მიდი-მოდიოდა გულზე-მოსული დონაძე ერთი კუთხიდან მეორემდის და თავისთვის ბუზღუნებდა.

კარისკაცი ასასივით გაჩერებულიყო და ქვეშ-ქვეშ გაცქიროდა დონაძეს. უყურა, უყურა კარისმცველმა და რომ აღარ გამოდნა რა, ეშმაკური ღიმილით შეეხმაურა.

— პაპიროსი ხომ მაინც არა გაქვთ?

— არა მაქვს!—ყრუთ უპასუხა გენომ.

— ეს კი ცუდია!—დაიკვნესა კარისკაცმა.

— აბა, გაიგე მოვიდა თუ არა უფროსი.—სთქვა მოთმინებიდან გამოსულმა დონაძემ.

— აი, ეგ მესმის! აი ეგ კარგია!—დაურიდებლად წამოიძახა კარისკაცმა და გვერდის კარში გავიდა. გენომ გულიანად გაიციინა და კარისკაცს თვალი გააყოლა. მაგრამ ვიღრე სამართლიან მსჯავრს დასდებდა კარისმცველის მოქმედება-გულისთქმას, ის ისევ შემობრუნდა და თითქო ბოდის ითხოვსო, მოწიწებით მოახსენა:—ბოდიში! აკი უკანა კარებიდან არ მოსულა ჩვენი უფროსი! მითხარი შენი გვარი, რომ ახლავე მოვახსენო. (კარისკაცმა ალბათ, კარგად იცოდა რომ ბევრი დრო მოუნდებოდა აქ ხეტიალს და მიტომ ასე გულიანად მოეკიდა საქმეს).

— ჩემი გვარი? დონაძეა,—ამოიძახა გენომ.

კარისკაცმა მძიმეთ შეალო ის კარები, ძრწოლით გადააბიჯა კარის კარაპანს და ბოხი ხმით შესძახა:

— ბატონო, დონაძე გეახლათ!

უფროსმა ყურადღება არც კი მიაქცია კარისკაცის ლულულს და ჩვეულებრივად ანიშნა—მოვიდესო.

უფროსის დანახვაზე გენო სულ კანკალმა აიტანა და პირში ნერწყვი გაუშრა. მოგეხსენებათ სითამამე, ენა-მაკრატელობა ერთგვარი ნიქია და ბედნიერიც არის ის კაცი, ვისაც ამ გვარ შემთხვევაში ენა უქრის და სითამამე სწყალობს. ვინაიდან ხშირად ენის კარტალი და გამბედაობა ჰფარავს ხოლმე ადამიანის უშინაარსობას და რაც უნდა ფუყე გულ-გონებისა იყოს, მოხოვნელია იგი თუ მობაასე, განვითარებულად მოგეჩვენებათ, პირველ ხანებში მაინც, და ადგილის შოვნის დროს ხომ პირველ შთაბეჭდილებას დიდი მნიშვნელობა აქვს... დონაძე კი მკვერ-მეტყველობის მხრივ ძალზე სუსტობდა და არამც თუ ენამეტყველობა ვერ გამოეჩინა, პირიქით რაც სათქმელათ განამზადა, ისიც კი დააფიწყდა...

ხბოსავით გაჩერდა გენო და უფროსის გამოლაპარაკებას ელოდა.

— ეინა, ხართ? რა გნებავთ?—როდის, როდის დაეკითხა უფროსი და მოციმციმე თვალები შეანათა.

— მე... ბატონო... გაიხელით, რომ იქნება რაიმე ადგილი მიბოძოთ. მე...

— სად გისწავლია?—სიტყვა გააწყვეტინა უფროსმა.

— საშუალო სასწავლებელში.

— რა რჯულისა ხართ?—დაეკითხა უფროსი.

— მართლმადიდებლის ეკლესიის წესით გახლავართ მონათლული.

სიჩუმე ჩამოვარდა, როშლის განმავლობაშიაც უფროსი ფაცხა-ფუტხით ჯღაბნიდა ქალაქის ბოლოებს: თავის გეარს აწერდა.

— ნაცნობი გყავთ ვინმე?—კვლავ ჰკითხა უფროსმა.

— არა, ბატონო, მაგრამ გარწმუნებთ, რომ ჩემი ნაცნობი, ჩემი პროტექტორი ჩენი შრომა იქნება.—ძლივსძლივობით წამოიკნავლა გენომ.

— ძალიან კარგი, მაგრამ ქუჩიდან ხომ არ ავიყვანთ ხალხსა, უნდა ვიცოდეთ თუ არა, ვის ვიღებთ სამსახურში?

— მე, ბატონო, მოწმობა მაქვს.

— მარტო მოწმობა არა კმარა. კაცი ყოველი მხრიდან კეთილსაიმედო უნდა იყოს! — დიდმნიშვნეულად დააბოლოვა უფროსმა და ისევ ქალაქებს მიუბრუნდა.

— კეთილკაცობა ადამიანურ მოპყრობაზედაც არის დამოკიდებული... მე თქვენ გთხოვთ მომცეთ რაიმე სამუშაო, თუ არა და ნება მიბოძეთ თავი დაგანებოთ.—ხმადებლა უთხრა გენომ და თვალები აემღვრა, ძალიან კარგად მიხვდა, რომ ადგილს ვერ იშოვიდა.

უფროსმა შეატყუო გენოს ამღვრევა და ცოტა არ იყოს რბილი ხმით უთხრა:

— სამწუხაროთ, ყმაწვილო კაცო, ამ თამად ადგილი არა მაქვს, ერთი კვირის შემდეგ შემოიარეთ, იქნება მანამდის...

— დიდი მადლობელი ვარ... ამ ერთ კვირაში თუ მშიერი არ მოვეკვდი, იქით კვირა აღარც კი შეგაწუხებთ...—გესლიანად გააწყვეტინა ლაპარაკი გენომ და გველნაკბენსავით უკან გამობრუნდა...

— რაიო?—დაეკითხა კარისკაცი დერეფანში გამოსულ დო-

წამეს, მაგრამ გენოს უკან აღარც კი მიუხედნია. თქაფა-თქუფით დაეშვა კიბეზე და უგზო-უკვლოდ მოედო ქალაქის ქუჩებს.

პირველი და უკანასკნელი არ იყო გენოსათვის მისი უზროთ კარის-კარ ხეტიალი და სამუშაოს ძებნა. მაგრამ ამ ეამად მოთმინება სულ მთლად დაჰკარგა და გიქსავით ბრაზობდა.

— აშენდა საქართველო, თუ გამაძლარი თანამედროვე „თათქარიძეები“ ტახტზე არხეინათ გორაობენ და მდიდარ კაზინეტებში თავ-ბრუ დასხმულნი, პატრიოტულ ლექსებს გვიძღვნიან. ეჰ, რა თქვას კაცმა! გზა, გზა მიეცით, ბატონებო, მშრომელ ახალგაზრდობას, ნუ უხშობთ კეთილ მისწრაფებას, მაგრამ... თითოეულს ჩვენგანს პირადობის მეტი აღარა გვახსოვს-რა. ეხ, შავ-წყალსაც უზიდნივარ, თუ კი ლუქმა პურის ძებნაში უნდა ამომძვრეს სული! — მწარე ამოოხვრით დააბოლოვა გენომ მწარევე ფიქრები და თავ-ჩაქინდრული, გულმოკლული შინისკენ გაემურა.

## II

თბილისის ერთ მიყრუებულ ქუჩაზე და ბინძურ ეზოში, სხვათა შორის, ერთი პატარა ორთვალის სახლიც დგას. დაჩაგრულ კაცივით ამოჰფარებია ეს სახლი მის წინ აგებულ უზარმაზარ შენობას და საცოდავად მოკრუნჩხული ბოსელს უფრო ჰგავს, ვიდრე ადამიანთა საცხოვრებელ ბინას. წინ ამ სახლებს პატარა, აგურის იატაკიანი, მოაჯირი აქვს მოდგმული და უამისოდაც დაღვრემილი, მეტათ ჩაბნელებულია. მზე ათასში ერთხელ თუ მიადგება ხოლმე და ისიც ძალიან ცოტა ხნით... ყარს მთელი ეზო, მაგრამ ამისი ჯაფრი არ აწუხებთ სახლის პატრონებს. თითონ ქუჩიდან აქეთ შესავეალი, რომლის ლამაზ კარებზედაც თუნუქის გაპრიალებული ფიცარია მიკრული, სახლის პატრონის სახელისა და გვარის ზედ-წარწერით. იქნება ისე გავიდეს ხოლმე კვირეები და ხშირად თვეეზიცა, რომ ეზოში ერთხელაც არ გადაიხედონ დიასახლისმა და ჩისმა ლანაზმა ქალიშვილებმა, მხოლოდ სახლის პატრონი ფეხში ერო ხელ (და თუ სახლის ქირა დაუგვიანეს, თითქმის უოველდღე) შცმევა ხოლმე ამ ეზოში, პირდაპირ გასწევს

მდგმურისაკენ და ფულსა სთხოვს. მეტი არა იცის რა. "მართალია ზერალი სუნი კი ეცემა ხოლმე ცხვირში, მაგრამ აგრე რიგათ ყურს არ იბერტყავს, ვინაიდან იგი სირაჯხანაში გახლავთ გაზრდილი და ვინ იცის რამდენჯერ სძინებია ავლაბრის მყრალ დუქნებში, მყრალ რუმბების გვერდით და განა ამისთანა კაცს გაუყვირდება რამე?"

ნაშუადღევის საზი საათი იქნებოდა, როდესაც ჩვენგან დასახელებულ პატარა სახლის მოაჯირს ერთი ახალგაზრდა მანდილოსანი გადმოიყუდა და ნაღვლიანად ქიშკრისაკენ ყურება დაიწყო. მალე მის გვერდით ორი ბავშვი აიტუზა და დედას კაბის კალთებზე მოეკიდა.

— დედა, დედილო! კმ... კმ... — სლუქუნებდნენ ბავშვები.

დაღონებულ-დაძმარებული დედა დიდხანს ყურადღებას არ აქცევდა ბავშვებს, მაგრამ საკმე რომ გაუჭირვეს, მეტი ღონე აღარ იყო, ხმა უნდა გაეცა.

— რა გინდათ გენაცვალოთ დედა?—აღერსიანათ შეეკითხა შვილებს.

— პური გეშოიან, გვაჭამე!—ერთხმად წამოიძახეს ბავშვებმა.

— იქნება მართლა! უი, ის საძაგელი ჩიტი, დახე როგორ მოუტყუებებივარ! აი, აი, აი,—ღიმილით გაეხუმრა დედა და რომ ცოტა კიდევ შეეოკებინა, ვითომ და გაკვირვებით დაუწყო ბავშვებს ცქერა.

ბავშვებიც განცვიფრდნენ და ერთ-ხანს გაჩუმდნენ. გულდათუთქული დედა-კი ისევ ფიქრებში გაება.

— დედილო!..—კიდევ დაიზმუქუნა უმცროსმა ბავშვმა.

— დედა!—ბანი მისცა მეორემაც.

— ბნედა და სიკვდილი! რა მოგივიდათ!—გაჯავრებით წამოიძახა და თვალზე სიმწრის ცრემლი მოადგა. ქეთოს სრულიადაც არ უნდოდა ბავშვების დაწყევლა, მაგრამ შავი ფიქრებისაგან გულზე მოწოლილი ბოღმა წყველით მოიოხა. ბავშვებმა შუბლ-ქვეშიდან შეხედეს დედას და კვლავ ხმა დაბლა გაუმეორეს:

— პური გეშოია! ჩვენი დედილო არა ხარ, რა არის ახლა რომ გვაჭამო?!

— აკი, ვამბობ, გენაცვალოთ დედა, ჩიტმა შითხრა-მეთ-

ქი, რაომ არ შიანთო. მართალია?—მოუტკბილა ხმას ქეთომ და კვლავ მწარედ ამოიოხრა.

— არა, დედა არ მომიკედეს, მშია!—ამოიგმინა უმცროსმა—

— მეცა მშია, დედა, ღმერთმანი, —კვერი დაუკრა უფროსმაც.

— აჟი გეუბნებით ფიცილი ნუ იციტ-მეთქი, თქვე საძაგლებო.—სიტყვა ბანზე აუგდო დედამ შეილებს.

— ეი, თუ კი გვშია რა!—ერთხმათ წამოიძახეს ბავშვებმა და უარესად მოებლაუქენ კალთებზე და თანაც განუწყვეტლივ შესძახოდნენ:

— დედა, დედილო, დედა... ჰმ... ჰმ...

ტყუილათ ცდილობდა საბრალო დედა ბავშვების რამენაირათ გართობას. ბევრგვარი ხერხიც მოიგონა, მაგრამ მშიერ ბავშვებზე ვერაფერი გააწყო.

— უი, მოგიკედეთ. თქვენი დედა, მაშ, გშიათ, გშიათ!?!—ათი ათასჯერ ეკითხებოდა დედა და თან მოუთმენლად გზისკენ იყურებოდა. ბოლოს თითქოს რაღაც მოაგონდაო, მწარეთ ჩაიცინა, ბავშვებს მიეაღერსა და უკანასკნელ ხერხსაც მიჰმართა.

— პურს როგორ არ გაქმევთ, აბა, მაგის გულისათვის როგორა სლუქუნებთ,—საგრძობელი კილოთი დაიწყო ქეთომ, მაგრამ ზამას არ უნდა მოეუცადოთ? აი, გიგლა, უყურე ამ მოაჯირსა, როცა მზე ამ ადგილას არ წამოდგება (ქეთომ ბრჩხილით გაჩაზა), სწორეთ მაშინ მოვა მამა თქვენი და სუფრასაც გავშლით.

— დილილზე!—ერთხმათ წამოიძახეს ბავშვებმა და დანიშნულ ადგილას თვალი აღარ მოაშორეს. დედა კი შებრუნდა ოთახში, დაპა-ლუპით მწარე კრემლები გადმოჰყარა თვალთაგან და ნაღვლიანათ წარმოსთქვა:

— ოხ, გენო, გენო, დაიწვი ამ ბავშვების ცოდვით, თორემ მე ჯანიც გამეარდნია!

მკითხველი მიხვდებოდა, რომ ეს ქალი გენოს ცოლი უნდა ყოფილიყო, ხოლო ბავშვები—მისი შვილები. დიად, გენოსულ ყმაწვილი კაცი იყო, მაგრამ მალე დაცოლშვილდა და მით უფრო გაპირვებაში ჩავარდა. უკანასკნელ ხანებში ასე შეეკრა ფულის საშოვარის გზა და კვალი, რომ მშრალ პურსაც ვეღარ ყიდულა. ბდა ბავშვების გამოსაკვებათ და ხშირად



შველი დღეობით უსადილონი ისხდნენ ხოლმე... ამ დღესაც, როდესაც გენო კვლავ გაეპართა ადგილის საშოვნელათ, სახლში ერთი გროშიც არ დაუტოვებია. რაც პური ჰქონდა ქეთომ დილითვე შეაქამა ბავშვებს და თითონაც მშვიერი, გულგადაღებული მოელოდა გენოს. ხოლო ბავშვებს ატყუებდა და ტკბილი სიტყვებით ათათბირებდა.

მზემ წამოიწია და გახაზულ ადგილს მოუახლოვდა, ბავშვებმა სიხარულით ხტუნვა დაიწყეს და დედასთან შეცვივნენ. გულამომჯდარმა დედამ აღარ იცოდა, რა მოეგონებინა და ის-ის იყო ბავშვებზე უარესათ თითონვე ატირდებოდა, მაგრამ ამ დროს გენოც ეზოში შემოვიდა.

სიარულისაგან დაღალულს ოფლი წურ-წურით ჩამოსდიოდა, სახე დაღაროდა და გაფითრებულს მომაკვდავის ფერი დასდებოდა.

— რა ქენი, კაცო?—სახლში შესვლისთანავე მიიძახა ცოლმა, თუმცა კი მის თვალეზში ყველაფერი ნათლად ამოიკითხა.

— არაფერი, ჩემო კარგო... განა არ იცი?—ყრულ უპასუხა გენომ და მისკენ გაქანებულ ბავშვებს მიუალერსა.

— მოხვედი, მამილო...—ატიკტიკდნენ პატარები.—დედამ უშენოთ პური როდი გვაქამაა! ისეთი კი მშია, ისეთი, რომა...—აღარ ისვენებდა გიგლა.

— მართლა, მიდი ერთი ფურნეში პური გამოართვი. თავპირი მომაქამეს ამ საძაგლებმა, აქამდის რის ვაი-ვაგლახიჯ დავიოკე, ე დედამკვდრები,—გაუბედავათ უთხრა ქეთომ და ქმრის გასამზნეველათ დაუმატა:

— არა უშავს რა, ღმერთი მოწყალეა. იქნება როგორმე გამოკეთდეს ჩვენი საქმე.

— ღმერთი, ხომ ღმერთია, ჩემო კეთილო, მაგრამ გაავზნებულ ხალხს კი ყველაფერი დავიწყებია,—ნაღვლიანი კილოთი ჩამოართვა სიტყვა გენომ და ამოოხვრით განაგრძო:

— ეჰ, ლარიბი კაცის ცხოვრება, მარტოოდენ დამცირებაა!

— ოღონდაც!—თავისდა უნებურათ წამოიძახა ქეთომ და ათიქოს თავისსავე სულმოკლეობისა შერცხვავო, სანდომიანათ გაიღიმა და გენოს კიდევ თხოვნა გაუმეორა.

გენომ ფრთხილად ჩამოსხა მის მუხლებზე შემსხდარი ბავშვები, ერთი მწარეთ ამოიოხრა და ფურნისაკენ გასწია.

ფურნე შორს არ იყო, მაგრამ თითქმის ერთი თვე იქნებოდა, რაც გენო ნისიათ ხარჯავდა პურს და ახლაც რომ უფულოთ მიდიოდა, ფეხები უკან რჩებოდა. როდის, როდის მივიდა მეფურნესთან და უთხრა:

— თომა, აბა, სამი გირვანქა პური კიდეე მომეცი, შენი კირიმე.. მაპატიე, გეთაყვა, რომ ამდენი ხანია ნისიათ მიმაქვს, ღმერთმა ხომ იცის, მე შენ ფულებს არ შევქამ. დარწმუნებული იყავი...—გაუბედავით უთხრა გენომ მეფურნეს და თვალი ვერ გაუშტერა. თომა—მეფურნე ზღანზვით წამოდგა, აუწონა სამი გირვანქა პური, გადმოუღო დაზგახე და თან დაატანა:

— თუ არ შექამ, ხომ კარგი, თუ არა და...—ჩაყლაპა სიტყვები თომამ და წარბ შეკვრით შეხედა.

ლახვარივით მოხვდა გენოს ეს სიტყვები გულში და მწარეთ ამოიოხრა.

— აბა, რათ უნდა მაგას შენი სინდისი, შენი პატიოსნება... შენ ფულები, ფულები მიეცი!—წაილულლულა გენომ და ბარბაცით ახლა მეწვრილმანის დუქანში შეუხვია.

— შენი კირიმე, არტემ, გირვანქა ნახევარი ძეხვი და ერთი პაჩკა თუთუნი მომეცი. ღმერთმა ხომ იცის, მე შენ ფულებს არ შევქამ... მალე გადაგიხდი,—ბუტბუტებდა გენო გაზეპირებულ სიტყვებს.

— ეს ხომ მალე-მალეა, მაგრამ უსურში ერთი ეს ვიკითხოთ, როდის იქნება ეს „მალე“ ჰა, გენო! კი არა გეწყინოსრა, შენი სულს კირიმე, მე ისე მოგახსენებ,—უთხრა მეწვრილმანენაც, მაგრამ გენომ კარგად იგრძნო, რომ „ისე“ არას მოახსენებდა და სულ გული მოუკვდა. ან კი რაღა ეთქმოდა? უსიტყვოთ დაავლო ხელი ნაეაქრს და გაწითლებულმა სახლს წაიშურა.

— რა ვქნა, სად წავიდე, ვის მიემართო? ან კი სირცხვილი არ არის ჯანსაღმა კაცმა მათხოვრობა დავიწყო?—ეკითხებოდა გენო თავის თავს და თან სიმწრის ღიმილი სახეზე არა შორდებოდა.

— მაგრამ ან კი ვინ დაიჯერებს, რომ ასე გაკირვებული ვარ. როგორ დააჯერებ ჩვენ ინტელიგენტებს, რომ სხვის ხელ-ფეხებად ვართ გადაქცეული და ძალაუნებურათ, მარტო

ლუკმა ჰურისათვის, ყველა დამცირება უნდა ვიკადროთ-  
ყველა შენი დამამცირებელია! რათა, აზიტომ რომ... საზი-  
ზლარი ლითონი გაბატონდა და ცხოვრებაში იდეალისტობას  
ბაზარი აღარა აქვს.. ხომ აგრეა, ჩემო ძვირფასო მეუღლე,  
—კარის კარაპანიდანვე შესძახა ცოლს, და ნაეპკრი ტახტზე  
გადაისროლა.

— რა მოგივიდა კაცო?!—გაკვირვებით გამოსძახა ცოლმა.

— ის მომივიდა, რომ ყველანი მატყუარა, წხდალი, მში-  
შარა, ეგოისტები და გაუტანლები ვართ. უსიცოცხლოთ, მლი-  
ქნელობაში ვატარებთ წუთასოფელს და ეროხელაც არ ვე-  
კითხებით ჩვენ თავს, რათ იტანჯება ცხრა წეთედი კაცო-  
ბრიობისა, როდესაც ბუნება და მისი სიმდიდრე ყველასთვის  
არის შექმნილი. რათ ვიზრდებით მაიმუნებათ, როდესაც ადა-  
მიანები უნდა ვიყოთ.

— ოჰო, ჩემო კეთილო, ძალიან დაამლაშე!—ლიმილით შე-  
ნიშნა ქეთოპ.

— დავამლაშე? ნუთუ?..—შუბლიდან ოფლის მოწმენდით გა-  
მოელაპარაკა გენო და მცირეოდენ სიჩუმეს შემდეგ დაუმატა...

— შეიძლება დავამლაშე კიდევ, მაგრამ უმრავლესობა რომ  
ანგარიშიუტყემლად აღონლილებს თავის სიცოხლეს, ამაში  
კი ექვი არა მჯექს.

— ოღონდაც! ჩემო გენო, მაგრამ...

— მაგრამ... დრო არის, დრო უმრავლესობა ჩაუკვირდეს  
თავის მდგომარეობას და კარგად, კარგად დაფიქრდეს...—სი-  
ტყუა ჩამოართვა გენომ თავის ცოლს და სამარესავით დაღუშდა.

გაკვირვებას ორგვარი ზეგავლენა აქვს ადაძიანზე. ზოგს  
სულ მთლად ანადგურებს, მხეცად ხდის. ზოგს კი გულის ხმა-  
ში აგდებს და აფიქრებს... გენოზე მეორე გვარი გავლენა  
იქონია და ერთი ორი თვის უწვევრვალესმა გაკვირვებამ,  
ხოლო წინა დროის სიღარიბემ სულ მთლად ააჟორიაქა გე-  
ნოს გულისთქმა და ათასგვარი საკირ-ბოროტო საკითხი და-  
ეზადა. საკეთილაზროვნოთ მოიმართა მისი გონება და გულიც  
იმდენად შეწვედა, რომ რაიმე გადაწყვეტილ მიმართულებას  
დადგომოდა. მაგრამ ჯერ კი ვერ დალაგებულყო და ძველ  
რწმენა-შეხედულებას, ბავშობითვე შეთვისებულ ჩვეულებას  
სასტიკი ბრძოლა გაემართათ მის არსებაში.

— მოდი, რალა, მამილო, პტრი არა გშია?—მოუთმენლათ ახმაურდა გიგლა, როდესაც ქეთომ სუფრა გაშალა და შეილებს ძეხვის ნაქრები დაურიგა.

— მოვალ, შვილო, მოვალ,—უპასუხა გენომ და ქეთოს გვერდით მოუჯდა... ერთხანს ხმაამოუღებლივ ქამდნენ ცოლქმარი ნანისიავებ საქმელს. ცეცხლათაც ეჩვენებოდათ ორივეს თითოეული ლუკა, მაგრამ ერთმანეთის გასამხნეველათ, ჭაღა უნებურათ, ილიმებოდნენ, თუმცა კი გენოს თითოეული ლუკმის ჩადებაზე პირში ხან თომა მეფურნე მოაგონდებოდა ზოლმე და ხ.ნ არტემა მეწვრილმანე. მარტო ბავშვები ცმუქავდნენ და უდარდელად ილუკმებოდენ.

ღმერთმა შეარგოს ალალ კაცს საქმელიცა და სასმელიც, თუნდა იგი უკმებთაგან დაყვედრებულიც იყოს, მაგრამ ურიგო არ იქნება ახლა კი ცოტა დაახლოვებითი გავიცინოთ გენოსა და ქეთოს ვინაობა-სადაურობა.

### III

ზევითა ვთქვი, რომ დაახლოვებით გავიცნოთ გენოსა და ქეთოს ვინაობა-სადაურობა მეთქი, მაგრამ... მათი ვინაობის გასაცნობათ დაგვეკირდება, მთელი მათი ნაცნობ-ნათესაეების დასახელება, მათი გონებრივისა და სულიერი ავლა-დიდების გამოაშქარავება, რასაც დიდათ მიწყენენ ჩენი დიდებამამიდები და გაწიწმატებულნი ქოქოლას მომაყრიან... ან კი რა საჭიროა ბევრი ლაპარაკი? ვისაც თვალები დასანახათა აქვს მიცემული, ყურები—გასაგონად და გული საგრძნობლად, იგი ერთი თვალის გადავლებით ადვილათ წარმოიდგენს ჩენი საზოგადოების არარაობას, შიგ-ქრელობას. გენოსაც სწორეთ ესა სტანჯავდა.

\* \*

სოფელ გადაშენდას გვერდით ერთი აყროლებული ტბა არის. ნაპირები საშინლათ დაჰხავსებია, თვით წყალი დალპობია და ბაყაყების ბუდეთ გადაქცეულა. ოდესლაც ამ ტბას მშვენიერი ანკარა მთის წყაროები ერთოდენ თურმე და მუდამ მხიარული გულწარმტაცი ლუკლუკი გაისმოდა მის გვერდით.

თვით ტბაც ფართო ყოფილა, წყლით გულ-გამაძღარი სია-  
მოვნებით კალაპოტში ველარ ეტეოდა, ნელ-ნელა ჟონავდ  
თურმე და თავის გარემოს უგზავნიდა გამაცოცხლებელ წყალს.  
მთელი მიდამო ყვავილ-ბალახით იყო დაფენილი და მნახველს  
სიტკბოებასა ჰგვრიდა. მაგრამ მას შემდეგ, რაც გადაშენდას  
მებატონეებმა ერთმანეთის ჯიბრით დაუწყეს გორაკზე გაშე-  
ნებულ ტყეებს გადაჩეხვა, წყაროები დაშრა, ტბას გული გა-  
უტყდა მოქაჩლებულ გორაკების მხერით და ერთ დროს სარ-  
კესავეთ მოელვარე გულმკერდი ხავსით მოიბურა. გახურე-  
ბულმა მხემ მალე ნახევრათ ამოაშრო ეს ტბა და სიციხისაგან  
დანაკულმა ქვეწარმავლებმა კადნიერათ შიგ ბინა გაიკითეს...  
გენო ღონაძე სწორეთ ამ სოფლელი იყო, რომელსაც ეს ტბა  
ამშვენებდა. პატარაობისას გენოს აგრე რიგათ არ აწუხებდა  
არც მისი მყრალი სუნი, არც მისი დახავსებული კიდები,  
არც მისი აშშორებული წყალი, პირ-იქით ხშირად კიდევ ერ-  
თობორა ხოლმე ამ ტბით და უფრო მაშინ, როდესაც ბაყა-  
ყები საშინელ ყიყინს ასტეხენ ხოლმე. ტბის კიდეზე მდგარი  
გენო დრო გამოშვებით გადაუშვებდა ხოლმე ვეებერთელა  
ლოდს, აამვლრევდა უამისოდაც ამტუტებულ ტბის წყალს და  
სიცილით იხოკებოდა, როდესაც მოყიყინე ბაყაყები ხმას ჩა-  
იწყვეტამდენ და სულ განაბულნი, შეშინებულნი თვალებით  
წყლიდან გამოიყურებოდენ ხოლმე. მაგრამ დრონი იცვა-  
ლენ, გენო გაიზარდა, დიდიხანია მოშორდა თავის სო-  
ფელსაც, შეტოპა ცხოვრების მორევში, განიცადა ყოველივე  
აეი და კარგი თანამედროვე ცხოვრებისა და... აი აქ მოა-  
გონდა ის მყრალი ტბა, რომელიც ერთ დროს, თუ არ უყ-  
ვარდა, ზიზღს მაინც არა ჰგვრიდა. მოაგონდა იგი ტბა და  
ძალა უნებურად შეაღარა თავისი საზოგადოების, თავი-  
სი წრის თანამედროვე ცხოვრება იმ ტბის მდორე და  
მღვრიე წყალს, თავისი ნათესავ-ნაცნობების გულის თქმა—  
მის დახავსებულ კიდებს, თავისი უსულ-უგულო და ფუ-  
ყე ტოლ-ამხანაგების მოუშნადებლათა და უნიადაგოდ ფხო-  
რა-ქიმვა — მშიშარა ბაყაყების უშინაარსო ყიყინსა. და  
არც თუ ცდებოდა! იმ თავით ამ თავამდე ისე მოეწყო მისი  
აღზრდის საქმე, რომ ძალაუნებურად ცხოვრების ცუდ მხა-  
რებს აწყდებოდა. ისეთ წრეში და ხალხში ტრიალებდა, რომ

ხელის გულივით წინ ეშლებოდა ყველას გულის თქმა, ყველას მისწრაფება, რომელიც მოძმის სიკეთისა და ამაღლებისაკენ კი არ იყო მიმართული, არამედ პირად ინტერესებს ემსახურებოდა და ყველა ერთი მეორას დაჩაგვრა, გაბიაბრუებას ცდილობდა. მართალია დავაჟეცაყებამდის გულ ამრეზითა და კრიტიკულის თვალთ არ შეუხედავს თავისა და სხვისი ცხოვრებისათვის, მართალია დავაჟეცაყებამდის არ აწუხებდა თავისი და სხვისი სიგლახე, ისე როგორც დახავსებული ტბა არა ჰგვრიდა ნამეტან ზიზღს, მაგრამ, როცა კი დავაჟეცაყდა, როცა კი თავის თავს დაუყენა საკითხი: რა არის კაცი და ან რას უნდა ემსახურებოდესო, გულის ტკივილით გადახედა თავის წარსულს და ცრემლებ-მორეულის თვალებით დაიწყო შომაველზე ფიქრი. და აი დღესაც, როდესაც პირველ გამოღვიძებას, ქაბუკურ აღმადრენას, დადინჯებულმა ვენოს გონებამ ცოტა არ იყოს ფრთა შეაკვეცა, დღესაც-მეთქი, სრულის გულის ტკივილით მოიგონებს ხოლმე თავის სიყმაწვილეს და ის ოხერი დახავსებული ტბაც თვალიდან არა შორდებოდა. ან კი ვის არ ეხსომება თავისი სიყმაწვილე! გენოსაც ძრიელ კარგად ახსოვს. ახსოვს, რომ მთელი ორი-სამი წელიწადი ბოჩოლასავით დაათრევდა ვეებერთელა, სასაბნე ჩითისაგან შეკერილ აბგას. ახსოვს, რომ ამ აბგაში ერთი გატეხილი დაფისა, დაგლეჯილი „როდნოე სლოვოს“ და პურის უზარმაზარი ყუის მეტი არა ჰქონოდა რა ხოლმე. ახლაც კი დაბებრებული აქვს ხელის თითები და ნაშინ ხომ ისე ეწოდა ხოლმე თითის წვერები სახაზავის ცემით, რომ სულ თვალებიდან წინწყლები მოსდიოდა... და ამ წვალების შემდეგ როგორც იყო ისწავლა ანბანი, ცოტაც წამოიზარდა, ბეჯითობას მოუმატა და ისე სასტიკად და უდიერთპყრობას აგრე ველარ უბედავდნენ. მაგრამ რა გამოვიდა! თვით აზრი და დანიშნულება სწავლისა კი ვერ გაეგო და! დადიოდა სასწავლებელში მარტო იმიტომ, რომ დედ-მამა არ გაეჯავრებინა, უფროსები არ გაებრაზებინა და ხელის თითები არ დაებებრებინა. ეს იყო და ეს მთელი მისი წამქეზებელი! ამ შიშსა და ფიქრს ქვეშ მთელი შვიდი-რვა წელიწადი იყილა ერთ სამაზრო ქალაქის ერთ-ერთ დაბალ სასწავლებელში. ანბანობაში კარგა წამოიზარდა კიდევ. სახეზე ბუსუსები ამოუვიდა, ტანი აპყარა და

ყრმობის ხანას გადადიოდა, მაგრამ მაინც ისეთივე ხეპრე და  
ოტროველა რჩებოდა, იცოდა მხოლოდ ლანძღვა-გინება და  
მუშტის კრივი. სხვა ამ შვიდ-რვა წელიწადში არა შეეძი-  
ნა რა. რომ გეკითხათ: ვაჟო, აბა რა ისწავლე? ვინ ხარ, სა-  
დაური, რა წაგიკითხავს, რა გაგიგონიაო? იგი თუთიყუში-  
ვით თუ წამოიძახებდა რალაცა უცხო სიტყვებს, მესტვირე-  
სავით თუ ჩამოგიყვებოდათ სხვა და სხვა გეოგრაფიულ და  
ეტნოგრაფიულ სახელებს (ისიც ისე დალაგებით, როგორც  
სამასწავლებლო წიგნებში სწერია ხოლმე), თორემ მათი მნიშ-  
ვნელობა კი არ ესმოდა. ვინ იყო, სადაური, ჰქონია რაიმე  
წარსული მის წინაპრებს თუ არა—ეს სულ გაუგებარი კითხ-  
ვები იყო მისთვის. ახლაც ქარხალსავით წითლდება, როდესაც  
მოაგონდება ხომე თავისი მაშინდელი ასეთი დაქვეითება. მაგ-  
რამ რა მარტო თავისი? ასეთები იყვნენ ოცი და ორმოცი სხვა.  
მისი ამხანაგებიც და ვინ იცის კიდევ რამდენი დარჩა ისევე  
უსწავლელი და უსულ-გულო თუთიყუში, თუცა კი 14—16  
წელიწადი სასწავლებელში გაატარეს!.. უვიცი, უწრთენელი-  
ვე დარჩებოდა გენოც, მაგრამ... ბუნებამ თავისი გაიტანა. და-  
ბალ. სასწავლებლის გათავების შემდეგ გადმოვიდა საშუალო  
სასწავლებელში, რომელიც დიდ საგუბერნიო ქალაქში იმ-  
ყოფებოდა.

ქალაქის დაუცხრომელი ცხოვრების ბრალი იყო თუ ახალმა  
ამხანაგებმა იქონიეს გაცლენა, ეს კია, რომ გენოს მალე ცნო-  
ბის მოყვარეობა აღეძრა, თავმოყვარეობამ დასძლია და ჩა-  
უკვირდა თავის ყოფას. „სირცხვილია, მხეცი ხომ არა ვარ,  
ადამიანი ვარო“, გაიფიქრა ერთ დღეს გენომ და ამ პირვე-  
ლი მოსაზრების შემდეგ ათასი მწვავე საკითხები ქიანქვე-  
ლასავით აცრია ტვინში. იმდენათ მწვავე, იმდენათ დაუდგრო-  
მელი იყვნენ ეს საკითხები, რომ გენოს დღე და ღამე მოსვენ-  
ებას არ აძლევდნენ, მისგან ახსნა-განმარტებას თხოულობ-  
დნენ. მაგრამ როგორ განმარტა, როგორ აეხსნა თითონ არ-  
იცოდა და მისი ამხანაგებიც მასზე ძალიან შორს არ წასუ-  
ლიყვნენ. ახლა კი სავსებით იგრძნო გენომ თავის უძლურე-  
ბა—დამცირება. ცეცხლად მოედო გულზე დაკარგული დრო,  
ზიზლით აეესო გული იმ საგნებისადმი, რომელთაც ძალ-  
ლონე გამოაცალეს, თვალში ჩინი გაუწყალეს და არაფერი-

კი ასწავლეს-რა ბოლოს, მისმა სურვილმა აღლო აილო, დაიწყო სხვა და სხვა წიგნების კითხვა. ახლა კი იგრძნო ყველაფერი, მაგრამ ყველას ერთად შეგნება და გათვალისწინება შეუძლებელი შეიქმნა. გაბრაზდა და გამკერმეტყველდა გენო დონაძე და გულში დაგუბებული ბოლმა პირიდან შხამად გადმოანთხია...

მუქთად ჩაუარა გენოს ცამეტ-თოთხმეტი წლის სწავლამ. რიგიანი მოწმობაც კი არ ჰქონდა, რომ სადმე თავი შეეფარებია და ლუქა პური ეშოვნა. მაგრამ სამაგიეროთ გული ჰქონდა მდიდარი, აზროვნება გაბრწყინებული და თითონ რომ განათლებული იყო გულით, აღფრთოვანებული სულით და მზათაც იყო უკანასკნელი პერანგიც-კი გაეხადნა სწვის გულისათვის, — სხვაც ისე ეგონა და ღიმილით შეხვდა ცხოვრების მიერ მისკენ გამოსროლილ უსამართლო ტალღას... გავიდა რადენიმე წელიწადი. მის აღმა-ფრენას ფრთები ეკვეცებოდა, პირველი გულუბრყვილო, თითქმის ბავშური გულწრფელობა დღითი დღე ეშხამებოდა და მეოცნებე, ცაში მომფრინავი დონაძე ძირს, მიწაზე ეშვებოდა. ცხოვრებასა და მის შეილთ ნელ-ნელა სხვა საზომი მოუპოვა და მალე მიხვდა კიდევ ნამდვილ მიზეზებს ჩვენი—კერძოდ ქართველების—ასეთი უშინაარსობისას. აქ კვლავ გაახსენდა თავისი სოფლის დახავსებული ტბა და სულით და გულით შესძულდა კიდევ იმ ტბის ამამშობრებელი მიზეზები, მედგრად შეუდგა თავის თავის უკეთესად შესწავლას და შემუშავებას...

პირველ ყოვლისა, გენომ გადასწყვიტა თავის სუსტი ძალღონე სიტყვით იქნებოდა თუ საქმით, შინაურებისათვის მოეხმარებინა, მაგრამ როდესაც გროშებით დაუწყეს ყველგან ზომვა, როდესაც ყველა ფულით სწონიდა და კაპეიკებისათვის აკარგვინებდნენ მთელ დროს, როდესაც შრომას არ უფასებდნენ და ოფლით მოპოვებულ კაპეიკებს მოწყალეებასავით მიუბოძებდნენ ხოლმე, როდესაც თვით მახლობელი მეგობრებიც კი ცდილობდნენ დაემცირობინათ, მარტო იმიტომ რომ ღარიბი იყო, მხოლოდ მაშინ მიხვდა გენო იმას, რასაც უნდა იმთავითვე მიხვედრილიყო. მიხვდა, რომ თანამედროვე ცხოვრებაში ყოველივე ფულით იზომება და თუ იძულებული ხარ ფულის გულისათვის იშრომო, თავიც უნდა მოიკატუნო



ფულის პატრონის წინაშე, სულ ერთია შინაური იქნება თუ გარეული იგი ფულის პატრონი და... ამაზე მეტი უბედურება რაღაა, მერე იქ, სადაც დაჩივლებაც კი არ შეგიძლია!

ქეთოს შესახებ რაღა გითხრათ? თუ კი ვაჟები ჩვენში ბუნებრივად ვერ იზრდებიან, ქალებს რაღა უნდა მოეთხოვოთ? მართალია, ჩვენში ყველა მიხვედრილია, რომ ჩვენ ცხოვრებას ნირი შეეცვალა, ყველამ იცის, რომ მამა-პაპური „პარალალი-თარალალები“ ვეღარ გვაცხოვრებს, ოცნება ვეღარ ვამოგვებაეს და უმეცრება ბოლოს მოგვიღებს, მაგრამ თანამედროვე ზენა-ქვენა განათლება მაინც თავისებურათ ატრიალებს ჩვენ ქალებს და მომეტებულ მათგანს ქკუა უფრო თვლებში აქვს, ვიდრე თავის ადგილას. ქეთო იმდენათ არ ეკუთვნოდა ქარაფშუტათა ჯგუფს და არც ისე ნერვებ აწლილი ქალი იყო, რომ დღეში ცხრაჯერ ისტერიკა მოსვლოდა. დაახლოვებით ჰქონდა შეგნებული თავისი მოვალეობაც და გენოს მეტიც არ უნდოდა. გულმა გული იცნო, ღონემ ღონე და ერთ დღეს ჯვარი გადაიწერეს—„მკვდარი მკვდარს აეკიდაო“, ოხუნჯობდნენ „დარბაისელნი ამა ქვეყნისა“.

#### IV

ორშაბათ საღამო იყო. ზათხულის მკაცრი მზე თითქო დიდგულობსო, ფერ-უცვლელად ჩაესვენა მთაწმინდის იქით და თბილისმა თავისუფლად ამოისუნთქა. მაინც და მაინც არა გრილოდა, მაგრამ თბილელები ჩვეულებრივად მოედვენ ქუჩა-ბალებს და განსაცხრომად ემზადებოდნენ. ავეტიქა მინაიჩის სახლში სიცხისაგან შეწუხებულმა გენომ და ქეთომ წამოიყვანეს თავისი ორი ბავშვი და ალ... ბალისკენ გამოემართნენ. თავ-ჩაღუნვით გამოიარეს თომასა და არტემას დუქნის წინ და თითქმის ხმა ამოუღებლივ შევიდნენ ბაღში. იქ ერთ ბეჭობზე ამოირჩიეს სკამი და გაბუტებულებსავით მიეყუნდნენ სკამის ზურგს. ქეთო და გენო გაფაციცებით ადევნებდნენ თვალ-ყურს გამვლელ-გამომვლელთ და დრო გამიშვებით მწარეთ იღიმებოდნენ. ეტყობოდათ, რომ ორივე ერთსა და იმავე

მანაგანზე ჰფიქრობდა, მაგრამ თითქო ლაპარაკს ვერა ჰბე-  
დავენო, ჯერ-ჯერობით სდუმდნენ.

აგერ ჩამოაქროლეს მშვენიერი ლანდო, არაბულმა ლამაზმა  
ცხენებმა. თქათა-თქუფით მოაქანებდნენ რეზინის თვლებს და  
შიგ მჯდომნი მელიდურათ გამოიყურებოდნენ.

— ჰმ! — ამოიგმინა ქეთომ და ჩაიცინა.

— ჰმ! — ღიმილითვე უპასუხა გენომ და დაბალი ხმით  
დაუმატა:

— ვინ იცის, ჩემო კარგო, რამდენი კაცის სისხლით არის  
ნაყიდი ეგ ლანდოა, თუ რალაც ოხრობა.

— მაგას შიგ მჯდომიც უნდა გრძნობდეს, რომ კარგი  
არის! — ყრუთვე უპასუხა ქეთომ. მაგრამ ჯერ სიტყვა რი-  
გიანად არც კი დაეთაყვებინა, რომ მეორე, უფრო უკეთესმა  
და მდიდრულად მორთულმა ეტლმა ჩამოიქროლა. ეს ეტლი  
ორ-პირი იყო ე. ი. წინ და უკან ერთგვარი დასაჯდომები  
ჰქონდა და საშინელი ფართოც იყო. შიგ სამი ზეტის-მეტად  
გაყვითლებული, თუმცა კი ბრილიანტებით მორთული ქალი  
იჯდა და მეტი სინაზით მწყყრებივით განაბულიყვენ. ამაყად  
იხედებოდა მხოლოდ ზეეტლე, რომელსაც გრძელი წვერები  
ორათ გაჰყოფოდა ქარისაგან და მთლათ გაწითლებული ეტ-  
ლის კოფოზე მორგესავეთ გაშეშებულიყო. მაგრამ იმაზე უფ-  
რო ამაყათ გამოიყურებოდა ერთი ვეებერთელა ხუჭუჭი ძალ-  
ლი, რომელსაც სიმსუქნისაგან თვალის ქუთუთოები მოღმეჭო-  
და და ისეთ შეხედულებას აძლევდა, თითქო მშიერ მწყურვალთ  
დასცინის და ეუბნება: „თქვენც ვითომ ადამიანები ხართ. აბა,  
ნაშ მომეტოლეთო“. თვალის დახამხამებაზე მოწყდა ეს ეტლიც  
ქუჩას და მოსახვევში მიიმალა, მას მეორე ეტლი გამოუდგა,  
მეორეს მესამე. აგრიალდა კიდევ, ხალხი უფრო აირია, მაგ-  
რამ გენოს აღარა გაუგია-რა. ღრმა ფიქრებში გართული უაზ-  
როდ მიჩერებოდა, იქვე მის შორიახლო მჯდომ გლახაკს, თუ  
გალოთებულ კაცს. ამ საცოდავს ტანისამოსი სულ მთლათ  
შემოხეოდა, ტიტველა, დაწყლულებული მუხლის კვირისტა-  
ვები ამოეყო დაგლეჯილ შარვლიდან და იდაყვით ზედ დაბ-  
ჯენოდა. დრო გამოშვებით ხან ერთს ხელს შეიყოფდა ხოლ-  
მე უბეში, ხან მეორეს, გამოჰყავდა კბენარი და მოურიდებ-  
ლად სრესავდა. როგორც ეტყობოდა მისთვის ქვეყანაზე არა-

ვინ და არაფერი აღარ იყო პატივსადები. დაჩაგრულ-დაბე-  
ჩავებულს გული გამოფიტულა ჰქონდა და თავისი უყურად-  
ღებობით ერთგვარ შურს იძიებდა, იწევდა ყველა მათ წი-  
ნააღმდეგ, ვისაც ადამიანის დამცირებაში ბრალი მიუძღვის...  
დიდხანს უყურა გენომ და თითქო გონს მოვიდაო, მწარეთ  
და მუშტების მოკუმვით წამოიძახა:

— ხედავ, ქალო, რა ამბავია ქვეყნათ? შეხე ერთი იმ  
ცხოველს, ადამიანის აჩრდილი რომ გამხდარა, გადაჰხედე იმ  
მუშასაც, აი მოაჯირს იქით თავ-განწირვით რომ ქვასა ჰყო-  
დავს, დააცქერდი ამ აუარებელ გლახაკებს, შეხედე ამ კრუებს,  
ქუჩის მგველებს, კურტიან მუშებს, მთელ ამ ბრბოს, ამ შავ  
ხალხს, ჭუჭყიანებს, დაღვრემილებს, ავადმყოფებს, მშიერებს  
მწუქურვალებს—და მერე მოიგონე წელანდელი ეტლები, ოქ-  
რო-ვერცხლში ჩამსხდარნი, ნებივრობისაგან სახე დაკარგუ-  
ლი ქალები თავისი ძალღებითა და მეეტლებით! ეჰ, რაცპირ-  
ველებს დაკლებია, ის მეორეებს შემატებია. სად არის აქ სა-  
მართალი!—ბრაზობდა თან-და-თან გენო.

— ოღონდაც! ჩემო კეთილო, ამ ქვეყნად ერთი მეორის  
ყურ-მოკრილი მონაა!..—ყრუთ უპასუხა ქეთომ და ბავშვების  
მოსაყვანათ აუზთან მივიდა. გენო კვლავ ფიქრებში გაება.  
არის ხოლმე ისეთი წუთები კაცის ცხოვრებაში, რომ ერთ-  
ხელვე აბობოქრებულ გულის თქმას თავს ვეღარ აღწევს ადა-  
მიანი და უფრო და უფრო ეძლევა თავ-დავიწყებას.

გრილი საღამო, ხალხის ჟივილ-ხივილი, შადრევანის წყლის  
ერთგვარი შუილ-ქუხილი, ბავშვების ცელქობა და სიცილ-ხარ-  
ხარი, ზოგის სევდიანობა და დაღვრემილობა, ხოლო ზოგის  
ქარაფშუტობა და ფეხების ფლასტა-ფლუსტი, ერთი სიტყვით,  
მთელი ცხოვრება თავისი დაუდევარობით (რასაკვირველია,  
ვიწრო ჩარჩოში ჩასმული კი), აქვე გენოს თვალწინ გაშლი-  
ლიყო და მის აფორიაქებულ გულის თქმას მოსვენებას აღარ  
აძლევდა. მალთა ფიქრი ადამიანისა, ცვალებადია აზრთა  
დენა ცოცხალის, შესმენილის არსებისა და გენოც თავდავი-  
წყებით ერთხელ კიდევ მიეცა ათას გვარ მოგონებას. მართა-  
ლია, იგი არც მუშა იყო, არც თუ უნეტარი, არც უკანასკნე-  
ლი დედ-მამის შვილი და არც საპყარი ვინმე, მაგრამ მაინც  
რადაც გამოურკვეველი სევდა-ვარამი გულს უღრღნიდა და

სულს უხუთავდა. რათა, ან რისთვის? იმიტომ რომ გენომ წა~მოიდგინა მთელი უსუსურობა, მთელი უპალლონობა თავისი თავისა, წარმოიდგინა რომ ყველა, დიდი და პატარა: მძლავრი და სუსტი, მდიდარი და ღარიბი, ნაცნობი თუ უცნობი ერთი მეორის წინააღმდეგია, ერთი მეორის მკიცხავი და მექორეა... კვლავ რათა და რისთვის? აი საკითხავი, რომელიც ყველასაგან დათქვებას ითხოვს და ვაი იმის სულის სიმშვიდეს, ვინც მოინდომებს ქვეყნის უკუღმართობის გათვალისწინებას თუ იგი მარტოა, ერთად ერთია, გულწრფელი ტოლი და ამხანაგი ვერ უშოვნია!.. გენოც ერთად ერთი თუ არა—დიდი ხანია მარტოა იყო დარჩენილი. თვისიტომი, ამხანაგი და მეგობარი მანამდის გყავს კაცს, ვიდრე ამ უკანასკნელთ ექირვებათ შენი თავი, ვიდრე შენგან გამოვლიან რასმეს. გენოსაც ბევრი ჰქავდა მეგობრები, მაგრამ როცა დაატყო, რომ მათი გულის თქმა ერთმანეთისას არ უდგებოდა, ზოგს თითონ ჩამოშორდა და ზოგიც თითონვე მოშორდა. დარჩა მეთქი მარტო, თუმცა კი იმედს არა ჰქარგავდა და ელოდებოდა უკეთეს დღეებს, მაგრამ როცა კი ამ იმედის შესახებ ოცნებას მიეცემოდა ხოლმე, თითქო გული უგრძობსო, უცბათ მხრებს ჩამოუშვებდა და მწარეთ ეკითხებოდა თავის თავს: ვის მივმართო, ვის რა ვუთხრა. სიტყვით ყველა კარგები ვართ, ხოლო საქმით? მაგრამ ან კი რა საქმის გაკეთება შეგვიძლიან, როდესაც იძულებულნი ვართ ლუკმა პურისათვის მთელი ჩვენი ძალ-ღონე გავყიდოთ, როდესაც ჩვენი თავის ბატონები ჩვენ არა ვართ, და არამც თუ საქმესი მართლის თქმაც რომ გყინდოდეს, უკან-უკან ვიხედებით. თავში არავინ ჩაგვარტყასო.

— ოხ, ცხოვრებაო, ცხოვრებაო!—გულსაკლავად ამოიგმინა გენომ, როდესაც ფიქრით ამ ადგილამდის მოვიდა და გაფანტულათ მოავლო თვალი თავის გარშემო.

— კაცო რა ფერი გადევს... რა არი ღმერთმანი... ფიქრით რას მოუმატებ შენ საქმესა. ადგე შინ წავიდეთ...—ნაწყვეტ-ნაწყვეტათ უთხრა აუზიდან გამობრუნებულმა ქეთომ და წასასვლელათ მოემზადა.

— ჰო, დროც კი არის. — უპასუხა გენომ და ბარბაცით ზეზე წამოდგა.

— კაცო, რასა ფიქრობ მაგდენს?—დაეკითხა ქეთო თავ-  
ჩაქინდრულ გენოს, როდესაც ერთი ეტლისათვის გზა უნდა  
აეჭვიათ.

— რასა? რასა და იმას; რომ ხვალ კიდევ უნდა წავიდე  
უფროსთან... ერთხელ კიდევ უნდა დავეღრიჯო, ენახოთ და-  
მიქირავეებს თუ არა,—წაილულულა გენომ და სახლამდის ხმა  
ალარ ამოუღია.

ქეთო? ქეთოც სდუმდა, მხოლოდ თავის სახლის კარაპან-  
ში ლურსმანს რომ ფეხი წამოჰკრა, საშინლად დაიღრიჯა და  
თავის-და უნებურად წამოიძახა: ოხრათაც დარჩენილა ასეთი  
ორკოფი სიცოცხლეო.

— ოღონდაც!—ნაღვლიანად დაუჰატა გენომ და ამ სიტყ-  
ვით მთელი ბავისი გულის ნაღები გამოხატა...

## მთხარის ლაშქარი

ე ს კ ი ზ ი

კაშკაშა მთვარე, ნუ, ნუ მიწვევ, გეთაყვანე, საოცნებოთა!  
სადა მცალიან, შე დალოცვილო, ავყვე შენ ელვარებას და  
ფიქრებით გამოვუდგე შენ სხივთა სრბოლას. ხომ ხედავ, რა  
ყოფაში ვარ? აი ეს, ციფრებით აკრელებული დასტა-დასტა  
ქალაღღები, აი ეს დანჯღრეული საანგარიშო ჩოთქიც! მთე-  
ლი ღამე ყარყუმივით უნდა ვიჯდე და ვაჩხაკუნო ჩოთქის  
კოქები... რა მეთქმის?

ნეტავი შენ, რომ თავისუფალი ხარ!.. მე კი?—პატარა,  
უმნიშვნელო ადამიანი, ერთი რაღაც უნო და უსიტყვო გა-  
დამწერალი!..

მაგრამ ვის რა ვუთხრა? ჩემი ხვედრია: ვსდუძდე, როგორც  
სამარე და ვიმუშაო, როგორც პირუტყვმა. სხვა ყველაფერი  
ჩემთვის აკრძალულია!..

რას გეცინება? იქნებ არა გჯერა რომ ქვეყნად ასეთი ხვე-  
დრიც არის? მაშ ყური დამიგდე!..

თავზე რომ ხელი მოვისვი და ჩემი თავი ადამიანად წარ-  
მოვიდგინე, ყველას ვარწმუნებდი: მე თუ ადამიანი ვარ,  
ადამიანურადაც უნდა ვიცხოვრო-მეთქი.

ვინ მოგახსენა, ადამიანი კი არა, მოლაპარაკე მანქანა ხარ  
და სხვა არაფერიო! მიკიჟინა ქვეყანამ. გული მომივიდა, გავ-  
ჯიუტდი: რასაც მეუბნებოდნენ, მე სულ წინააღმდეგს ჩავ-  
დიოდი, ერთს რომ მიკვეთავდნენ, მეორეს ვაკეთებდი. ამით  
ის უნდა დამემტკიცებინა, რომ მანქანა არ ვიყავი, რომ მეცა  
შქონდა ჩემი შეხედულება, ჩემი აზრი, ჩემი სურვილები...

— გიჟი ხომ არა ხარო!—დამიყვირა მამაჩემმა.

— სწორეთ... დასაბმელია!—დაუმატა დედა ჩემმა. გული  
შომიკვდა შინაურებმა რომ ასეთი შეურაცყოფა მომაყენეს.  
ჯაჟლანძღე, უდიერაა მოვიხსენიე ჩემი მშობლები, მათი ნათ-  
ქვაში უკანვე დაეუბრუნე და საილი მივატოვე.

ბატვით დავიწყე ყიალი ქვეყნად. მთა და მინდორი შეცა-

ჯერე, ტყე და ველი დავთელე, მაგრამ შენც არ მომიკვდე ყურადღებაც არაეინ მომაქცია.—ვინა ხარ, სადაური, საიდგან მოთრეულხარო!—დამიღრიალა პირქუშმა მთამ, მხრებზე შავი ბურუსი წამოისხა და ზურგი მაბრუნა.

— ხმა გაიკმინდე. ვერა ხედავ ნიავე მებალერსებაო!—დამიშტიალა ტყემ, ერთი ღონივრათ შეიბერტყა და თავზე იმდენი ფოთოლი გადმომაყარა, რომ კინალამ არ დავიხჩე... გულგახეთქილი გამოვარდი ტყიდან და ფეთიანივით დავეშვი თავქვე. წინ მდინარე შემხვდა. შევდექი, უნდობლივ ჩამოვჯექ მის კიდეზე, პირი დავიბანე და ნაღვლიანად დავუწყე მხერა.

მშვენიერება რამ იყო მთის ანკარა! მწყერივით მიგოგავდა ყვავილებით მორთულ კიდეებს შორის და სირინოზის ხმით რალაცას ჩაიმღეროდა. თვალი გავაყოლე ტალღების კივიკვს, ყური დავუგდე მდინარის დუღუნს. ქვიდან ქვაზე მხტუნავი ტალღები მხეს შესტრფოდნენ, გულ-მკერდს კეკლუცად იღელავდნენ და მარგალიტებივით ბრკყვინავდნენ. მათი მომზირალი მხეც თავს ილამაზებდა, კეკლუცობდა... დიდხანს ვიჯექი მდინარის პირად, მაგრამ ვერ გავიგე ტიროდა თუ იცინოდა ცელქი ანკარა, ლოცავდა თავის გაჩენის დღეს, თუ სწყევლიდა იმ დიდ ლოდებს, რომლებიც გზაში ეღობებოდნენ და თავისუფალ სვლას უშლიდნენ... ეს კი მახსოვს, რომ ნეტარების თავს-ბრუ დამასხა მდინარის ბუტბუტმა და მეც ვიგრძენ სიცოცხლის ძალა: მეც მომწყურდა მოქმედება, მომწყურდა ლაპარაკი, სიმღერა, ცეკვა, თამაში. სამსონივით წამოვუდექ შავ ფიქრებს და წვრიმალას აღტაცებით შევძახე:

— აბა ტაში დაუკარი, მინდა ვიცეკვო-მეთქი!

— მეხი კი დაგაყარეო:—კუდიანი ბებერივით გამომძახა ქალამ.

— ტაში-მეთქი!—მე მაინც გავიძახოდი და ბუნების მკერდზე შვლის ნუკრივით დავკუნტრუშებდი. დავილაღე, ნეტარებით დავითვერი, მიწაზე გავიშხლართე და ყვავილებს გადავეხვიე.

— იქით დაგვექარგე, სიცოცხლეს ნუ გვიშლიო!—დამიყვირეს ყვავილებმა და საყვედურით თავის ქნევა დამიწყეს, ჯერ მეწყინა მათი საყვედური, მერე შემრცხვა ჩემის თავხედობის, ჩემის საქციელისა.—ყვავილები სულ მთლად გამექელა. გა-

მოვერკვიე და ვიგრძენ, რომ ჰაეროვანი არსება კი არა, ტლანქი, მოუხეშავი ვიყავ.

სიცოცხლით სავსე ბუნებას ჩემთან საერთო არა ჰქონდა რა... დავრჩი ობლად, უთანაგრძნობოთ. — ოხ, რა ტანჯვაა მარტოობა!..

პურიც მომშვიდა, კუჭმა წვა დამიწყო და წილებმა—წივილი: წამოვიკრიფე ჩოხის კალთები და ფაცხა-ფუცხით დავეში სიფლისკენ. იქ ერთი მეგობარი მეგულებოდა და იმას მივმართე.

— რა გნებაეს?— უკმეხათ შემეკითხა მეგობარი იმ დროს, როდესაც მე მზად ვიყავ ალტაცებით მოვხვეწოდდი და მისი მაღალი შუბლი გადამეკოცნა.

— მეგობრობა, თანაგრძნობა-მეთქი— გაუბედავად ვუპასუხე.

— ცხოვრება გულ-გრილია... გაქვს რამე?

— წრფელი გული და თავგანწირული სიყვარული მოყვასისადმი-მეთქი— კიდევ ვუპასუხე.

— ეგეც ცალიერი სიტყვებია... ფული, ფული გაქვს?— როგორც თოფ-ნაკრავი არწივი დაეცემა ხოლმე მიწაზე, ისე მეც ციდან ამ ქვეყანაზე ზღართანი მოვიღე. გაგონებამ გამახსენა ჩემი თავიც და ადამიანთა ურთიერთობაც... რამდენიმე დღე დავრჩი მეგობრისას, პირში ლუქმას მითელიდა... მებუზღუნებოდა. ჩემი მასთან ყოფნა შეუძლებელი შეიქმნა, ავიკრიბე გუდანაბადი და ისევ დედ-მამას მივაშურე. წამოსასვლელათ რომ მოვემზადე, ჩემს მეგობარს სახე გაუბრწყინდა, მაგრათ ჩამომართვა ხელი და გულთბილათ მითხრა:

— ნახვამდის, ჩემო მეგობარო!.. იცოცხლე ჩემო მეგობარო!

— გმადლობთ მეთქი,— აღერსიანათვე ვუთხარი მეც და გულში გავიციინე. ქვეყანა ხომ ორპირობისა და თვალთმაქცობისაა!

ცხრათ წელში მოხრილი, სასომიხილი მოვედი შინ. მამაჩემს ისე ესიამოვნა ჩემი ნახვა, როგორც ქრისტეს იგავში მოხუცს მამას უძღვები შეილის დაბრუნება გაეხარდა, მაგრამ ხსენებულის მამასაგით კი არ მომექცა... ის მოხუცი ღვთის ზატება იყო, მამა-ჩემი კი— თანაძვდროვე ცხოვრების შეილი... დიდხანს მათვალეირა, ათასნაირად გამისინჯა კბილი. ათასი რამე მკითხა. მე ხმას არ ვიღებდი. ავსა და კარგზე ერთგვარად ვუკანტურებდი თავს...

— დაქკვიანდი?— ღიმილით შემეკითხა მამაჩემი.



— დაქვეიანებულა, ენაცვალოს მაგას თავისი დედა!—  
ტაცებით დაუკრა კვერი დედა-ჩემმა.

— მაშ იმსახურე!—მოკლედ, უკმეხად მიბრძანა მამამ და ისეთი თვალით შემომხედა, რომ წინააღმდეგობის შემდეგ მის მამაშიელობაზედაც ხელი უნდა ამელო.

— ცხოვრება ძნელია შვილო... კაცს სმა, კამა, სიცოცხლე უნდა, სული კი ტკბილია...—ქიქიქებდა დედა-ჩემი და თან მეაღერსებოდა...

— რასაკვირველია... ყველაფერი საქიროა-მეთქი...—ვბუტვბუტებდი მეც და თანდათან ვეჩვეოდი იმ აზრს, რომ ბედს ჩემთვის ქედ-დაბლობა ურგუნებია.

ერთ მშვენიერ დღეს, ყველასაგან მოძულებულმა, ჩავიცვი გახუნებული სერთუკი, დავიდგი კისერზე სახამლებისაგან გახრეკილი თეთრი გულისპირი, შევიბი შავი საყელო, მუშტის ოდენად მოვიკუნტე და გამოვცხადდი ჩვენი ნოლას წინაშე. (ნოლა ჩვენი კანტორის გამგე გახლავთ).

ნოლამ ამხედა, დამხედა, ამათვალიერა, ჩანათვალიერა. მეც ჩავიძვრინე პერანგში კისერი და ნარზე მჯდომარე ნიბლიასავით აქეთ-იქით ყურება დავიწყე.

— ჰჰ... მაშ ადგილი გინდა... სამსახური... ძალიან კარგი—ლულულულებდა ნოლა და თვალითა მხომავედა.

— დიახ, მიმსახურეთ, მამუშავეთ... ვეცდები, რომ დავიმსახურო ყურადღება თქვენის აღმატებულებისა მეთქი,—ვებუტბუტებოდი.

ნოლას სახეზე ღიმილმა გადაურბინა.

მე ჩიტვიით შევეფრთხილდი, შევეკრთი. მევონა დამცინის მეთქი. ნოლა არ დამცინოდა. თურმე ის იამა, რომ მე მას „თქვენო აღმატებულება“ დავუძახე.

— კერძო სამსახური იმიითი არის ცუდი, რომ ჩინებს არ გვაძლევენ—დაიწყო ცოტა ხნის შემდეგ ნოლამ,—ჩინებს რომ გვაძლევდნენ, რასაკვირველია, აქამდის კი ვიქნებოდი „აღმატებულება“. ოც-და ხუთი წელიწადია ამ სკამს არ მოვშორებხვიარ. ვმუშაობ დღე და ღამ... სხვასაც ვამუშავებ... შენც გამუშავებ, ყმაწვილო, თუ კი...—ნოლამ ლაპარაკი შესწყვიტა და თვალი თვალში გამიყარა. ალბათ, ჩემი გულის-თქმის გაგება თუ მოიწადინა.

მე ვიდექი ისარივით ერთ ადგილს დარკობილი და თვალებსა ვბლიტავდი. რა მეთქვა, რა მეპასუხნა — არ ვიცოდი მაგრამ...—განაგრძო ნოლამ—პირობას კი ჩამოგართმევ:—არ უნდა იყო ზარმაცი. არ იქნები?

— არ ვიქნები.

— სიტყვა არ უნდა შემომამბრუნო! არ შემომამბრუნებ?

— არა!

— მე გამიგია, რომ შენ უკვები ლაპარაკი იცი, უფროს-უმცროსობას მაინც-და-მაინც არ აფასებ. ეს დიდი უკულმართობაა. შემომფიცე, რომ შენ ჩემ წინააღმდეგ არ წახვალ, რასაც გიბრძანებ,—გააკეთებ.

— ვფიცავ... გულმოდგინედ ვიმუშავო!..

— არა, გულმოდგინეობა არა კმარა! შენ უნდა ყურმოკრილი მონა იყო (თუ კი შეიძლება ასე ითქვას მეოცე საუკუნეში). შემომფიცე, რომ ენას არ აქარტალებ...

აღარ მახსოვს შევფიცე თუ არა, ამ უკანასკნელ პირობაზედაც, ე. ი. ვალიარე ჩემი თავი მანქანათ თუ არა, რაც ერთს დროს მე ძლიერ მეჯავრებოდა, ეს კია რომ სამსახურში მოვხვდი და აგერ სამი-ოთხი წელიწადია, რაც ერთგულად ვემსახურები ჩემ ნოლას და იმდენი სამუშაოც მომახვია თავზე, რომ არც კი მაქვს დრო ვიფიქრო: რა ვიყავ, რა ვარ და ან რა უნდა ვიყო.

გამეცალე-მეთქი, მთვარევ, ჩემ ოთახში ნუ იქყიტები... ნუ ნუ მაცდენ. ხვალ დილით ეს ქალაღლები მზამზარეულად ნაანგარიშევი უნდა ჩავაბარო, თორემ...

არ გეყო, რაც გითხარი, შე მაცდურო? ესეც შენ სიკეკლუცეს დაუმადლე, უკვდავების ღმერთივით რომ წამომხართეძოვებულხარ თეთრად გადაპენტრელ ღრუბლებზე. რა ლამაზი, რა საოცნებო რამა ხარ! ხედავ, როგორ შურით შემოგყურებენ თვალ-ქუქუნა ვარსკლავები? ჩვენც ეგრე კატასავით შევსცქნავით ხოლმე მაღალ კანტორკაზე ყვავის კიკოსავით წამოსკუპებულ ნოლას, როდესაც იმისაგან მოწყალებას გამოველათ...

კმარა, გეთაყვა, ნუ კეკლუცობ! შენ რომ იცოდე რა ქარცეხლი დამატება თავზე დღეს ნოლამ, მაშინათვე გადაცურდები მთას იქით... გაგიკვირდება ერთისაგან მეორის ასეთი დამცილება!

მაინც არ მშორდები? იქათქათე, ჯანი გამეარდეს! განა ვინ არის სამართლიანი, რომ შენ იყო!

ეხ, ნოლა, ნოლა! ნეტავ იცოდე, რა ცრეხლი ტრიალებს ჩენს გულში, რა გრძობებს მიღვიძებს თავისუფალი, ამაჟი მთვარე... ნეტა ახლა ჩემი სატრფო მაინც მაჩვენა!.. ფუი, ეშმაკო! კიდევ საოცნებოთ მიწვევ? რით ვერ გაიგე; მთვარევი პირბადრო, რომ საოცნებოთ არა ეცალიან... ხვალ, ხვალ თუ არ ჩავაბარე ეს სამუშაო, სამსახურიდან გამომავლებენ და დაკრჩები მშიერი... შერე ვის მივმართო? ფეხებზე ჰკიდიათ, თუ მე მთელის ბუნების გულში ჩასვივება შემიძლიან...

— მე უბრალო გადამწერალი ვარ და ეს წოდებაც რომ დაგეარგო, მაშინ უყურე შენ ქვეყნის განგაშს!

ოხ, როგორ შეურაცყო დღეს ჩვენმა ნოლამ!

„რა ღმერთი გაგიწყრა, ამდენი ხანია ამ ოხერ ქალაღლებსა ჯღაბნი და მაინც ერთი გრაფა მეორისაგან ვერ გაგირჩევია, ციფრებს აბღა-უბღა სხავო“ მართალი კი სთქვა... მაგრამ თუ არა მანქანას, განა ადამიანს შეუძლიან ჩემი სამუშაოს შეუცდომღათ ვაკეთება?

კალენდრის ენა უნდა ვიხმარო, რომ ავიწეროთ ჩემი სამუშაო! წარმოიდგინეთ, ბატონებო, თქვენის სიგრძე-სიგანის ქალღღდი. ის ქალღღდი აკრელებულია ათასგეარი ხაზებით, ათი-ათასი უჯრეღებით. ქარხნიღდან მონაწირის წერიღლებიღდან უნდა ამოიკითხოთ საგნის სახელი და მისი ღირებუღღება. ეს სახელი უნდა მოკებნოთ ამ ხაზებით აკრელებულ ქალღღღზე, ასწოთ ღირებუღღების მაჩვენებელი ციფრი და ჩასვათ შესაფერ უჯრეღში. ასე უნდა მოიქცეთ ვიღღრე ყვეღღა წერიღღს არ გადაიკითხავთ და ყვეღღა უჯრეღებს ციფრებით არ გაავსებთ. ეს არაფერი!.. უბეღღურება ის არის, რომ ვიღღრე მკეღღარივით გაკიღღულ ქალღღღზე კალმის გაყოღღებით მიავგნებღღეთ შესაფერ უჯრეღს, ამონაკითხი ციფრი კიღღღეც გავიწყღღებათ. მის გასახსენებღღათ რომ თავს წამოიღღებთ გვერღღზე გაშღღიღღ წერიღღებისაკენ, ნაპოვნი უჯრეღღი გეკარგებათ და ასე და ამ გეკარად მთელი დღე კოდაღღასავით იქნეღღეთ თავს, თვალღღებს ძალას ატანთ, მეხსიერებას იკრებაღღვთ, კისრის ძარღღვებსა და ყურებს იკიღღავთ, სულთქმას იხუთავთ და მანქანათ გადაქცეული მთელ თქვენ ძალღღონეს ღღუბავთ.

მაგრამ მაინც არა გამოდის-რა! შეუძლებელია თვალი არ ავიგორდეთ, უჯრედი არ შეგვდგედ და ან რომელიმე ციფრი უადგილო ადგილს არ მიახეტოთ. მაგრამ ვინ გაპატივებთ? შეგვდათ?... ცუდი მომუშავე ყოფილხართ, მორჩა და გათავდა!.. წარმატებას ნუ მოელით. მეტადრე თუ ნოლაც არა ხართ!

ოხ, ნეტა ამ გრაფების მომგონი ჩამიგდო ხელში, ვაძუშაო თავის გამოგონილზე, რომ გაჩენის დღე დაიწყევლოს!.. მაგრამ მგონი ყველა ისეთი სამუშაო გიყების მოსაქვეიანებლად გაუჩენიათ.

დღეს დილით გადავწყვიტე შექველათ თავ-დავიწყებით შემუშავნა და ჩვენი ნოლას საყვედური თავიდან ამეცილებინა. ხაზებით აკრელებული ქალაღი დაბალივით გავქიმე, ქინძისთავებით მაგიდაზე დავამაგრე. პიჯაკის სახელოები დავიკაპიწე, თმები გადავივარცხნე, რომ თვალეზზე არ წამომხროდა, გაეკმიდე ხმა, გარეშე ფიქრები კეფაში მოვიმწყვდიე და უსუნთქებლივ შევუდექი ციფრების წიაღსა: „ათი კოლოფი წუნწუმა ღირს ექვსი კაპეიკი“ ამოვიკითხე ქარხნიდან მონაწერ წერილში. „ექვსი კაპეიკი, ექვსი კაპეიკი... წუმწუშმა, წუმწუშმა,—ვიმეორებდი გუნებაში და თან ქალაღზე იმ უჯრედს ვეძებდი, რომელსაც თავზე წუმწუშმა ეწერა. ვიპოვნე კიდეც, მაგრამ, რადგანაც უჯრედის ძებნაში კალამს მელანი უკვე შეაშრა, უჯრედს მარცხენა ხელის მაჩვენებელი თითი დავათარე. კალამი მელანში ამოვაწე და გულდამშვიდებით დანიშნულ უჯრედში გამოვფყვანე „ექვსი“. თურმე წუნწუმის უჯრედში როდი ჩამისვამს ის დაწყველილი „ექვსი“. თითი ამცდენია და „ექვსი-სათვის“ უადგილო ადგილას მიკვრევიანებია თავი.

გავათავე „ვედომოსტის“ შედგენა, თავისუფლად ამოვი-სუნუქე და კმაყოფილებით გავუწოდე ჩვენ ნოლას. ნოლამ თვალიერება დაუწყო. მწყერივით გავინაბე და მის სახის ცვლილებას ვუყურებდი. გული შიკანკალებდა, რადგანაც ნოლა შეცდომას არ მაპატივებდა ხოლმე. დანარჩენი ჩემი ამხანაგებიც ხმა გაკმენდილი მუშაობდნენ, ყველა თავის საქმეს ჩასჯდომოდა. კანტორაში სიჩუმე გამეფებულყო, მარტო კალმების უსიამოვნო წრიპინი-ლა არღვევდა მკვდრულ მღუ-მარებას.

უცბად გაისმა ნოლას უკეხი სიცილი. გეგონებოდა ცხენ-  
მა დაიხვიხვინაო. მოხელეებმა თავი მალა ასწიეს და ერთ-  
მანეთს შეაჩერდნენ. ზოგმა მათგანმა—მოცინარე უფროსი რომ  
დაინახა—უაზროთ, სულელურათ დაიწყო ღრეკა, უფროსის-  
თვის უნდა ესიამოვნებინათ. მე ქირის ოფლმა დამასხა.

— რაო? ათი ფუთი რკინა ღირს ექვსი კაპეიკიო? ხა,  
ხა, ხა!—ხვიხვინებდა ნოლა და თან დაციხვის თვალთ მიკუ-  
რებდა...

— აი კიდევ!—დაიგმინა ნოლამ,—ასი ცოცხი ღირს... აბა  
დახედე, ყმაწვილო, რა ფასი დაგიღვია ასი უბრალო ცოცხი-  
სათვის?—დაცინეთ მომმართა მე.

მე გაუფითრდი, თვალები—ამებლარდა, ვერაფერი დავი-  
ნახე რა.

— ბატონებო, — მიჰპართა ნოლამ ჩემ ამხანაგებს,—ამ  
ვაუბატონის აზრით ასი ცოცხი ღირს... აბა გამოიცანით  
რამდენი?..

მოხელეებმა ღრეკა დაიწყეს... ლმობიერის სახით გამოც-  
ნობას ცდილობდნენ.

— ვერ გამოიცნობთ! ასი ცოცხი ღირს ასი მანეთი! ხა,  
ხა, ხა! აი ასეთი მუშა უნდა, აი!—ალარ ისვენებდა ნოლა.

იმ წუთში ცხრაჯერ მოვეკვდი და ცხრაჯერ გავცოცხლდი.  
სისხლი გულში ჩამექცა და ვწყევლიდი ჩემ გაჩენის დღეს,  
ვწყევლიდი ჩემ გაფანტულობას, ვწყევლიდი იმას, ვინც ჩემ-  
და სამარცხვინოთ ეს უჯრედები მოიგონა... ნოლამ მძიმედ  
დაქეცა „ვედომოსტი“, გადმომიდო და მითხრა: წაიღე სახლ-  
ში, გადასწერე, იანგარიშე და ხვალ დილით მოიტანე. ხოლო  
თუ კიდევ მოგივა შეცდომები მაშინ კი მშვიდობითო.

ახლა ხომ გაიგე: მთვარეე, რომ ჩემ ცოდვაში დგები, ნუ  
მაცდენ, მოშორდი, მოშორდი ჩემ ფანჯრებს, შენის ღვთის  
გულისთვის!..

ოხ, შემომქმედო! რატომ მანქანა არა ვარ! რისთვის მო-  
მეცი გული, გონება და აღმაფრენა, თუ კი ნოლების დასა-  
ცინი, მათი სათამაშო შევიქნებოდე?!

# სანახსოვრო ლაქი

## მოთხრობა

შობის წინა დღე იყო. სადილათ პავლე ბარიშვილთან ვიყავ დაპატიჟებული. ჩემს გარდა ნიკო და ტატოც დაესწრნენ ამ სადილს. ნადიმი გაგვიგრძელდა და პავლესთან თითქმის ღამის ორ საათამდის დავრჩით.

სხვისა არ ვიცი, მაგრამ მე კი მთელი ჩემი სიცოცხლე პავლეს სახლში რომ ვყოფილიყავ, არ მონწყინდებოდა. ამას სმისა და კამისათვის არ მოგახსენებთ. მე სულ სხვა მიზეზი მქონდა. მაგრამ ვიდრე ამ მიზეზებს შეიტყობდეთ, მსურს მოკლეთ გაგაცნოთ პავლე ბარიშვილი, თუმცა იმან დიდი ხანია თქვენი ქირი წაიღო. ღმერთმა აცხონოს... კაი კაცი ყოველთვის დაუფიქრარია!..

იმ დროს, რომელსაც ჩვენი მოთხრობა შეეხება, პავლე ბარიშვილი უკვე ხნიერი თვალსაჩინო მოხელე და შეძლებული კაცი იყო. ცხოვრების ორომტრიალს და ათასგვარ გაქირვებას ცოტა არ იყოს დაეშინებია, მოეთელა, მაგრამ მაინც საყვარელი იყო ყველა ნაცნობებისათვის. იმის დინჯი და აუჩქარებელი ლაპარაკი, ზრდილობა და გულწრფელობა ბევრს ყმაწვილ კაცს დაამშვენებდა, ხოლო იმისი გაშლილი სახე, თეთრი ფაფუკი წვერ-ულვაში და თეთრივე გრძელი ხუჭუქი თმები—ანდამატივით იზიდავდა ადამიანს.

პავლე ხელგაშლილი კაცი იყო და სასიქადულოთაც გაგვიმასპინძლდა... სტუმრები ქიქას-ქიქაზე ცლიდნენ და ლაპარაკს უძატებდნენ. ყველაზე ბევრს თვით პავლე ლაპარაკობდა და ოხუნჯობდა. მე კი პირში წყალჩაუბებულებით ვიჯექ სუფრაზე და თვალ-ძაფ გაწყვეტილი შევყურებდი... პავლეს გასათხოვარ ქალს. მომწონდა, მიყვარდა მე ის ქალი და როცა კაცი პირველი სიყვარულით არის გატაცებული, განა იმას კიდევ სმა-ქანისათვის ცხელა?..

სადილი გავათავეთ, სუფრიდან ავიშალენით და სასტუმრო ოთახში გავედით. ეს ოთახი რაღაც საიდუმლოებით იყო

მოცული: ძვირფასი და რბილი სავარძლები, ძვირფასი აურათები, ძვირფასი ჩარჩოები, ძვირფასი ფარდები, საოცნებო ყვავილები, როიალი, სხვადასხვა ფორმის და დანიშნულებრს მაგიდები, დათვის ტყავეები და ხალიჩა-ფარდაგები ერთმანეთში არეულიყვნენ, ერთი ერთმანეთსა სჯობდნენ... მე ყოველთვის თვალეზი მიკრელდებოდა, როდესაც ამ სასტუმროოთახში მოგხედებოდი ხოლმე, და დღეს უფრო თავებრუს მასხამდა იმიტომ, რომ... ცოფივით მქრნდა მორეული ლამაზი კეკეს სიყვარული. უკანასკნელად ვტყორცნე თვალეზი კეკეს, ბარბაცით გამოვედი სასტუმრო ოთახში და ბუხრის შორი-ახლო, დარბაზის კუთხეში სავარძელში ჩავეჯექი... სხვებიც ბუხარს შემოუსხდნენ, გააჩაღეს პაპიროსეზი და რაღაც ფიქრებს მიეცნენ...

გარეთ თოვდა, ციოდა, ზამთრის გაშმაგებული ქარი გულმოსულად აწყდებოდა სახლის კედლებს და თანჯრებთან გაჯავრებით ღმუოდა... ჩვენი ბუხარი კი თითქოს ქარს ნიშნს უგებსო, საყვარლად გუზგუზებდა, სითბოსა და სიტკბოებას ავრცელებდა ჩვენს გარშემო... ოჰ, რა კარგია ცივ ზამთარში: თბილი ბინა, განცხრომით ბუხართან ჯდომა. ვაი მარტო ღარიბებს!..

დიდხანს ვიჯექი ხმა ამოუღებლად. ნამეტნავად პავლე დაფიქრებულყო და თვალეზად გადაქცეული ოცნებით გამოკიდებოდა რაღაც მოგონებას, მისი სახე ხან იღუშებოდა, მალალი შუბლი უნაოკდებოდა და თვალეზი ცრემლებით ევსებოდა. ხან კი ეღიმებოდა, ნეტარებით ენთებოდა და სახე წმინდანივით უბრწყინდებოდა.

ჩვენც ვსდუმდით. ქარი კი გარეთ, თანჯრებთან, დაქრილი მხეცივით ღმუოდა:

ბიკმა ჩაი შემოიტანა. უკან დიასახლისი შემოპყვა. (პაელეს ქალი. პავლე ქვრივი იყო და ერთად ერთი ქალის მეტი არავინ ჰყავდა). მე კეკეს შემოსვლა არ დამინახავს. მხოლოდ ვიგრძენ, რომ ისიც აქ უნდა ყოფილიყო. გაუბედავად მიმოვიხედე და დავინახე, რომ როიალზე იდაყვით დაყრდნობილი სათითაოდ ყველას გვათვალეერებდა... მისი თვალეზი მოხედნენ ჩემს თვალეზს და წუმწუმასავით ავენთე, შვლის ნუკრივით დავიწყე თრთოლვა... მთელ ჩემ სიცოცხლეს დავუნაცვლებ-

ღი, ოღონდაც კი იმ დროს ნება მქონოდა, რომ მისი ცის კამარა თვალები დამეკოცნა!..

— ბატონო, ჩაი მიირთვიო!— უთხრა ბიკმა პავლეს და ხონჩით ჭიქა გაუწოდა.

— ჰა? ჩაი?..— გამოერკვია პავლე ფიქრებისაგან, ცოტა შეწითლდა და ჩვენთან თავაზიანად ბოდვიში მოიხადა, რომ აქამდის დაფიქრებულ იყო.

— ეჰ, ყმაწვილებო, — მოგვმართა ჩვენ, — თქვენ რომ იცოდეთ, რა მოგონებას მიღვიძებს ამალამინდელი ღამე, სიჩუმისათვის აღარ გამამტყუნებსა. ამალამინდელი ღამე ჩემთვის საშოთხეცაა და ჯოჯოხეთიც, ტკბილიცაა და მწარეც... აი ეს მოგონებაც... მაგრამ ამ წუთში დალაგებით ვერ გელაპარაკებით. ცოტა მომითმინეთ და მაშინ კი ავასრულებ დანაპირებს... შეილო კეკე, აბა გეთაყვა, დაუკარ და დაამდგრე ჩემი საყვარელი რომანსი რომ არის: „Под вечер осени нежданной“...

კეკე თითქოს მომზადებული იყო, მკვირცხლათ მოუჯდა როიალს, თვალები აათამაშა და ტკბილის ხმით დაიწყო სიმღერა. შემდეგში გავიგე, რომ პავლე ყოველ შობა ღამეს ამღერებდა თურმე კეკეს ამ რომანსს და ბუხართან მარტო მჯდომარე ცრემლებად იღვრებოდა.

ზღეროდა კეკე გულსაკლავად, დინჯად. თითოეულ სიტყვას გარკვევით ამბობდა, თითოეულ ასაპალლებელ გრძნობას აქსოვდა, გულს აკლავდა. მე ნეტარებით დავდნი, დავილიე. თვალები ცრემლებით ამევესო და მზათ ვიყავ სიყვარულად დავმდნარიყავი. სხვებიც ნაღვლიანად უგდებდნენ ყურს. მხოლოდ პავლე ხომ სულ მთლათ ჩაიფერფლა.

ჩაკვდა უკანასკნელი ამონაკენესი როიალისა, მისწყდა კეკეს ხმაც და დარბაზში საშინელი და გამოუთქმელი სევდა გამეფდა. გეგონებოდათ მთელი დარბაზი, მთელი ავეჯეულობაც კი ოხრავენო. სამარისებური სიჩუმე ჩამოვარდა. ხმის ამოღებას კი არა, განძრევასაც ვერ ვახერხებდით. ისე შეგვიპყრო სევდამ...

მარტო ზამთრის ქარი ისევ გაბრაზებით დაბლუოდა ჩვენ ვანჯრებს.

— დიად, ბატონებო... შემოდგომის ერთ ღამეს კი არა



და... ერთ შობა ლამეს კი გადამხდა ისეთი ამბავი, რომელმაც მთელ ჩემ ცხოვრებაში გააელო ცეცხლის კვალი და რომელიც აქამდის არავისათვის არ მიაშენია. მარტო ჩემმა ქალმა იცის მოკლეთ, ზოჯადათ... არც არავის ვუამბობდი. მაგრამ თითქოს ვგრძნობ, რომ ეს ლამე უკანასკნელი შობის ლამე უნდა იყოს ჩემ სიცოცხლეში და ანიტომ ურიგო არ იქნება ვალიარო ყველაფერი... ყმაწვილები ხართ, გამოგადგებათ, ქეჟას ისწავლით,—დაბალის ხპით დაიწყო პავლემ, თითქოს სამაროდან ამოიძახასო და ყველანი ჩამოგვათვალეირა... ჩაის სასმელად მოვემზადეთ. კეჟე ჩემს ახლო გადმოჯდა და სმენად გადაიქცა...

— თქვენ კარგად ხედავთ, ყმაწვილებო, ვინცა ვარ და რაცა ვარ,—განაგრძო პავლემ.—მაგრამ ის კი ყველას არ გეცოდინებათ, რა ვიყავ ამ ოცდაათი წლის წინათ... ან კი საიდან გეცოდინებათ, მაშინ ზოგი თქვენგანი დაბადებულ იქნა კი არ იქნებოდა.

პავლემ შეისიენა, თმებსა და წვერებზე ხელი ჩამოისვა. ამოიოხრა და განაგრძო. ამ ოცდაათი — ხუთმეტი წლის წინათ, ესე იგი, როცა ოცი, ოცდახუთი წლის ბიჭი ვიყავ, ასე როდი ვცხოვრობდი. მაშინ არც სახლი მქონდა, არც კარი და არც ქონება... სიმღიდრისა და ქონების შეძენა მარტო პრაქტიკულ, ცხოვრებაში გამოჯეკილსა და ანგარიშიან კაცს შეუძლია... რასაკვირველია არიან „ახალგაზრდა ბებრებიც“, რომლებიც პატარაობითვე, იმ თავითვე, ქონების შეძენას, თბილ ბინას ისახავენ თავიანთ იდეალად, მაგრამ მე ასეთ ახალგაზრდებს არ ვეკუთვნოდი და მართალი გითხრათ, სულითა და გულითაც მეჯაერებიან ასეთები... ან კი რა ახალგაზრდაა ის, ვინც ბებერივით სულ „შავ-დღეზე“ ფიქრობს და ხალხთა უანგარო სამსახური ეჩოთირება, რა აღამიანია ის, ვინც კაპეიკებს ჩაბლუის და ქონებითა ზომავს აღამიანის ღირსებას...

ჰო, ირას ვამბობდი: ამ ოცდაათი წლის წინათ არაფერი გამაჩნდა. მამაჩემი, ჯერ ისევ პატარა ვიყავ, რომ გარდაიცვალა. სასულიერო წოდების კაცი გახლდათ. დედაჩემსაც წუწუნსა და ღვთის ყვედრებაში მალე ამოუვიდა სული. ჩემთვის ერთი ძველი დავითნისა, პირმოტეხილი ქილებისა და

ზის ქობის მეტი არა დაუტოვებიათ რა. მთელი ჩემი მამეულ-დედეული გახერხებულ ფარად არა ღირდა. საშინელ და აუწყერელ სიღარიბეში გავატარე ჩემი სიყმაწვილე. მართალია უფრო ხშირათ ბურსაში ვიყავი, მაგრამ ორ წელიწადში სამჯერ მაინც გამომაგდებდნენ ხოლმე და აი მაშინ იყო ჩემი ჭაპან-წყვეტა! მშვიერი, ნახევრად შიშველ-ტიტველი მგელივით დაეძრწოდი ქალაქის ქუჩებში და შეჩვენებულვით ვიბღვირებოდი... ძალიან კარგად მახსოვს ჩემი მაშინდელი ყოფნა, მაგრამ ყველას ხომ არ იტყვას კაცი... რის ვაიფავლახით გავათაყე სასწავლებელი და ცხოვრებაში გამოველ.

იმედებით აღსავსეს თავი მღევი მეგონა და ცხოვრება—სამოთხე!.. აი ამ დროს შემეყვარდა ერთი ქალი... სიყვარული ბრმა არისო ამბობენ—მაგრამ ასეთი სიბრმავე, როგორც მე დამემართა, არ გაგონილა!

ჩემი სატრფო მდიდარი და ცნობილი კაცის ქალი იყო, ფუფუნებასა და სათუთობაში აღზრდილი. როგორც დედამიწა ცას ვერ შეწვდება, ისე მე იმას ვერ შევწვდებოდი!.. კიდევ რომ გამემხილა ვისთვისმე ჩემი გრძნობა, გიჟად ჩამთვლიდნენ... დავიწვი, დავდნი წმინდა სანთელივით... ჯოჯოხეთად გარდაიქცა მთელი ჩემი, სიცოცხლე, უმისოდაც უვიცი—უნდა მოგახსენოთ, რომ სასწავლებლიდან დიდი სურვილებისა და იმედების მეტი არაერთარი სასარგებლო ცოდნა არა გამომიტანია—რა—სულ მთლათ გამოვეყეყედი. ვერაფერ საქმეს ვერ მოვიკიდე ხელი... წიგნს რომ გადავშლიდი ხოლმე წასაკითხათ, ფურცლებზე, ასოებისა და სიტყვების ნაცვლად, იმის სახე მეხატებოდა... უხილავ ცეცხლის აღზე ვიწოდი და ჩემი მხსნელი კი არავინ იყო. კეთილგონიერება ხომ სიყვარულს არა შეელის?.. ვიყავ ერთ ტანჯვაში. მთელი დღე იმის გზას ვადეკი, იმის ფანჯრებს შევეყურებდი. ოხ, როგორ მიყვარდა! სიცხისაგან დამსკდარ დედედამიწას ისე როგორ გაახარებს შხაპუნა წვიმა, როგორც მე იმისი დანახვა გამეხარებოდა ხოლმე!

დავინახავდი თუ არა ქუჩაში, ფინიასავით ავედღენებოდი ხოლმე და კრემლმორეული თვალებით შევეყურებდი. ერთ ხანს ძალიან უკადრისობდა ჩემი სატრფო ჩემს ასეთს საქციელს, მაგრამ მგონი შეეჩვია და არა ერთხელ გამიღიმებდა

ხოლმე. მაშინ კი ახლათ ვიბადებოდი და ათას გვარ ოცნებას ვეძლეოდი.

გადაეწყვიტე როგორმე გამეცნო, დავახლოვებოდი, მაგრამ სად გავიცნობდი? ის ისეთ საზოგადოებაში დადიოდა, რომ მე იქ ლაქიადაც არ მიკადრებდნენ, ისეთ კლუბებსა და წვეულებებში იყო ხოლმე, რომ მე შეეცარი კინწისკვრით გამომაგდებდა... ფული არ მქონდა და შესაფერი შეძლება. არც ნაცნობები მყვანდა. ვიცნობდი რამდენიმე ბერს, რამდენიმე მღვდელს და რამდენიმე დიაკვანს, მაგრამ ისინი რას მიშველიდნენ?

ეხ, ცხოვრებავე, ცხოვრებავე, სწორეთ ტრალი-კომედია ხარ!..

პაეღემ კვლავ შესწყვიტა ლაპარაკი, პაპიროსს მოუკიდა და ყველანი კიდევ ჩამოგვათვალეირა. ჩვენ გამოქანდაკებულებით ვისხედით... თითოეული ჩვენთაგანის გულის თქმა პაეღეს ნაამბობს თავს დასტრიალებდა...

— რატომ არ გეცინებათ, ყმაწვილებო, ჩემ მაშინდელ საქციელზე, განა გიჟობა არ იყო? — ღიმილით შეგვეკითხა პაეღე. ჩვენ ჯერ ხმას არ ვიღებდით.

— საცინელი არ არის, — დავარღვიე სიჩუმე, — სიყვარულიც დიდი გამოცანაა, თუნცა არა ერთმა და ორმა გენიოსმა შეაღწია თავისი ძალღონე მის გამოცნობას-მეთქი, — გაუბედავად დავათავე სიტყვა. ძალა-უნებურათ კეკეს შევხედე.

პაეღემ თვალი შემასწრო და დამაშტერდა. გაეწითლდი. თავი ძირს დაეხარე...

— არა, საცინელი კია ჩემი მაშინდელი ყოფნა, მაგრამ რათა ხდება ხოლმე ასეთი მოვლენა, რომ ყოველივე ლოლიკის წინააღმდეგ კაცს ქალი შეუყვარდება, — ეს კი სწორეთ გამოცანაა, — ჩამომართვა სიტყვა პაეღემ და განაგრძო:

„ბედმა გამიღიმა. ერთ ოჯახში გაკვეთილი ვიშოვნე. ამ ოჯახშივე იყო ერთი ახალგაზრდა ქალი, ქალთა ინსტიტუტში ნამყოფი. ბოლოს გამოდგა, რომ იგი ქალი ჩემი სატრფოს ნაამხანაგარი ყოფილა!.. სიხარულის ცა გამეხსნა, მაგრამ როგორ გამემხილა ამ უცხო ქალისათვის ჩემი გულის თქმა, ამას კი ვეღარ ვახერხებდი...“

„უნდა მოგახსენოთ, რომ ღარიბსა და გაუბედავს თვალტანადობა კარგი მქონდა. გარდა ამისა ორისამი წლის გან-

მავლობაში ცოტა გამოვიცადე, ბურსაკობას გადავეჩვიე-  
ლაპარაკი და სიტყვა-პასუხი ვისწავლე...

მე და ინსტიტუტკა ყოველ დღე ვხდებოდით ხოლმე ერთ-  
მანეთს. თურმე საბრალოს შეეყვარებოდი კიდევ და მე სხვის  
სიყვარულით დაბრმავებული რას მივხვდებოდი!.. ის თავისთვის  
თურმე იტანჯებოდა და მე ჩემთვის... ვინც იყო ის ქალი,  
ამის შესახებ მერე გაიგებთ, ჯერ კი ქვემოთ მოისმინეთ...

რის ვაი-ვაგლახით გავუბეღე ჩემ ნაცნობ ინსტიტუტკას  
და ვთხოვე გაეცნო ჩემთვის ის ქალი. საწყალი ინსტიტუტ-  
კა მოკვდა, ჩაიფერფლა!..—ძალიან გიყვარსო? ისეთის კილო-  
თი შემეკითხა, რომ ჩემს მეტი ყველა მიხვდებოდა, რა ძნელი  
გასაგონი იქნებოდა მისთვის ჩემი გადაწყვეტილი „ჰოს“ თქმა.

მე და ინსტიტუტკა ძალიან ხშირათ ვლაპარაკობდით  
ხოლმე საზოგადოთ სიყვარულის შესახებ (ან კი სხვა რაზე  
ილაპარაკებენ ყმაწვილი ქალი და კაცი, ყველაზე დიდი და  
ნეტარი გრძნობა სიყვარულია—მეტადრე ნორჩი გულისათვის)  
და თამამად ვუთხარი:

— მიყვარს ისე, როგორც მიწას ნამი და ირემს ულრანი  
ტყე-მეთქი.

— მაშ კარგი, გაგაცნობთ, მაგრამ თანავგრძნობისა იმედი-  
ნუ კი გექნებათ...—ყრუდ მიპასუხა და მომშორდა:

ამის შემდეგ მთელი ორი კვირა თვალით აღარ დამნახვე-  
ბია. წარმოიდგინეთ ჩემი ტანჯვა. ქვეყანაზე ერთად ერთი  
არსება იყო, რომელსაც გავუზიარე ჩემი გულისთქმა, რომელ-  
თანაც თამამად შემეძლო იმაზე ლაპარაკი და ისიც დაეკარ-  
გე!.. გამიმწარდა სიცოცხლე. თავს სასიკვდილოდ არ ვინ-  
დობდი.

ორი კვირის შემდეგ მოვიდა ჩემთან ინსტიტუტკა. გამეხარ-  
და, მეგობრულად მივესალმე და ცოტა ვუსაყვედურე კიდევ-  
საცოდავი ძალზე შესუსტებულიყო. თვალს ვერ მისწორებდა...  
ახლა კი მიეუბდი გულის თქმას, მაგრამ... მე ის მიყვარდა და  
რა მექნა? სიყვარული ქალისადმი ეგოისტური გრძნობაა, იგი  
ქვაკუთხედი ჩვენი „მე“-სი!..

— ვნახე, ყმაწვილო, თქვენი დულცინეია \*... ვუამბე ყვე-

\* დულცინეია დონკიხოტის სატრფოს ერქვა.

ლაფერი!.. ის თქვენ კარგად გიცნობთ... თურმე მოსვენებას არ აძლევთ... სულ თვალწინ ეჩხირებით...—ნაწყვეტ-ნაწყვეტად მითხრა ჩემმა მეგობარმა ქალმა.

— მერე? მითხარი ყველაფერი, მითხარი, ღვთის გული-სათვის-მეთქი!—ალარ ვასვენებდი.

— მე გირჩევთ იმას თავი დაანებოთ, თქვენი შესაფერი არ არის... ვერც შესწვდებით...—მოკრძალებით მითხრა ტასომ და თავი ძირს დახარა.

ზე გული მომივიდა. ჩემ შეურაცყოფად კი არა, მი ს შეურაცყოფად მივიღე ეს სიტყვები და თავდაუქერლად ვუთხარი:

— ყმაწვილი ქალი ყმაწვილ ქალის შესახებ თავის დღე-ში კარგს არ იტყვის.

— მე თქვენ დაგიმტკიცებთ, რომ სცდებით,—წამოწითლებით მითხრა და მეორე ოთახში გაეარდა...

ეჰ, რაღა ბევრი გაგიქრელოთ, ვისაც კი ვინმე ჰყვარებია, იგი წარმოიდგენს რა ცეცხლშიაც ვიქნებოდნი, ხოლო ვისაც ჯერ არა ჰყვარებია, იმას სასაცილოთაც არ ეყოფა შეყვარებულის ყოფნა და ამიტომ სიტყვას ალარ გაეაგრძელებ, მოკლეთ მოკერი.

ის ქალი გავიცანი... ერთ-ორჯერ ველაპარაკე. გულახდილათ ვუამბე ჩემი ტანჯვა და ვთხოვდი ჩემთვის დღენი არ გაემწარებინა.

იმან უზრუნველათ გადიკისკისა და თავის მხრით მთხოვა: მასთან ნაცნობობა შეზეწყვიტა... ასე დასრულდა ოფიციალური მხარე ჩემის სიყვარულისა, მაგრამ ჩემს გულს კი ვერსად გავექეცი, ვიდრე დრომ და ცხოვრებამ ჩემ პირველ გრძნობას სიმწვავე არ გამოაცალა..

ღიახ, დრო, ეამთამსვლელობა ყველაფრის წამალია, ჩემო ბატონებო, იგი როგორც კარგი დოსტაქარი ამოსკრის ხოლმე გულიდან გრძნობის სიმწვავეს, მაგრამ ნაგრძნობი, ნაკვალევი კი ისევე რჩება გულში. დრო ფერფლავს ნალვერდალს, აშრობს მდინარეებს, აოხრებს სოფელ-ქალაქებს, მაგრამ ქვეყნის ზედა პირი კი მოწმეა მათი არსებობისა!

შობა ღამეც მოწამეა ჩემის მღელვარე ცხოვრებისა!..—ხელ ჩაქნევით წარმოსთქვა პავლემ და ჩაფიქრდა.

ქარი გაჯაფრებით აწყდებოდა კარ-ფანჯრებს და ისე გმი-  
ნავდა, როგორც მომაკედავი...

იმ ღამესაც ასეთი ქარი ჰქროდა, — განაგრძო პავლემ, — მაგ-  
რამ ასეთი ბინა კი არა მქონდა!..

ეს იყო 197... წლის შობა ღამეს, ერთი წლისა და სამი  
თვის უკან მას შემდეგ, რაც მე და იმან ნაცნობობა შეეწყვი-  
ტეთ... როგორც დაქრილი ნადირი აღარ გამოდის ხოლმე ბუ-  
ნაგიდან, ისე მეც არ ვშორდებოდი ჩემ ბინას. მთელი დღე  
თითქმის პირქვე ვეგდე ჩემ. გამამარ ლოგინხედა შავი ფიქრე-  
ბით გარემოცული ჩემსავე თავს ვეჩხუბებოდი... ყველას ჩა-  
მოვშორდი, ყველას დაეავიწყდი და მეც ყველა დავივიწყე. ამ  
ხანებში პოლიციასთანაც მომიხდა შეტაკება და ეს უფრო  
აორკეცებდა ჩემ გაკირვებულ მდგომარეობას.

სასტიკი ზამთარი იყო. გააფხნებული ქარი თავზე მანგრევე-  
და ოთახს, რომელიც ოთახს კი არა საქათმეს უფრო გავდა  
და როზელიც ტალახის ქუჩაზე ერთი სომხის ოთხსართული-  
ან სახლის ჩრდილში იყო მოფაცხული. ღამის თერთმეტი საათი  
იქნებოდა. მე ჩვეულებისამებრ ტახტზე ვიყავ წაქოწოლილი,  
ბეჭებზე ჩემი გახუნებული პალტო მედო და სიცივისაგან ვცახ-  
ცახებდი. ქარი კი... შეუბრალებელი ქარი არ ისვენებდა: გი-  
ვი მოზვერივით აწვებოდა ჩემი ფაცხის კარებს და წუწუ-  
ნით შემოქშუტუნებდა ფარღალა კედლებიდან. ისე გავი-  
ყინე, რომ გადაბრუნება-გადმობრუნების თავი აღარ მქონდა.  
ფეხები დამაზრო. ასე მეკონა ხელფეხი ჩემი აღარ არის მეთქი:  
ვიწიქ ტახტზე რუმბივით გაგუდული და ყურს ვუგდებდი სახუ-  
რავიდან ახეთქილ ვესტის ფხაკენს, ქარის კოწიაწს. არაფერ-  
ზე არ ვფიქრობდი ახრიანათ, მხოლოდ ათასში ერთხელ გა-  
შირბენდა ხოლმე თვალწინ იმის სურათი, მაგრამ ისე ბუნ-  
დოვნათ, რომ ვერ ვარჩევდი სახის ნაკვთებს...

ჩემი იაფფასიანი ლამპარი საცოდავად ბუტბავდა, ფიქრე-  
ში მეხლართებოდა, ნახევარი ადამიანი-ლა ვიყავი...

უცბათ შემომესმა კარების კაკუნი. ყური წავუგდე. კაკუ-  
ნი კიდევ განმეორდა...

ბუზღუნითა და ვაი-ვაგლახით წამოვდექ ლოგინიდან და  
დაკარუნჩაულმა ძლივ-ძლივობით ავუგდე კარებს რაზა.

ოთახში შემოვიდა თავ-პირ ახვეული თბილსა და გრძელ

წამოსასხამში გახვეული ქალი. მე შეეკრთი, მოჩვენება მეგონა, ხოლო როცა თავპირიმოიხსნა, ჩემ წინ იდგა ის... ჩემი სატრფო!

— თქვენი სატრფო?! — ანგარიშმიუცემლათ წამოვიძახეთ ჩვენ.

— დიად! ჩემი სატრფო, — განაგრძო პავლემ. — და... გულზე მიკრული ჰყავდა პაწია ბავშვი, თავისი უკანონო ვაჟი... მე ენა არ მემორჩილება, ბატონებო, გამოვსთქვა მთელი ის ათასფერი და ათასგვარი გრძნობა, რომელიც ამ წამს ჩემს გულში აღვივდა... ეს იყო გრძნობა სიყვარულისაც, სიძულვილისაც, შეურაცყოფლობისაც, დამცირებისაც, ამაღლებისაც, დაკარგულის იპედის დაბრუნებისაც და კიდევ რა ვსთქვა?.. ეს იყო სიკვდილ-სიცოცხლის გრძნობა...

თავზარდაცემული ვიდექ მის წინ და ენა ვერ მომებრუნებინა, ისიც ხესავით გამშრალიყო...

— რისთვის მოხველით, ქალბატონო... თქვენმა ფუფუნების მომზირალმა თვალებმა ნეტა როგორ შეამჩნიეს ჩემი ქობი-მეთქი... — ძლივს-ძლივობით წამოვილულულდე და ბარბაცით ტახტზე დავეშვი. მეშინოდა არ წაექცეულიყავ.

— თქვენს მეტს მე არავის ვეყარებივარ... აი ეს შემინახეთ! ჩემ შვილია, ჩემ ღვიძლზე ნადები... თქვენ მაინც ნუ გამწირავთ!.. — ქვითინით წარმოსთქვა მან, ბავშვი გულიდან მოიხსნა, ტახტზე დასდო, მერე სახე გადაუხსნა, დიდხანს, დიდხანს ჩააშტერდა, მაგრად ჩაჰკოცნა, ერთხელ კიდევ ჩაიკრა გულში და ქვითინით კარში გავარდა...

— შემინახეთ... მოუარეთ... ხვალ ყველაფერს გაიგებთ! — შემომძახა კარებიდან და კიბეზე დაეშვა...

შეეცბუნდი. გავშრი... დიდხანს ვიდექი გაქვავებული. აზრი ვერ მომეკრიბნა. ისევ ბავშვის ტირილმა გამომათხიზლა...

— წავიდა? მერე ეს ბავშვი?.. ოხ, ღმერთო ჩემო, რა განსაცდელია!.. მე... მე ისევ მიყვარხარ ჩემო ღვთაებავ-მეთქი, — ხარივით დავიგმინე და მზათ ვიყავ იმ დროს ფეხებში ჩავვარდნოდი იმას, რომლის სურათსაც ოთხი-ხუთი წელიწადი გულით ვატარებდი, მაგრამ გვიან-ლა იყო... იგი სამუდამოდ დაიკარგა ჩემთვის!.. ჩემ გმინვაზე ბავშვი გაჩუმდა და თავისი

მშვენიერი თვალები შემომანათა. იღიმებოდა. ტურფა რამ იყო, სწორეთ ღაბუა ჩიტსა ჰგავდა...

ვუყურე, ვუყურე და დედაკაცივით ქვითინი ამოვუშვი... ვინ იცის რამდენი ადამიანი ილუპება ჩვენი უსამართლობის, ჩვენი გულქვეობისა და დაუნდობლობის გამო!?

კრემლებმა გული გაღმებანეს, ფიქრები დამიწყნარეს და ახლა უფრო ნათლად დავიწყე აზროვნება ..

ეს რა ამბავია-მეთქი ჩემს თავს—ფიქრობდი... საღ წავიყვანო ეს ბავშვი?.. საღ წავიდა ამისი დედა? რამ აიძულა ბავშვის ჩემთან მოყვანა, როდესაც სხვაგანაც შეეძლო მიბარება-მეთქი? ვეკითხებოდი ჩემ თავს და ათასგვარ საგონებელს ვეძლეოდი... ჭარი კი, თითქოს დამცინისო, უფრო ძლიერათ არახუნებდა ჩემი ოთახის კარებს და მის ქვითინს ბავშვის ტირილიც თან ერთვოდა.

კანკალით მივუახლოვდი პაწიას, ხელში უნდა ამეყვანა, დამეჩუმებინა, მაგრამ... ღმერთმა დასწყევლოს ეშმაკი და ადამიანის გულზვიადობა—უცბათ საშინელმა ფიქრმა გამიიღვა თავში... ეს ბავშვი ჩემს მოღალატედ, ჩემის უბედურების მიზეზად ჩავთვალე... თუ არა ის, ამ ბავშვის მამა, იქნება ქეთო ჩემი ყოფილიყო-მეთქი... საიდან, როგორ? ის კი აღარ მიუიქრნია. დაკარგული ბედნიერებისა და შეურაცყოფილობის გრძობანი გულზე მომაწვენ, ტვინი ამერია. ერთხანს მზათ ვიყავ აშელო ეს პაწია უღანაშაულო არსება და გველის წიწილივით ფეხ ქვეშ გამეთელა. აი, წავატანე კიდევ ხელი, რომ ფანჯრიდან ქუჩაში გადამესროლა, მაგრამ მივეახლოვდი თუ არა, ისეთის ნეტარი ღიმილით გადმომხედა, რომ სულ თვალთ დამიბნელდა...

გამოვერკვიე... ბავშვი მკლავზე მყვანდა გადაწვენილი და ოთახში ვატარებდი. ეძინა მშვიდად, როგორც ცის ანგელოზს. მისმა უმანკოებამ დამიხსნა კაცის მოკვლისა და სინიდისის დაუსრულებელი ქენჯნისაგან.

შევიბრაღე კი ბავშვი, მაგრამ არ ვიცოდი რა მექნა, როგორ მომეგლო, ვისთვის მეჩვენებინა. ვისთვის რა მეთქვა?

გათენებამდის თვალი არ მომიხუქნია. ფიქრებმა დაშაოსეს...



გათენდა. ქარი ჩადგა. დათოვლილი ქალაქი გასპეტაკებულ-  
ლიყო. დიადი დღესასწაულის მომსწრე ხალხი ქუჩაში ირეო-  
და. მე სასოწარკვეთილებამ შემიპყრო.

ამ დროს გაიღო კარები და ჩემთან შემოვიდა ჩემი ნაც-  
ნობი ტასო. (ასე ერქვა ინსტიტუტას).

ტასო გაფითრებულიყო. კანკალებდა. ჩემთან შემოსვლის-  
თანავე მუხლთ მოეკეცა, სკამზე დაეშვა და შეწუხებული  
ხმით მითხრა:

— ყველაფერი გათავდა მისთვის. ქეთოს წუხელის თავი  
მოუკლავს... ახლა იქედან მოვდივარ... აჰა, ეს წერილიც!

ტასომ წერილი გამომიწოდა...

წერილში ეწერა:

„ტასო! ეს არის ახლა მივიყვანე ჩემი შვილი, ჩემი უკა-  
ნასკნელი ნუგეში—შალიკო, პავლესთან, სთხოვე ჩემს მაგიფ-  
რათ: მოუაროს, აღზარდოს ჩემ სახსოვრათ. თუ მართლა უან-  
გაროთ ვუყვარდი... სხვები მომიკლავენ... მე ცხოვრებასთან  
ყოველივე ანგარიში გავწყვიტე. ვიდრე ამ წერილს წაიკით-  
ხავდე, იქნება ცოცხალიც აღარ ვიყო. ხალხმა, ნათესავებმა,  
დედ-მამამ მაიძულეს თავი მომეკლა. ოხ! რა უსამართლოები  
არიან!! მშვიდობით საუკუნოთ! ჩემი შვილი დამიკოცნე. ვაი  
იმის უბედურ დედას!...

ვინ არის ჩემი შვილის მამა, იმას არ გეტყვი და არც  
არავინ იცის. დეე, იცოცხლოს პატიოსან სახელ ქვეშ, დეე  
იყოს ჩემი ცოდვის მზიდველი ამინის უკუნისამდე.

ქ ე თ ო ...

წერილის წაკითხვის შემდეგ თვალთ დამიბნელდა და მწუ-  
ხარების ქვითინი ამოჰსკდა გულიდან... სამუდამოთ დაკარგე  
ის არსება, რომელიც ასე გაგიყვებით და ასე მიყვარდა.

როცა დავმშვიდდი, ტასომ ბავშვი გამომიწოდა და გასამ-  
მხნეებელის კილოთი მითხრა:

— აი, ამითი ვინუგეშოთ, გავზარდოთ და შვილივით გვიყ-  
ვარდესო...

თქმა აღარ უნდა, რომ ტასოს ისევ ვუყვარდი და თავის  
დახმარებას, თავის მეუღლეობას მპირდებოდა...

მე მადლობის თვალთ შევხედე და ბავშვს ხელო მოვკიდე.

— ეს იყოს თავდები ჩვენი მომავალი ცხოვრებისა-მეთქი,—წავიდუღუნე და ტასოს ქეითინით მხარზე დავეყრდნე...

„ეჰ—ქრელია წუთისოფელი და უფრო ქრელია—ადამიანის გულისთქმა,—ამოხხერით განაგრძო პავლემ.—ახლა იანგარიშეთ წრე, საზოგადოება, რომელშიაც იმყოფება ესა თუ ის ადამიანი და ხელში დაგრჩებათ ისეთი „გმირი“, როგორიც მე და ათასი ჩემისთანები არიან.

ტასოს თავგანწირულებამ ფრთები შემასხა და სულ სხვა გვართა მომართა ჩემი გულისთქმა და... თუმცა ტასოს მშობლები დიდი წინააღმდეგი იყვნენ ჩვენი შეუღლებისა, მაგრამ დავსძლიეთ ყოველგვარი შევიწროება და ზემოთ აღწერილ აშბის შემდეგ ჯვარი გადავიწერეთ...

რასაც აქა ხედავთ, ბატონებო, თითქმის ტასოს, კეკეს დედის, მოტანილია. ჩემი ბევრი არა ურევია რა, თუ, რასაკვირველია, არ ვიგულისხმებთ იმ გარემოებას, რომ ტასოს ნათესავეებისავე დახმარებით მე მალე კარგი ადგილი ვიშოვე და თვიურად კარგი ჯამაგირი შემომქონდა სახლში...

პირველ ხანებში მე და ტასო ბედნიერათ ვცხოვრობდით. თუ ბედნიერი ცხოვრება მარტო ფუფუნებაშია, მაგრამ ბოლოს კი ავიშალენით...

ქეთოს შვილი მე ძლიერ მიყვარდა!.. სიცოცხლეს არ დაეზოგავდი მისთვის და ეს კი საწყენი შეიქმნა ჩემი ცოლისათვის. ექვმა შეიპყრო იგი: მებუზღუნებოდა, მეჩხუბებოდა ხოლმე... დიდი ეგოისტი კია ადამიანი, თუ თქვენც დამეთანხმებით!..

— ჩემზე უფრო ძლიერ შალიკო გიყვარს!—მიხირდებოდა ტასო და იმდენ ხანს მეჩხუბებოდა ხოლმე ვიდრე ბრაზი ცრემლებათ არ ექცეოდა და ვაჩენის დღეს არ მაწყევლინებდა ხოლმე.

ვერა უშველე რა. ვერაფრით დავანშვიდე.

იბობოქრა, იბობოქრა საცოდავმა დი ერთს ჩემთვის უბედურ დღეს, დანწვარი სანთელივით კი ჩაქრა.

შალიკოც მალე მომიკვდა. ბოროტებმა ჩააგონეს,—რომ იგი ჩემი შვილი კი არა, სხვისი ბუში იყო. ინაღვლა უბედურ-

რმა. ბავშვმა და... მოულოდნელად ხელიდან გაშიფრინდა-  
ოხ, აღამიანებო, რა შეუბრალებელნი, რა უსამართლონი  
ვართ!—ნაღვლიანათ დააბოლოვა პავლემ და ღრმად და-  
ფიქრდა.

—ნეტა მე რაღათ ვიცოცხლე ამდენ ხანს? რას შევლის  
ჩემს დაკოდილ გულს თბილი ბუხარი, მდიდრული ბინა, ხელ-  
ქვეითების თვალთმაქცობა და ცბიერობა?...—წამოიძახა პავლემ  
კარგა ხნის ღუმილის წემდევ და თითქოს რაღაც მოაგონდაო  
განაგრძო:

— მეც აღამიანი ვარ,—ნაღვლიანი ღიმილით გაისწორა  
სიტყვა პავლემ.—რისთვის მავიწყდება ჩემი კეკე? მოდი აქ,  
შვილო, კეკე!...—მიიხმო თავისთან კეკე მოაუცმა, წელზე ხელი  
შემოხვია და თვლებში ჩააშტერდა.

სიჩუმე ჩამოვარდა. ნაამბობმა გამაბრუა: ასე მეგონა, რო-  
მელიმე ფარდის უკანიდან გამოხტება პავლეს ერთ-ერთი  
საყვარელ არსებათაგანი-მეთქი... ტანში მაერჯოლებდა...  
ვგრძნობდი, რომ შობის წინა ღამე ჩემთვისაც დაუვიწყარი  
შეიქნებოდა..

ბუხარი საყვარლად გიზგიზებდა, გარეთ კი ქარი ისევ ღმუ-  
ოდა. მღუმარებათ გადაქცეული ნიკო და ტატო ერთმანეთს  
გაკვირვებით შეჰყურებდნენ. მე თვალს არ ვაშორებდი კეკეს!..  
ის იყო ჩემი გულისთქმა, ჩემი აზრი, ჩემი იდეალი!..

„დამნაშავეა, ბატონებო, ის დედ-მამა, ვინც შეილებს ცხოვ-  
რების ავსა და კარგს უმალავს, ვინც აღამიანებად კი არა  
ტიკინებად ამზადებს მათ,—დაარღვია სიჩუმე პავლემ,—მე კი  
არა დამიმალნია რა ჩემი შეილისათვის, იცის ჩემი ნაკლიც  
და ცხოვრების ავკარგიც... აფასებს ჩემ გულწრფელობას და  
გულწრფელადაც შექცევა. მე მადლობელი ვარ ამისათვის...  
დღეს ჩემმა გოგონამ გამომიცხადა, რომ ერთი თქვენთაგანი  
უყვარს... შობა ღამეს ჩემს ცხოვრებაში დიდნი მნიშვნელობა  
ჰქონდა და მინდა ჩემმა შეილმაც შობა-ღამიდან დაიწყოს  
ცხოვრება...“

მე გულმა ცემა დამიწყო, თვლებში სიხარულის ცრემლე-  
ბი მომადგა... იპედი მომეცა... კეკე ბროწეულივით გაწითლ-  
და და მამას მხარზე თავი დააყრდნო...

— ნიკო!—დაუძახა პავლემ ნიკოს.

ნიკო ღიმილით ზეზე წამოდგა.

— მოდი, შვილო, ღმერთმა გაგაბედნიეროთ.— მიჰმართა პაელებს ნიკოს და აცრემლებულმა ქალისა და ვაჟის ხელი შეაერთა...

\* \*

აღარ მახოვს, როგორ გამოველ პაელებს სახლიდან... თვალ-  
ცრემლიანი გაერბოდი ქუჩაში და გულმოკლული, თავზარდა-  
ცემული ვბუტბუტებდი: ბედნიერია, ბედნიერი ნიკო-მეთქი  
და მე კი?...

## „Горьки, горьки!“

ა მ ბ ა ვ ი

### I

შემოდგომის შავ-ბნელი ღამე იყო. ნესტით გაღვინთილი ზურუსი ჩამოსწოლოდა ქალაქის ქუჩებს და ისე ჩამოებნელე-ბინა. მიდამო, რომ კაცი თვალთან თითსვერ მიიტანდა. ეინ-ქლავდა კიდევ. დროგამოშვებით წამონაბერი ქარი კენე-სით შემოურბენდა ხოლმე ქალაქს და ბრაზმორევით აწყდებოდა უადგილო-ადგილას გაჩხირულ სახლებს. მთელი ქალაქი გულჩათხრობილიყო, ძილს . მისცემოდა. არ ეძინა მხოლოდ პეტრე თითაშვილის სახლობას.

ფართო და თბილ ოთახში რამდენიმე მკერავი ქალი ჩამომწკრივებულიყო, დაეწყოთ მუხლზე საკერავეები და გამალე-ბული კერავდნენ. იატაკზე დასტა-დასტა შეკერილი ტანისა-მოსი და საცვლები ელაგა, მთელი ზღვა „ვიშიევკა-პროშივეკებისა“ ლამპრის შუქზე თოვლივით ქათქათებდა. ჩასუქებული დიასახლისი დოინჯშემოყრილი მიმოდოდა ოთახში და მკერავ ქალთ მედიდური ღიმილით დასძახოდა:

— აბა, დააჩქარეთ, გეთაყვა... მალე გაათავეთ. ხვალ სალამოსთვის ყველაფერი მზად უნდა გექონდეს, თორემ მერე ქორწილი ვეღარ მოხერხდება... დაგეიმარხვდება. ენაცვალოს დედა ჩემს ფეფიკოს, ხვალ კიდევ იქნება ჩემთან და მერე კი გამიფრინდებაა!—ჩამღერით დააბოლოვა მართამ და ამ ჩამღერებაში მთელი თავისი სიამაყე ჩააქსოვა.

— ღმერთმა გაგაბედნიეროთ, ბატონო! რა შორს ეგ მიდის: მთაწმიდიდან მიხეილის პროსპექტზე გამოიკიშება!—ღიმილით ჩამოართვა სიტყვა მართას ერთმა მკერავთაგანმა და თავის მეზობელს მუჯლუგუნი წაჰკრა,—„პროშიევკა“ მომამწოდეთ.

— ენაცვალოს დედა, ღირსი არ არის თუ?!—დაიწყო ისევ მართამ.

— ღირსი როგორ არ არის, ბეჩა! ლამაზი, ნასწავლი ქალი და ამოდენა მზითვენი!—ყრუთ ჩილაპარაკა ვილაცამ.

— ყმაწვილიც კარგია: ახალგაზრდა, ექიმი.

— ხუმრობაა!—სიტყვა გააწყვეტინა მეორე მეკრავმა და მაკრატელი ააჩხაკუნა.

— დიახ, ექიმი... ექიმი!—უაზრო ამოხვრით წაიდუდუნეს რამდენიმემ და საკერავ მაშინებს ჩხრიალი აუყენეს.

— ლამაზია სასიძო?—იკითხა იმან, რომელმაც პირველად გვირისტი გაათავა.

— ლამაზიცაა და ნასწავლიც, მაშ!—ყელის მოღერებით უპასუხა მართამ. ქალებმა მაშინები გააჩერეს. ოთახში სიჩუმე ჩამოვარდა. მართო საკერავების შრიალი არღვევდა ყრუ მღუმარებას.

— ძლივს არ დავისიძევე! როდის ხანია თვალი მექირა მაგ ყმაწვილზე!—დაარღვია სიჩუმე მართამ.

მართა სტყუოდა. ვანო ჩოფურაშვილის არსებობა, ვიდრე იგი ექიმის დიპლომს არ მიიღებდა, მართამ არც კი იცოდა. ვანო, როგორც ჩვენი სტუდენტობის უმკრავლესობა, ერთფეროვნათ და სიღარიბეში ატარებდა დროს. ნახევრად მშინერი, გახუნებულ სტუდენტურ ტანისამოსში გამოწყობილი, ზაფხულობით ერთგულად სტკეპნიდა გოლოვინის პროსპექტის ფილაქანს, ხოლო ზამთრობით კი, იქ, რუსეთის ერთერთ ქალაქში სიცივისაგან ცხრად მობღუნძული, ადუღებული წყლით იკყიპებოდა ხოლმე. მას შეემდეგ, რაც თბილისის სასულიერო სემინარია გაათავა (სადაც ლობიო მაინც ბლომად იყო) და უნივერსიტეტში შევიდა, მუცელი რიგიანად არ გასძლომია. მუდამ გაკირვებაში მყოფს აქ, ჩვენში, გროშებით უგროვებდნენ ფულებს, რუსეთში კი სტუდენტების სალარო ემმარებოდა, რომლის ვალი დღესაც, მგონი, გადაუხდელი აქვს. ნამდვილად ვერ მოგახსენებთ, გულმოდგინედ ეკიდებოდა თუ არა ჩოფურაშვილი მეცნიერების შესწავლას მაინც, მხოლოდ ეს კი ექვს გარეშეა, რომ, საზოგადოდ, მშინერ-მწყურვალი ადამიანი ბევრს ვერაფერს გააქეთებს. მართალია, არიან ნიქისა და მედგარი ხასიათის პატრონები, რომლებიც ყოველგვარ გაკირვებასა სძლევენ ხოლმე და დაქაბუკებისთანავე ჩაუდგებიან ხოლმე სათავეში თავის წრის ხალხს, თავის ამხანაგებს,

მათ ხელმძღვანელობას უწევენ, მათ ქირსა და ლხინს იზიარებენ, მაგრამ ჩოფურაშვილი ანგეათაგანი არ იყო-ყოვლად უნიკო და მუხბეზელა, იგი მარტო ერთი გულის-თქმით იყო გატაცებული: მას სწყუროდა მაღალი სწავლის, უკეთ რომ ვსთქვათ, მაღალი დიპლომის მიღება მარტო იმი-ტომ, რომ სიღარიბისათვის თავი დაედღწია და „ხალხში“ გა-რეულიყო.

ამხანაგებში თავისზე უხეიროებთან თუ დაიკვებებდა რას-მე, თორემ უკეთესებსა და შესმენილთა შორის იგი ყო-ველთვის უკან იდგა და ერიდებოდა კიდევ. არც ერთ საერთო საქმეში ვანოს მონაწილეობა არ მიუღია. დაატყობ-და თუ არა, რომ საფრთხე მომელისო, გულსწრაფი მერცხა-ლივით მაშინვე სამშობლოში მოკრიჩნებოდა ხოლმე და სამ-შვიდობოს მოსული, ისეთი თავგანთავადებით მოუყვებოდა ამ-ხანაგებს ამბავს, გეგონებოდათ ქვეყნის აზარმაცი მარტო ესა ყოფილაო. ბევრს ატყუებდა კიდევ, ბევრს სწამდა მისი ნა-მოქმედარი, ეგონათ ცხოვრებაში ერთი მეტრძოლთაგანი ესეც იქნებოა, მაგრამ სიტყვები სიტყვებად დარჩნენ და დღეს ვანო ჩოფურაშვილი მარტოოდენ ექიმი. თუ სტუდენტობაში ძალაუვნებურად დახეული ფეხსაცმელებითა და გახუნებული მუნდირით დადიოდა, დღეს ძვირფასს ტანისამოსშია გამოწ-ყობილი, თუ წვიმა-დანძხში კონკაზედაც კი ვერ დაუჯდებო-და ხოლმე და აბუზული წიწილასაკით მისტოპავედა ლაფში, ახლა, მშვენიერ ზაფხულის დღესაც კი უეტლოდ არა კად-რულობს ღარიბ ავადმყოფთან მისვლას.

მოკლედ რომ ვსთქვათ, ვანომ მიაღწია გულის საწა-დელს,—გადიდკაცდა. აღარ ახსოვს თავისი ვინაობა, ნაამხა-ნაგრებს, იმათ, ვისაც არა ერთხელ გაუწევიათ ვანოსათვის ზნეობრივი თუ ქონებრივი დახმარება, და ვისაც მაღალი სწავლა ვერ მიუღიათ,—ვეღარა სცნობს, ქართულ თეატრში არა კადრულობს სიარულს, ქართული საქმე არა სწამს, ის „მეცნიერებას“ ემსახურება. სურს, რომ ქვეყანა ავადმყოფე-ბით აივსოს, რადგანაც სხვადასხვა ავადმყოფობათა გამო-კვლევით საექიმო მეცნიერება გაფართოვდება, გამდიდრდე-ბაო. შეიძლება ასეც იყოს, მაგრამ ვანო ჩოფურაშვილი, მარტო იმითი არ გახდა შესანიშნავი, რომ იმ თავითვე „წმინ-

და მეცნიერების“ მიმდევარი შეიქმნა, მას სახელი გაეთქვა აგრეთვე იმითი, რომ ვანო „სასარგებლო სასიძოფ“ აღიარეს.

მიიღო თუ არა ადგილი თბილისის ერთ-ერთ სააქადემიკოთაში, მოაწყო თუ არა კაბინეტი ტელეფონ-სადოსტაქრო-საშხაპუნებელი და სამიკროსკოპო მანქანებით, მაშინვე ბუზებივით დაეხვივნენ გასათხოვარი ქალები. ხოლო მათი დედ-მამანი კი დასტა-დასტა ასიგნაციებს შეჰპირდნენ. ჩვენში გრძობა-გონებით ისე ვაქრობენ, როგორც ისპანახით, და საკვირველი რაღაა, რომ ყველა მოგებას სცდილობდეს!

გადიდკაცებული ვანო ჩოფურაშვილი უღვაშებ ქვეშ იღი-მებოდა და ქორივით თვალებს აქეთ-იქით აცეცებდა. ბოლოს არჩევანი პეტრე თითაშვილის ქალს—ფეფიკოს ჰხედა წილად.

— ნორჩი, ვარდის კოკორივით ლაქლაქა ქალი და ათასი მანეთებიც მზითვად კარგი რამ არისო, გაიფიქრა ვანომ და ერთ დღეს ფეფიკოს დედ-მამას ქალის ხელი სთხოვა. პეტრე და მართა სიხარულით საქორწილოთ მზადებას შეუდგნენ.

## II

ნათქვამია: „ღმერთმა ერთი ვით აცხონოს, თუ მეორე არ წაწყმიდოსო“. ჩვენ დროში ერთის ბედნიერება მეორის უბედურებაზეა აშენებული და ვანო ჩოფურაშვილის ბედნიე-ბაც სხვას უბედურებად გადაექცა.

იმ დროს, როდესაც მართა მკერავ ქალებს აჩქარებდა, ფეფიკო შუბლით მიჰყრდნობოდა თავის საწოლ ოთახის ფან-ჯარის მინას და გონებადაფანტული გაჰყურებდა ქუჩის წყვილიადს. თვალთ არა სჩანდა-რა. მხოლოდ იმავე ქუჩის მო-სახვევში მდგომ ფარნის შუქი მომაკვდავივით ცახცახებდა და ირგვლივ გარემოს ოდნავ, სულ ოდნავ, ანათებდა. ქალმა ძალაუნებურად გაუშტერა თვალი ლამპრის ციმციმს და უკანასკნელ დღეებში ნახულ-ნაგრძნობი ნელ-ნელა წამოეშალ-ნენ გულ გონებიდან.

ფეფიკო ჯერ სულ ახალგაზრდა, ასე 16—17 წლის გო-კონა იყო. ცხოვრებისა არა იცოდა-რა, გაჭირვებისა არა გა-ჟგო რა. იგი აქნობამდე მარტო ოცნებითა და ცხოვრებაზე



ყალბი წარმოდგენით სულდგმულებდა. დედ-მამისაგან განე-  
ბივრებულს, ჩვენებურ ქალთა უფერულ სასწავლებლებშიაც;  
კი არ დაუსრულებია სწავლა. ჩესა ე თუ მეოთხე კლასიდან  
მიატოვა სწავლა და დაქკრიალებდა, როგორც მერცხალი. სა-  
მაგიეროდ ბუნებას ფეფიკო დაეჯილდოვებინა მშვენიერი და  
თვალწარმტაცი გარეგნობით. ვით მარგალიტის ღილი ზო-  
ვის პერანგზე, ვით ობლად მოციმციმე ვარსკვლავი ღრუბლე-  
ბით დაფენილ ცაზე, ვით ნაადრევად გაშლილი ვარდი პირ-  
ველ გაზაფხულზე ისე მშვენობდა ფეფიკო სხვა, თავის ტოლებ-  
თა შორის და ადამიანის გაუმძღარი თვალი იმაზე კეკლუსს  
ვერას წამოიდგენდა. ოქვ გარეშეა, რომ ამ გვარ გარეგნობას-  
თან ფეფიკოს სულერი მალალი თვისება, რაიმე ნიკიც არა  
ჰქონოდა, მაგრამ ნიკი იგი დამარბული იყო, ვინაიდან ჩენი  
შეუგნებელი დედ-მამიანი ქალიშვილს მარტო გასათხოვრათ  
ამზადებენ, ქალს ისე უყურებენ, როგორც მარტო სასარგებ-  
ლო სასიძოს საცოლეს. მცირებიც ჯერ თავზე ხელის მოსმას  
ვერ ასწრობენ, რომ ხდებიან მსხვერპლნი გათხოვებისა, დედ-  
მამის ქეიფზე დაბინავებისა. ჯერ მათი გული და გონება დამ-  
წიფებული და განვითარებული არ არის ხოლმე, რომ იგინი  
უკვე დედები ხდებიან და ვინ იცის, ცნობას მოსულნი, რა  
ტანჯვაში ვარდებიან!...

ფეფიკოც ცხვარივით შეჰყურებდა მომავალს და ამ ჟამად  
მგლისგან მოტაცებულ ბატკანს მოგაგონებდათ.

ხვალ თუ ზეგ ქმრიანი ვიქნებო, გულუბრყვილოდ გაუ-  
ელვა თავში ფეფიკოს ახლო მომავალზე ფიქრმა და ნაღვლი-  
ანად გაეღიმა, გულმა წიწყენა დაუწყა. მას დაენანა თავისი  
სიყმაწვილე, თავისი წარსული და ვანო ჩოფურაშვილის სა-  
ხეს, რომელიც ოცნებამ თვალწინ დაუყენა, ნაღვლიანდ და-  
უწყა თვალსიერება.—ახმახი, უშნო, გაამაყებული ადამიანი,  
ერთი ქვეიანური სიტყვა ჯერ არ უთქვამს,—გაითიქრა ფეფი-  
კომ და მთელი თავისი წარსული ცხოვრება გაითვალისწინა.

სიყვარულით ფეფიკოს ჯერ არაეინა ჰყვარებია, მაგრამ  
მოწონება-დაწუნების ჰანგს კი დიდხანია შესჩვეოდა. მოს-  
წონდა ხოლმე თავისი ტოლი მოწათე ვაჟები, არჩევდა კი-  
დეც, ვინ უფრო კარგი იყო იმათში, მაგრამ რასაც სიყვა-  
რულს ეძახიან, ჯერ არ გამოეცადნა.

ჩოფურაშვილი პირველი კაცი იყო, რომელიც შეეხო მის გულის სიმებს და ზედ სიყვარულის სიმღერის დაკვრას ლამობდა, ვანო იყო პირველი, რომელმაც უთხრა, „მიყვარხარო“ და რომელმაც მოინდომა ფარდა აეხადნა ფეფიკოს კდემამოსილებისათვის, მაგრამ ფეფიკოს არავეითარი სიამოვნება არ უვრძენია ამ კაცის სიახლოვით. პირიქით, თითქოს შეეშინდა კიდევ იმისი. ფეფიკომ გაიხსენა ნიშნობის დღე, მოიგონა რა თავგამოდებით მიეტანა ჩოფურაშვილი საკოცნელად და გააქრჯოლა... ყველა ულოცავდა პირველი შეუგნებელი ამბორის გაყიდვას, ყველა აღტაცებული იყო ამ დღეს, თვით ფეფიკოც რაღაც ბურუსში გაეხვია, მაგრამ იმ დღის შემდეგ კი სხეანაირი მოძრაობა დაიწყო ფეფიკოს უმანკო გულისთქმამ და მას შემდეგ ერთი კვირაც არ ვასულა და ფეფიკო გამოიცივალა. სიყვარული, ქალ-ვაჟის ურთიერთობა, ცოლ-ქმრობა თანდათან განუსაზღვრელ სახეს იღებდნენ მის გონებაში და, აი, დღეს უკვე იცის ფეფიკომ, რაც ყოფილა გათხოვება. მან უნდა გაუწიოს ცოლობა იმ კაცს, რომელიც არა ჰყვარებია, არ უყვარს!

— მაშ ვინ უნდა მიყვარდეს?—გაოცებით დაეკითხა ფეფიკო თავის თავს და ერთი თვალის დახამხამებაზე ნაცნობ მეგობართა სურათებმა ჯარისკაცებივით წინ გამოუქროლეს.

— ნიკო? კოწია? გიგო? არა, არა, არა!—ბუტბუტებდა ფეფიკო და თანდათან ეღვზნებოდა.

— მაშ თედო?—უცბად გაუელვა თავში. ამ სახელის ხსენებაზე ფეფიკოს გულის სიღრმეში ჩამარხულმა, ბავშური გულუბრყვილობის შარავანდელით შემკულმა შთაბეჭდილებებმა უცბად ფრთა გაშალეს, შეტორტმანდნენ და ფეფიკოს თვალის ქუთუთოებზე რაღაც ძლიერი და უცნაურის თბილი გრძნობისაგან ამონადული ცრემლები გადმოჰკიდეს.

იდგა ფეფიკო თვალმდებელი, გული საშინლად უძგერდა, ხოლო გონება მისი კი გამოჰკიდებოდა თედოს, მასთან გატარებულ წუთებს. მოაგონდა თედოს მოპყრობა, მისი დარიგებანი, მისი გაუბეჯადი წმინდა ალერსი, მოაგონდა, როგორ სწყუროდა ხოლმე მასთან ერთად ყოფნა და... გულმა კენესა დაუწყო, თითქო თანდათან იზრდებო, მკერდი გაუფართოვდა და სასოწარკვეთილებით წამოიძახა:

— თედო, თედო, შენთან უფრო ბედნიერი ვიქნებოდი!... მე ის მყავრებია... ახლა ვგრძნობ, რომ იმასაც უნდა ძრიელ ვუყვარდე... თედო! თედო! — გმინავდა ფეფიკო და თან მღუღარებად იცლებოდა. ეს იყო ცრემლი პირველი სიყვარულისა, ეს იყო ცრემლი პირველი გაადამიანებისა, თავისი თავის შეგნებისა.

### III

ვინ იყო თედო?

თედო იყო მარტოხელა, შუათანა სწავლამიღებული, თითაშვილის წრისა და წოდების, მაგრამ ღარიბი ახალგაზრდა. თითაშვილიანთ ცოტათი ენათესავენოდა კიდევ და ამიტომ ხშირად ჰქონდა ხოლმე შემთხვევა ფეფიკოს ნაბჯისა. პატიოსანი და რიგიანი მიმართულების თედოს, მართალია, ძლიერ მოსწონდა ფეფიკო, მაგრამ მისდამი სიყვარულისთვის გულში გაღვივების ნებას არ აძლევდა და არც იმედი ჰქონდა თანაგრძნობისა. ამიტომ ძლიერ ფრთხილად ეპყრობოდა ფეფიკოს და არასოდეს არ უგრძნობებია მისთვის თავისი მღელვარება. პირიქით სულ ფეფიკოს დარიგებას და ცხოვრების აუკარგზე ლაპარაკში იყო ხოლმე. ერთ ხანად შესწვეიტა კიდევ ფეფიკოანთსა სიარული, მაგრამ რადგანაც პეტრეს ოჯახი ფუქსავატი ეგონა, ხოლო ფეფიკო კი სრულიად გამოუცდელი, ისევ მიჰყო ხელი ფეფიკოს სწავლებას. თუ რამე სახიერო იცოდა ფეფიკომ, ყველა ეს — თედოს მეოხებით, და ამიტომ აფასებდნენ კიდევ მას, როგორც ფეფიკო, ისე მისი დედ-მამა.

თედოს აზრით, ფეფიკო სულ ბავშვი იყო და მით უფრო მწვავე გასაგონი შეიქმნა თედოსათვის ფეფიკოს გათხოვების ამბავი. ბრახმორეულმა უსაყვედურა მის დედ მამას ქალის ასე ნაადრევად გათხოვება და შემოსწყრა კიდევ. ამ დღიდან პეტრეს სახლში მისვლას აღარ აპირებდა.

დაბრუნდა შინ თედო, მაგრამ გულის უმთავრესი ტამარი პეტრესას დარჩა! მხოლოდ ახლა მიხვდა, რომ მისთვის ფეფიკო მარტო მოზარდი ქალი კი არა ყოფილა, ისეთი ქალი, რომელთა გამოფხიზლებას თედო ყოველთვის სცდილობდა

ხოლმე და არა ერთი და ორი ქალიც აღუზრდია თავის დასავით, თავის ღვიძლ ნათესავევით, არამედ ფეფიკო ყოფილ მისი გულის ნაწილაკი, მისი „მე“-ს დამამწვიდებელი. მიხვდა, რომ იგი მას სახუმაროდ არ ჰყვარებია!

ბევრნაირად ეცადა თედო გულიდან ჯავრის გადავდებას, ბევრგვარად სცდილობდა დაევიწყებინა ფეფიკოს სახე, მის გათხოვების ამბავს გულგრილად მიჰკებებოდა, როგორც თავისი ნათესავი ან დის დაბინავებას, მაგრამ შრომამ ამაოდ ჩაუარა. რამდენადაც მეტსა სცდილობდა, იმდენად მეტად შემოჰკენესოდა დაობლებული გული, იმდენად უფრო გიჟდებოდა. ერთი კვირის განმავლობაში სანთელივით ჩამოდნა თედო და სწორედ ჰკუთხე შეიშალა... ცხოვრებამ მის თვალში ფასი დაჰკარგა.

ან კი რა ცხოვრება იყო თედოს ცხოვრება? წერილმანო მოხელე უმნიშვნელოთ და უსიხარულოთ ატარებდა დღე-ღამეს: დილით სამსახური, საღამოთი კიდევ სამსახური, უსიტყვოთა და უენოთ ქედის მოხრა უფროსის წინაშე, უგემური აწმყო, გამოურკვეველი მომავალი და გარშემო არარაობა, ფუქსავატობა, დაუნდობლობა! განა ღირს ამ ყოფაში სიცოცხლეო, არა ერთხელ და ორჯელ უფიქრია ხოლმე თედოს და ყოველთვის იმ დასკვნამდის მიდიოდა, რომ უფერულ ცხოვრებას სიკედილი სჯობიაო, მაგრამ მაინც სცოცხლობდა თედო, სცოცხლობდა, როგორც სცოცხლობს არა ერთი და ორი ადამიანი, ისე ანგარიშ მიუტევლად, მარტო იმიტომ, რომ მთელი დღე სხვის სამსახურში გაატაროს, ჯამაგირი აიღოს, სუას, ქამოს, დაიძინოს და გაიღვიძოს კიდევ იმიტომ, რომ სამსახურში არ დაუგვიანდეს...

არის ხოლმე ადამიანის ცხოვრებაში ისეთი ხანა, როდესაც მას ავიწყებდა თავისი თავი, თავისი დანიშნულება და გაოგნებული უაზროდ აპყოლია უმრავლესობის უაზრო ფეხის ხმას და ეს ხდება მაშინ, როდესაც შეტბორებული ცხოვრება გუბესავით ხავსდება, გველ-ბაყაყების საბუდრად გარდაიქცევა. მართალია, თედოს არსებაში დაგუბებული გრძნობა გაადამიანებისა ხშირად დაუწყებდა ხოლმე დუღილს გულის ზილრმეში და მაქარივით აბობოქრებული გარედ გადმოხეთქას ლამობდა, მაგრამ თედოს არც ძალა და არც განვითარე-

ბა არ შესწევდა, რომ მას პირველს აეღო ხელში ქვა და გველ-ბაყაყთა დასათრთობად თავგანწირვით გადაესროლა დახაგსებულ ტბაში.

მუდმივმა ფიქრმა, მუდმივმა უკმაყოფილებამ, უსუსურობა-წვრილფეხობამ უიმისოდაც გული აუცრუეს ცხოვრებაზე და ახლა, როდესაც ფეფაკო სამუდამოდ დაჰკარგა, სავსებით იგრძნო მთელი არარაობა თავისი გაძალღებული ცხოვრებისა.

— მეც ადამიანი ვარ... მეც მწყუროდა სიცოცხლე... მომეცით, მომეცით ჩემი ფეფაკო! — უგონოდ გაიძახოდა ხოლმე თედო, მაგრამ გონს რომ მოდიოდა, გულსაკლავად უმატებდა: — ჩემი?! საიდან არის ჩემი? მაჰანკლებმა, დედ-მამამ, ფულებმა იგი უდროვოდ ჩოფურაშვილს არკუნეს. ჰო, ექიმია... დიდი კაცია, კარგად აცხოვრებს, მე კი?... — მე უნდა დავივიწყო იგი! — ვითომ გადასწყვიტა ერთ დღეს თედომ და მას შემდეგ, როგორც სამთვარიოთი ავადმყოფი, მთელი ღამეები დახეტიალობდა ხოლმე მტკერის პირად, სასაფლაოებზე, რესტორანებში, ბაღებში. რამდენიმე დღე განუწყვეტლივ ლოთობდა, მაგრამ ვერა ეშველა რა, ვერ დაივიწყა. მუდამ და ყველგან ფეფაკოს სახე ედგა თვალწინ და გრძნეულსავეით ასდევნებოდა საყვარელ არსების აჩრდილს. თედო კარგად გრძნობდა, რომ არავითარი უფლება არა ჰქონდა სხვა გაეუბედურებინა და ამიტომ თავის თავს იტანჯავდა, თუმცა კი რაც უფრო ახლოვდებოდა ფეფაკოს ჯვარის-წერის დღე, მით უფრო გონებას ჰკარგავდა. კიდევ ეს იყო მიზეზი, რომ სწორედ იმ დროს, როდესაც ფეფაკო სასოწარკვეთილებით გაიძახოდა, — თედო, თედო, თედო თავის უნებურად მისულეყო პეტრეს სახლის დასაზვერად.

თედომ თვალი მოჰკრა ფეფაკოს საწოლ ოთახის ფანჯარასთან რაღაც აჩრდილს და ფეხაკრფით იქით გადავიდა.

ფეფაკოს გამოეღო ფანჯარა, თავი გარეთ გადმოეყო და გახურებული შუბლი ქარისათვის მიეშვირა. ცოტა ხნის შემდეგ სასოწახნდილმა ფეფაკომ თავზე ხელი გადაისვა და თვალ-ცრემლიანმა გულსაკლავად ერთხელ კიდევ წამოიძახა:

— ოხ, თედო, თედო!...

— აქა ვარ, ჩემო სალოცავო! — შესძახა ქვეიდან თედომ და თვალის დახანხამებაზე ფანჯარასთან აღიმართა.

ფეფიკო შეკრთა, დაიბნა და ფანჯარა უნებლიეთ მოხურა.

— წახვედი? ხმას აღარ გამცემ მაინც? ფეფიკო, ფეფიკო! შესჩურჩულებდა თედო და თან წნორის ფურცელივით თრთოდა. ფეფიკომ ფანჯარა ისევ გამოალო და ნალვლიანად წასჩურჩულა:

— რა გინდა, ჩემო თედო? წადი შინ, არავინ დაგინახოს!

— რა მინდა? მე შენ მიყვარხარ... მე თავს აღარ ვიციოცხლებ!..

— გვიანდაა, ჩემო კეთილო! ჩვენ ისევ მეგობრად დავრჩეთ!— გულზე ხელის მოკერით უთხრა ფეფიკომ.

— დავრჩეთ... სხვა რა ქირი ექნა!— გულამოსკვნით წარმოსთქვა თედომ და დიდხანს შეაშტერდა ფეფიკოს სახეს.

— მშვიდობით, მშვიდობით! ან კი რად მოვსულვარ შენთან, უმანკო ანგელოზო! კკუა თუ დავკარგე, ეს ტიალი! მშვიდობით!— ცრემლ-ქვეშ დაილულულა თედომ და ძირს ჩამოხტა, მთერალივით ბარბაცებდა.

— მიდიხარ, თედო? მშვიდობით... ხელი მაინც ჩამომართვი,— გადმოსძახა ფეფიკომ და ფანჯარაზე გადმოეყუდა. თედო ვეფხვივით სწვდა ხელში, ერთხელ კიდევ ხანგრძლივ შეაცქერდა თვალებში და გონება დაფანტული ქალის მარჯანა ტუჩებს თავდავიწყებით დაეკონა...

ეს იყო პირველი და უკანასკნელი კოცნა, ეს იყო ერთადერთი ბედნიერი წუთი თედოს ცხოვრებაში!

#### IV

დაღამდა. მეორე დღეს პეტრეს სახლის წინ იმდენი ხალხი მოგროვილიყო, რომ კაცი ფეხს ვერ აუქცევდა. ეტლი ეტლს მობმოდა. მთელი უბნის დედაკაცებიც აქ გაჩენილიყვნენ და ჩურჩულ-კურკურით გამვლელ-გამომვლელზე ბკობდნენ, ოხუნჯობდნენ. პეტრეს ძალზე გაჩირაღდნებული სახლისტუმრებით გაქედლილიყო: — ფეფიკოს ქორწილს იხდიდნენ.

ამ ქორწილის სანახავად თედოც მოსულიყო. პეტრეს სახლის მოპირდაპირე სასტუმროს მაღალ სართულში ერთი ოთახი დაექირავებინა და ფანჯარაზე ნახევრად გადმოყუდებული

ქორწილის ხალხს გაფაციცებით თვალ-ყურს აღევნებდა. თედოს ხელის გულივით გადაშლოდა თვალწინ პეტრეს სახლის შინაგანი მორთულობა და თითოეულის სტუმრის სახის გამომეტყველებაც კი არ ეპარებოდა. უმზერდა თედო გულ-გრილად, მანქანასავით. მისი გული დიდი ხანია მისივე ფიქრის სამარედ გადაქცეულიყო და თუ თვალებს ახელდა, მარტო იმიტომ, რომ ვოთხელ კიდევ დაენახა თავისი სათაყვანო ფეფიკო.

ეტლები საითკენღაც გარიხინდნენ, ქუჩაში ხალხი შეჩოჩქოლდა და ეკლესიიდან მომავალ ნეფე-დედოფლის მისაგებებლად მოემზადა.

აგერ დაიგრიალა ძვირფასმა კარეტამ და შავმა ცხენებმა თქათა-თქუფით მოაქანეს სახლ-წინ ნეფე-დედოფალი... ფრაკები, ცილინდრები, თეთრი ხელთათმანები, ყვავილები, თაიგულები, ლამაზად დართულნი ქალ-ვაჟნი ერთმანეთში აირია. გაიღო კარეტის კარები და გადმოვიდა ფრაკში გამოწყობილი ვანო ჩოფურაშვილი. გულზე უნივერსიტეტის ნიშანი ჰქონდა მიკრული და ამაყად ილიმებოდა. ვანომ დიდის ამბით გამოიყვანა კარეტიდან ფეფიკოც. შიგნიდან ფეფიკოს დედ-მამა და ნაცნობები ლოცვა-კურთხევით მიეგებნენ ახლად ჯვარდაწერილებს, გარეთ ხალხმა სიხარულის ყიჟინა დაჰკრა, მაგრამ ეს საერთო ხმაურობა მალე დაჰფარა სამხედრო მუსიკის გახურებულმა „ტუშმა“.

თედო ყველასა ჰხედავდა. ცის ანგელოზივით თეთრებში მორთულმა ფეფიკომ ერთხელ კიდევ ჩაანათა თედოს გულში, მაგრამ თედოს მეტი მოთმენა აღარ შეეძლო. ქვითინით მოშორდა ფანჯარას და ოთახში აღელვებით დაიწყო ბოლთის ცემა. თითქოს გულზე გახურებულ მარწუხებს უქერენო, საცოდავად იკლაკნებოდა საწყალი თედო და სახე თანდათან ეშლებოდა, ტვინი ემღვრეოდა. ცოტა კიდევ და საზარელი გულისთქმით გადარეულმა თედომ თმებში ხელი იტაცა.

— გათავდა... გამიფრინდა ხელიდან ჩემი ფეფიკო... ჩემი იმედი!... ჩემი სიცოცხლე რილას მაქნისია? ვის რად ვარგვივარ ობოლი სულით, დაკოდილი გულით, მუდამ სხვის ხელ-ფეხათ გადაქცეული, წვრილმან მოხელეობის მატარებელი? ვინ ამიტირდება? ვის დავენანები? დეე ჩემმა წილმა მზემ ფეფიკოს გაუნათოს. მე კი მიმიღე მოსასვენებლად, შავო მი-

წაე! ჭია-ღუებო, მალე გამოხარით ჩემი გული, რომ იქ. სა-  
მარეშიაც, არ შეიკნესდეს! შენ, შენ იყავ ბედნიერი, ჩემო  
სიცოცხლის სულის შემბერველო ფეფიკო...—დაიგმინა თე-  
დომ და რევოლვერს ხელი წამოაგლო.

ერთხელ კიდევ გადახედა ფანჯრიდან ახლად ჯვარდაწე-  
რილებს, ერთხელ კიდევ წაუგდო ყური სტუმრების ყრია-  
მულს.

— Горьки, горьки!—ღრიალებდნენ ღვინით შეზარხო-  
შებული სტუმრები.

— Горьки!—შესძახა თავის კეკლუც მეუღლეს ეანო ჩოფუ-  
რაშვილმაც და იმ დროს, როდესაც ძალად დაეკონა მორცხვ  
პატარძლის ტეჩებს, იგრიალა რევოლვერმა და საფეოქელ  
განგმირული თედო ოთახის იატაკზე უსულოდ გაიშხლართა...

1903 წ.

ქ. თბილისი.



## მოდლი მე წავალ იმ მუხასთან...

ლექსი პროზად

ღამის წყვილიადი ქალაქს ნელ-ნელ ეპარებოდა და დამაშვ-  
რალსა, დღის სიციხადით გაბოროტებულს, აღარ შეეძლო და  
თვალეები ეხუქებოდა.

ბინდმა მოიცივა არემარე, მოედვა ყველგან, მისწყდა ყიყი-  
ნა, ხმაურობა და ღრიანცელი!.. მეც დავიძინო, რას დავეძებ,  
ნეტავ რას ველი?..

თუკი აქამდე ერთმა მაინც არ თანამიგრძნოდა ჩემს ვედ-  
რებას, ჩემს ღალადსა ყური არ უგდო!.. თუ კი ჩემს მო-  
თქმას ბანს აძლევდა მტკვრისა ბუტბუტი და ჩემს ძონძებსა მზე  
ბრწყინვალე გაანათებდა; თუ კი ჩემს ოხვრას წარმონატაცს  
გიჟმაჟ სიოსგან უტყვი, უნო ტყე-ველიც კი იზიარებდა და  
მაშინ... მაშინ ყველა კილვით შემომსქეროდა, ახლა ამ ღამეს,  
ბინდით მოცულს გავერანებულს, ვინლა შემამჩნევს?.. ვითომ  
რა მინდა? ან რისთვის მაქვს თვალი სოველი?!..

მაგრამ რას ვცუბედობ. ფუ! იმ ვაჟ-კაცსა, ვინცა წუწუნით  
კრემლისაღვრით, ხელის გაშვერით, გამველ-გამომველს  
შეავედროს თავისი თავი; რა ბრძანებაა?!.. გამათახსირეს, შეს-  
ვეს-შესკავეს ჩემი სისხლი და ჩემი ხორცი, გულის ტამრები\*  
დაიხვიეს ფეხის თასმათა და ჩემი გრძნობა გაიგდეს წინ სა-  
ბურთაოთა და მე კი მაინც შებრალება ისევ მათ ვთხოვო?  
არა და არა! ჩემი სულთ-სწრაფვა ბოროტების კიცხვა-გმო-  
ბაა და მთლათ სიცოცხლე—ამაყობა შურის ძიება...

დაე, შექითათხონ, დამემუქრონ, ყბათა ამიღონ, დაე, გან-  
მკიცხონ, რაც უნდა თქვან, ცილი დამწამონ და თუნდ სატრ-  
ფოსაც სულის-ღმერთას, გულის-მეფესა, ჩემი ცხოვრების  
თანამგზავრსა, ჩაგრულის იმედს—გინდ შეაძულონ ჩემი თავი,

\* გულის ტამრები—ძარღვები, ნერვები.

დამკლან მართალი, მაინც... ვიდრემდის პირში სული არ გამიწყდება და ენა მქვერი სამეტყველოთ არ დადუმდება, არ შეეშინდები, არ შევდრკები, ჩემსას კვლავ ვიტყვი... იქნებ, ოდესმე, ჩვენსკენც აყოს სვე, სამართალი!!

აცა! განათდა ქალაქისა მთავარი ქუჩა... ვით ელვამ ღვთისამ, ცით მოვლენილმა, ვით ქორმა კაცის ქასქანჯიელის,\* შემოუქროლა მინის ლამპრებსა უცხო სინათლემ და... ელექტრონმა საიდანღაც გამოანათა: აჰყვა-ჩამოჰყვა გრძნეულსავით ქუჩის ნაპირებს, გაიციმციმა, დაიკვესა და ერთ წუთაზე გული გაუპო, დაიმონა ღამის სიბნელე. გაივსო ხალხით ფილაქანი, კვლავ ახმაურდნენ და კეკლუც ქალთა, ტანით წერწერთა, ელექტროს ძირში ჩამოუარეს. ფეხის ფლასტუნი, ვით მტლაშა-მტლუში, უგემურათა იფანტებოდა, მაგრამ ეს ხმანი, ქალთა რხევანი, ყმაწვილკაცთ გულს კვლავ უტოკებდა. ხარობდა ყველა: უღიმოდა ერთი მეორეს, დავიწყებოდათ სიღარიბე, თან დამცირება და ელექტრონსა, მოკაშკაშე მოელვარესა გაკვირვებითა, საოცნებოთ ყველა უმზერდა. დაჰკრეს მუსიკას, ააჟღერეს საკრავთა ხმები და თავბრუ დასხმულ მოსეირნეთ ესლა უნდოდათ: თამაშ-კივიკივით გამოუდგა ერთი მეორეს, სიცილ-ხარხარით მისცემოდენ თავდავიწყებას, ღიახ... თავდავიწყებას!..

ვინ რა იცოდა, რომ ამ ქუჩის ცოტა იქით, ერთ მყარალ სარდაფში, უზარ-მაზარ მანქანის გვერდით, თვალამოლამვით მუშა-კაცი დაფუსფუსებდა და გაშტერებით, წარბშეკრული, ოფლათ მდინარი, მისჩერებოდა ცეცხლის მფრქვეველ მანქანის გულსა... სალოკი თითით ოფლსა შუბლზე მოიწურავდა და გაჯავრებით, ცეცხლისაგან მთლათ დახრუკული, დრო გამოშვებით უმარჯვებდა ნავთსა და ქონსა. ქაქან-გუჯუნით, შემურვილი, იგი მანქანაც დაულალავათ ხმაურობდა და ბობოქრობდა, ფრთას ფრთასა სცემდა, თვლებსა მკაცრათ ატრიალებდა და აზარმაციოთ აზარმაცსა ეზიდებოდა. გრგვინავდა მედგრათ, ხმაურობდა ვით მხეცი რამე, ვით გველ-ვეშაპი რისხვა ღვთისით. მოვლინებული; ჰკენესოდა მწარეთ, ღრიალებდა დაქრილ დათვივით და გამურული პირით ცეცხლსა

\* ქასქანჯიელი — კუდიანი, ეშმაკი.

დააკვესებდა მეცნიერთაგან სულჩადგმული რკინის მანქანა—  
ეს იყო წყარო იმ სხივმომღენ ელექტრონისა, რომელიც ნა-  
ზათ, საოცნებო ნათელმფრქვევითა უმთავრეს ქუჩას მთვარე-  
სავეით აკაშკაშებდა.

მუშა იგი კი—მემანქანე, მისი მომწყობი, მაგრამ... რა  
მაგრამ, დროს ბრუნვითა, მანქანა იგი მესაიდუმლეს  
მაგრე რიგათ არ ადგებოდა... ის ეკუთვნოდა ფულის. პატ-  
რონს, მდიდარ ბურჟუას და თუ ეს მუშა დღე დაღამე ცეცხლ-  
ში იწვოდა, სამაგიეროთ მისი პატრონი ძვირფასი ეტლით,  
ქუჩა-ქუჩა უდარდელათ დაგრიალებდა.

ხარობდნენ სხვებიც, ელექტრონი საარშიყოთა ალტყინებ-  
და იქ მოსეირნეთ, აქ კი მანქანის გუგუნ-ღრიალსა, მწარის  
ლიღინით მუშის გული ბანსა აძლევდა. მოსთქვამდა ბედსა  
დამძოვრებულს, გაკრიჟანგებულს, მოსთქვამდა ცოლშვილს  
მშვიერ-მწყურვალს, მიტოვებულსა, მოსთქვამდა თვის თავს  
დამონებულს... მანქანის მსხვერპლსა და ალანძული, გამურუ-  
ლი, აჩრდილის მსგავსი, გამწარებითა მუშტზე მალ-მალ იკ-  
ბინებოდა. ვისით ვინ ხარობს, ვინ მდიდრდება, ვინა ნეტა-  
რობს? შრომის შვილი კი—მუშა კაცი, მდიდართა მონა,  
წელზე ფეხს იდგამს, მაგრამ მაინც კედება მშვიერი... ეხ, ღმერ-  
თო, ღმერთო, დაგელოცოს ეგ სამართალი!..

მოდრი მე წავალ იმ მუშასთან და ყურს დაეუგდებ, რომ  
მისი გული ჩემს გულს მტკიცედ დაუძმობილდეს, რომ იმ მუშამ  
დაჩაგრულმა მეც—დაჩაგრულსა,—სამარადისოთ მომცეს ხელი  
და გამამხნეოს.



# ნომერი ოსლავართი ჯვართ

დრამა 5 მოქმედებად

## მ ო მ კ მ ე დ ნ ი :

განო ლიმაური—ნასწაველი ახალგაზრდა ქალი  
ლეონ ბერკი — სტუდენტი  
ირაკლი კოვჭირიძე—ნასემინარიელი ახალგაზრდა  
თევდორე პატრიშვილი—ნასტუდენტარი, კალარა  
ლადო ხოველი—ნასემინარიელი, ახალგაზრდა  
ნინო—პაპირ. ქარხნის მუშა-ქალი, ახალგაზრდა  
ქეთო — „ „ „ შუა ხნისა

გარეგინ ყარლაშინი  
არტემ გუგულიანი

{ ყოფილი ნოქრები

მუშები

ვინმე მოხუცი

მთხოვარა

როტმისტრი შვილიევი—ენდარმთა ოფიცერი, ქართველი

როტმისტრი ხრაპო

ენდარმები, პოლიციელები, ბოქაული, მოსეირნე ხალხი

მოქმედება ხწარმოებს საქართველოში 1907-8 წ. წ., რეაქციის დროს.

## მოქმედა პირველი

### ხაიდუმლო სტამბა

ს ც ე ნ ა: თაღებიანი ჯურღმული, სტაჰბათ მოწყობილი, უკა-  
ნა კედელზე კიბეა მიდგმული. კიბის თავში ატარა ხერელი მოს-  
ჩანს, ოდნავი სინათლით. მარჯვნივ და მარცხნივ, კედელთან  
მდგომ კასებზე ანთია წყვილ-წყვილი კართოფლის სანთლები.  
სცენის სიღრმეში, კიბის გვერდით, მოსჩანს ხელით საბეჭდი მან-  
ქაბა. მანქანის გვერდით ალაგია დასტა-დასტა ქალაღდი. შუაში  
დგას უბრალო დიდი მაგაღა. ზედ—წყლის ლიტრა და ჭიქა, ძვე-  
ლი გაზეთები და კორექტურის ფურცლები, სდგას დიდი ლამპა,  
ანთია.

### I

ფარღის ახღისას კასებთან დგანან: მარჯვნივ გ ა ნ ო და  
ნ ი ნ ო, მარცხნივ—ყარღაშიანი და ქეთო. აცუიათ სამუშაო ხა-  
ლაათები. ასოებს არჩევენ. სიჩუმეა.

გ ა ნ ო — (მიღის მაგიღასთან, ჭიქაში წყალს დაასხანს, დაღევს და დაი-  
ღრიჯება) ახ, საღა ხარ, ახღა, ჩემო ლურჯა ლიახვის წყა-  
ლო! ამ ოხერ ქალაქში ყვეღაფერი აყროღებ-ღლია!.. (ისევ თა-  
ვის ალაგას მიღის)

ქეთო — იმიტომ, რომ აქ, ქალაქში, დიდი ცოღვა ტრია-  
ღებს... თვით ჰაერიც კი მოშხამულია.

ყარღაშიანი — თქვენი სოფელი ზომ სულ ანგეღოზებიითაჰ  
საღსე და პირველი მათგანი შენა ხარ!..

ქეთო — (შეუღრვს ყარღაშიანს) ჰა, კიღევ დაიწყე?

ყარღაშ. — არა, ამით ვათაღებ შენთან ლაპარაკს. (ღიმიღით  
გაღახეღავს ნინოს და ანიშნებს: „მე და ქეთო გუშინ კვღავ წავიჩიუბე-  
ნითო“)

ნ ი ნ ო — ამხანაგო გარეგინ, დიდი მოუსვენარი ვინმე ხარ,  
ვინც არ გიცნობს. (ღიმიება)

ყარღაშ. — მოსვენებუღები სასაფღაღოზე წვანან. მე კი მაღ-  
ღობა აღღახს, ჯერ კიღევ პირში სული მიღღია...

ქეთო — (თავისთვის, თუმცა ყარდაშიანის გასაგონად) მაგრამ სული მეტის მეტად მოკლე და უმსგავსი...

ყარდაშ. — (აწვეტივნეს) მე თქვენ ხმას არ გცემთ, საძაგელო! განო — (სათვალეებიდან გადახედავს) ეს რა ამბავია, ამხანაგებო, ჯანა თქვენ დიდ მეგობრობას ასეთი სიტყვა-პასუხი ეკადრება? ნინო — იცი, ამხანაგო განო, ესენი კიდევ წაჩხუბებულან.

შევიაროთ!

ქეთო — მე შესარიგებელი არა მაქვს-რა!

ყარდაშ. — მით უმეტეს-მე!

განო — რა საკადრისია ერთმანეთს ბავშვებივით ებუზღუნებოდეთ. უეჭველია, უბრალო რამეზე შეხირდებოდით, ხომ?

ყარდაშ. — (სიცილით) ვფიქრებ ლუარსაბ თათქარიძის ბუზებს, არა დამიშაფებია რა ამხანაგ ქეთოსათვის.

ქეთო — (გადიხარხარებს) ეგ ენაც რომ არა გქონდეს, აქამდე მგლები შეგქამდნენ!

ყარდაშ. — მგლებისაგან შექმა თუ არა სჯობდეს შენს გადაკიდებას, შერცხვენილი ვიყო. არა, აბა, რა დაგიშაფე გუშინ, რათ წამეჩხუბე? მე რო სხვა მომწონდეს, შენ რა დავა გაქვს?

ქეთო — სტყუის, ძმები ნუ დამეხოცება, სტყუის! რა მოწონება, რის მოწონება?!..

ნინო და განო. { აი, თქვე ეშმაკებო!

ქეთო — (მორცხვად) რანაირები ხართ, ღმერთმანი, ადამიანს, ძალა-უნებურად გააწითლებთ!

ნინო - ვაშა! ვაშა! დაგიჟირეთ, თუ არა? ამხანაგო განო, შოდი და შევიაროთ.

ყარდაშ. — (ჩაიკინებს) მე არა მსურს შერიგება!

ქეთო — არც მე მსურს!

ნინო და განო { ჩვენ კი გვსურს! (განო ღიმილით მივა ქეთოსთან. ნინო კიდევ გარეგინთან, წააღვლებენ მკლავებში ხელს და ერთმანეთთან მიჰყავთ)

ქეთო — (ინახება) დაიკარგოს, მაგას კაცი ხმას როგორ გასცემს?

ყარდაშ — (ესეც ინახება) ალარც მე მაქვს თავი მაგის. ბუზუნისა!



განო — ბევრს ნუ ლაპარაკობთ! მოიტანეთ ხელები! (ხელს ჩამოართმევინებენ).

ქეთო — (ყარდაშიანს ქვეშ-ქვეშ გაუღიმებს) მამა არ წამიწყდეს, თუ კიდევ დაიწყებენ ენის ქარტალი, იცოდეთ სამუდამოდ დაგედ-ღურები.

ყარდაშ. — (ღიმილითვე) გეცდები ამიერიდან ენა მუცელში ჩა-ვიგდო. მაგრამ, უკაცრავად, მეცლის ხსენება ქალებთან, მგონია, უხრდებლობაა. (საერთო ხარხარი და ამანაგური ლაღობაა, მერე ყველა თავის ადგილას გაჩერდება და მუშაობას განაგრძობენ. პაუზა)

განო — ასე არა სჯობია? ანხანაგებში უსიამოვნება საძრახისი ..

ნინო — უსიამოვნება, თორემ მილიონები გვაქვს გასაყოფი, წვრილმანობა კი ყოველთვის დასაძლევია.

ქეთო — (ყარდაშიანს გადახედვს) იცით, რა მწარე ენა აქვს? ისეთ რამეს იტყვის ხოლმე, რომ ტყვიასავით მოგხედება გულზე.

ყარდაშ. — დღეის შემდეგ ბევრი შაქარი უნდა ვქამო, რომ ენა დამიტკბეს...

ქეთო — (ღიმილით) წანკლიანო!

ყარდაშ. — მოჩხუბარა!

განო — (იციინის) ჰა, კიდევ მოჰყევი?

ნინო — გვეყოფა, ამხანაგებო ამდენი ხუმრობა, საქმეს დავუჩქაროთ, თორემ საცაა ჩვენებიც მოელენ. (სიჩუმე ჩამოვარდებდა. გაჩქარებით არჩევენ ასობებს)

ყარდაშ. — (კარგა ხანს შეყურებს განოს) ამხანაგო განო!

განო — (თავ-აუღებლივ) მე ვარ!

ყარდაშ. — ხომ იცი, რომ დღეს ისიც უნდა მოვიდეს?..

განო — (ვითომ ვერ ძიხვდა) ვინ?

ყარდაშ. — (ეშმაკურის ღიმილით) აი, მე და შენ რომ ვიცით-

განო — (მორცხვად) გამეცალე იქით!

ყარდაშ. — ჰა, მაგისთანები არ იყოს, თორემ... (თათს დაუქნევს)

განო — (უფრო ძირს დახრის თავს) თავი დაძანებე, მეთქი. (ქეთო და ნინო ქვეშ-ქვეშ განოს დააცქერდებიან):

ყარდაშ. (ვითომ თავისთვის) რას იზამს კაცი?.. წესია და ადა-თი ბუნებისა. თუმცა არ ვიცი, როგორ მორიდდებიან ისა და

ირაკლი კოვზირიძე. ამ ბოლო დროს რალატას ედავებიან  
ერთმანეთს. (ლილინებს)

გზა სიარულმა დალია  
სიბი ქვა-წყალთა დენამა:  
გოგო და ბიჭი დალია,  
ერთმანეთისა ცქერამა.

განო — (მორცხვი ლიმილით გადახედავს ყარდაშიანს) ვერ მოგარ-  
თეი, რასაცა ფიქრობ. (ქალები თავდაპირით იცინიან)

ყარდაშ. — (დააცქერდება განოს) ვითომ?

ქეთო — დააყენე, კაცო, ეგ ენა, ძალის ქონით ხომ არა  
გაქვს ყბები მოქნილი.

ყარდაშ. — (სიტყვას გადააბრუნებს) აი, ძალლი და ლორი და-  
ვუქალ იმათ მკედრებს, ვინც ჩვენ ამ დღეში გვაყენებს! ზე-  
ვით, ამ ჯურღმულის თავზე, ცხრა თვალა მზე ანათებს და  
ჩვენ კი აქა ვლკებით, სიმშლით ვიხოცებით... რა სიცოცხ-  
ლეა ჩვენი სიცოცხლე?..

განო — ცოტა კიდევ, ამხანაგო, და ჩვენთვისაც ამოვა მზე  
ბრწყინვალე, მზე დიადი.

ყარდაშ. — ეჰ, ვინ იცის, მოვესწრები კი მაგ დღეს?

განო — იყურე, ამხანაგო. ასეთი თქმა არ შეგშენის. სულ-  
მოკლეობა იგივე სიმხდალეა.

ყარდაშ. — ქალებზე მხდალი ვილა იქნება?

ქეთო — წერცხევს ის დედაკაცი, რომელიც მამაკაცს რამე-  
ში ჩამოუვარდეს.

ყარდაშ. — (ქეთოს) ყველა ხომ შენისთანა ქალა-ბიჭა არ არის?

ქეთო — გაგიხმეს ეგ ენა. ჰო და ჰო! (ყველანი გულიანად ხარ-  
ხარებენ)

ნინო — რა ამბაეი გვაქვს, ამხანაგებო, გაეჩუმდეთ, თორემ  
ჩვენი ხმა ქუჩას მიახწევს.

ყარდაშ. — ნუ გეშინიათ, ცოცხლად დამარხულთა ხარხარი,  
იგივე დუმილია. (ამ დროს მაღლიდან ჩამოესმით სტვენა. ყველანი  
შალაუნებურად შეკრთებიან)

ყარდაშ. — (ყურს მიუგდებს) მოდიან, მოდიან ჩვენი ვეფხვები.  
(განოს მოუთმენლობა დაეტყობა. ყველანი მუშაობას გაახურებენ. კიბეზე  
რიგ-რიგად ჩამოდიან: თვედორე, ირაკლი, ლეონ ბერგი)

მოსულნი — გამარჯვება ჩვენს ამხანაგებს!

დამხდურნი — გაუმარჯოს თქვენ მოსვლას!

თვედლორე პატრიშვილი — (დინჯათ აქეთ-იქით იხედება. ენა ბლუა) აბა, ამხანაგებო, მიეეშველნეთ ერთმანეთს, ყველამ ხელი წავახმაროთ. სალამომდე უნდა მოვასწროთ ფურცლების დარიცგება, თორემ გაფიცვა დაგვიგვიანდება. (უბიდან ამოიღებს დედანს, გახევეს რამდენიმე ნაპრად და ჩამოაჩივებს. ერთ ნაპერს თითონაც დაიტოვებს, შერე ჩადგება ამხანაგებში, მარჯვენა და დაიწყებს აწყობას. ირაკლი მარცხნივ ჩადგება. მარტო ლეონ ბერგი დადის კასეხის წინ, დალონებულა. ხანგრძლივი სიჩუმე და გამაღებელი მუშაობაა. უცბად ყარდაშინი დაიწყებს ლილინს, მას ბანს აძლევს მეორე, შესამე, მეოთხე და მალე საამური, თუმცა დაბალი, მაგრამ ხმა შეწყობილი სიმღერა გაჩაღდება. ბერგი შუაზე გაჩერდება და ყურს უგდებს)

მეგობრებო, წინ... წინ გასწით,  
 ნუ შედრკება თქვენი გული,  
 დე მკეოდს სისხლის დალი აჩნდეს  
 და შუბლს ოფლის ნაკადული.  
 წინ, წინ! მედგრაღ! შევებრძოლოთ,  
 ჩარხ უკულმართ ამ ჩვენს დროსა,  
 კიორის ოფლში გავატაროთ,  
 სიმართლის და ძმობის დროშა. (ხანგრძლივი პაუზა)

ლეონ ბერგი — (გრძნობით) ან კი ვინ დაგვიდგება წინ? საცა თქვენისთანა მებრძოლებია, იქ დამარცხებას რა ხელი აქვს? ამ სიმღერამ ისეთ გუნებაზე დამაყენა, ამხანაგებო, რომ მზათა ვარ მარტო მე გაეუმკლავდე ყოველგვარ ბოროტებას!..

განო — (ალტატებით შეჰყურებს ბერგს, სიტყვას აწყვეტინებს) ერთი კაცი ქამაშიაც ბრალიაო, ნათქვამია.

ლეონ ბერგი — ერთი რათ ვიქნები. ჩვენ ზურგს უკან მთელი ლეგიონი დგას მაშერალთა და ტვირთ-მძიმეთა, თუმცა ერთ კაცსაც ბევრი რამის გაკეთება შეუძლია: განა მარტო არ იყო მოსე წინასწარმეტყველი, ებრაელები ეგვიპტის ტყვეობიდან რომ გაანთავისუფლა? განა ერთადერთი არ იყო იესო ნავინი მზეს რომ უბრძანა—შესდევით და ჰავაონის ხეობაზე შეაჩერა? განა ეული არ იყო ძე მარიამისა,— ნაზარეველი,—რომ ფარისეველნი და მატყუარანი ტაძრიდან დაიფრინა? მომეცით მტკიცე რწმენის ადამიანები და სამსდღეში დავამხოთ თვითმპყრობელობის სიყვარავს.

ყარდაშ. — მაინც წამოჰკრა და თავისი ბიბლია გადაშალა-  
განო — (წყრომით გადახედავს ყარდაშიანს და მერე ბერგს მიმართავს  
აღტაცებით) განაგრძეთ, ამხანაგო, ბერგ. (ბერგი ჩაფიქრებულია).

ნინო — (განოს) რა ტკბილი და ჭკვიანი ლაპარაკი იცი-  
ლეონ ბერგმა.

ქეთო — ნასწავლია და იმიტომ!..

ყარდაშ. — (განოს გულის მოსაგებად) ლეონი სულ სხვა ბიქია,  
თორემ ვინ იცის, რამდენი ნასწავლია უშნო და ულაზათო!

ირაკლი კოვზირიძე — ულაზათო, მაგრამ ჭეშმარიტების  
მლალადებელი კაცი სჯობია მკერმეტყველსა და ცრუბენტე-  
ლა მქადაგებელს. ბატონო ლეონ ბერგ, თქვენ მართალს არა  
ბრძანებთ. პიროვნებას, როგორც ერთეულს, როგორც ასეთს,  
არა შეუძლია-რა. პიროვნება ცხოვრებისა და გარემოებათა  
სულ უბრალო იარაღია. მე, შენ, ის. სათითაოდ უძლურნი-  
ვართ. ძლიერია მხოლოდ მასა და მისი ნებისყოფა.

ყარდაშ. — ახლა-კი დაიწყო ჩვენმა ფილოსოფოსმა!

ირაკლი კოვზირიძე — პიროვნება, როგორც ეგეთი, მოჩვენ-  
ებაა. სინანდელია მხოლოდ ძალა, ძალა მშრომელი ხალ-  
ხისა. ამიტომ ჩვენ უნდა ავლაგმოთ თითოეულის კერძო გუ-  
ლისთქმა და ჩვენი მეობა ხალხთა კრებულს, მშრომელ მა-  
სას, დავუმორჩილოთ. რას ნიშნავს „მე“ იქ, სადაც ბრძანებ-  
ლობს „ჩვენ“. ვინც ასე არ ფიქრობს, ის კარგი ამხანაგი  
ვერასოდეს ვერ იქნება. კმარა ზღაპრები, თორემ უიმისოდაც  
შეირყვნა ჩვენი ჯგუფი, ჩვენი წრე. უიმისოდაც ბევრ  
არამზადა ჩამოგვერია და პიროვნების სახელით ჩვენი ერთობის  
დარღვევას სცდილობენ. (აღელვებით) მე ვხედავ, მე ვგრძნობ,  
რომ ციხე შიგნიდანა ტყდება.

თევდ. პატრიშვილი — (ენის მოკიდებით) მაკვირვებს, ამხანაგო  
ირაკლი, შენი ასეთი აპილპილება. ჩვენი ციხის გამტეხი  
კაცი ჯერ არ დაბადებულა. ჩვენ ჩვენი საქმე გავაკეთოთ და  
მერე ვნახოთ, რაც იქნება.

ერ. კოვზირიძე — იქნება ის, ჩემო კეთილო, რომ ვიდრე  
ჩვენ ამ ფურცლებს დავბეჭდავდეთ, ამათი შინაარსი კიდევ  
ეცოდინებათ, სადაც ჯერ არს.

ლეონ ბერგი — (მედიდურად ათვლიერებს ყველას და მერე კოვზი-  
რიძეს, დაცინვით) როგორცა სჩანს, ბატონო ირაკლი, თქვენ

უკვე გცნობებიან ჩვენი მოლაპატენი... მომავალ კრებაზე მე მოგთხოვთ იმათ დასახელებას.

ყარდაშ. — (თავისთვის, მაგრამ ყველას გასაგონათ) ბატონო... ბატონო, რას ჩააცივდნენ ამ ოხერ სიტყვას. ველარ გაიგეს, რომ ჩვენ შორის ბატონა აღარ არის?.. ჩვენ ვართ მხოლოდ ამხანაგები.

ირ. კოვზირიძე — (ყარდაშის ამრეხით გადახედვას, მერე ბერგს) მე დასახელებისა არა ვიცი რა. როცა საკმაო საბუთს ვიპოვნო, ჩემის ხელით მოესპობ მოლაპატეებს... კატის კნუტივით დავაღრჩობ. (გაჯავრებით დაანარცხებს ბჭკართა ყალიბს)

თედ. პ. ტრიშვილი — (დინჯად) შენ აღარა ხუმრობ, ამხანაგო ირაკლი!..

ირ. კოვზირიძე — უადგილო ადგილას მხოლოდ არამხადები ხუმრობენ ხოლმე.

ლემონ ბერგი. — არა მესმის-რა!

ირ. კოვზირიძე — ყველანი მალე გაიგებენ და,მათ შორის თქვენც, ბატონო ბერგი!

ბერგი — პასუხს მერე მოგთხოვ-მეთქი, აქ კი საჩხუბრათ არ მოვსულვარ...

განო — (აღშფოთებული) ამხანაგო ირაკლი! სიტყვას საზღვარი სკირია.

ირ. კოვზირიძე — (გვერდზე შეხედვას განოს) მხოლოდ არა იმ დროს, როცა უტიფრობას საზღვარი აღარა აქვს. (ყარდაშის) ამხანაგო, მოაძხადე დაზგა, ჩემი სვეტი უკვე ავაწყე-ყარდაშ. — კარგია მეც ბატონი არ დამიძახე.

ირ. კოვზირიძე — (თავისთვის) სულელი!

ლემონ ბერგი — (მათ საბუთად მანქანასთან) აბა, მოიტანეთ თქვენ თქვენი ანაწყობი, ამხანაგებო. (ყველანი დაფაცურდებიან. სვეტი სვეტზე მიაკეთ. განო წარბშეკვრით აიღებს ვალოკს, საღებავს ლესავს და თან ბერგს შეკყურებს. ბერგი ზურგ შეკვეთულა დგას, დაზგის ყურისათვის ხელი მოუყიდნია, დაფიქრებულია, თვედორე სვეტებს ათვალიერებს. ნინო, ქეთო და ყარდაშისანი ერთად ჩურჩულობენ. ირაკლის კასახე იდაყვები დაუყრდნია, თავი ბელბზე ჩაუდევს და ღრმად ჩაფიქრებულია. მოისმის სტვენა. ყველანი კბებს შეხედავენ. ჩამოდის ლადო ზოველი, მას უკან მოსდევს არტემ გუგულიანი.

ლადო ზოველი — გამარჯვება ამხანაგებს, გამარჯვება ჩვენ საქმეს!..

გუგულიანი — (იმეორებს ლადოს სიტყვებს)

ლადო ხოველი — აბა, ამხანაგებო. მზათა გაქეთ ფურცლე-  
ბი? ხალხი მოუთმენლად ელის ჩვენს სიტყვას.

ყველანი — აწუბილია, დაბეკდუა-ლა აკლია.

გუგულიანი — (სვეტებს ათვალეოებს) ჯან, ბიკებო, ჯან, ამხა-  
ნაგებო.

ლადო ხოველი — (დაღონებით) დავაჩქაროთ, გეთაყვა, თო-  
რემ ჩვენს სტამბაზე, მგონია, ექვი მოუტანიათ...

ქალები — (გაკვირვებით) ექვი?

კოვზირიძე — (გამოერყევა) მე კი არ ვიცოდი!

ლეონ ბერგი — ჩვენ სტამბას ეშმაკიც ვერ მოაგნება.

თევდორე — ისინი ეშაკებზე უარესნი არიან.

გუგულიანი — ფეხებსაც ვერ მოგვქაშენ. ერთი ხერელიდან  
მოგვადგებიან, ჩვენ მეორეთი გავიპარებით...

ყარდაშიანი — (აუაულიანს) ტყვილად კი არ გეძახიან ქალი-  
მელას!

გუგულიანი. ქალის მელა სჯობიან პირადიას.

ლადო ხოველი — რა დროს ხუმრობაა? აბა, შევეუდგეთ ბე-  
ქდვას.

(ბერგი დაზგას ფაცარსა ხდის. განო სვეტებს გორგოლას წაუს-  
წამოუსვამა. იწყება ფურცლების ბეჭდვა).

ირ. კოვზირიძე — (წწაუდ ამოიოხოებს დაჯრუდ) არა, ჩვენ შო-  
რის ვილაც მოლალატე უნდა იყოს...

ლეონ ბერგი — (გადმოსძახებს) მაგას მხოლოდ სიმხდალე გა-  
ლაპარაკებთ. ნერვები აგშლიათ...

ირ. კოვზირიძე — (შეუბღვერს, გესლიანად) ნერვები იმასა აქვს  
აშლილი, ვინც თვალთმაქცობს.

ლეონ ბერგი — (სიზღით შეჭყურებს კოვზირიძეს)

ლადო ხოველი — (გავლენიანად) ლეონ! ირაკლი! (ლეონი და  
ირაკლი ერთხელ კიდევ გაზომვენ ერთმანეთს თვალით. პაუზა, ისმის მან-  
ქანის ხმაური)

ყარდაშ. — (ირაკლის განზე გამოიყვანს) რათა ხარ აგრე ამრე-  
ჭილი, ამხანაგო.

ირ. კოვზირიძე — გული მტკივა, გული!

ყარდაშ. — სუსულელეა! მე მგონია განო...

ირ. კოვზირიძე — წავიდა ხელიდან. სულელი შენა ხარ,  
რომ ვერასა ხედავ!..

ყარდაშ. — დისანახავი ჯერ არაფერია.

ირ. კოვზირიძე — ნეტარ არიან მორწმუნენი.

ყარდაშ. — ხოლო უბედურ არიან შფოთნი გულითა. (იცი-  
ნის, ირაკლის ხელს გადახვევს, განსე გამოიყვანს. სერიოზულად) კარგი  
იქნება, ამხანაგო, რომ ანარქისტობას თავი დაანებო. (აქეთ-  
იქით მიიხედ-მოიხედავს და ყურში უჩურობს) არავეს კი უთხრა  
და... მეც ცოტათი მოვიანარქისტებ.

ირ. კოვზირიძე — (ძვარე ღიმილათ უჩურობს) შენც არავეს  
უთხრა და... ანარქიზმისა არა გცოდნია-რა.

ყარდაშ. — (ტაშს შემოკრავს და გაღიხარებულად) ყველანი ყურად-  
ღებას მიაქციენ, გარდა ხოველისა, რომელიც დაბეჭდილ ფურცლებს  
თავისთვის კითხულობს)

ლადო ხოველი — ჩინებულია, დიდებულია, ჩემო თევდორე!  
როგორც წერა გეხერხება, ისე რომ ლაპარაკიც გეხერხებო-  
დეს, კლდეს დაანგრევდი.

თევდორე პატრიშვილი — კოკლმა მეძებარმა კურდღელი  
რომ მოგიბრუნოს, ისიც კარგიაო. მუნჯობა-კი ამდენი ხნის  
ციხეში ჯდომამ შემძლენა. (იციან)

ლეონ ბერგი — (გატაცებით) ჩვენ დავანგრევთ იმ ციხეებს.

განო — ჩვენ ავაგებთ ტაძარს, ძმობა-ერთობისას და სიყვა-  
რულისას.

ირ. კოვზირიძე — (თავისთვის) მე კი... ავანთებ კოცონს შუ-  
რისძიებისას... (ლენსა და განოს ქალმაცურად გადახედავს)

განო — (შეამჩნევს) სადაც სიყვარულია, იქ შურის ძიებას  
ადგილი არა აქვს.

ირ. კოვზირიძე — ქვეყნის მოღალატე სიყვარულშიც ყალბია.  
(აუშტად შეხედავს ლეონ ბერგს)

ყარდაშ. — როგორცა ჰქუხს, ისე არა სწვიმს ხოლმე.

გუგ-ლიანი — (ყარდაშის) მოისვენე, ბიჭო, სამგლე გოქივით  
ნუ ატეხილხარ.

ყარდაშ. — ყურებზე ხახვი არავეს დამაჭრას (უცხად დაავლებს  
ხელს დაბეჭდილ ფურცელს, არტისტულად ფეხს წინ წამოფარავს, მარცხე-  
ნა ხელს უბეში ჩაიდებს და რიხიანად კითხულობს) „პროლეტარებო  
ყველა ქვეყნისა! (ყველანი შემოეხვევიან) პროლეტარებო ყველა  
ქვეყნისა, შეერთდით! დაჭრა საათმა შურისძიებისამ: ამიე-  
რიდან უნდა დაინგრეს ყველა ბოროტება და დამყარდეს  
ქვეყნად სიკეთე, სიკეთე დაუსრულებელი, მომნიჭებელი შეე-

ბისა და ბედნიერებისა. ვინც კი ღუხჭირ ცხოვრებას მთლად არ დაუძახუნებია, ვისაც ცოტათი კიდევე შეგრჩენიათ ფიქრი და გრძნობა, როცა გაიგონებთ სიმღერას თავისუფლებისას, თქვენი ტანჯული გულიდან ამოხეთქილი ხმაც შეუერთეთ ამ სიმღერას. სიმღერა იგი იქცევა საყვირად იერიხონისა და საყვირი იგი დაანგრევს ბქეთა ვერაგობისას. ძირს თვითმპყრობელობა! გაუმარჯოს ძმობას, ერთობას და თავისუფლებას.

**ყველანი** — (აღტაცებით) ძირს მტარვალები. გაუმარჯოს ძმობასა და თავისუფლებას.

**ლადო ზოველი** — (გატაცებით) ამხანაგებო, ძმებო! ახლა-კი ავიდეთ ზევით... ნზეზე და დავარიგოთ ეს ფურცლები.

**ყველანი** — ავიდეთ, ავიდეთ. გაუმარჯოს ნზეს! ძირს ჯურღმული! (თვედორე ყველას ურიგებს ფურცლებს და სათითაოდ აღიანკიბზე ირაკლი სარგებლობს ჩოჩქოლით და კასებს ეფარება. კიბესთან: რჩებიან მარტო ბერგი და განო).

**განო** — (ღეონ ბერგს, რომელიც ფეხს შესდგაჲს კიბეზე ასასკლელად) მოიცა, ღეონ! მოითქვრე? მე უშენოთ ვაძლება აღარ შემოდ-ლიან! გეთაყვა. სულმოკლებასა და დიაცობაში ნუ ჩამო-მართმევ ჩემ ამ სიტყვას, ვინაიდან უმწიკველო ცხოვრების ერთადერთი თავდები არის გულახდილობა და პირდაპირობა. ხალხის ხელმძღვანელებს თვალთმაქცობა არ შეგვფერის. დროა გამოვუტყდეთ ამხანაგებსაც და პირდაპირ შევხედოთ მათ თვალეში... იმათ უკვე ექვი აუღიათ ჩვენს სიყვარულზე და აღარც მე მინდა ჩვენი ურთიერთობის დამალვა... შენც ხომ გიყვარვარ?

**ღეონ ბერგი** — რასაკვირველია, მიყვარხარ, მაგრამ ეს კიდევე იმას არ ნიშნავს, რომ ყველას ანგარიში ვაძლიოთ ჩვენო პირადი გრძნობებისა. (ღიმილით) მე მაინც არ მესმის, რას თხოულობ ჩენგან?

**განო** — იმას, რომ საჯაროთ მივცეთ ხელი ერთმანეთს და ბოლო მოუღოთ მალულობიას...

**ღეონ ბერგი** — მე არავის არ ვემალები. ჩვენ პირად გრძნობებს-კი არავის არ ვაკითხებ-მეთქი, აკი გითხარი.

**განო** — ჩვენი პირადი ცხოვრება მაგალითი უნდა იყოს ყველასათვის. (გაზუბდავად) გოგო-ბიჭობა კი არ შეგვფერის.

**ღეონ ბერგი** — რაში ხედავ აქ-გოგო-ბიჭობას!



განო — იმაში, ჩემო ყველაფე, რომ ამხანაგებს არ ვუმხელო ზენს გულის ნაღებს. ჩვენ თითქოს გერცხვენია ჩენი ბედნიერებისა, ჩენი სიყვარულისა. დაე, გაიგოს მთელმა ქვეყანამ, რომ ჩვენ ერთმანეთისა უნდა ვიყვნეთ და მაშინ მიმსახურე კუბოს კარამდე. წამიყვანე საცა გინდა, რომელ ქვეყანამიც გსურს... ერთი წუთითაც აღარ მოგშორდები. შენზე მოქნეულ მტრის ხმალს მე შეუშვერ ჩემს თავს, შენზედ ნასროლ ტყვიას მე მივაგებებ ჩემს მკერდს, ლეონ, ჩემო ლეონ! (აღუროიანად) შენი მეუღლე, მეც შენსავეთ ამოვიდგამ ბულბულის ენას, მეც შენსავეთ ვიბრძოლებ სისხლის უკანასკნელ წვეთამდე. ხოლო, როცა ამოვა მზე თავისუფლებისა, როცა შენი ხალოცავე მშრომელი ხალხი გაიმარჯვებს, პირველი მე ავაფრიადებ დროშას ერთობისას და ვაცნობებ ქვეყანას, რომ შენ იყავ ის გმირი, რომელმაც მომანიჭა მადლი ხალხის სამსახურისა, ჩემო ყველაფე, ჩემო სულისდგამე. ნუ მომკლავ უშენოს, ნუ ჩამიქრობ ლამპარს უკვდავი სიყვარულისას.

ლეონი — (ხელს გადახვევს) ცოტა კიდევ მოიცადე, ჩემო კარგო, ერთი დიდი საქმე მაქვს გასაკეთებელი...

განო — (აწვეტივნებს აღტაცებით) მეც ხელს შეგიწყობ. მეც მოგეშქელები, ჩემო სასოებაე, ჩემო სალოცაეო. წავიდეთ, ერთად გავბეჭეთოთ ის დიდი საქმე!

ლეონი — (საცალით) შენ ჯერ აქ იმუშავე, უერთგულე ამათ და მეც მიერთგულე. რაც მე არ ვიცი აქაურობისა შენ ამიხსენი, შენ მასწავლე და როცა მოვრჩები იმ საქმეს, წავიდეთ აქედან და ბედნიერად ვიცხოვროთ ისეთ ქვეყანაში, სადაც მზეს ღრუბლები არასოდეს არ ეფარება და მთვარიანი ღამეები დაუსრულებელი სიყვარულის ზღაპრებს მოგვითხრობენ.

განო — ოხ, ბედნიერებაე, ოხ, ნეტარებაე! (ეხუტება)

ლეონი — (მოულოდნელად, ცბიერად) ჯერ სხვა არაეინ გყვარები?

განო — (ღიმილით) როგორ არა, მიყვარდა სიზმარში ნახული ქაბუკი (აწუხს ბერჯიზ გარეჯობას) ქერა, მშვენიერი კულულა თმებით, ისეთი ლურჯი, ისეთი მოცინარი თვალები ჰქონდა. როგორი ლურჯი და მოცინარიც არის ხოლმე დილის ცვარით პირდაბანილი მორცხვი ია. მისი კოპწია უღვაშები,

შარჯანა ტუჩები, მეტყველი ენა და ფრიალო კლდესავით მაღალი, მარმარილოსავით სპეტაკი შუბლი მუდამ თვალ-წინ მდგა და ნეტარების ერუანტელს მგვრიდა. მისი ხმა, მისი სიტყვა—ბოროტებასთან საბრძოლველად მომწოდებელი, მისი კიეინა მიტაცებდა შორს, შორს, ოცნების სამთაეროში და ჩემი თავი ქვეყნის დედოფლად მეჩვენებოდა. გუშინ წინ გამოფეხიზლდი. სიზმარი სინამდვილეზე შემეცვალა. გავალე უსაიდუმლოესი კუნჭული ჩემი ქალწულყბრივი გულისა და ამ კუნჭულში ჩაემარსე სურათი იმ ჰაბუკისა. ის ჰაბუკი ოცნებაში იყო ჩემი იდეალი და სინამდვილეში კი არის... ლეონ ბერგი... (ეკვრება ვალერსება) ჩემო მშვენიერო, ჩემო ყველავე.

ლეონი — (სიამოვნებით ხარხარებს) მე კი მეგონა, მართლად მეტოქე მყავს ვინმე-მეთქი.

განო — შენი მეტოქე მარტო სიკვდილია, მხოლოდ ის მომაშორებს შენს თავს, ჩემო მშვენიერო, ჩემო ანგელოზო. (უცბად ყელზე მოებევეა და მაგრად ჩაკოცის ტუჩებში. კასის უკან რაღაც დაბრაგუნდება. ლეონი და განო შეკრთებიან. ერთმანეთს გაშვრდებიან).

ლეონი — (აღელვებულად) კჳარა, გეყოფა, გიჟობა! გული დამიშვიდე... აქაურობას მოუარე... მორიგე ხარ... ორი საათის შემდეგ კი სახლში დამხვდი. (უცბად კიბებსე აირბენს) ნახვამდის.

განო — (მიძახებს) ნახვამდის, ჩემო ვაჟკაცო, თუ ამ ღრსაათში სიხარულისაგან სული არ ამომხდა. (ბარბაცით აქეთ-რქით აწყდება, მიდის მაგიდასთან და თითქოს სიზმარშია, ღიმილ მორეული უახროთ ხელებს აფათურებს)

ირაკლი — (გამოდის საფარიდან. გულხელს დაიკრებს, წარბ შეკრულია) განო!..

განო — (შეშინებული მოტრიალდება და განცვიფრებით ირაკლის დააშტერდება, თითქოს ვერა სცნობს).

ირაკლი — (ცრემლ-მორეულის, საყვედურის ხმით) მაშ, აგრე, განო, განო.

განო — (ხმის კანკალით, ამრეხით) აქ რა გინდა?

ირაკლი — (მწარე ღიმილით) მე მინდოდა მენახა როგორ დაიპერდა თავს კვეიანი და დარბაისელი ქართველი მებრძოლი ქალი ლამაზი ვაჟკაცის წინაშე და კასის უკან დავიმაღე... მე მსურდა დავრწმუნებულიყავი, რომ... შენისთანა ქალიბსაც კი კეუა თვალეებში ჰქონიათ... (მძიმედ, დემონიურად ხარხარებს.)

განო — (აღშფოთებული) გრცხვენრდეს მზვერაობისათვის... ან რა ნება გაქვს, რომ ჩემ შინაურ საქმეში ერევი.

ირაკლი — თქვენ შემცდარი ხართ.

განო — არც ეგ არის თქვენი საქმე!

ირაკლი — თქვენ ვერ ხედავთ, რომ სულით ხორცამდე იღუპებით.

განო — შევლას არავინა გთხოვთ!

ირაკლი — მე მაინც უნდა გიშველოთ.

განო — რა უფლებით?

ირაკლი — (ოქმა ეძინება) მე თქვენ მიუწვდომელი არსება მეგონეთ... ვერ გიბედაყდით, თორემ მე თქვენ მიყვარდით... ეხლავე მიყვარხართ, თუმცა თქვენი ბაგენი უკვე წაიბილწნენ.

განო — (ვაოცებული) რაო, რა სთქვი?

ირაკლი — მე თქვენ მიყვარხართ. განო... განო...

განო — (აღშფოთებული) ნე კი მძულხართ!

ირაკლი — შემობრალეთ, ნუ გამწირავთ... განო... განო!.. (მუხლებზე დაეცემა და კაბის კალთაზე უნდა ეამბოროს)

განო — (განზე გხტება, თვალებზე ხელს მიიფარებს)

ირაკლი — (ყალ მუხლზე დახოქილი ვედრებით) გაფიცებ მაღლა ცას და ძირს დედა-მიწას. გაფიცებ იმ ტანჯულ ხალხს, ჩვენ რომ ვემსახურებით, — დაანებე თავი ლეონ ბერგს და მე მიყმე... მე მიმონე... ნუ დამტანჯავ, ნუ აცონხდი უდროოდ სულს. (წამოდგება და უნდა მოეპიკოს)

განო — (ხელს ჰკრავს) მე თავისუფალი აღარა ვარ!

ირაკლი — განო... განო დაფიქრდი, თვალები გაახილე, ნუ დამწიხლავ შენს მმოსავს, შენს ერთგულს ყმას...

განო — მონას მონობის ინტერს მოეთხოვება. მე თავყანსა ვსცემ მხოლოდ ღვთაებას ჩემი გულისას და ეს ღვთაება ჟი ის არის..

ირაკლი — ის ეშმაკია, ის მოღალატეა, ის მგმობელია ხალხისა.

განო — შენ თვითონ ხარ ცუდზე უცუდესი... ის მხსნელია ხალხისა.

ირაკლი — (წელში გაიმართება და მწარედ ჩაიცინება) მე მგონია ის ჯაშუშიც უნდა იყოს.

განო — (თავბარდაცემული მიუახლოვდება ირაკლის და კბილების კრაქუნით) რა სთქვი? გაიმეორე რა სთქვი?

ირაკლი — (ერთ ნაბიჯს უკან გადასდგამს. მტკიცედ და დაცინვით) ის ჯაშუშია!

განო — (მუშტებს მოკუმშავს, ხელებს მალა ასწევს, ირაკლის მივარდება) ოხ, შე საზიზლარო, ცილის მწამებელიო. (მწარედ დაიხლანკნება, ირაკლის მოწყვეტით სილასა სტკიცავს და კიბეზე აქანდება)

ირაკლი — (დაიგვინებს, წაბარბაცდება. თვალეზე სელს აიფარებს და ბრაზბორეული, ქკითინით მაგიდაზე დაემა...ბა)

(ფარდა ნელწელა ეშვება)

## მოქმედება მეორე

### ფარული კრება

სცენა: უსწორმასწორო გორაკიანი ადგილია. გორაკების იქით—მორს—მოხანს კავკასიონის მთები. ერთი გორაკის ძირას მიდგმულია ყავით დახუროული ფაცრული სახლი. რამდენიმე ფანჯარა აქვს აქეთ-იქით. უკან კედელში კარია. ერთ მხარეს მოხანს ერთმანეთზე მიყოლ-მოურილი ქობ-მახები, მეორე მხარეს კი მდიდრული სახლები. ხაფხულია. საღამოს ქამი. ოთახი ღარიბულად, მაგრამ სუფთად არის მოწყობილი. კედლებთან ტახტებია ფარდაგადაფარებულა. შუაში სდგას დიდი, უბრალო მაგიდა. მაგიდაზე—დიდი, იაფ-ფასიანა ლამაზა. აწყვიან: რაქდენიმე ქართული წაგნი, გახეთი, საწურ-კალაში ერთ-ერთ კედელზე ჩამოკიდებულია ფოტოგრაფიული სურათები, მეორეზე სურათები (სადა ჩარჩ-ებშ-) აკაკისა, ხინოწვილისა, ყახბეგისა. მარქსისა. ფარდის ახდისას ნინო ტახტ-ს საფენს ასწორებს, ქეთო მაგიდასთან ხის და თავისთვის გახეთს კითხულობს.

### 1

ქეთო — დახე, ქალო, რა უბედურება მომხდარა. ვილაკ პატარა ბავშვი ბანიდან გადმოვარდნილა და სულ დამტვრეულა... ვაი, იმის დედას!

ნინო — საბრალო ბავშვი!..

ქეთო — (მცირე ფიქრის შექდეგ გახეთს მაგიდაზე დასდებს) ვინ იცის, ჩემო კარგო, რამდენი უბედურება ხდება ჩვენი დაუღვერობითა და ჩვენი ცხოვრობის მოუწყობლობით.

ნინო — ტყუილს კი არ ამბობს ხოლმე ჩვენი ამხანაგი ირაკლი კოვხიროძე: დასახოცები არიან ისინი, ვისაც ვამტანობა და მეზობლის ჯავრი არა აქვსო... რა იქნებოდა, რომ ყური ეგდო იმ ბავშვისათვის? ვინ იცის, დედა მიაი სამუშაოდ იყო წასული... მესარეცხედ, ან დღიური ლუკმის საძებნელად!..

ქეთო — (მივა იმ ფანჯარასთან, საიდანაც მოსჩანს სასახლეები) რასაკვირველია, ვინმე უპატრონო იქნებოდა, თორემ, აბა პოლოსას კი არ გაღმოუფარდებოდა ბავშვი; გახედე, რა მორთულ-მოკაშმული სასახლე უდგია.

ნინო — ოხრადაც დარჩენია. მერე ჩვენ რა? ღმერთო, რატომ ისე არ არის მოწყობილი ქვეყანა, რომ ყველას რიგიანად შეეძლოს ცხოვრება, ყველას რიგიანად შეეძლოს ყოფნა... დღეს სადილიც კი არ მიჭამია... სიმშლით გული მიწუხდება... ამ უქმეებმა ხომ საქმე გააჰირეს, სამი დღეა ქარხანა დაკეტილია და გროში ვერ ვიშოვნე.

ქეთო — მოგიკედეს ჩემი თავი, უსადილო ხარ, გოგო? აი ათი შაური მაქვს. იყიდე რამე და პატარა შენაყრდი. ვინ იცის, რამდენ ხანს გაგრძელდეს ჩვენი კრება?

ნინო — (დარცხვენით) უკანასკნელი ათი შაურიც რომ გამოგართვა, მერე შენ რაღა გეშველება?

ქეთო — მე კიდევ სხვას დავესესხები.—ამბობენ, ამხანაგ ბერგს რუსეთიდან ბევრი ფული მოსვლიაო. (ქეთო მივა ფანჯარასთან, გამოაღებს და გადააძახებს) გოგი, გოგი. მიირბანე, შენ გაზრდას ვაქართან და ამისი ყველი და პური გეიყიდე. (ფულს მისცემს)

ნინო — ბერგი... ბერგი! რა ლამაზია... რა მდიდარი!.. ღმერთს ყოველივე სიკეთე იმისთვის მიუცია.

ქეთო — ხომ არ მოგწონს, გოგო? (მივა და რაღაცას უჩურჩულებს)

ნინო — უი, დამიდგეს თვალები. რას ამბობ, ბეჩა?

ქეთო — რას უნდა ვამბობდე. შენსავით ახალგაზრდა რომ ვიყო, კისერზე ჩამოვეკიდებოდი და იმ ლამაზ თვალებს ჩაუკოცნიდი! (იცინის);

ნინო — ნუ ხარ, ადამიანო აგრეთი პირლია. თუ გაგიგონა ყარდაშიანმა?..

ქეთო — თუ გამიგონა, იმისმა ცხვირმა, მამულები არ ამიწეროს! ნეტავი თავს დამანებებდეს, თორემ მოხარულიც კი ვიქნები.

ნინო — შენ მარტო ცარიელი სიტყვები ხარ. (იციინს)

ქეთო — (ოცნეზიანად) ოხ, ბერგ, ბერგ!

ნინო — გაჩუმდი, ქალო! ბერგს ჩვენთვის არა სცალია... ვერც კი გვამჩნევს. ის განოს ეხრუკება.

ქეთო — ფერი ფერსა, მადლი ღმერთსა.

ნინო — მართლაც, სწორედ შესაფერისნი არიან.

ქეთო — შე შენ გითხრა ლამაზი შეილები არ ეყოლებათ, რამ დახატათ ეგრე, ეგ დასაქცევები?

ნინო — რატომ არ დაიხატებოდენ, ჩემო კეთილო, სულ რძითა და ბულკის პურით არიან გაზრდილნი... (ამოიოხზრებს)

ქეთო — ნუ გეშინიან, აი გაჰყვები შენც ამხანაგ არტემას და სულ ქუდი ქერს ჰკარით ხოლმე.

ნინო — (მორცხვად) მკვდარი მკვდარს აეკიდაო. (აჲ დროს ფანჯრიდან მოისმის პატარა ბიჭის ხმა) დეიდა, დეიდა.

ქეთო — (ფანჯარას გადაეყუდება და გადასძახებს) შენ გაუბედნიერდი შენს დედას. (გამოართმევს ყველს და პურს მიიტანს მაგიდასთან, დაამტვრევს, დაალაგებს და პირველ ლუქმას თვითონ აიღებს, ნინოც მიუჯდება მაგიდას და გულიანად ილუქმება. პაუზა)

1

2

ირაკლი — (შემოდის, დაღალულია. ქედს მოიხდის და ტანტზე გადაისვრის) გამარჯვებით ამხანაგებო... არავეინ არის?

ქეთო — (ღიმილით) როგორ თუ არავეინ არის, ჩვენ ხალხნი არა ვართ?

ირაკლი — ნეტავი შენ, რომ ხუმრობის ხასიათზე ხარ. (საათს დაწვდავს. ნინო საჩქაროდ გადაკლაპავს უჯანასკნელ ლუქვას და სუფრას აალაგებს) აგერ მერვე საათია და სხვა ჯერ არავეინ მოსულა. ღმერთო, რა ხალხი ვართ. ჩვენ არც დროს ვაფასებთ და არც სიტყვას. განა არ უნდა გვესმოდეს, რომ ჩვენთვის ერთი წუთიც ძვირფასია. ძაღლებივით დაგვდევენ უკან, მოსვენებას არ გვაძლევენ და ესენი კი მთელი საათობით იგვიანებენ. (გაჯავრებით ბოლთას სცემს)

ნინო — ამხანაგო, გაჯავრება არ გიხდება.

ირაკლი — გაჯავრება კი არა, ლამის არის თავი მოვიკლავ. ისეთ გუნებაზედ ვარ! ყველგან მოტყუება, ყველგან დაწინააღმართება, ყველგან დამცირება... ღმერთმა დასწყევლოს ასეთი ცხოვრება!

ქეთო — რა მოგივიდა, ამხანაგო, შენ აღარა ხუმრობ!

ნინო — მართლა და რა მოგივიდა, ყმაწვილო?

ირაკლი — (მაგიდასთან მივადება, თავს ხელებში ჩაიმაღლავს. პაუზა). მეტი მოთმენა აღარ შემიძლია. ან მე უნდა ვიყო და ან ის. რომ იცოდეთ, რა დამცირება გამოვიარე... არა, არა. ეს აუტანელია. ოხ, ღმერთო. (თავს უფრო მაღლავს)

ქეთო და ნინო — (მისცივდებიან) რა მოგივიდა, ბეჩა, აღარ იტყვი?

ირაკლი — (ხაზხაით) ვიტყვი, დამალვა აღარ შემიძლია... თქვენ გულკეთილი ხართ... თქვენ მიმიხედვებით... არ დაშინებთ... მე მიყვარდა... მე მიყვარს... იმან კი დამწიხლა... სხვაზე გამცვალა... ოხ... ოხ!

ქეთო და ნინო — (გაოცებულნი) ვინ გიყვარს, ვინ ვისზე გაგცვალა?

ირაკლი — სჩანს ბედი არ მწყალობს... წავალ, გადავიტარებ სადმე...

ქეთო — აგრე გულჩეილი არ შეგონე, ამხანაგო.

ირაკლი — (ხმას აუწევს) მე გული აღარა მაქვს. იგი მოკვდა, დაიშრება. დავკარგე ყოველივე, ამხანაგებო. (შეშლილივით აქეთ-იქით იყურება) არა, აღარა ხართ ჩემი ამხანაგები, დღეის შემდეგ ეს არის ჩემი ამხანაგი. (ჯიბიდან რევოლვერს ამოიღებს და ხელში შეატრიალებს) ან მე ან ის.

ქეთო და ნინო — (მოვარდებიან ხელში) გაგიყვლი თუ!

ირაკლი — (მწარედ ჩაიციხებს, ჩაფიქრდება და მერე უცებ) სად არის განო?

ნინო — განო დღეს არ მოვა. შემოუთვლია: ავად ვარო.

ირაკლი — (მწარედ გაღიხარბარებს) ავად ვარო... ავად კი არა, იმას ეკურკურება. მე ჰკვიანი, დაკვირვებული, იღვეური ქალი შეგონა... ვალმერთებდი... ვათაყვანებდი... იმან კი სხვაზე გამცვალა. (მაგიდაზე დაეწობა ყოველ ქვითიებს. ქეთო და ნინო გაშტერებით შეჭყურებენ ერთმანეთს, ხან ირაკლის მერე წინ წამოადგებიან და ხმა დაბლა)

ქეთო — ზართალი ყოფილა!

ნინო — საცოდავი... ან კი რითია ირაკლი დასაწუნი. (ამ ღროს დინჯად შემოდის თევდორე. ხელში ვეებერთელა ჯოხი უჭირავს. კეპი ხურავს. ხმა ამოუღებლივ, დინჯად მიდის ერთ კუთხეში, მიაყუდება ჯოხს, დინჯად იხდის ქუდს. ხერგ შენოქცეული ჭკეცს, ჯიბეში იღებს, მეტე მობრუნდება და დინჯათვე იძლევა სალასს)

### 3

თევდორე — აქა მშვილობა, გამარჯობათ ამხანაგებო, სად არიან სხვები. (დინჯათ მიდის ტახტთან და გაფარჩხვით ჩამოჯდება)

ირაკლი — (ამ ხანში გამოეურკვევა, ბუხლუნით) არა ბიძია, ასე საქმე არ გაკეთდება. (საათს დახედავს) რეა საათია... დამიხედეთ მინისტრებს!..

თევდორე — მე მგონია გუნებაზე არა ხარ, ამხანაგო. შენიკრიბებით, ერთ წუთში გადაეწყვეტო საკითხს და დავიშლებით. ან კი რაღა გვაქვს გადასაწყვეტი. ფურცლები უკვე დარიგებულია. დანიშნული დრო ამხანაგებმა უკვე იციან და მალე გაჩაღდება ის საქმე, რომელიც გამარჯვებასა და სახელს მოგვანიჭებს.

ნინო — (რწმენით) ოღონდაც.

ქეთო — რასაკვირველია!

ირაკლი — ერთი ქვეშ-ქვეშა კაცი სულ პირქვე დაამხოვს ჩვენს საქმეს.

ნინო — ასეთი კაცი ჩვენს შორის შეუძლებელია იყოს.

ქეთო — ღმერთმა ნუ მოასწროს ნურავეინ ჩვენს დამარცხებას.

თევდორე — მაგას ყურს ნუ ათხოვებთ, ამხანაგებო, ირაკლი მგონია დღეს მარცხენა ფეხზე ამდგარა. (წყარად იცინია)

ირაკლი — თუ არ მოვკადი, მე გიჩვენებთ იმ კაცს. მე ვიცი... მე ვგრძნობ, რომ ჩვენს შორის ერთი მოღალატე უნდა ერიოს.

თევდორე — რა საქმე გააჭირე, შე კაცო. თუ იცი რამე სტკეი ბარემ და გაათავე, თორემ როგორ შეიძლება ასეთი ლაპარაკი. ე დაცინევა, მასხარად აგდებია მთელი ამხანაგობისა. მე ვიცი, რომ შენ გულმოსული ხარ ლეონ ბერგზე. ყური მოვარ აგრეთვე, რომ განოს ლეონისათვის მიუცია სიტყვა და რომანული ენით რომ ვსტკვათ, შენი გული და



ხელი უარუყვია. შეიძლება ეს სანწუხაროც იყოს, მაგრამ ქალ-  
ვაჟთა სიყვარული კერძო საქმეა და ნებაყოფლობაზეა დამოკი-  
დებული. ვისაც საქმეყნო საქმე სწამს და უყვარს, ის კერძო  
წყენით არ უნდა სარგებლობდეს და პირადი გაბოროტებით  
არ უნდა ხელმძღვანელობდეს...

**ირაკლი** — (აწუწუტონებს) მაღლობას მოგახსენებ, ამხანაგო,  
დარიგებისათვის, მაგრამ რაც შეეხება ჩემს ეჭვებს, ცოტა  
კიდევ მომითმინეთ და მაშინ გამამტყუნეთ. (თავისთვის) ოხ,  
ღმერთო, რა უბედური ვარ, რა უბედური. ან კი ვის რა  
უთხრა, რა შეევსმინო... (თმებში ხელს იტაცება)

**თევდორე** — კერძობა საქმეყნო საქმეს უნდა ენაცვალოს-  
მეთქი. ამაშია გმირობა, მხოლოდ ამაშია მსხვერპლის მიტანა.

#### 4

(ამ დროს შემოდინან: ბერგი, ლადო, გარეგინი, არტემა და რანდენ-  
მუშა) რაც ბევრი იქნება, ისა სჯობიან რასაკვირველია. (საგო-  
თო საღამის შემდეგ, ჯდებათა ზოგი სკანზე, ზოგი ტახტზე. ნინო ღამას  
აანთებს, უხედავად სიჩუმეა)

**ბერგი** — (ჯერ ხმა დაბლა, მერე თანდათან ხმას უწევს) ამხანაგე-  
ბო... დროს ნულარ ვკარგავთ... ჩვენ მოვესწარიტ იმ ბედ-  
ნიერ დღეს, როცა მშრომელმა ხალხმა შეიკნო თავისი მდგო-  
მარეობა, გაიგო თავისი ცხოვრების სიღუბეჭირე და ჩვენი მო-  
ვალეობაა გაუუწიოთ მას ხელმძღვანელობა. ჩვენ ნუ შეგვა-  
შინებს, ამხანაგებო, ის გარემოება, რომ დღეს აქ, შედარე-  
ბით, ცოტანი ვართ, მუდამ უნდა გვახსოვდეს, რომ ჩვენს  
ზურგს უკან სდგას ასი და ათასი ჩვენზე უფრო მგრძობი-  
არე, ჩვენზე უფრო თავდადებული მუშაკი. საჭიროა მივცეთ  
მათ ნიშანი, ვუჩვენოთ მათ გზა და ხიდი ცხოვრების გასა-  
უშჯობესებლად. ამ ნიშნის ნიციება, ამ გზის ჩვენება ბედმა  
ჩვენ გვარგუნა, ამხანაგებო, და ჩვენც მთელის ჩვენის არსე-  
ბით უნდა ვეყვითნეთ ყოველგვარ ბოროტებას. გთხოვთ, ამ-  
ხანაგებო, შევეუდგეთ საქმეს და ამოვირჩიოთ თავმჯდომარე,  
რომ უფრო დალაგებით გადაეჭრათ სადღეისო საკითხები.

**არტემა** — შენზე უკეთესი თავმჯდომარე ვილა იქნება, ამ-  
ხანაგო ბერგ! გთხოვთ იკისროთ კრების ხელმძღვანელობა.

**ხმები** — გთხოვთ... გთხოვთ!

სხვა ხმები — ამხანაგი ლადო.

კიდევ სხვა ხმები — ამხანაგი თევდორე!

ლადო — ამხანაგი ბერგი ჩინებული თავმჯდომარეა. მე კი...  
ჰიმსახურეთ ხვალ... ზეგ. პირველი მე გამოვალ დროშით  
ხელში.

თევდ. — ამხანაგო ბერგ! განაგრძეთ.

ხმები — ლეონ ბერგ! ამხანაგო ბერგ, განაგრძეთ.

ბერგი — (პირველი ყოყმანის შეზღვევ იჭერს თავმჯდომარის ადგილს.  
იარაკლი ქვემ-ქვემ უბღვერის: დანარჩენები სულგაჩაბული უუდიან თავ-  
მჯდომარის სიტყვას. ბეუგი წამოდგება, თმას შეიბერტყავს და მომიბ-  
ლავი ხმის თამაშით დაიწყებს). მადლობას მოგახსენებთ, ამხანაგე-  
ბო, იმ ნდობისათვის, რომელიც გამომიცხადეთ. მერწმუნეთ,  
ამხანაგებო, რომ არც ერთი სიტყვით, არც ერთი ამოსუნთქვით  
არ ვუღალატებ იმ წმინდა საქმეს, რომელსაც ხალხის სასახური  
ქვენიან. მთელი ძლევამოსილება ჩენი მოძღვრებისა, როგორც  
თქვენც კარგათ მოგეხსენებათ, ამხანაგებო, გამოიხატება სულ  
რამდენიმე სიტყვაში და ეს ჯადოსნური, სასწაულთმოქმე-  
დი სიტყვებია: პროლეტარებო, ყველა ქვეყნისა შეერთდით!  
იკანით თქვენი თავი, მიიციით ხელი ხელს, მხარი მხარს, და  
შეჰქმენით ცხოვრების ისეთი პირობები, რომ აღარ იყოს  
ქვეყნად მძარცველი და მჩაგვრელი, აღარ იყოს ბატონი და  
ყმა, აღარ იყოს მდიდარი და ღარიბი, არამედ დამყარდეს  
ქვეყნად ძმობა, ერთობა და თავისუფლება...

ერთი ხმა — (აღტაცებით) შენი ქირიმე, დედავ, რა კარ-  
გი დრო ექნება!..

სხვა ხმა -- ტსს, ნუ უშლით ლაპარაკს.

ლეონ ბერგი — (გადახედავს წესიერების დამრღვეველთ, გაილი-  
ვებს და განაგრძობს) ჯერ სულ პაწია ბავშვი ვიყავ, როდესაც  
პირველად შევიგნე, შევიმცნე... არა, როდესაც პირველად შე-  
ვიგრძენ ამ მოძღვრების სიდიადე და ამ დღის აქეთ არ არ-  
სებობს ჩემთვის არც დედა, არც მამა, არც და, არც ნათე-  
სავი, არც თვისი ტომი...

ხმა ერთისა — ვაშა, ვაშა!

სხვა ხმები — ს...ს...ს...

ლეონ ბერგი — (კვლავ გადახედავს ამხანაგებს) ჩემი დედაც,  
ჩემი მამაც, ჩემი ერიც მხოლოდ მშრომელი ხალხია. ამ ხალხს  
254

ვანაცვალე მამა-პაპათა რჯულიც-კი... და თუ გინდათ, რომ უებრო მებრძოლები თქვენც იყვნეთ, ამხანაგებო, თქვენც უნდა გაიწმინდოთ ყოველგვარი შენ-ჩემობისაგან...

ხმეზ — ახლა ჰკითხეთ ზოგიერთ შოვინისტს, ბურჟუას, ნაციონალისტებს?!

სხვა ხმები — ჩუად, რა უბედურებაა, გაგვაგებინეთ რამე! თევდორე — (დინჯათ) ამხანაგებო, კერძო ლაპარაკის დრო არ არის.

ლეონ ბერგი — (თითქოს იმათ საპასუხოდ, ვინც სხვა ჯურის ხალხი ახსენა) არ არის ქვეყნად, ამხანაგებო, ნაცია; არ არის ებრაელი, ქართველი, რუსი, სომეხი. არის მხოლოდ კაცობრიობა, უმაღლესი იდეალით აღჭურვილი, უაღრესი სამართლიანობით გამსჭვალული. ხვალიდან იწყება, ამხანაგებო, გაფიცვა ადგილობრივ ფაბრიკა-ქარხნებში და ეს იქნება პირველი იერიში არა მარტო ადგილობრივ ბოროტების დასანგრევად, არამედ ეს იქნება პირველი ხმა, პირველი ჩენი ცდა მსოფლიო პროლეტარიატთან დასაახლოვებლად, დასაძმობილებლად. ხვალიდან მთელი სამყაროს მშრომელებს ეცოდინებათ, რომ ჩვენც მათთან ვართ და მათი სიხარულის საერთო ყინვა ერთხელ კიდევ დასცემს თავზარს ამა ქვეყნის ძლიერთა და უსამართლოებას. მაშ გამარჯვება თქვენ, და გამარჯვება თქვენს საქმეს.

ხმეზ — გამარჯვებულნიც ვყოფილვართ! (ტაში ბერგს)

კიდევ ხმები — გაუპარჯოს ჩვენს საქმეს: ძირს ბოროტება და უსამართლობა.

ერთი მუშათაგანი — ამხანაგო თავმჯდომარე, ნება მიბოძეთ ორიოდ სიტყვისა.

ლადო — მეც!

თევდორე — მეც!

ქეთო — მეც!

ირაკლი — მეც!

კიდევ ორი ს.ში ხმა — მეც... მეც... მეც... (ბერგი ნიშნავს ქალაღებზე)

ბერგი — (პირველ მუშას) სიტყვა თქვენია, ამხანაგო.

მუშა — (წამოდგება. ჩაახველებს. გაუბედავად). ეს არის ახლა ამხანაგმა თავმჯდომარემ დიდებულად დაასურათა მნიშვნელობა

ჩვენი გამოსვლებისა და მუშაობისა. მე ერთი უსწავლელი კაცი გახლავართ, ამხანაგებო, მაგრამ ნათლად ვგრძნობ, რომ ასეთ ტანჯვაში ცხოვრება მართლაც აუტანელია. გაგვიძეხით წინ, ამხანაგებო, და შერცხვეს ის ვაჟკაცი, ვინც არ გამოგყვეს, დიახ, ამხანაგებო, დრო არის ჩვენც თვალები გავახილოთ, შევეურთდეთ სხვა ქვეყნის მზრომელებს და მოვითხოვოთ ის, რაც ჩვენ გვეკუთვნის. თუ აქამდე ჯურღმულში ვიყავით, თუ აქამდე ყველა გვიბოიყვებდა, ახლა ჩვენც გვინდა მზესე ამოსვლა და ამიტომ ერთხმად შევსძახოდ ჩვენს მჩაგვრელებს: გეყოთ, გეყოთ, ამდენი ბატონობა, მეშებსაც სიცოცხლე გეწყურიათ-თქო. (ჯდება)

**ხმები** — ვაშა, ვაშა, ამხანაგო.

**ლადო ბერგი** — სიტყვას ამბობს ამხანაგი ლადო ხოველი-ლადო — (დგება, გულხუას დაიკრებს. ყველანი სიამოვნებით შეჰყურებენ) წარმოიდგინეთ ამხანაგებო, შემოდგომის შავ-ბნელი ღამე, როდესაც ცაზე არცერთი ვარსკვლავი არ მოსჩანს ხოლმე და სასტიკი, მძაფრი ქარი საცოდავად აკენებს გაშიშვლებულ ხეებს. საზარელია ასეთი ღამეები, გულსაკლავია უკუნეთი სიბნელე. სასოწარკვეთილება იპყრობს ამ დროს ადამიანს და გონება მისი ამაოდ ეძებს ხსნასა და 'შველას...'

**ყარღაშ.** — (წამოხტება) ნამდვილი პოეტია. ვაშა, ლადოს!

**არტემა** — (ღიმილით) ლიახვის ხეობელი რომ არის, თავი იმიტომ მოგწონს?

**ხმები** — იუუჰეთ, სსუუ!

**ლადო** — სწორეთ ასეთ უმწეო მდგომარეობაში ვიყავო მეც იმ დრომდე, ვიდრე ფიქრისა და კვლევა-ძიების შემდეგ არ მივაგენი იმ ნავთსაყუდარს, რომელსაც ჰქვია: ძმიობა, ერთობა, თავისუფლება...

**ყარღაშ.** — (ცვავე აწავერტინებს, ალტაცებით) გაუმარჯოს ძმიობა-ერთობას!

**ხმები** — ნუ უშლით... ტსსს.

**ლადო** — (განაგრძობს) უცბათ ცა გამეხსნა: დავინახე, რომ მარტო მე არ შემომკენესოდა თურმე გული, მარტო მე არ ვყოფილვარ ძიებაში, მარტო ჩემი ხედერი არ ყოფილა სევდა და ვარამი. ასე კენესოდა და იტანჯებოდა თურმე მთელი ქვეყნის მშრომელი ხალხი იმ აუტანელ სიმძიმის ქვეშ, რომ

მელიც შეუქმნია ცხოვრების უკულმართობას, ცხოვრების მოუწყობლობას...

ყარდაშ. — ძირს უკულმართობა, გაუმარჯოს ცხოვრების მოწყობას.

ხმები — აგრე იყოს! — სსს... ჩუმათ.

ბერგი — ამხანაგო გარეგინ, და თქვენც, (გადახედავს მუშებს) გთხოვთ თავი შეიკავოთ... ორატორს სიტყვას ნუ აწყვეტიანებთ.

ლადო — (სიტყვას ამოკლებს) სიტყვას აღარ ვაეგარძელებ, ამხანაგებო, და მხოლოდ ვიკითხავ: რა მისპობს ცხოვრების იმ სივაგლახეს, რომელსაც ჩვენ განვიცდით. მას მოსპობს მხოლოდ ერთობა და ამ ერთობის მეოხებით დამყარებული სამართლიანობა და თანასწორობა. აი, ამხანაგებო, ის ლამპარი, ის მზე, რომელიც გაათბობს, რომელიც გაანათებს შემოდგომის ბნელ ღამეს, დაანგრევს უსწორ-მასწორობას გონებრივსა თუ ქონებრივს და თითოეულ ადამიანს ადამიანურ უფლებასა და ცხოვრებას მიანიჭებს. ხვალინდელი დღე, ამხანაგებო, პირველი სხივი იქნება ამ ამომავალი მზისა. შეიძლება ეს სხივი ერთხელ კიდევ დაჰტაროს შავმა ღრუბელმა, შეიძლება ეს სხივი ერთხელ კიდევ ჩაჰკლან, ჩააღრჩონ სისხლის მორევში, — დაე თუნდა მე ვიყო პირველი მსხვერპლი ძალთა მქონებელთა, — მაგრამ გრწამდეთ, ამხანაგებო, რომ პირველ სხივს მოჰყვება მეორე, მეორეს მესამე და ბოლოს მაინც ამოვა ის მზე, რომელიც ამოაშრობს ცხოვრების ქაობს და რომელიც შარაევანდედით შემოსავს მებრძოლთა სახელებს... მე გავათავე ჩემი სიტყვა.

ხმები — ვაშა, ვაშა, შენს სურვილსა და შენს სიტყვას, ამხანაგო ლადო!

კიდევ ხმები — გაგვიძეხ წინ... ჩვენც შენთანა ვართ! (საერთო ტაში)

ლ. ბერგი — სიტყვა თქვენია, ამხანაგო თევდორე.

თევდორე — (დინჯათ წაბოდება, ლიმილით) რასაც ვფიქრობდი და ვგრძნობდი, ყველაფერი უკვე ითქვა აქ. სიტყვაზე უარს ვამბობ. მხოლოდ გთხოვთ, მიგულოთ თქვენ ერთგულ თანამებრძოლად. (დინჯათ ჯდება)

თითქმის ყველა — ვაშა, ვაშა, ბერო მინდიაე. (ტაში. საერთო აღტაცება)

ლ. ბერგი — (ლიმილით) სიტყვა ეკუთვნის ამხანაგ ქეთოს. ქეთო — (წინ წამოდგება ძალზე ღელაჟს) ამხანაგებო, სანწუხანაროთ აქ არ არის ქალების შესაიდუმლე ამხანაგი განო ლიმაური... ავად გამხდარა, თორემ, ის ჩემზე უკეთესად დაგისურათებდათ ჩვენს დამცირებასა და მწუხარებას. მე კი აბა, რა მოგახსენოთ იმის მეტი, რომ თუ თქვენ, მუშა მამა-კაცები,—ველარ იტანთ უღვთო შრომას, ჩვენ ყოველგვარ უფლებას მოკლებული მუშა-ქალები,—ერთი ორად უფრო დაჩაგრული და დამონებული ვართ. მთელი სიმძიმე ოჯახისა თუ საზოგადოებრივი უწესობისა ჩვენ გვაწევს კისრად და მთელი ქვეყანა მარტო ტიკინებააა გვთვლის: ასე ჰგონიათ, ჩვენ არა გვქონდეს საკუთარი ნების-ყოფა, საკუთარი აზრი და ფიქრი. (თავდაწვევით) ოხ, ნეტავ შემძლოს ვეფხვივით მივეარდე ყველა უსამართლო, ყველა უსულგულო ადამიანს და სულ თვალნი გამოვაკაწრო... მაგრამ, მგონია, უამისოდაც უდგებათ შავი დღე სისხლის მსმელებს. გაგვიძეხით წინ, ამხანაგებო, და ჩვენ მუშა-ქალები, დაგიმტკიცებთ, რაც შესძლება გამოფხიზლებულსა და გათვითცნობიერებულ დედაკაცს. (უბად ჯდება)

ყველანი — გაუმარჯოს ქალებს... ვაშა, მუშა დედაკაცებს. ყარდაშ. — (წამოხტება და ქეთოსთან მიიზბენს) მომეცი შენი დაკოჟიებული ხელი, ამხანაგო.

ლ. ბერგი — (მიუბრუნდება ქეთოს) ვაშა, ვაშა, ამხანაგო ქეთო. ბერი მხდალი ბურჩუა მოინატრებს შენს გულადობას. (ილიძება) მაგრამ ამაზე შემდეგ. დღეს კი მგონია, საკითხი ამოწურულია და, ამ გვარად, ნება მიბოძეთ, ამხანაგებო, მოგახსენოთ ჩემი რეზუმე...

ირაკლი — (ამრეხით) მეც ვითხოვე სიტყვა და, მიკვირს, რატომ არ მაძლევენ...

ხმები — მართალია, სიტყვა ეკუთვნის ამხანაგ ირაკლის.

ლ. ბერგი — მე მოგახსენეთ, ამხანაგებო, საკითხი გამოკვეთულია-მეთქი. რაღა საჭიროა მეტი ლაპარაკი? დროა გადავიდეთ ხელიდანელ გამოსვლის წესრიგზე.

ირაკლი — (წამოხტება) არაფერიც არ არის გამოკვეთილი. მომეცით სიტყვა!

ხმები — მივსცეთ... მივსცეთ...

კიდევ ხმება — სიტყვა ირაკლისაა. მიეცით სიტყვა.

ლ. ბერგი — (წარბშევრთ) რახან კრებას სურს... ბრძანოს.

ირაკლი (გაჯავრებულია, არავის არ უყურებს) ამხანაგებო, ლამაზ-ლამაზი სიტყვებითა და ლაპარაკით საქმე არ გაკეთდება. ვეთაყვანები რა საქვეყნო საქმეს, არ შემოძლიან გულის ტკივილით არ აღვნიშნო, რომ სწორედ ამ ლამაზი სიტყვების მეოხებით ჩვენს წრეში, ჩვენს ჯგუფში, ბევრი ცხვრის ტყავიანი მგელი შემოგვეპარება ხოლმე და ამიტომ ჩვენ სიფრთხილე გვმართებს...

თევდორე — (ლადოს, უკმაყოფილოდ) აი, ეხლა კი დაიწყო.

ლადო — დაე, სთქვას ბარემ, რაც სათქმელი აქვს!

ხმები — ნუ აწყვეტინებთ. ტსსს. ჩუმად.

ირაკლი — (ყურადღებას არ აქცევს ამ შენიშვნებს) ხვალინდელი და შემდეგი გამარჯვებანიც, დამოკიდებულია, ამხანაგებო, იმაზე, თუ რამდენად ერთგულნი და თავდადებულნი ვიქნებით ჩვენი რწმენისა და იდეალისა. როგორც ერთი მერცხალი გაზაფხულს ვერ მოიყვანს, ისე ჩვენი ერთი და ორი გამოსვლა ვერ ამოაბრწყინებს იმ მზეს, რომლის შესახებაც ასე პოეტურად ილაპარაკა აქ ამხანაგმა ლადომ. ჩვენ უნდა გვახსოვდეს, ამხანაგებო, რომ საუკუნოებით შექმნილი ვერაგობა, საუკუნოებითვე ინგრევა, ხოლთ თუ ჩვენა გვსურს საქმის დაჩქარება, ვიმეორებ, პირველ ყოვლისა, ჩვენ უნდა გავწმინდოთ ჩვენი ჯგუფი მგელ-კაცებისა და ისეთ პირთაგან, რომლებიც ხელთათმანებივით იცვლიან რწმენასა და შეხედულებას!..

თევდორე — (თავისთვის) კიდევ! სწორედ შემოილია ეს კაცი!

ლადო — მოვუთმინოთ... ვნახოთ, რას იტყვის...

ირაკლი — (გადახედავს კრებას) მე ვამბობ: ფრთხილად უნდა ვიყოთ-მეთქი, ჩვენს ჯგუფში იუდაა შემოპარული. ამ ბოლო ხანებში მე არ მომწონს ამ ვაეებატონის ქცევა. (უთითებს ლეონზე)

ლ. ბერგი — (გაცხარებული აწყვეტინებს ირაკლის) მე სიტყვას გართმევთ. ამხანაგებო, დამიხსენით შეურაცყოფისაგან. (ჩოჩქოლი ჩამოვარდება: ზოგი განცვიფრებულია, ზოგი აღშფოთებული, ქალები ხელებია ქნევით რალაცას დაობენ) -

ირაკლი — (ხმას აღიმაღლებს) დიახ, მე ვამტკიცებ, ამხანაგებო, რომ...

ლადო — (მივარდება ირაკლის) ხომ არ გაგიჟდი, კაცო?!

ლ. ბერგი — (ხვირის) მე არ ვაძლევ სიტყვის თქმის ნებას... ამხანაგებო, ეს რა ამბავია?

ირაკლი — ის ამბავია, რომ მე შენი არა მწამს-რა, ბატონო ბერგ. მე ვგრძნობდი... მეეცი, რომ შენ წმინდა წყლისა არ უნდა იყო! გუშინ ღამე მე დაგინახე ჟანდარმებთან... შენ... შენ... (დიდი ჩოჩოლი)

ლ. ბერგი — არამზადავ! გაჩუმდი თორემ ეხლავე გაგათავებ. (ჯიბისკენ ხელს წაიღებს რევოლვერის ამოსაღებად)

ირაკლი — ვის გაათავებ, ნოლატევე! თუ დღევანდელი კრება დაუტუსაღებული გადარჩება, მე მოვიკლავ თავს, თუ არა და... ან კი რა საცოცხლებელი ხარ. (მიიწევს ბერგზე დასარტყმელად, ასტყდება ერთი ვაი-უშველებელი, თევდორე და ირაკლი შუაში ჩავარდებიან, ზოგი ბერგს აკავენს, ზოგი ირაკლის, ბოლოს ირაკლი გარეთ გაჰყავთ)

ირაკლი — (კარებიდან) კიდევ შევხვდებით ერთმანეთს, ბატონო ბერგ.

ლ. ბერგი — დაიკარგე აქედან, სალახანავ! (ირაკლი ისევ აპირებს შემოვარდნას. თევდორე და ლადო გაქაჩავენ, სულ მოაშორებენ იკაურობას და უკანვე ბრუნდებიან. კრება ნელ-ნელა მშვიდდება, თუმცა ლაპარაკს ველარ ახერხებენ. ჯგუფ-ჯგუფად იყოფიან: ბერგი შეურაცხყოფილად გრძობს თავს, შფოთავს, ბორგავს)

## 5

თევდორე — (ლადოს) რამ გააგიჟა ის ბიჭი?

ლადო — მეც გაკვირვებული ვარ.

ლ. ბერგი — (ხმაჴმალა) ამხანაგებო, მე ისეთი შეურაცხყოფა მომაყენა ირაკლი კოვზირიძემ, რომ იძულებული ვარ დაკმაყოფილება მოვითხოვო... მანამდე კი წინადადებას ვაძლევ ამხანაგებს ახლავე გამასამართლონ: ამხადონ ბრალდება და თავის ნდობის განოცხადებით—საშუალება მომცენ კრების განგრძობისა. წინააღმდეგ შემთხვევაში მე კრებას დაეტოვებ... მადლობას მოგახსენებთ, ამხანაგებო, ჩემი ასე დაჯილდოებისათვის. (მიდის კუთხეში და ეძებს თავის პალტოს და ქუდს. ამხანაგებში დიდი ყოყმანი და ჩოჩოლია, მოითხოვენ ინცინდენტის ამოწურვას)



თვედლორე — ამხანაგებო, დიდი სირცხვილი დაგვემართა, რომ ვერ შევაკავეთ პირადი გულისთქმით გატაცებული ირაკლი. კარგი იქმნება ეს საქმე როგორმე მოვაწესრიგოთ.

ფირაი ხმა — ამხანაგებო, ირაკლი ყოველთვის გადარეული იყო ხოლმე და დღეს ხომ სულ გადაამლაშა... გამოუტახადოთ ამხანაგ ბერგს ჩვენი ნდობა და მოვსპოთ ყოველგვარი კამათი ამ საგნის შესახებ.

ლალო — სამწუხარო ფაქტს, საფიქრებელიც დაემატა... (დაფიქრდება) ყოველგვარ შემთხვევაში, ჩვენ უნდა მოვთხოვოთ ანგარიში ირაკლი კოვზირიძეს.

პირველი მუშა — მოვთხოვოთ.

ხმები — მოვთხოვოთ... მოვთხოვოთ! მანამდის კი ამხანაგ ბერგს ჩვენი ნდობა გამოუტახადოთ.

ხმები — ოღონდაც, საქირია! ბრიყვი, გადარეული ირაკლი.

ლ. ბერგი — (რომელიც აქამდე კარებში იდგა ქედით ხელში, ბორჯავდა, ფაფხურობდა) ამხანაგებო, მშვიდობით ბრძანდებოდეთ. ჩემს შეურაცყოფას არაფერს არ შევარჩენ. მთელი ჩემი სიცოცხლე განა ამისთვის შემოგწირეთ, რომ გალანძღული დაერჩე? (კარს გამოადებს გასასვლელად)

თვედლორე — (ლალოსთან თათბირის შემდეგ წინ გადაედგება) მოითმინე, ამხანაგო, ჩვენ გიცხადებთ ნდობას და პასუხისგებაში ვაძლეეთ ირაკლის.

ლ. ბერგი — ამიერიდან იგი უნდა გამოირიცხოს ჩვენი წრიდან. აი ჩემი უკანასკნელი სიტყვა. ცოტა ხანს დარჩენილიყო კიდევ, მე ვაჩვენებდი მას თავის ყოფნას, მაგრამ ახლა კი დაკმაყოფილებული ვარ, განვაგრძოთ კრება. (მიდის თავის ადგილას)

ნინო — (ჩაფიქრებით) უკეთესი იქნებოდა რომ...

ქეთო — შეესწყეიტოთ.

დანარჩენნი — განვაგრძოთ... განვაგრძოთ... ბარემ მოვათავოთ.

ლ. ბერგი — (დამშვიდებით) ჰო, მე უნდა მეთქვა, თუ როგორი წესრიგი მივცეთ ხვალინდელ გამოსვლას... (ამ დროს გარედან შემოიღება ფანჯარა და გამოჩნდება ოფელში გაწურული ირაკლი)

**ირაკლი** — (ფანჯარას გადმოგუხუდება) ამხანაგებო, თავს უშველეთ. მთელი ჯარი მოდის თქვენს დასაქერად. (ხალხი ერთმანეთს მიაწყდება: ზოგი კარებისკენ გარბის, ზოგი ფანჯარისაკენ. ბერგი ფეხს არ იცვლის. დინჯათ არიან ლადო და თევდოროეც. ქალები ვიშ-ვიშობენ, აქეთ იქით აწყდებიან)

**ირაკლი** — (ფანჯარიდან) ჩვენ ბერგმა გაგვცა... მე ვგრძნობდი ამას, მე მოველოდი... (რევოლვერს ამოიღებს და ის ის არის უნდა ესროლოს ბერგს, მაგრამ ამ დროს ქანდარში უკანიდან სწვდება და ირაკლის გადაათრევს. სახლში შემოცვივდებიან სხვა ქანდარმები ვახმისტრის მეთაურობით).

**ვახმისტრი** — მისი იმპერატორობითი უდიდებულესობის სახელით თქვენ დატუსაღებულნი ხართ. ხელები მალლა! (ყველანი მალლა ასწევენ ხელებს. ქანდარმები სათითაოდ იპერენ. გაჰყავთ)

**ლადო** — (ცანდახეს) ჩვენ ხომ ქურდები არა ვართ, ჩვენ გვინდა სამართლიანობისა და პატიოსნების დამყარება.

**ქანდარში** — აი შენი სამართლიანობა. (კისერში ხელს წაჰკრავს, გაათრევს).

**ხმა კულისებიდან** — ხომ არ გაგექცათ.

**მეორე ხმა** — გაიქცა... გაიქცა...

**მესამე ხმა** — გზა შეუკარით, გზა. (გარეთ ხმაურობა და თოფის სროლაა, ოთახში შემობრბის კიდევ რამდენიმე ქანდარში და ეცემიან ბერგს, რომელიც ერთილა დარჩა ოთახში)

**ლ. ბერგი** — (მკაფიოდ, მედიდურის ღიმილით) ხელები იქით, ხელები იქით, ნომერი ოცდა: ერთი ჯვრით. ქანდარმები უცებ გვერდზე ჩამოდგებიან, და სანხედრო სალამს აწლვენენ)

**ლ. ბერგი** — წინ და უკან გამომყევით, ვითომ მეც დაქერილი ვარ. (დინჯად გასწევს კარებისაკენ და მედიდურად ათვალავრაიებს ქანდარმებს)

(ფ ა რ დ ა  
ნელ-ნელა ეშვება)

# მოქმედება მესამე

## პროვოკატორი

ს ც ე ნ ა: დაბალი, ფართო ოთახი, მარჯვნივ ფანჯარასთან დგას საწერი მაგიდა. მარცხნივ რამოდენიმე კარადა „საქმეებით“ უკანა ედულებში, კარების აქეთ-იქით მიკრულია მარმარილოს დაფები, რომელზედაც ოქროს ასოებით აწერია: ერთზე, — „1907 წ. 12 ოქტომბერს სამსახურის დროს ვერაგულად მოკლეს ზნტერ-ოფიცერი პისჩუნიხა. დიდება და სახელი მას.“ მეორეზე აწერია: „ვახტანგის სოლოკა შინაურ მტრებთან ბრძოლაში დაქანცული, მოკლული იქმნა ერთგულებისათვის“. მაგიდასთან ზის როტმისტრი შვილიევი. ჯერ ისევ ახალგაზრდაა, ხმელ-ხმელი, შავკოვჩანი. პენსნეს ატარებს, დიდი, შუახე გაყოფილი შავი წვერები მკერდზე დაფენა. თმა მოკლედ აქვს გაკრეპილი, ესეც შუახე გაყოფილი. თვალებს კუტავს, მკაცრი გამომეტყველებისაა. შვილიევის მაგიდაზე, მარჯვნივ რევოლვერი უდევს. ერთ-ერთ კუთხეში აყუდია ბერდანის ხისტიანი თოფი, ნახევრად ბნელი ოთახში მძიმე შთაბეჭდილებას ახდენს. თვით როტმისტრი წარბ-შეკვრით ქალაღდებს ათვლიერებს: გაჯავრებულა. გაიღება კარები და შემოდის განდარმის ზნტერი.

### 1

უანდარში — (შუბლზე ხელს მიიდებს, მოწიწებით) თქვენო მაღალკეთილშობილებავ!

როტმისტრი — (ვითომ ვერ ამჩნევს)

უანდარში — (კანკალით) თქვენო მაღალ კეთილშობილებავ!

როტმისტრი — (ყურადღებას არ აქცევს)

უანდარში — (ხაზხავით) თქვენო მაღალ კეთილშობილებავ!

როტმისტრი — (უბად შეიღრიალებს) ღვთის რისხვა! რაღდენჯერ, მიბრძანებია, დაუკითხავათ ნუ შემოხვალთ-მეთქი, თქვე ბრიყვებო, არამზადებო, სამართალში მიგცემთ, მოგკლავთ, დაგახრჩობთ... დაგხვრეტავთ. (წამოიწევს, რევოლვერს ხელს დაავლებს)

უანდარში — (აიწურება) თქვენ ისიც გვიბრძანეთ, თქვენო მაღალ კეთილშობილებავ, რომ... „როცა ნომერი ოცდაერთი ჯვრით“ — მოვიდესო, დაუყოვნებლივ მაცნობეთო. ეს არის ახლა გიახლათ ხერელის გზით და მეც იმიტომ გავბედე აქ შემოსვლა.

როტმისტრი — (ცხარედ) ბევრს ნუ ყბედობ! ჰა, რა სთქვი? ნომერი ოცდა ერთი მოვიდა. აქ არის? მოახსენე მობრძანდეს... მარშ.

ჟანდარში — მესმის, თქვენო მაღალკეთილშობილებაჲ. (შემოტრიალდება და გადის)

როტმისტრი — (წამოდგება, წვერებს ორივე ხელებით ჩამოიბერტყს. ბოროტად გაილაშობა... მაგრამ ისევ შებღს შეიკრავ, და კარებს გაჭყურებს... კარები ფრთხილად გაიღება და შემოდის... ბერჯო. როტმისტრი სიხარულით, ორივე ხელით ხელს ჩამოართმევს) აა, ჩემს ლეონ ბერგს ვახლაჯარ, გმადლობ მოსვლისთვის... გმადლობ უზომოდ, დაბრძანდით, ჩემო კარგო, ჩემო კეთილო, ლეონ ბერგ.

ლ. ბერგი — (უანგარიშოთ იღიმება, თმებზე ხელს ისვაჰს, სკამზე შინაურულად ჩამოჯდება) მაპატიეთ დაგვიანებისათვის... (საიდუმლო ღიმილით) მაგრამ უსაქმოდ მოსვლა არ მინდოდა. ახლა კი, როცა მესამე ჯგუფი არამზადებისა კაკანათში გაეაბით,—თამამათ შემიძლიან მოგილოცოთ გამარჯვება, ხა, ხა, ხა რა ბრიყვულად გაებენ ის თხები. ღმერთო ჩემო, რა სასაცილო სანახავნი იყვნენ. ხა, ხა, ხა.

როტმისტრი — (იციხის) მართლა, ნება მომეცით, ჩემო მეგობარო, უღრმესი მადლობა გადაგიხადო... (წამოდგება და ლეონს გადაკოცნის)

ლ. ბერგი — ნუ ირჯებით, ჩემო კეთილო. ჯერ კიდევ ბევრი იმისთანები დაძვრებიან ჯურღმულში...

როტმისტრი — ღეთისა და შენის დახმარებით, იმათაც მალე მოუგრებთ კისერს. (სიამოვნებით ხელს იფშენებს) სხვა... მიამზე, გეთაყვა, ვინ ნახე კიდევ? ვინ გაიცანი? რა მოგველის დღეს, ხვალ. სხვა და სხვა... ჩვენც გავერთობით და საქმესაც გაეაკეთებთ...

ლ. ბერგი — (საიდუმლოთ) კიდევ წავაწყდი ერთ ჯგუფს... ჰუღელეები, ბრიყვები, დარწმუნებულები არიან, რომ ქვეყანას გადააბრუნებენ. პირველია...

როტმისტრი — (აწვეტიწინებს) ცოტა ხანს მომითმინეთ, გეთაყვა. (ვითომ სხვათა შორის მიღის კარადასთან, იღებს ვეზერთელა დავთარს, უჯნვე ბრუნდება, შლის, ათვალიერებს) აბა, განაგრძეთ, ძვირფასო, (ვლიმება) იქნება, ძველი ნაცნობებიც გამოდგენ.

ლ. ბერგი — პირველია (დაცინვით) „აწხანაგი“ ზანგი.

როტმისტრი — (დავთარს ფურცლავს) ზანგი... ზანგი... დიახ, ჰაწერილია. ბებერი თხუნელა ყოფილა.

ლ. ბერგი — რომ შეხედოთ, შავი ორშაბათის ბერიკა გეგონებათ: ყრუჩუნა, ბლუჩუნა, აპუხეტივით შავი და გამხმარი, მაგრამ რაც ზევით არ დადის, ორი იმდენი მიწაში დაძვრება! მთელ ჯგუფს ის ატრიალებს.

როტმისტრი — (დავთარსში ჩაჰყურებს) მართალს ამბობ, ჩემო ბერგ, მართალს... მაგრამ ღეთისა და შენის მოწყალეობით პალე თვის ბოლოკივით ამოვადრობთ მიწიდან და ისე დავატრიალებთ, სულ თავს ბრუ დაეხვეს. (იციანის)

ლ. ბერგი — ეგ გათავებული საქმეა! ხელიდან ვეღარ წავვივლენ, თუმცა თქვენი ამხანაგი როტმისტრი ხრაპი ხუთი წელიწადია დაეძვბს და კი ვერსად ნახა. ამას წინად მეხვეწებოდა: ერთი თვალი დამაკერევივით...

როტმისტრი — (წამოიწვეს ხვეწნით) მე არ გამოძწირო, ჩემო კეთილო, ჩემო ერთგულო, ბერგ.

ლ. ბერგი — რა ბრძანებაა?! ასე რომ მდომოდა, თქვენთანაც ხომ აღარ მოვიდოდი? მე არ მომწონს ბატონი ხრაპი: ვაუტანელია, დაუნახავი, ყბედი... ამას წინად ერთად ვვახშმობდით „ედემში“ და კინალამ ხათაბალაში გამხვია... ძალზე დაითრო, მოჰყვა ყვირილსა და ღრიალს: „ასე კი ნუ მიყურებთ, სერთუკი რომ მაცვია, მე ჟანდარმი ვარ, როტმისტრიო.“

როტმისტრი — დიად, საძაგელი ვინმეა ბატონი ხრაპი... მფლანგავი, ბაქია, უქნარა... მაგრამ ეშმაკსაც წაუღია მისი სული და ხორცი. განაგრძეთ, ჩემო ლეონ ბერგ, განაგრძეთ.

ლ. ბერგი — მეორე, დიდათ საყურადღებო პიროვნება არის „აჰხანაგი“ საზღვარგარეთელი. ეს კი სულ სხვა ჯურის ადამიანია: პირდაპირია, ვით შურდული და სწრაფი, ვით ხირიმის ტყვია. ნიკიერი, განვითარებული, ფაქიზი, მეოცნებე. სწორედ თვალის ჩინია მთელი ჯგუფისა. მე მგონია, ასეთი უნდა ყოფილიყო ფსალმუნთა მთხვეელი დავით მეფე, ან გედეონი, ან სამსონი, სახედარის ყბით, რომ ამოსწყვიტა ფილისტიმლიანება... მით უფრო საქიროა მისი თავიდან მოშორება, თორემ სულ გადარევეს ბრმა და უტვინო ბრბოს...

როტმისტრი — საზღვარგარეთელი... საზღვარგათელი... (დავთარს ათვალეირებს) მართალს ბრძანებ, ჩემო კეთილო. მაგისტა-

ნა კაცი თუ ცივ წყალში არ აბანავე, მთელ ქვეყანას ცეცხლს წაუქიდებს...

ლ. ბერგი — (აწვევებინებს) საზღვარგარეთელისგან ყველაფერი მოსალოდნელია. მაგრამ უფრო საზიზღარი და სათოკე მათ შორის არის მესამე „ამხანაგი“ აი, ის, გუშინ რომ ანაზღეულათ გავვიძვრა ხელიდან: ირაკლი კოვზირიძე...

როტმისტრი — (ავლავ დაეთარს შლის) ირაკლი კოვზირიძე. არის... აი, ყოჩაღ, ჩემო ლეონ ბერგ. კარგი დარანისათვის მიგიგნია?!

ლ. ბერგი — (განაგრძობს) მთელი მოძრაობა ამ ქალაქში მაგ სამ კაცზეა დამოკიდებული. არიან სხვებიც, მაგრამ ისინი მხოლოდ ფეხის ხმას აპყობიან და ჯგუფის სახელით ტყუილად ცოდვილობენ. ცხერის ფარას ყოჩები ასწავლიან ხოლმე გზას, თორემ დაიბნევიან. აი ის ყოჩები უნდა მოვსპოთ.

როტმისტრი — კვეიანი კაცი ხარ, ჩემო ბერგ, კვეიანი. სხვას რაღას მეტყევი საამოსა და სასიამოვნოს?

ლ. ბერგი — გავიცანი კიდევ ერთი ქალიშვილი, ერთი მშვენიერი ცირა... ლამაზია, ვით ცისკრის ვარსკვლავი, განთიადისას რომ ამოდის ხოლმე და უმანკოა, ვით მაისის დილის ცვარი. საიდან ჩავარდა მათ წრეში, ან რამ დააბრძავა ასეთი კვეიანი გოგონა, რომ იმ სათოკეებს აპყობია, მე არ ვიცი. ვიცი მხოლოდ, რომ დღეიდან ის უკვე მე მეკუთვნის და ჩემს ხელში კი ის, უვნებელი იქნება; მე მიყვარს იგი! არა, მიყვარს კი არა, უზომოთ მიზიდავს მისი უმანკოება და მისი აღერსით დატკბობა მწყურია. ეს მეორე თვეა, რაც ვეარშიყები, ვეარშიყები მოხერხებულად, ძალზედაც შევაყვარე თავი, მაგრამ ნებას მაინც ვერ დავიყოლიე. მხოლოდ სამჯერ ვაკოცე და ახლაც ტუჩები მეწვის... არა! ის ჩემი უნდა იყოს... არავის დაეუთმობ.

როტმისტრი — ოდონდაც ამ ქალაქში სიმშვიდე დამამყარებინე და თუნდა ათ სხვა იმისთანა ლამაზ ქალს გიფეშქაშებ. გახსოვს „არკადიაში“ რომ გოგოები გყავდა?

ლ. ბერგი — (იციინს) მახსოვს... მაგრამ სხეულით მოვაქრე, მზეთუნახავიც რომ იყოს, მას როგორ შეედრება.

როტმისტრი — ვინ მოგახსენათ, ჩემო კარგო? რომელი ქალწული შეედრება, მაგალითად, კნენა მაშოს. სწორედ კამფეტია, კამფეტი შოკოლადისა.

ლევონ — მართალია, მაშო ჯეირანივით ატრიალებს მშვენიერ მაცვალა თვალებს და გედღივით მზარხვეს ხოლმე ყარყარა გულმკერდს, მაგრამ რაკი ფეხ-ნსუბუქია, ასე მგონია მაისის ვარდისათვის ვილაც უწმინდურს ზედ დაუფურთხებია-მეთქი.

როტმისტრი — (ხარხარებს) მაისის ვარდი და ფურთხი, ხა, ხა, ხა... რა უცნაური შედარებაა...

ლევონ — ღმერთმანი, არ გეხუმრებით. იგი უმანკოა შველის ნუკრივით.

როტმისტრი — რა ჰქვიან?

ლევონ — ამხანაგები განოს ეძახიან, თუმცა სხვა სახელი უნდა ერქვას... ჯერ არ გამომიკითხავს ნამდვილი ვინაობა... სულ ერთია მოვესწრებით...

როტმისტრი — განო... გაიანე. ჩინებული, პოეტური სახელია (დავთარს მოიმარჯვებს, ხუმრობით) მაშ, მოდი და ჩაეწეროთ აქ ეგ პოეტური სახელიც. (იციინს)

ლ. ბერგი — მანდ ჩაწერა იმას არას დააკლებს... გაეთოკავთ თუ არა იმ სულელებს, მოვიტაცებ ჩემს განოს და წაიყვან შორს, შორს..

როტმისტრი — ბიქოს, შენ ძალიან მოგდებია სიყვარულის ალები.

ლევონ — მე ჯერ არ ვიცი რამდენად მიყვარს, მაგრამ ისეთი თვალები აქვს, ისეთი თვალები, რომ... (დაფიქრდება) განო მაგონებს ჩემს პირველ სიყვარულს, პირველ სატრფოს, რომელიც ერთმა რევოლუციონერმა გადამირია, გადაიბირა. გახსოვთ, როგორი გულმოკლული მოვეარდი თქვენთან, — მაშინ ახალი მოსული იყავით ვარშავაში. — ბევრი ვეძებეთ, მაგრამ ვერარას გავხდით. იმ დღიდან არის, რომ სიკოცხლე ტანჯვით გადამექცა და ყოფნა ვაი ვაგლახად. იმ დღიდან არის, რომ გადაეწყვიტე ჩაეწერილიყავ მათ წრეში და შური მეძია. (მწარედ ჩაფიქრდება)

როტმისტრი — (ესეი ჩაფიქრდება, რალაც საგონებელს ეძღევა) ეხ, მართლაც ძნელი დასაეიწყებელი ყოფილა, ჩემო მეგობარო, დაუკმაყოფილებელი პირველი სიყვარული. მაშინ გულში დავციინოდი შენს ტანჯვას, მაგრამ, როცა მე თვითონვე გამოვცადე სატრფოს დაკარგვა, ახლა კი კარგად მესმის შენი გულის ტკივილი...

ლეონი — (მწარედ გაღიზარებულად) შენც ხომ რევოლუციონერ-რებმა არ წაგართვეს გულის სატრფო?

როტმისტრი — შეე წყალსაც წაუღია ყველანი. მე კი თვალიდან დაეკარგე და. რუსეთიდან გახარებული მოვეჩქარებოდი, მე მეგონა ჩემი სიყრმის ამხანაგი ქალი, ჩემი თანამგზავრიც გახდებოდა, მაგრამ ჩემი თხოვნა შორს დაიჭირა: ფიქრადაც არ მომსვლია შენი ცოლობაო.

ლეონი — ეხლა სად არის?

როტმისტრი — დედ-მამა დაეხოცა, მიყიდ-მოყიდა რაც კი ჰქონდა, მდიდარი ვაქრის ქალი იყო და სადღაც გადიკარგა. მას შემდეგ აღარსად შეინხვედრია, თუმცა თვალიდან არ მშორდება მისი სახე.. (დაფიქრდება) ეჰ, დავანებოთ თავი მწარე მოგონებათ, ვინაიდან დაკარგულ ბედნიერებას ველარდავიბრუნებთ. მომეცი ხელი, ლეონ ბერგ, და ჩვენი აღთქმის აღსრულებაში ჩაეკლათ გულის ბოღმა. (ხელს გაუწვდის, ლეონ ბერგი ჩამოართმევს)

ლეონი — ოღონდაც, ჩემო მეგობარო, შურისძიებალდა შეება რწმენადაკარგულისა და გზიდან გადავარდნილი აღამიანისათვის. (კულისებში მოისმის ყრუ ხარხარი, ხმაურობა. კარები გაიღება და შემოდის როტმისტრი ხრაპი)

როტმისტრი ხრაპი — (გადაკრულშია. ბარბაცებს მღერის „გეიშას“ ჩმახე)

И правди, и налево порт изюот, /

Одна только шансонетка все поет!

(შვილაფსა და ბერგს) გამარჯვებათ... გამარჯვებათ, ყმაწვილებო, მეგობრებო, საყვარლებო. ააა, ამას ვის ვხედავ, ბერგ, ჩემო ძვირფასო ბერგ. სადა გღიხარ, კაცო, აქამდე. აგრე უნდა პურ-მარილის დაძვირება და დავიწყება. რომ იცოდე წუხელის გათენებამდის ვიოხრეთ... ეს არის ახლა ავდექი სუფრიდან... (უნდა მოეხვიოს ბერგს და აკოცოს, მაგრამ ბერგი მოიშორებს და მარტო ხელს ჩამოართმევს, მერე მიუბრუნდება შვილაფსს) შენ რაღა თავპირი ჩამოგტირის, გრუზო. კიდევა გლოვობ შენს უკვე გაფრენილს სატრფოს? საქმე გამოგლევია. აქამდე იმდენ რქებს დაგადგამდა, რომ იქნებ ველარც კი გეზიდნა. მოდი დავივიწყოთ ყველაფერი, შეეფაფურთხოთ ეშმაკს და ასე ერთობლივ ძმურად, წაყიდეთ საქეიფოთ „ედემში“ ან „არკადია-ჯრბ



ში“... აქ არიან დაშა, გლაშა, პარაშა, ღუნიაშა, მაშა და ვინციის კიდევ რამდენი ნაშა... (პაპიროსს უკიდებს, ღიმილით და ბარბაცით მიუბრუნდება ბერგს) სხვა, როგორაა საქმე, ჩემო მეგობარო? ობობა იჭერს ბუზს თუ ბუზები იჭერენ ობობას, ჰა? (შვილივეი მოღრუბლული შეჰყურებს, ბერგიც ამრებილია. ორივენი სღუმან)

ხრაპი — (ხან ერთს შეაგდავს და ხან მეორეს) რა ენა ჩაგვარდნით, მეგობრებო. სამუსაიდოთა ხართ შეკრებილი, თუ სავაქროთ? (ბერგს), არ გინდა თითო დიდ თმიან გოგრაში ორორი შაური მოგცე... უზალთუნები.. გინდა?

როტმისტრი — (მოთმინებიდან გამოსული) მე თქვენა გთხოვთ, ნუ გვიშლით ხელს, ბატონო ხრაპ.

ხრაპი — (განცვიფრებით) მე გიშლით ხელს, მე?

როტმისტრი -- დიახ, თქვენ.

ხრაპი — არა, ხუმრობო?

როტმისტრი — სრულიადაც არა.

ხრაპი — მე გიშლით ხელს, მე, ქეშმარიტი და წმინდა წყლის რუსი კაცი ხელს უშლის ურიასა და ქართველს?.. გესმით, ხალხნო, მართლმადიდებელნო?

შვალივეი — თქვენ სადღაც გამომთვრალხართ და თავს იფიწყებთ, ბატონო ხრაპ, ხელს ნუ გვიშლით-მეთქი?!. (მაგიდაზე გაჯავრებით ხელს დაჰკრავს)

ხრაპი — (მოლბება, შემინებული) უკაცრავად, ბატონო როტმისტრო! უკაცრავად. მე მინდოდა თქვენი გამხიარულება, მე ხომ საწყენათ არას ვამბობ. არ გინდიაართ? წავალ. საჩხუბარი რა მაქვს? (მიდის კარებთან) ეი, ბრებუნავ, ეჭლი, ეტლი, ეტლი მომიყვანე. (მობრუნდება. იცინის) ისაქმეთ, ისაქმეთ და რაც თქვენ თევზები დაიჭიროთ, მე ნულარ გამიყოფთ. მე კი წავალ ისევ რესტორანში. (მღერის)

И направо, в налево черт плочет,  
— Одна только шансонетка все поет!  
(გადის ბარბაცით)

## 2

როტმისტრი — მოდი და მაგისტანა კაცს მიანდე რაიმე საქმის გაკეთება!.. საძაგელი, არამზადა! ვის უკიჟინებს, ჩვენ, ქართველებმა ექვსი საუკუნით მაგათზე ადრე მივიღეთ ქრისტიანობა. ოცი საუკუნით ადრე შევქმენით სახელმწიფოებრი-

უი ცხოვრება და დღეს ხომ ჩვენისთანა ერთგული მოხელე უდამიწაზე არ მოიპოვება... განა, ეგ ჩვენ უნდა დაგვცინოდეს? ოხ, ოხ!..

ლ. ბერგი — დამშვიდდით, ჩემო მეგობარო.

როტმისტრი. — ოხ, ეგ საზიზლარი!

ლ. ბერგი — თქვენ, თქვენ თავს გაუფრთხილდით, ბაჟონო ჩემო. (წამოდგება) მაგრამ... მე მგონია, თავი შეგაწყინეთ... ღროა წავიდე...

როტმისტრი. — მიდიხართ? მერე საქმე როდის გავაკეთოთ?

ლ. ბერგი — არხინად ბრძანდებოდეთ, ყველაფერს თავის ღროზე შეიტყობთ. ახლა კი ნება მიბოძეთ მადლობა გადაგიხადოთ, რომ ყველა თქვენი ხელქვეითის გულში ჩაგინერგავთ ასეთი დიდი პატივისცემა ჩემი პაროლისადმი: გუშინ რომ შეესძახე № 21 ჯვრით-მეთქი, ისე გამომეპიმენ თითქოს, ხელმწიფე ვყოფილიყო... მართლა, ნება მიბოძეთ რამდენიმე კვირით თვალს მივეფარო, რომ ექვი არ აიღონ ჩემს ლალატში. უბრძანეთ გამაცილონ ისევ ხერელის გზით...

როტმისტრი — (დარეკს, შემოდის უნტერი) აანთე სანთელი და ეს ყმაწვილდ ხერელის გზით გააცილე. ფრთხილად იყავ, ქვედა სართულში ნაპერწკალი არ დაგივარდეს, დაბრუნებისას პაპიროსი არ მოსწიო, თორემ მოგკლავთ, დაგახრჩობთ, დაგხვრეტავთ. კარები კარგად მიხურე, ღია არ დაგრჩეს, ვესმის?

უანდარში — მესმის, თქვენო მაღალკეთილშობილებავ... (გადის)

ლ. ბერგი — ნახვამდის. (ხელს გაუწვდის)

როტმისტრი — ნახვამდის, ნახვამდის, ჩემო ერთგულო ბერგ... (ხმა დაბლა) მართლა, აი სასყიდელი, ხუთასი მანეთია. (ბერგი ფულს უტბად ჩაიდებს უბეში და სჩქაროდ გადის)

### 3

როტმისტრი — (მაგიდას მიუჯდება) არამზადა ხრაპი. ერთგული ბერგი. (უმინოდ დარეკს, ბრაგუნით შემოდის უნტერი) ნელა კერ შემოხვალ, შე მხეცო! ბოსელში ხომ არა ხარ გაზრდილი? მე თქვენი უფროსი ვარ და არა თქვენი ამხანაგი. მოგკლავთ, დაგახრჩობთ, დაგხვრეტავთ, ვესმის?

ჟანდარმი — მესმის, თქვენი მაღალკეთილშობილებაჲ!  
როტმისტრი — ხმა ჩაიწყვიტე. (ჟანდარმს კარებზე უჩვენებს)  
მარშ. (ჟანდარმი გადის. ხანგრძლივ პაუზა. როტმისტრი ოცნებაშია,  
იღიბება, წვერებს იბერტყს, მერე თითქოს რალაც მოაგონდაო)

4

როტმისტრი — (დარეკს სამჯერ. შემოდის ვახშისტრი)

ვახშისტრი — რას გვიბრძანებთ, თქვენო მაღალკეთილშობილებაჲ?

როტმისტრი — ვინ გითხრა ხმა ამოიღეო, შე ბრაცყო, ვიდრე მე არ გამოგელაპარაკებოდი. შენი ამხანაგი ხომ არ გგონივარ? მოგკლავთ, დაგახრჩობთ, დაგხვრეტავთ. გესმის თუ არა?..

ვახშისტრი — მესმის, თქვენო მაღალკეთილშობილებაჲ!

როტმისტრი — მუდამ გახსოვდეს „ნომერი ოცდა ერთი ჯგირით“, გაუფრთხილდი, როგორც თვალის ჩინს, გესმის?

ვახშისტრი — მესმის, თქვენო მაღალკეთილშობილებაჲ!

როტმისტრი — არ დაგაფიწყდეს ჩემი ბრძანება, თორემ მოგკლავთ, დაგახრჩობთ, დაგხვრეტავთ, მარშ! (ვახშისტრი გადის)

5

როტმისტრი — (გადაესვენება სკამზე) თუ მეოთხე ჯგუფიც არამზადების, გავბაწრეთ, ერთი ჩინი და ასი თუმანი კიდევ მომემატება... აი ყოჩაღ, ლეონ ბერგ. მაღალჩინა, ლეონ ბერგ. სულელი ხრაპი! (სიამოვნებით ხარხარებს)

ფ ა რ დ ა

## მოქმედება მეოთხე

მსხვერპლი თვალთმაქცობისა

1

ს ც ე ნ ა: სასეირნო ბალი ზღვის პირად. ადგილ-ადგილ ბუჩქები და ბილიკებია. უკან ზღვა უდევს. მარცხნივ ტყით დაბურვილი მთები, ჩამავალ მხეს ზღვა გაულაქდაკებია და წუნარად ირბევა, ლივლივებს.

წინ დიდებული სურათი იშლება.

ბალში აუარებელი ხალხი დასეირნობს, შათ შორის დადის სულელი მათხოვარა. სქელ-სქელი, გაბურძგვნილი თმა-წვერი აქვს,

კუჭყიანი. დადის და ყველას სთხოვს: „პაპიროზი არა გაქვს?“  
„წაუფრი არა გაქვს?“ ზალსი და ცინის, ხარხარებს. ზოგიც მოწყა-  
ლებას აძლევს. ერთ-ერთ ბილიკზე გამოჩნდებიან ხელი-ხედი ჩაკი-  
დებულნი განო და ლეონ ბერგი. წინ წამოვლენ და ერთ  
განმარტოებულ ბუჩქის ძირას განო დაჯდება, ლეონი კი მზარ-  
თედოზე წაშოწვება და განოს კალთაში თავს ჩაუდებს. (პაუზა)

ლ. ბერგი — რა კარგად იქვე, ჩემო ლამაზო, რომ იწ-  
დღეს გამიგონე და კრებაზე არ წამოხველ. ჯერ იყო და იმ  
საძაგელმა ირაკლიმ კინალამ თავი არ შემომამკლა და მერე  
ხომ სხვა უფრო დიდი უბედურება დაგვემართა. ლამის ათი  
საათი იქნებოდა, როდესაც მთელი რაზმი თანდარმებნისა თავს  
დაგვესხა. მე არ ვიცი როგორ გადავრჩი... როცა მივყავდი,თ,  
ვიდროვე, თანდარმებს ხელი ვკარი, ერთმანეთს შვიჯახებ და  
ერთ ბნელ ქუჩისკენ გავიქეცი. ატყდა ერთი ვაი-უშველებე-  
ლი... აქეთ ვეცი, იქით ვეცი, მერე ერთ ლობეზე გადავხტი  
და თავს უშველე... საბრალო ჩვენი ამხანაგები. ვინ იცის,  
ახლა რა ნესტიან საკანში სხედან. (ტაბილ-წარედ იღიმება)

განო — (ამოიოხრებს) საწყალი ნინო. საწყალი ქეთო. ნეტა-  
მეც იმათთან ვყოფილიყავ... (დაფიქრდება) მადლობა ღმერთს,  
რომ შენ მაინც გადარჩი, თორემ რა მეშველებოდა უშენოთ?...  
(დაიხრება. ბერგს თვალბში ჩახედავს, ქოჩორზე ხელს გადაუსვამს) ჩემო  
ვაჟკაცო!

ლ. ბერგი — (ინახება) ეჰ, დავანებოთ თავი მწარე მოგონე-  
ბას და დავსტკბეთ ჩვენი მარტოობით. არის ხოლმე, ჩემო განო,  
ისეთი წუთები ადამიანის ცხოვრებაში, როდესაც მას უნდა,  
რომ იყოს გულახდილი, პირდაპირი, გათვალისწინებული-  
მეც სწორედ ამისთანა გუნებაზე ვარ ამჟამად. განელილმა  
შავმა დღეებმა, შენთან ყოფნამ და ამ დიდებულმა ბუნებამ  
სულ გამომცვალეს. ახლა, აი ამ წუთში, მე აღარ ვარ ის ლე-  
ონ ბერგი, რომელსაც შენ იცნობდი გუშინ... გუშინ წინ... ამ  
წუთში მე პოეტი ვარ, მეოცნებე და მინდა სიყვარულის ჰიმ-  
ნი ვუმღერო ამ ტურფა მზარეს. (წამოჯდება და მიდამოს თვალს  
მოავლებს) შეხე იმ ადგილს, (ძიუთითებს) სადაც მზე ჩასვლას  
ეპირება, შეჩერებულა. ვიშ, რა ლამაზათ მოუქარგავს მზეს  
ცის კიდური და რა სინაზით შეჭფოფინებს ქვევიდან მას ზღვა-  
შებედე, შეხე, ტალღა ტალღას როგორ მისცეს დასაველ-

თისკენ, თითქოს უნდათო მზის სხივები შესვან, შეხვრიპონ, გულში ჩაიკრან, ჩაიგრიხონ მათი ნშვენება და შეევედრონ ჯერ ნუ ჩახვალ, მზევ დაადო, კიდევ გეწყურის შენი მზერა, ვერ დავტკბარვართო. მაგრამ რა მარტო ზღვა? (შემოზრუნდება) აბა, შესედე, ის ტყეც როგორ მიბნედილა, გულ-ჩათხრობილა, ალბათ, თუ ფიქრობს: მეც შევთხოვო მზეს არ ჩავიდეს, თუ ვიკმაროო მისი მზერა და დავიძინო. მოლადეს მინდორიც როგორ ბიბინებს და ცელქ ნიავის არშეყობით თავს ბრუ დასხმული, რა სიტკბოებას მისცემია, გაბრუებულია. ოს, ბუნებაო, ბუნებაო! ნეტავ თუ რაშე შეგვედრება თავისი ნშვენებით? (ჩაფიქრდება. ამ მონოლოგის დროს განა თითქოს მუსიკას ისმენსო, ოცნებითაა გატაცებული. ბინდდება, მთების იქიდან ნელ-ნელა ამოდის ბადრი მთვარე)

განა — (მცირე პაუზის შემდეგ) ოხ, ჩემო ბუღბუღო, ჩემო ენა-მკვერო. ნეტავ, რა დედამ გშობა და რა მამამ გაგშარდა, ეგრეთი ენატკბილი.

ლ. ბერგი — (ფიქრებიდან გამოერყვება) მე, ჩემო ტურფავ, გავიზარდე ერთ ღარიბ ქოხში, ცივ ქვეყნად. სიყმაწვილე ჩემი იყო ჯოჯოხეთი, ხოლო სიქაბუკე ჯოჯოხეთზე უარესი... მე მოვესწარ იმ საზარელ რბევა-აწიოკებას, რომელიც თავს დაატყდა ჩემს ერს — საბრალო ებრაელებს. მე ვნახე, როგორ ფათრავდენ უსუსურ ბავშვებს, როგორ სჩებდენ უწწო დედაკაცებს. თვითონ მე სამგან განიბეს თავი. გრძნობა მიხდილი ერთი ებრაელის სახლში გამოეხიზლდი. თავს დამდგომოდა ახალგაზრდა ქალი და მურყანის რტოთი სახეს მინიავებდა. ლანაზი იყო ქალი იგი, ვით ღეთაება, და უმანკო, ვით უკედავება. თვალები ჰქონდა ისეთი შავი, ისეთი ღრმა, როგორც აი ეს ზღვა და შიგ სიტყვით გამოუთქმელი სეგდა ჩაჰვედოქოდა. შენ ერთხელ კიდევ გითხარი მისი სახელი. მას ერქვა ღია. მისმა მზერამ გამკურნა, მისმა მზრუნველობამ ფეხზე დამაყენა. სულ ორი თუ სამი თვე ვიყავით ერთად და მის მომზირალს, ფრთები შემესხა, გადამავეიწყდა ყველაფერი და სალოცავად ის გავიხადე. მაგრამ ერთს ჩემთვის უბედურს დღეს თვალისა და ვეკარგე... ეილაცამ გადანიბირა. აი, ამ დღიდან ფიცი დავდე სამაგიერო გადამეხადა მთელი ქვეყნისთვის. (უცბად გონს მოვა, დაღონებულია და შუბლშეკრულს განოს რომ დაი-

18. \* \* \* კვალბე

ნახავს,—მის სახეს მიიბრუნებს და თვალეში ჩახედავს) ნუ... ნუ იღრუბლები, გეთაყვა! ეს იყო მხოლოდ ტკბილი ცდუნება დაღალული სულისა, მოჩვენება კრემლმორეულის თვალებისა... ეს იყო სიზმარი, უცნაური სიზმარი, ლამენტოვ კაცს განთიადისას რომ მოელანდება ხოლმე... გაქკრა, წაჟიდა ზმანება იგი და ახლა მარტო და მხოლოდ შენი მაყვალა თვალე-ბი-ლა მასულდგმულეს. (ხელს მოჰხვევს განოს და ჩაქოცნის)

განო — (აღელვებული, ეჭვნაკრავი) ნულარ, ნულარ გაიხსენებ, სანატრელო, იმ ქალის სახელს!.. ახლა ზე და შენ ვებრძოლოთ ქვეყნის მტრებს... მეც შენსავით დაჩაგრული ერის შეილი ვარ, მომეცი ხელი და მე შენ დაგიმტკიცებ როგორი სიყვარულიც სცოდნია მგზნებარე კოლხიდის ასულს...

ბერგი — ამ ბუნების შეილს სიყვარული რომ არ შეგეძლოს, ეს ხომ გმობა იქნებოდა თვით შემომქმედისა?

განო — შენც ხომ გყვარები. მითხარ, მითხარ... შემომფიცე...

ბერგი — სისულელეა ფიცი, როდესაც მთელი ჩემი არსება დამინაცვლებია სატრფოსათვის!..

განო — (ნეტარის ღიმილით) ვინ არის შენი სატრფო?

ბერგი — ჩემი იდეა და... შენ, შენ...

განო — იდეა და მე? საყვარულში მოზიარე არავინ მინდა. მარტო მე უნდა გიყვარდე, მარტო მე... ნეტავ ახლა ღრუბლად გვაქცია ორივენი, რომ ჩვენს გარეშე არავინ იყოს... ოხ, როგორ ვიტანჯები!..

ბერგი — რა გაქვს დასატანჯი? ჩვენი გზა ახლა ხსნილია. ხვალ-ხვდ გავალთ აქედან და ერთი კვირის შემდეგ ისეთ ადგილას ვიქნებით, რომ ეშმაკიც ვერ მოგვაგნებს.

განო — (გატაცებით) ნეტავი აგრე, ნეტავი აგრე.

ბერგი — (ცბიერის ღიმილით) მერე ხალხი? ჩვენი ამხანაგები? ჩვენი საქმე?

განო — (გონს მოსული) მართლა, ხალხი, ამხანაგები! დალახვროს ღმერთმა თავდავიწყება! ყველაფერი დაჰფარა შენმა... სიყვარულმა. (აღერსიანად, თან გაუბედავად) ამიხსენი, გეთაყვა, რა არის... რაზეა დამყარებული სიყვარული?

ბერგი — (ცინიკურად) სქესობრივ აღლოზე.

განო — (მორცხვად) ვერ არის პოეტური ახსნა.

ბერგი — იქნება მართლა გჯერა პოეტებისა, სიყვარულს ციურ გრძნობად რომ სთვლიან? ნუ დაუჯერებ იმ სულელებს! სიყვარული მხოლოდ სწრაფვას ღელვისა და დასაბამია კერძო საკუთრებისა.

განო — (ნაწაენივით) შენი პირველი განმარტება მდარე ღირსებისაა, ხოლო მეორე — სიყალბე. ვინაიდან კერძო საკუთრება ბოროტებაა, სიყვარული კი...

ბერგი — (გულგრილად აწვევტიწებს) სიყვარულიც ბოროტებაა. სიყვარულმა გააყიდვინა იესო იუდას, სიყვარულმა დააკარგვინა ადამ და ევას სამოთხე, სიყვარულმა შეჰქმნა ეშვი და შურისძიება, სიყვარულმა წარმოშვა შენ-ჩემობა, ჩაახშო თავისუფალი აზრი და თავისუფალი მისწრაფება.

განო — გონს მოდი, ლეონ, რაებს ლაპარაკობ! სიყვარული რომ არ იყოს, სიცოცხლევ ხომ არ იქნებოდა?

ბერგი — სიცოცხლე... სიცოცხლე! რის მაქნისია სიცოცხლე გაბოროტებული, სიცოცხლე შურის ძიებათა და ღალატით აღსავსე?

განო -- (დაბნევით) შენ მაინც არ გეთქმის საყვედური. მე შენთან ვარ და დაგიხსნი კიდევ ყოველგვარ უსიამოვნებისაგან. შენთვის თავსაც დავდებ...

ბერგი — (ამოთხვრით) სიყვარული ჰკლავს იდეას, სპობს სურვილს ხალხოსნური ბრძოლისას. აბა, ახლა, მაგალითად, რას ვაკეთებთ აქ? ჩვენი ამხანაგები იქ იტანჯებიან და ჩვენ კი განცხრომას ვეძლევი. რათა? იმიტომ, რომ ჩვენ ერთმანეთი გვიყვარს და მთელი ქვეყანაც რომ გადაბრუნდეს, ჯავრი აღარა გვაქვს. სიყვარული დასაბამია-მეთქი კერძო საკუთრებისა, განა ტყუილი გითხარი? შენ ჩემი ხარ, გესმის, ჩემი და სხვას ხელი არაუვისა აქვს შენთან. ჩემი მეობა, ჩემი კერძოობითი გულის-თქმა ნებას არ მომცემს, რომ შენი თავი ვისმე დავუთმო... მაგალითად, თუნდა ირაკლის... იმასაც ხომ უყვარდი?

განო — (გაფანტვით) ნულარ გაჰახსენებ იმ საძაგელს... რა ნება ჰქონდა, რომ შემიყვარა.

ბერგი — (გადიხარხარებს) რა ნება ჰქონდაო? განა მზე ნებას სთხოვს ვისმეს როცა ამოდის, განა გრძნობა ბილეთებით იყიდება?

განო — (შეშფოთებული) მე შენი არა ზესმის რა... რაოა ლა-  
პარაკობ აგრე ორკოფად?

ბერგი — იმიტომ რომ მე შეილი ვარ ცხოვრებისა და ცხოვ-  
რება კი ორკოფობასა და კერძობაზეა დამყარებული! ცხოვ-  
რებაში გამარჯვებული მხოლოდ ის არის, ვინც დაიმონებს  
ბრბოს, ვინც პირველად მოხიბლავს ქალს, ვინც მხოლოდ და  
მხოლოდ თავის პირად ნებისყოფას დაუმორჩილებს სხვის ნებას.

განო — (განცვიფრებული წამოიწევს) მე შენ ველარა გცნობ!

ბერგი — დროა გამიცნო. ლეონ ბერგი ხალხში სხვაა და  
გათავისწინებული, განმარტოებული, კიდევ სხვა! ბრბოს უყ-  
ვარს, როცა მას ატყუებენ, მე კი შეჯავრება, როცა ჩემსაფუ  
თავს ვატყუებ. მე არ მრწანს საზოგადოებრივობა, მრწანს  
მხოლოდ, რომ მე—შე ვარ და თუ ბრბოს ტაშს ვუკრავ, ამით  
ჩემს პირად თავმოყვარეობას ვიკმაყოფილებ, მე მიყვარს ბა-  
ტონობა, მიყვარს, როცა ჩემს წინაშე მატლებივით ხობავენ,  
მიყვარს, როცა ვალორებ მონებს, საპყარებს, უტვინოებს...

განო — (სასოწარკვეთილებით) ღმერთო, რა მესმის ეს, რა?

ბერგი — სრული ქეშმარიტება, შენც მარტო შენი თავი  
გიყვარს, თორემ ჩრაკლის უარს არ ეტყობი. სიყვარული ის  
კი არ არის, რომ შენი სიამოვნება ეძიო, შენი გულისტქმა  
აისრულო, სიყვარული ის არის, რომ სხვას მიანიჭო ბედნიე-  
რება, სხვას ემსახურო, სხვას დაჰყვე ნებას...

განო — (ფეხზე წამოიჭრება) ხუმრობ თუ?

ბერგი — (გადიხარბარებს ცბიერად) შეფუცხუნდი? ვხუმრობ,  
რასაკვირველია, ვხუმრობ. მე გცდიდი...

განო — რა მაქვს გამოსაცდელი?! შენ მოგანდე ჩემი გუ-  
ლის სიძები. ჩემი სიცოცხლე და შენი ავი, ჩემი ავიც არის...

ბერგი — (შეპარავი ღიმილით) ნუ გამიწყრები, ჩემო კარგო,  
მაგრამ ეგეც ცარიელი სიტყვებია. გეყვარები იმ დრომდე,  
ვიდრე შენს ოცნებას, შენს ილუზიას ფრთები არ შეეკვეცე-  
ბა, ვინაიდან სიყვარული უაღრესად ეგოისტური გრძნობაა...  
შე ასე მგონია, მინამ იარსებებს სიყვარული ქალ-ვაჟთა შო-  
რის, მათთვის თვით იდეა ან იარალი იქნება ერთმანეთთან  
დასაახლოვებლად, ან თვალთმაქცობა.

განო — (შეტვეით) ლეონ!

ბერგი — (არხეინად) მე ვარ!



განო — ლეონ! ნუ, ნუ დამაფიქრებ. მე მინდა უდარდელად მივეცე ჩემს გატაცებას, ჩემს აღმაფრენას.

ბერგი — ბავშვი ყოფილხარ!

განო — ნუთუ დამცინი კიდევ?

ბერგი — ღმერთმა დამითაროს ვისიმე დაცინვისაგან. მე მხოლოდ იმას ვანბობ, რომ სიყვარული განხორციელებული ეგოიზმია-მეთქი.

განო — მაშ, ნუთუ ქვეყნად არ არსებობს უანგარო გატაცება, უანგარო სიყვარული?

ბერგი — არ არსებობს! საზოგადოდ ადამიანი ან თავის თავს ატყუებს, ან სხვას და ორივეჯერ მხოლოდ ეგოისტობა ახელმძღვანელებს ხოლმე. პირველ შემთხვევაში ე. ი. თავის მოტყუებით ის განზრახ იხშობს თავის მეობას, ხოლო მეორე შემთხვევაში ე. ი. როცა სხვას ატყუებს, იგი უკვე გამოცდილი მსახიობია.

განო — ვფიცავ შენ თავს, მაგ ორმაგობისა არა მესჯის რა!

ბერგი — (ღიმილით) დროა შეიგნო, რომ ქვეყნად მხოლოდ ორმაგობაა ხელსაყრელი.

განო — (იღვე მოუჯდება ლეონს თავ-ბრუ დასხმული, დარეტიანვანებულ, აღარ იცის, რა სთქვას, რა იფიქროს) არა, ლეონ, არა! ხელსაყრელია მხოლოდ სიყვარული, სიყვარული თავდადებული, სიყვარული ცხოვრების მიმნიჭებელი. ჩემი მამა, დედა, ძმა, და, სანშობლო შენთვის შეპომიწირავს, ოღონდ კი მუცლამ შენთან ვიყო, შენ გეალერსო... რაებს ლაპარაკობ, ჩემო გიჟო, ჩემო ღვთაებაე: ნუ... ნუ მცდი გეთაყვა... გვიანლაა! (მოეხვევა და გიჟურად ჩაჰკოცნის).

ბერგი — (ვითომდა ხუმრობით) დიდებული გეინინგერი, დიდებული შოპენჰაუერი! (თვითონაც ჰკოცნის თავდავიწყებით. ხანგრძლივი პაუზა)

## 2

(მოვარე დაჰქაქათებებს მიდამოს, ხალხიც გაკრეფილა. ზღვის პირი საიდუმლოებით არის მოცული, შორიდან მოცინის სიმებიანი ორკესტრის გულ-წარბტაცი სერენადა. ჰენდის და ჰმინავს მუსიკა იგი და შორით მონაბერი ჰანგები ნეტარებითა და თან სევდით ავსებს მსმენელებს. განო და ბერგი სხედან ხელ-ხელ გადახვეულნი, თავი-თავზე მიუყრდენიათ და მუსიკის ზეგაღვნით თავ-თავის საგონებელს მისცემიან. მთვარე თავზე დაჰყურებთ. მუსიკა ხმადაბლა უკრავს მეორე გამოსვლის ბოლომდე)

ვინმე მოხუცი — (სერთუკში გამოწვობილი მოდის ერთ-ერთი ბი-  
ლიკით, წელში მოხრილია, თეთრი თოვლივით თმა და წვერი აქვს, ბუჩქს  
გაუმოსცდება. განოს და ლეონს რომ დაინახავს, თითქო შეკრთაო, ხზის  
კანკალით) მაპატიეთ ყმაწვილებო, ახალგაზრდებო... მშვენიერმა  
სალამომ გამომიტყუა. მოხუცი ვარ მარა ეს ოხერი გულო  
თურმე როდი ბერდება! ოცნებაჲ განიტაცა და წარსულის  
მოსაგონებლათ აჲ ყრუ ადგილისაკენ გამოეწიე... (ბერგი და გა-  
ნო გამოერკევიან, გასწორდებიან)

ვინმე მოხუცი — მაპატიეთ-მეთქი ახალგაზრდებო, მშვე-  
ნიერებო... ნება მიბოძეთ აქვე, თქვენს გვერდით ჩამოვჯდე...  
ბერგი — შეგიძლიათ... ჩვენ არას დაგვიშლით... სასიამოე-  
ნოა ცოცხალი არქეოლოგიური ნაშთის ნახვა. (განო და ლეონი  
იცინიან)

მოხუცი — (ბეჭობზე ჩამოჯდება) გაიცინეთ... გვრიტებო,  
მტრელებო... ისიამოვნეთ ვიდრე დრო გაქვთ, თორემ დაბერ-  
დებით და ისე გაგიფრინდებათ დრო ხელიდან, როგორც გა-  
მიფრინდა მე.

ბერგი — რამდენი წლისა ხართ ბაბუა?

მოხუცი — (ღიმილით) ჩემი დაბადება მე თვითონ არ მახ-  
სოვს, სხვის სიტყვით კი სამოცდა თუთხმეტისა უნდა ვიყო-  
ვანო — ნეტა ჩვენც მივალწით მაგ ხნამდე...

მოხუცი — თუ ერთმანეთი გეყვარებათ და ცოდვას არ ჩაი-  
დენთ, ან არ ჩაგიდენიათ, მეტსაც იცოცხლებთ.

ბერგი — (სიცილით) რა ცოდვა უნდა ჩავიდინოთ? ჩვენ და-  
ძმანი ვართ.

მოხუცი — დიდი ხუმარა ყოფილხართ, ჩემო კარგო. და-  
ძმა ხალხს არ მოერიდება და ყრუ ადგილას მთვარისა და  
ზღვის საცქერათ არ წამოვია... გესმით ეს მუსიკა? იგი მხო-  
ლოდ სიყვარულს უგალობს. (ღიმილით ყურს დაჯდება მუსიკას)

ბერგი — აი ყოჩაღ, მოხუცო. გეტყობა ყმაწვილობისაჲ  
ბევრი რამ გამოგიცდიათ.

მოხუცი — ბევრი რამ? არა! სიყვარული ერთხელ, სულ  
ერთხელ გამოვცადე მაგრამ ისიც საკმარისია, რომ ვაცნო შე-  
ყვარებულნი... მაშინ სულ 23 წლისა ვიყავ.

განო და ბერგი — (ერთმანეთს შეხედავენ) ჩვენც სწორეთ 23-  
სა ვართ.

მობხუცი — რა ბრძანეთ?

ბერგი — არათერი. კარგი, საუკეთესო დროა, 23 წელი-მეთქი.

მობხუცი. — რასაცვირველია, ამ ხანაში კაცია, თუ ქალი, სულ ვარსკვლავებს ეთამაწება.

ბერგი — თქვენც, ალბათ, ეთამაწებოდით მაღლა მთვარეს და ძირა ლამაზ ქალებს, არა?

მობხუცი — ვაპირებდი გათამაწებას, მაგრამ... (ამოიხსრებს) ჩემმა სატრფომ უდროო დროს დამიკოდა გული. ფრთები შემაქრა!...

ბერგი — საინტერესოა ძველი რაინდის, ძველი ისტორიის მოსმენა... თუ შეიძლება გვიამბეთ!

განო — გვიანბეთ, მობხუცი, კეუა გვასწავლეთ ახალგაზრდებს.

მობხუცი — სიამოვნებით... მით უმეტეს, რომ ამ საუკუნო-ვო მუსიკამ, ამ ცბიერმა მთვარემ, ამსიომ ზღვისამ გამაახალგაზრდავა, მომაგონა ჩემი წარსული და თქვენც რომ არ შემხვედროდით, მე ჩენსავე თავს მოუყვებოდი ჩემს თავგადასავალს. ხომ მოგეხსენებათ, მობხუცი ნხოლოდ მოგონებითლა სკოცხლობს. (ჩახველეუს, წვერებზე ხელს ჩამოისვამს და ნელი ხმით დაიწყო) უნდა მოგახსენოთ გერიტებო... მტრედებო, რომ იმ თავითვე დიდი მეოცნებე ვივავი: სულ იმას ეფიქრობდი, როგორმე გარდამექნა მაშინდელი წესი ცხოვრებისა და დამემყარებია სრულიად ახალი, თავისუფალი, თანასწორი, ძმური და ერთობრივი... გამიტაცა ამ ოცნებამ, შევადგინე განსაკუთრებული წრე, ავიყოლიე მრავალი ქალი და ვაჟი, ყოველსალამოს ვიკრიფებოდით ხოლმე, ვადგენდით გეგმებს, ვწერდით წერილებს, ვშოულობდით თანამგარწნობლებს, ვავრცელებდით ჩვენს აზრებს, ჩვენს იდეებს...

ბერგი — მობხუცი, მგონია ცოტათი აქარბებთ... ამ ორიწოცი, სამოცი წლის წინად მაგისთანა არა მოსდებოდა-რა.

მობხუცი — (ღიმილით) მიჩქ ვიყავ და თქვენ კი სიტყვას მისწორებთ?.. ვერ არის კარგი, ყმაწვილო კაცო... სწორედამაზეა ნათქვამი: მაზლი ქორწილში იყო და რძალი კი ამბავს უყვებოდაო. (ბებრულათ იცინის)

განო — განაგრძეთ, განაგრძეთ.

მოხუცი — (კვლავ იღიმება) უკაცრავად, ყმაწვილო, თქვენი სატროფო თქვენზე უფრო ცნობისმოყვარე ყოფილა.

ბერგი — ქალი ყოველთვის ქალად დარჩება.

განო — (საყვედურნარევ ღიმილით) ლეონ, შენ ამბობ მაგას?

ბერგი — მე მინდა მოხუცი ავალაპარაკო, ვათქმევინო, რა აზრისაა ქალებზეც.

მოხუცი — რა აზრისა ვარ ქალებზე? მე ასე ნგონია, ჟქალებოთ კაცები მხოლოდ მასხარები და უსაქმურნი ვიქნებოდით.

ბერგი — კვლავ აქარბებთ, მოხუციო!

მოხუცი — სრულიადაც არა. ქალი თვალთა ქვეყნისა.

ბერგი — მართლა?

მოხუცი — (ყურადღებას არ აქცევს, განაგრძობს) ქალი აზარმა-ცია მამაკაცის საქმიანობისა: რაც რამ ხდება ქვეყნად: კარგი, თუ ავი, ხდება ქალის გამო, ქალის მეოხებით და ქალის ნებით.

განო — ვაშა, ვაშა, მოხუციო!

მოხუცი — ეგ ვაშა ეკუთვნით ქალებს, საზოგადოდ, პირადათ მე კი გულნატკენი და დაღუპული ვარ ქალისაგან.

ბერგი — (ღიმილით) მაცა, თუ მე არ გავიმარჯვო.

მოხუცი (ღიმილითვე) არა მგონია. (განაგრძობს) ჩვენ წრეში ბევრი ქალი ერია. ერთი მათგანი შემეყარდა და შემეყვარდა იმდენათ, რომ მზათ ვიყავ იმის გულისათვის ყოველივე მსხვერპლი გამეღო, მაგრამ იმ დროს უშნო ვიყავ გარეგნობით, ულაშათო. ის კი ღვთაებას ჰგავდა. გარდა ამისა, ის ქალი კქვიანი მეგონა და როგორც ღმერთს შორიდან ელოცულობდი, მოწიწებით ვეჩქეოდი და ვერც კი წარმომედგინა, რომ მას შეეძლო მიწიერი... სქესობრივი დაახლოვება ვისთანმე. ჩვენ წრეში იყო ერთი მშვენიერი ვაჟკაცი გარეგნობით, ენამქვერი, მლიქვნელი, შემპარავი. აი ამ ყმაწვილმა მოხიბლა ჩემი სალოცავი საგანი და ჩემთვის ერთ უბედურ დღეს თვით ის ქალი ჩაუვარდა მუხლებში ვაჟს და ევედრებოდა შემეყვარეო.

განო — (ცოტა შეშფოთებული) მერე აქ დასაძრახისი რა არის? თუ კი ვაჟს შეუძლია სიყვარულის გამოცხადება, რატომ ქალსკი არ უნდა შეეძლოს?

მოხუცი — გეთანხმებით. მაგრამ ის ქალი იმ ვაჟს არ იცნობდა და თავი კი დაიმცირა.

ბერგი — სიყვარული არავის არ ამცირებს.

მოხუცი — სიყვარულიც არის და სიყვარულიც.

განო — სამაგიეროთ, სიყვარული გულთა-მსილაგია.

მოხუცი — დიდი შეცდომა მოგდით, ისე, როგორც შესცდა ჩემი სატრფოც... ის ყმაწვილი შემდეგში უპატიოსნო, მატყუარა გამოდგა...

განო — (განცვიფრებულ) მატყუარა?

მოხუცი — დიად, მატყუარა, ორპირი, დაღუპა საბრალო ქალი.

ბერგი — შეუძლებელია, ქვეიანი და დაფიქრებულ ქალი წინდაწინვე ვერ მიხვდარიყოს.

მოხუცი — ეშმაკს ვინ რას გაუგებს?

ბერგი — მოხუცებულხარ, ბაბუა და სულ ეშმაკები გაგონდებათ. მე და ჩემი სატრფო კი მარტო ანგელოზებზე ვფიქრობთ. არა, განო? (იციინს)

მოხუცი — (ღელავს) ლამაზი სიტყვა გაქვთ, ყმაწვილო, მაგრამ ნეტავ როდემდის უნდა ითვალმეპქო, შე საზიზღარო! (უცბად მოიხსნის პარიკს, გამოიძრობს სერთუკიდან კუხს და თავის ხმით მრისხანეთ შესძახებს) ლეონ ბერგ! გეყოს მაგდენი გაიძვერობა!..

განო — (დაიწვილებს, წამოხტება და ბარბაცით ლეონს მიაშურებს რომელიც იმაზე ადრე წამოხტა და შიშისაგან გაშეშებული დარჩა) ირაკლი, რა გინდა ჩვენგან?

ირაკლი — ჩემი და ჩემი ამხანაგების სისხლი უნდა ავილო, აი რა მინდა! (ორი ნაბიჯით უკან დაიწევს და რეკოლდერს ესვრის ლეონი დაეცემა. ირაკლი თავს უშველის. მუსიკა სწყდება)

განო — (ჯერ შემოიღობით დარბის, დაპირილი ბერგის გარშემო და ჰყვირავს) მიშველეთ, მიშველეთ, ვინა ხართ ქრისტიანები... მოჰკლეს... მოჰკლეს... (ქვიანით დაეცემა ლეონის გვამს. ასტყდება ჩოჩოლი, მოისმის ჰყრიალების ხმა, თქაფათქუფით სცენაზე შემოცვივიან პოლიციელები, ხალხი. კითხულობენ: „რა ამბავია? რა მოხდა?“ უპასუხებენ: „კაცი მოჰკლეს, კაცი“: განო მიწაზე გდია ლეონის გვერდით, თავდავიწყებით წივის და სტირის. თავს აქეთ-იქით იქაწევს, თმას იგლეჯს, ლოყებს იხოკს. პოლიციელები შემოეხვევიან ლეონს, მოაბრუნებენ. ლეონი მწარედ დაიკენესებს. მერე ერთ-ერთ პოლიციელს მოიხმობს და სუსტის, მაგრამ მკაფიო ხმით უჩურჩულებს: „ნომერი ოცდა ერთი ჯვრით“)

პოლიციელი — (მოწიწებით მოუსმენს, მერე საჩქაროთ მოტრიალდება და ჰყვირის) ჩქარა საკაცე, საკაცე. (მერე გოროდოვოს რა-

დაცას უჩერებულებს, ის ქედ მოგლეჯილი გარბის და ცოტა ხნის შემდეგ შემოდის ბოქაული. მოჰყავს ექიმი და ძოაქეს საკაცე ექიმი მხოუხველო-ბით გასინჯავს ლეონს, ფოთბლად დააწვეხინებს სააკაცე და ხულის ხა-ბიჯით გააქეთ. დიდის მორიდებით და მოწიწებით ბოქაული განოს მკლავში აელს გაუყრის და სცივიდან გაჰყავს)

(ფ ა რ დ ა  
ნელ-ნელა ეშვება)

(ამ დროს კულისებიდან მოისმის განოს წივილ-კივილი და მიძარილი)  
რა კაცი მოჰკლეს, რა კაცი, ვაიმე, ვაიმე!

## მოქმედება მახათა

### შურისძიება

ს ც ე ნ ა: მდიდრულად მორთული სასტუმრო ოთახი,—დერეფნით. უკან კამარა შეკრული კარია. ძვირფასი და მძიმე ფაუდავებით ჩაჰოფარებული. ერთი ტოტი ფარდისა გადაწეულია და მოჩანს მეორე თალიანი ოთახი, სადაც სდგას სუფთა საწოლი, მშვენიერი ლოგინით. ლოგინში წევს ლეონ ბეგო. თავით უდგია მაგიდა, ათასგვარი წამლის შუჩებით საფე. ბეოგს თავს ადგია ექიმი. წინა ოთახში მდიდრულ სავარძელში ზის მწარედ დაღონებული განო. გვერდით უხის დაი მოწყალეებისა. ლამეა, კაღები ანთია. პაუზა.

1

დაი მოწყ. — (აღერსიანად, გაუბეზავად) გეყოფათ, ქალო, მაგ-დენი ფიქრი! ღმერთი მოწყალეა, ექიმმა სთქვა: არა უჭირს რაო.

განო — ექიმებმა ნუგეშის მეტი არა იციან რა. მე კი გუ-ლი მიგრძნობს,—რაღაც უბედურება მომელის.

დაი მოწყ. — უძილო ღამეებმა ძარღვები აგვიშალათ და აღარ იცით რა სთქვამთ! გეუბნებით: არა უშავს რა-მეთქი, საცაა კრილობა შეეკვრის და სიცხესაც დაუკლებს. ოხ, ის საზიზლარი ვილადა იყო, ასეთი ვაჟკაცი, სასიკვდილოდ რო-გორ გაიმეტა?!

განო (ამოიოხრებს) ბოროტი ადამიანი რომ დაიბადება, ავისა და კარგის გარჩევა აღარ შეუძლია. (დაფიქრდება)

დაი მოწყ. — რატომ მარჯვენა არ მოსწყდა.

განო — რა სთქვით?

დაი მოწყ. — რატომ მარჯვენა არ მოსტყდა-მეთქი ვაქცა-  
ცის ასე გასტყებისათვის.

განო — თუ ღმერთმა მადირსა ლეონის თეხზე წამოდგომა,  
მე თვითონ გადაეუხდი სამაგიეროს.

დაი მოწყ. — განა იცნობთ ვინც იყო?

განო — მე ვიპოვი... მოვნახავ იმ საზიზღარს. (სიტყვას გა-  
დააბოუნებს) დაია, ჯერ არავინ გყვარებია?

დაი მოწყ. — (ამოიხრებს და მორცხვად თავს ჩაღუნავს)

განო — ნეტავი შენ თუ არავინ გყვარებია და არც არა-  
ვინ შეგიყვარდება!.. ღმერთო ჩემო! რა თავისუფალი, რა  
უღარდელი ვიყავი ლეონთან შეხვედრამდე. მე არც კი ვგრძნობ-  
დი, თუ სხეული მქონდა: სული ჩემი დატრიალებდა ბეჩავ  
ხალხს... გონება ჩემი სწყვეტდა ათასგვარ საკითხს... დღე და  
ღამ თვალწინ მედგა დიადი საქმე ხალხთა განთავისუფლები-  
სა... ახლა კი? (ექიმი გამოდის იქითა ოთახიდან. მოისმის ყრუ კვებას.  
განო დაპარაკს შესწყვეტს და ექიმს)

## 2

განო — რას მეტყვი სანუგეშოს, ბატონო ექიმო?

ექიმი — (მოხდენილი ახალგაზრდაა. ალერსიანად მიუახლოვდე-  
ბა განოს და ჩააქვრდება თვალეში. ღიმილით) არხეინად ბრძანდე-  
ბოდეთ, ქალბატონო, გაძლევთ პატიოსან სიტყვას, რომ არა  
უქირს რა. (განოს ხელს ნახად ასწევს, ტუჩებთან მიიტანს და ხანგრძლივ  
დაეკონება)

განო — (ხელს გამოსტაცებს) გმადლობთ, გმადლობთ, ბატო-  
ნო ექიმო, ნუგეშისცემისთვის... (გატრიალდება და ავთაშუოფთან  
უნდა შევიდეს)

ექიმი — ტსსს... არ გააღვიძოთ. მოითმინეთ, რა უნდა გითხ-  
რათ... (განო გამოტრიალდება).

ექიმი — (კვლავ თვალებით უცინის) აი ეხლა, (სათს დახვდავს)  
ცხრის ნახევარია, ცხრა საათზე სიცხე გაუსინჯეთ. თქვენ კი  
არა, აი ამან... (მიუთითებს მოწყალეების დაზე, რომელიც განზე ჩა-  
მომდგარა) მერე დაალევიანებთ წამალს. პირველი-კი მოსვენე-  
ბაა. ძილი, ძილი და ძილი. აი რა გამოაშუშებს ავადმყოფს-

დამიჯერეთ, რომ თუ ძილი არ დააკლდება, თქვენ ნახავთ  
რა მალე წამოდგება ლოგინიდან.

განო — (თავს დაჰბრის, მერე უცბად შემოტრიალდება და ავად-  
მყოფთან ფეხაკრეფით შედის)

### 3

განო (ფეხაკრეფით გამოდის ავადმყოფის ოთახიდან) სძინავს... ოხ,  
ღმერთო, ღმერთო, თუ ხარ სადმე, მონხედე, მომიჩინე ჩემი  
ლეონი და სამუდამოდ შენი მმოსავი ვიქნები.

დაი მოწუ. — როგორ თუ სადმე ხარო! განა ექვი გაქვს,  
რომ ღმერთი არსებობს?

განო — ერთ ხანს მე სრულიადაც არა მწამდა იგი. იმდენი  
უსამართლობა, იმდენი ვერაგობაა ქვეყნად, რომ ღმერთი  
ამას ვერ მოითმენდა-მეთქი, — რამდენჯერ მითქვამს.

დაი მოწუ. — შემცდარი ყოფილხარ.

განო — ახლა მეც ასე მგონია. გაქვივრებამ თვალები ამი-  
ხილა და ლეონის მორჩენა ხომ სულ მთლად დამარწმუნებს  
ღმერთის არსებობაში.

დაი მოწუ. — დიდი ხანია, რაც შენ და ლეონი ერთად  
ცხოვრობთ?

განო — ჯერ სულაც არ გვიცხოვრია. მხოლოდ ერთი კვი-  
რაა, რაც სიტყვა მივეცი ერთმანეთს და გუშინ კი ეს უბე-  
ღურება დაგვემართა. (ამოიოხრებს, თვალეზზე ცხვირსახოცს მი-  
იფარებს და სავარძელში დაეშვება)

დაი მოწუ. — (გაუბედავთ) ძალიან გიყვართ?

განო — (გატაცებით) მიყვარს ისე, როგორც უყვარს ყანას  
დილის ცვარი და დედა-მიწას მზის სხივი. საჭირო რომ შე-  
იქნენ, ჩემ გულს გავუღესავ წამლად და დავალევიებ.

დაი მოწუ. — (მორცხვად) ვინ არის, ან საიდან შეგიყვარდა?

განო — ამხანაგია... სტუდენტი. ერთად ვმუშაობდით ხალ-  
ხის საკეთილდღეოთ. თქვენ ვერ წარმოიდგენთ, რა კეთილია  
რა გულადი, რა მოყვარულია ხალხისა, მუშა, მშრომელი  
ხალხისა. მთელი თავისი ახალგაზრდობა შესწირა ამ ხალხის  
სამსახურს და, აი რა მიუძღვნეს მადლობის ნაცვლად? მერე  
ვინ? ისევ თავისიანებმა, ისევ თავის ამხანაგებმა.

დაი მოწუ. (მორიდებით) მე კარგად არ ვიცი რომელ ჯგუფს



რა გზა აქვს ამორჩეული ცხოვრების მოსაწყობად, მაგრამ არა მგონია ამხანაგმა ამხანაგი ასე გაიშეტოს. (დაფიქრდება გუშინ ერთი ყმაწვილი კაცი გაეცანო... ისეთი გატაცებით ლაპარაკობდა, ისეთი რწმენით შეჰყურებდა მომავალს, 'რომ... გულმა უცნაურად ძგერა დაძინებულ და ძალაუნებურად თვალი და ყური ველარ მოვაშორე.. ნუთუ ასეთი ჯგურის ყმაწვილები თავისიანებს გაიშეტებენ? ნუთუ ასეთი მიმართულების ხალხი რამე ცუდს შეახვედრებენ თავის ამხანაგს?.. ალბათ, სხვა მტერი თუ წამოვიწიო...

განო — (თითქოს რაღაცას იგონებსო, ყრუდ) ნეტავ აგრე იყოს! მთვარიანი ღამე იყო, მე და ლეონი ზღვის პირად ვისხედით და ჩვენს პირად მომავალზე ვოცნებობდით. შემოგვეპარა ვილაც ნილაბიანი და... მერე ლეონს რევოლვერი ესროლა. ნიიმალა. (გულზე ხელს მოიჭერს და დაიკვნესებს) ღმერთო, რატომ მე არ მომხვდა ის ტყვია?.. ლეონ, ჩემო ლეონ! თუ ვიცოცხლე სამაგიეროს გადავუხდი... იმ სახიზლარს, იმ პირუტყვს. (დაფიქრდება)

დაი მოწყ. — განა იცნობ ვინც არის?

განო — (იხრავს, იტანჯება, ყველაფრის თქმა უნდა და ვერცა ბედავს) არ ვიცი რა გიპასუხო, თუ თვალმა არ მომატყუა... თუ გრძნობა არა მლაღატობს... მე ვიპოვი იმას.

დაი მოწყ. — ღმერთმა ხელი მოგიმართოს...

განო — ყველგან ღმერთი და ყველაფერში ღმერთი! ოხ, რა უძწეოა ადამიანი! (თვალვებს მილულავს და სავარძელს უღონოთ გადაესვენება, პაუზა) მართლა, ვინ არის ის ყმაწვილი შენ რომ გაგიცენია? (მწარე ღიმილით) შენ ისე გატაცებით მოიხსენიე იგი, რომ, მგონა შეგყვარებია კიდევ...

დაი მოწყ. — (მორცხვად თავს დაღუნავს) შეყვარება აგრე ადვილი არ არის. ისე კი ჩინებული ყმაწვილია.

განო — აქაურია?

დაი მოწყ. — არა, თბილისიდან ჩამოსულა გუშინ-წინ.

განო — (მეკრთება) თბილისიდან? გუშინ-წინ?

დაი მოწყ. — დიად, გუშინ-წინ. თქვენც უნდა გიცნობდეთ. თქვენი ამბავი მკითხა.

განო — საკვირველია. ნეტა ვინ უნდა იყოს?

დაი მოწყ. — ირაკლი კოვზირიძე...

განო — (შეშფოთებული წამოხტება) ირაკლი!.. (ყრუდ, შეშლილი-  
ვით) მაშ თვალს არ მოუტყუილებივარ... გააგდე... არ მიიღო,  
პოერიდე... (თითებს იმტვრევს, შყოთავს)

დაი შოწ. — (ჯანცვიფრებული, თითქოს მიუხვდება) ნუთუ? ქალბა-  
ტონო განო, ნუთუ ირაკლიზე გაქვს ეჭვი? რომ იცოდე რო-  
გორ სწუხს შენს უბედურებას.

განო — ნულარას მკითხავე. თავ-გზა მეკარგება. (ისევ სავარ-  
ძელში ჩაჯდება. მიილულება)

ლემონ ბერგი — (სუსტი ხმით გამოსძახებს) განო... განო!..

განო — აქა ვარ შენი კენესა მე, შენი. (მიდის ფეხაკრეფით  
უკან მისდევს საგონებელში ჩავარდნილი დაი მოწყალებისა)

დაი მოწყ. — (ბუტბუტით) ნუთუ? რა ძნელი საცნობია ადა-  
ვიანი?

ბერგი — განო, წამალი მომაწოდე... ცივ ოფლს მასხამს...  
ლმერთო, ღმერთო. (ძნელად ახველებს)

განო — (კოვხით წამალს მიაწოდებს) ნუ გეშინია, ჩემო ყველავე,  
გული გაიმაგრე, განა ღმერთს სამართალი არა აქვს? განა არ  
დაგიფასებს ხალხისადმი ამდენ ამავს? (წამალს დააღვირებს და  
მის თავთან სკამზე ჩამოჯდება, შუბლზე ხელს დაადებს. ბერგი თვლებს  
შიღულაფს, მძიმეთა სუნთაქვს)

განო — (დაჭყურებს ბერგს და თავისთვის ბუტბუტებს) ჩემო ღვთა-  
ებავე. ჩემო გულო... ვაი! (თვლებიდან ცრემლებს! იწმენდს, მოხედავს  
მოწყალების დას) წადი ახლა, ჩემო დაია, და დაისვენე. მინდა  
მარტო დაერჩე ჩემს ავადმყოფთან.

დაი მოწყ. — (თავს დაუკრავს) ღმერთმა ულხინოს, ღმერთმა  
დაამშვიდოს შენი გული... (გამოდის აქეთა ოთახში, რომლის კა-  
რებთანაც პალტოს ჩაიცვამს და გადის დერეფანში, სადაც დაინახავს  
ირაკლის. დაი მოწყალებსა შეკრთება, დაიბნევა)

#### 4

ირაკლი — (მივარდება და ხელს დაუქერს, ხეხავ-ჩურჩულით) რო-  
ჯორ არის? არ მომკვდარა? განო? განო შინ არის?

დაი მოწყ. — (სცდილობს ხელი გააშვებინოს) თქვენ... თქვენ  
აქ რა გინდათ? განო ამბობს რომ...

ირაკლი — სსს... იყურე. განომ არა იციის რა... განო და-  
ბრძვეებულია, უბედურია მალე ყველაფერს გაიგებთ... შენ  
კი ჯერ ჩუმად იყავ, ჩემო დაიავ, ჩუმად... წადი შენ, მე კი  
ჯასთან შევალ...

დაი მოწყ. — (ზემკრთალი) თქვენ განო უნდა ნახოთ?

ირაკლი — რა-რა უნდა დამიჯდეს, ყველაფერი უნდა ვუთხრა, მეტის მოთმენა აღარ შემიძლია, ყველაფერი უნდა ვუთხრო... ამ ყოფაში იმის დატოვება ყოვლად შეუძლებელია!

დაი მოწყ. — (გაშობრუნებას აპირებს) მაშ, დაეუძახებ...

ირაკლი — საჭირო არ არის. მე თითონ... მე თითონ დაეუძახებ, მე თითონ ვნახავ... პირისპირ უნდა ველაპარაკო, შენ-კი წადი.

დაი მოწყ. — (არ იცის რა ქნას. ირაკლი ხელს მოჰკიდებს და უსიტყვოთ გასაუად კარსკენ უჩვენებს. დაი მოწყალეებისა თავის დაუნებურად ემორჩილება... ირაკლი უცად შეჰოტრიალებს, თათბის ღია კარებში შეიადება, კარებს ჩაჰკეტავს, მიხედ-მოიხედავს, კუთხის ფანჯარასთან ჩაოფაუბულ ფარდაგთან მიიბუნს და ამოეფარება, მეორე თათბიდან მიიხმის მისუტებული ხმა ბერგისა)

## 5

ბერგი — განო, განო!

განო — (წამოადება სკამიდან) აქა ვარ. რა გინდა შენი კირიმე. შენი. (ისევ დაჯდება)

ბერგი — (სუსტად, მაგრამ გარკვევით) რომ იცოდე, რა ცუდი სიზმარი ვნახე. ვითომც მე და შენ ერთად ვიყავით დაბურულ ტყეში. ვისხედით წყაროსთან დიდი წითლის ქვეშ და ერთმანეთს ველაპარაკებოდით. მე გარინდებული მივყრდნობოდი შენს მკერდს და შენი ტკბილი ხმა მუსიკასავით ჩამესმოდა: შენ კი მიამბობდი: ვინ იყო შენი დედა, შენი მამა, როგორ გაატარე შენი სიყმაწვილე, როგორ გაგიტაცა ახალმა მოძღვრებამ, როგორ უარჰყავი სიამენი ამა ქვეყნისა და ახალგაზრდული ძალ-ღონით როგორ ჩაები მუშაობაში... ამ დროს საიდანღაც გაჩნდა ირაკლი, დაგაელო ხელი მოგიკიდა ზურგზე და გაგიტაცა... მე გამოგიდექით. უცბად ის იქცა დათვად, მომიბრუნდა და ისეთი ძლიერებით შემომკრა ტორი, რომ გულწასული მიწაზე პირქვე დავეცი... სული ნებუთებოდა, მინდოდა დაეყვირა, — ხმა არა მქონდა. მინდოდა აემდგარიყავ — წელი აღარ მომდეგდა, კირის ოფლში ვიწურებოდი, ვიხრჩობოდი... მაგრამ ამ დროს გამომეღვიძა, მადლობა ღმერთს! მარტო სიზმარი ყოფილა! ჩემო განო, ჩემო

ლამაზო. ოხ, რომ იცოდე როგორ ვიტანჯები. თუ გადავჩნდი, სულ ახალ ცხოვრებას დავიწყებ... შენ... შენ უნდა ღირსეული მეგობარი გყავდეს. ოხ, ჩემო ცხოვრებაე. უკუღმარაო, უბედურო! განო, განო. ხომ მაპატივებ ყველაფერს? ხომ არ განწირავ? ხომ ჩუდამ ჩემთან იქნები?

განო (ცრეულ-პოჩუელი ხმით) ნუ შუოთავ, გეთაყვანე, ნურასა სწუხარ, მუდამ შენთან ვიქნები. ხოლო თუ ღმერთი გამიწყრა და აგიტყდა რაღე, თავს დავიკლავ შენი კუბოს წინაშე, რომ ერთად დავგმარხოხ ორივენი... არა, შენ არ მოკვდები, შენ უნდა იცოცხლო ხალხისა და ჩემდა საბედნიეროთ, ჩემო ლეონ, ჩემო ძვირფასო ლეონ! (ყრუ ქვითინით თავს დასდებს ლეონის ბალიშზე)

ირაკლი — (ფარდის უკან მწარედ ხელებს იბტვრევს)

ლეონ — (განოს) ნუ, ნუ სტირი, ჩემო ყველაე.

განო — (უცბად თავს მალა აიღებს ბალიშიდან) არა, აღარ ვიტირებ. რკინის გულს ჩავიდებ მკერდში, ვიდრე შენ არ მორჩები... გრძნობას დავიხშობ... ჩემს სულსა და ხორცს ვუბრძანებ: გაქვავდნენ, გასალკლდევდნენ: დღე და ღამ ანთებულ კელაპტრად გადავიქცევი, რომ სითბომ ჩემი სუნთქვისამ ძალა და ღონე მოგცეს ფეხზე დასადგომათ და როცა ველირსები ამ ბედნიერ დღეს... გადავიქცევი ბულბულად, მერცხლად, გადავიქცევი სტევენად და ქიკიკად, რომ დავატკბო შენი სმენა, დღე და ღამ თვალს არ მოვხუჭავ, რომ გავძღე შენის მზერით, მთელი თვეობით ციბრუტივით ვიტრიალებ, მოგიწყობ სახლს და ოჯახს, რომ არა დაგაკლდეს რა, რომ ხელი არამ შეგიშალოს ხალხისთვის მუშაობაში, ჩემო ლეონ, ჩემო ძვირფასო ლეონ! (ქაჩორზე ნახათ ხელს გადაუსვამს და ნახათ უშებლზე აკოცებს)

ბერგი — გმადლობ, ჩემო განო, ჩემო კეთილო განო! (ხველა აუვარდება)

ირაკლი — (იტანჯება თავის საფარში. პაუზა).

განო — (დიდხანს დასცქერის ავადმყოფს) დაიძინა... ღმერთო, შენ გავგივითენე მშვიდობის დილა! (ადგება, აქეთ ოთახში გამოვად და სავარძელში ჩაჯდება)

(ირაკლი საფაროდან გამოვა, რევოლვერს ზოიმარჯვებს და წინ წამოდგება, განო დაინახავს, შეშინებული თვალებს დააკყეტს-ოღნავ ამოიგმინებს და კანკალით ზეზე წამოდგება)

ირაკლი — (ხმა დაბლა) ნუ გეშინიან, განო! შენ საენებლად არ მოვსულვარ... მე მინდა შენ იცოდე რომ...

განო — (მინც ვიხსენებ მოსულა. ხაეხაით აწყვეტინებს) რაღა გინდა ჩემგან? რას დამდეგ უკან აჩრდილივით. განა, არ გეყო რაც დღე დამაყენე?

ირაკლი — განო, განო, მაპატიე ღეთის გულისათვის, რაც ტანჯვა მოგაყენე. ღეროთმა ხომ იცის მიყვარდი და მიყვარხარ უანგაროთ, შენი გულისთვის მზათ ვიყავ გავქვეყებულებიყავ, ოღონდ კი შენ ბედნიერად გეგვრძნო თავი, მე ალტკმა მივეცი ჩემ თავს: მოგშორებოდი სამუდამოდ, გადაეხვეწილიყავ ცხრა მთას იქით და ტანჯვაში მეთენებია დღე და ღამე. ალტკმა მივეცი ჩემს თავს, — ყველგან და ყოველთვის წინ მე გამოვსულიყავ ბრძოლის ველზე, რომ ან გამარჯვებული ხალხის ყიფინას ჩაექრო ჩემს გულში შენდამი ჩემი უიპედო სიყვარული, ან პირველ ტყვიას გაეგმირა ჩემი მკენესარე გული და თან წამელო ჩემი ჯოჯოხეთური გრძნობა შენდამი... მაგრამ ამ დროს სხვა უფრო დიდი უბედურება დამატყდა თავზე. პირველმა რე ვაფიგე, რომ, ჩვენ გაგვცა, ჩვენ გვიღალატა შენმა სატრფომ — ლეონ ბერგმა.

განო — (ძალზე აღშფოთებულმა) კიდეც დაიწყო? ხმა, კინტი არ დასძრა!

ირაკლი — (ხეწნით) გაფიცებ, რაც კი წმინდა გაქვს, მომისმინო... გაგიგონია თუ არა ბერგისაგან თქმა: „ნომერი ოცდა ერთი ჯვრით“? ეს არის მისი პაროლი, მისი ჯადოსნური ნაშანი გამცემლობისა... იმ შავბნელ ღამეს, როცა ჩენი ამხანაგები დაატუსაღეს და მე დასაქერად გამომიდგენ, ხეყის თავში დავიმაღე, იქიდან ხერელით გაველ ვასოს სახლის ქვეშ და... ყველაფერი მესმოდა, ყველაფერს ვხედავდი. როდესაც ბერგს თანდარმები შემოეხვიენენ და დაქერას უპირებდენ, მან მედიდურად შემოუტია „ნომერი ოცდა ერთი ჯვრით“-ო, თანდარმები მოწინებით ჩამოდგენ განზე და სამხედრო სალამი მისცეს... მითხარ-მეთქი გაგიგონია თუ არა ეს სიტყვები ბერგისაგან?

განო — (თვალეხს უფრო დაატყუებს, ყურებს იჩიჩქნის, თითქოს რაღაცას იგონებს, ფათოდება, იხლანება და უწვოდ ჩიყეება სევარაქელში)

ირაკლი — (შეატყობს ყოყმანს და დაეინებათ განაგოდობს) „ნო-

მერი ოცდა ერთი ჯვრით“ შეიქმნა ჩვენი საქმის დამლუპველი. მე მაშინვე დაეფიცე გულში, არ მეპატიებია ამხანაგების ლალატი... (განომუხლებზე იდაყვებს დააყრდნობს, თავს დასდებს ხელის გულზე და თითო სახარელ სიზმარშიაო, შესულილივით ყურს უგდებს ირაკლის)

**ირაკლი** — (განაგრძობს) „ნომერი ოცდა ერთი ჯვრით“, აი თურმე რა ახდენდა ხალხის საქმეს, აი თურმე რა იწირავდა უმანკო და წმინდა სისხლს... გულის ტკივილით გავაყოლე თვალი ნაცემ ნაბეგვ თევდორეს... გულს მიწუხებდა ქეთოს ქვითინი, საბრალო ნინოს კენესა, როცა თმებით მიათრევდენ მას. სისხლი ამიმღვრია ჩვენი ლაღოს შეურაცყოფამ, როცა იმ შევარდენს ჩვენ შორის, იმარწიყს ლიახვის ხეობისას მუჯღუგუნების ცემით მისდენიდენ... ერთი ვიფიქრე გავარდები და ყველას დაეხოცავ-მეთქი, მაგრამ... თავი შევიკავე, ამხანაგების უბედურებამ უფრო დიდი აზრი მიკარნახა: მოითმინე, ხვალ მონახე ბერგი და შური იძიეო. მთელი ღამე ვასოს სახლის ქვეშ გავათიე. მეორე დღეს შევეუდექი ბერგის კვალის ძებნას და ერთს საღამოს სადგურზე შევნიშნე, რომ თქვენ საღლაც მიემგზავრებოდით და... დაგიკირეთ კიდევ ზღვის პირას... შენს დამნახველს მუხლები ჩამიკეცა... შენმა უმანკო ალერსმა ბერგისადმი ხელი ამიკანკალა და... იქვე ვერ გავათავე ხალხის მოღალატე... დამლუპველი ჩვენი ძმებისა, ჩვენი ახლო მომავლისა...

**განო** — (თან და თან იფერფლება, სახეზე იშლება, ოხრავს, იკლანება, იტანჯება. თავისთვის ყრუდ ბუტბუტებს) „ნომერი ოცდა ერთი ჯვრით“... ასე უთხრა მგონია ბოქაულს, როცა დაჭრილს ვინაობა ჰკითხეს. (შესულილივით წამოიწევს, უახროთ თვალებს დააბრიალებს და ხავხავით) არა, ეს შეუძლებელია!

**ირაკლი** — განო, განო. არა გჯერა ჩემი თქმა, ჩემი სიტყვები? აბა ჰკითხე შენს თავს. სად ხარ ახლა? ვინ გივლის ასე მზრუნველობით? რად დაგტრიალებენ თავს ამდენი ექიმები? საიდან? რისთვის და რა სამსახურისთვის? თვითეულს ჩვენგანს სიამოვნებით ძალღვივით ჩამოარჩობენ, თუ ხელში ჩაგვიგდეს და ლეონს კი ისეთის მზრუნველობით ექცევიან. შენა გგონია, არ გიცნობენ? მაგრამ ის წყეული „№ 21 ჯვრით“, აი, თქვენი პატრონი! მეც კი მშველიან ის წყეული სიტყვე-

ბი, ბერგის თანამოაზრე ვკონივართ და იმიტომ დავდივარ ასე თამამად დღეს... განო, განო!.. წავიდეთ, გავიქცეთ აქედან. ნუ დაიღუპავ თავს, ნუ დაიშახტრებ ხალხის წყევას... ნუ გააჭელვინებ შენს გრძნობას უღირს ადამიანს, ნუ შეარცხვენ შენს სახელსა და შენს წარსულს. გაძლევ სიტყვას, რომ თვალითაც არ დაგინახო... თუ ხალხის სიყვარულმა ვერ დასძლია ჩემი შენდამი სიყვარული, ეს ხომ თანა მაქვს! (აჩვენებს რევოლვერს) ექვსსავე ტყვიას შიგ გულში დავიხლი, ოღონდ კი შენ იყავ ბედნიერა და სახელოვანი, განო, განო... (ქვითინით დაეპოხა განოს მუხლებთან)

(მოისმის კარების მდგარი რახუნი, ირაკლი ყურს დაუგდებს, განო გაშტერებული ხეზე დგება ნელ-ნელა, კიდევ მოისმის რახუნი. ირაკლი გადაბტება და ისევ ფარდას ამოფარება, განო კარებს ალებს და შემოდის როტმისტრი შვილიევი, უკან მოსდევს ვახშისტრი და რამდენიმე ჟანდარმი)

## 6

**როტმისტრი** — (აჩქარებულად, ქალს რომ დინახავს ღიმილით) დეჰეშამ დაიგვიანა... სად არის ჩემი მეგობარი? მაჩვენეთ ჩემი ძვირფასი ლეონ ბერგი!..

**განო** — (მოკუნტული, მობღუნული, სახე შემლილი ამოიკენესებს) ვინა გნებაეთ?

**როტმისტრი** — (დააქვრდება განოს, მერე რამდენიმე ნაბიჯით უკან გადაბტება, რინდაკარგული სათვალეებს მოიხსნის და თვალებს იფშვინეტავს) ბაბაღე! შენა ხარ? აქ რა გინდა, საიდან გაჩნდი? (უნდა მივარდეს, ხელები დაუკოცნოს, მაგრამ უკან დაიწევს, წარბებს შეიკრავს და სევდა ნარევი და თან ცბიერი ღიმილით) ააა, ახლა კი ყველაფერი მესმის. შენა გქვიათ განო ღიმაური? განა შენთვის მეხვეწებოდა ლეონ-ბერგი, ხელს ნუ ახლებთო?

**განო** — (გონება დაბნეული) რა გინდათ აქ, ვინა გნებაეთ?

**როტმისტრი** — ველარ მიცანი? მე ხომ ერთ დროს შენი მეზობელი ვიყავ... შენი კარგი ნაცნობა, შენი მოტრფიალე... (არეულად) ხა, ხა, ხა! რა უცნაური შეხვედრაა... რა დაცინვაა ბედისა!?. რა დამცირებაა ადამიანისა!? განა იმიტომ გამომექცე მე, მე, ჟანდარმთა პოლკოვნიკს, რომ მერე ჩემს ჯაშუს დასჯდომოდი ხასად? ხა, ხა!

**განო** — (შემლილივით) ვინა გნებაეთ? რას ამბობთ?

**როტმისტრი** — (დაცინვით) მე მინდა ჯერ ვნახო ჩემი მე-

გობარი ლეონ-ბერგი და მერე კი შენ გაგისწორდები. (განო სულ მთლად მოსწყდება, ბარბაცებს, ფაუაუდუბა, კანკალეზა, ცვილოზს გოსს მოვიდეს, ყველა-ფერი გაითვალისწინოს, აწონ-დასწონოს)

ბერგი — (გამოიღვიძებს) განო, განო!

განო — (ბერგთან მიიბრუნს, ამღვრეული თვალებით დააშტერდება) ლეონ! სადა ვართ? ვინა ვართ? (ისევ გამოიქცევა მოჭკიდებს შვილივეს ხელს და ბერგთან მიათრევს) ლეონ!.. ვინ არის ეს შენი?

ბერგი — (შეკრთება, უცნაურის, არა ადამიანურის ღიმილით ხეზე წაპოიწყეს).

როტმისტრი — როგორა ხარ, ჩემო მეგობარო? მადლობა ღმერთს გადაურჩი იმ ძალღიბს...

განო — (თმაში ხელს იტაცებს, უცნაურის ხმით) მაშ.. ყველა-ფერი მართალია, ლეონ?

ირაკლი — (რევოლვერ ამოდებული გამოვარდება) ყველაფერი მართალია, ჩემო განო, ხალხისა და შენი ერთგული ირაკლი შენ არ მოგატყუებს... ვაი, რომ შენც დაიღუპე და აღარც მე მინდა უშენოდ სიცოცხლე. (უნდა ესროლოს როტმისტრს, მაგრამ კარებთან მდგომი ენდაუმა გდმოხეება და ხელს აუკრავს, ირაკლის დაიქუეს ასტყდება დიდი ჩოჩქალი. ირაკლი მოახერხებს დერეფანში გაეოცნას და თვალს მიეფარება).

როტმისტრი — ესროლეთ! მოჭკალით! ცოცხალი არ გაუშეათ! (ენდაუმები) გარეუ გაკეუვან. დიდი სროლა და ხმაურობა. როტმისტრი აღეუვებული დადს)

განო — (მივა ბერგთან, დიხხანს დააცქერდება და გიჟივით გადიხარხარებს) მაშ, მომატყუე?.. მაშ, დასწიხლე ჩემი წმინდა გრძობა, ხალხის წმინდა საქმე?.. (გიჟივით ხარხარებს) ანგელოზის გარეგნობაში ხშირად თურქე გველის სულიცა ყოფილა! (ბერგი იხლანება. ბალიზე თავს ახლის) რას გაჩუმებულხარ, მოლალატევი! მე ქართველი ქალი ვარ და დიდ სიყვარულთან დიდი მძულვარებაც შემიძლიან. (საყელს ჩამოიგუეჯს) მშვიდობით, თავ დეაწყებაე! მშვიდობია, ტკბილო იმედებო!.. (მოვარდება ბერგს, გადახდის საბანს. საჩქაროთ შესხნის კრილობაზე შემოხვეულ ტალოს და ძირს გადმოადგებს: ბერგს კრილობიდან სისხლი წასკდება. განო გულზე ხელა მოიჭერს და დემონიურად ხარხარებს)

როტმისტრი — (მიიბრუნს ბერგთან) რა ჰქენი, შენ შეჩვენებული!

განო — ახლა შენ მოუარე შენს მეგობარს. მსგავსი მსგავს



ეძებს. (გულიანად მიაფურთხებს ლეონს და ისტერიულას კივილით დაიწყებს თმისა და მკერდის ზოკვას)

**ჟანდარმები** — (შემოცვივნიან) მოჰკლეს, თქვენო აღმატებულებავ, თუმცა იმანაც ვახვისტრი მოგვიკლა.

**განო** — (დაიწიფლებს) მოჰკლეს, ირაკლი მოჰკლეს! (ტირის)

**როტმისტრი** — ბარაქალა ჩემს შავარდნებს! (განოს დაცინვით) დიად, მოუკლავთ მოწყალეო ხელმწიფე!

**განო** — (ზიხლით) შეგიტყვევებ ვაჟაკობა!

**როტმისტრი** — ხასავ ჩემი ჯაშუშისავე, შენ კი დიდი ვაჟაკობა ჩაიდინე. (ბერგზე მიუთითებს)

**განო** (მწარედ ამოიგმენს, თვალეზე ხელს მიიფარებს, კანკალებს, შემორბას სხვა ჟანდარმი) თქვენო აღმატებულებავ! (დეჟემას გადასცემს)

**როტმისტრი** — (გახსნის, ელდა ეცემა, დაიღრიალებს) როტმისტრი ხრაპი მოუკლავთ. ციხე გაუტეხიათ და გაქცეულან თვედლორე... ლადოც... ქალებიც... (სიმწეხარისაგან სავარძელში ჩაიკეცავს)

**განო** — (გონს მოვა. გახარებული) უბედური მეც ვემარავარ. (დაიჩოქებს, ცას თვალეებს მიაპყრობს) ღმერთო, შენ უშველე ყველა დაჩაგრულს!

**როტმისტრი** — (გაცოფებული) გაათრიეთ ეს დედაკაცი, ყველას ჯავრს მაგაზე ვიყრი. (ჟანდარმები განოს შემოუხვევიან)

**განო** — (დამცინავი კილოთი) იქით, თქვე წუპაკებო. სხეულის მეუფე არ არის სულის მეუფეც. (ჟანდარმები შეიმშუშნებიან, იბღვირებიან)

**ბერგი** — (წამოაზავხავებს) ეკედები... მიშველეთ.

**როტმისტრი** — (წამოდგება) ექიმი, ჩქარა ექიმი. (შემორბის ექიმი უკან მოსვდევს მოწყალეების და, ექიმი ბერგთან მიირბენს, შინჯავს. მოწყალეების და განოსთან მივა და შეჭლრიალებს)

**დაი მოწყალეებისა** — მოჰკლეს... ირაკლი მოჰკლეს... (განოს მოუხვევა, ჟანდარმები ამორებენ)

**როტმისტრი** — ეგ ვილა! დაიქირეთ ეგეც!

**ექიმი** — (რომელიც ბერგს გულს უშინჯავდა, წამოდგება) გათავდა!

**განო** — (შეშლილი სახითა და კბილების კრაკუნით) სიკვდილი ხალხის მტრებს, სიკვდილი მოლაღატეთ. გაუმარჯოს გამოფხიზლებას... გაუმარჯოს განთიადს! (ამღვრულ თვალეებს მიმოავლებს ყველას) ღამურებო, ქვეწარმავალნო... ბნელო ძალებო,

ჩაძვერით სოროებში, მზე ამოდის. (განო რომ ლაპარაკობს, ელექტრონი თანდათან ქრება და განოს უქანასკნელი სიტყვების დროს მზე შემოანათებს. განო გიგურის ალტაცებით და აღდოსიანათ შეტყურებს მზეს)

**როტმისტრი** — (მუშტების მოღერებით მივარდება განოს, მაგრამ დარწმუნდება, რომ გაგიჟებულაო, ხელეზს ჩამოუშვებს და ყრუდ) წაიყვანეთ საგიჟეთში!

(უანდარნები ხმლებს იშიშვლებენ, წინ და უქან ჩამოუდგებიან განოს)  
**განო** — მტარვალებო. მომეცით ჩემი გული. ხა-ხა-ხა.

**როტმისტრი** — (სასოწარკვეთილებით ჩაეგდება სავარძელში) ერთი მოვკალით, მეორე კკუაზე შევშაღეთ, მაგრამ მოკვდება კი ოდესმე ასეთი ხალხის გულისთქმა?!

### ს უ რ ა თ ი

როტმისტრი ღრმად ჩაფიქრებული ზის სავარძელში. უანდარნებს ნელის ნაბიჯით მიჰყავთ განო. ბერგის გვამი იატაკზე გდია. მოწვალების და ფანჯარას მიყუდებია და მწარედ ქვითინებს. ექიმში აუჩქარებლივ იცვას ხელთათმანებს და მზრების აწვევით ყველას ათვალთქვებს.

### ფ ა რ დ ა

ნელ-ნელ-ნელა ეშვება

ქ. ქუთაისი.  
1916 წ.

## ია ეკლადე

ია ეკლადე (იაკობ თომას-დე ცინკაძე) დაიბადა ჩრდილოეთ ოსეთსა, მაშინდელ თურვის ოლქის ს. ციმისში 1872 წ. მამა მწეოლისა გურიიდან იყო წაოსული (ჩოხაჯაურის ოაიონი. ს. ციხე) და დავით გარეჯის მონასტერში სწავლის შემდეგ წარის ხეობაში ძთავარ დიაკნად მსახურება. იას დაწყებითი სწავლა მიუღია ს. ჯავაში. 1881 წელს იგი მიუბარებიათ გორის სასულიერო სასწავლებელში, სადაც მისთვის ღირსეული ხელმძღვანელობა და მამობლიერობა მხრუნველობა გაუწევეია ხალხოსან მწერალს და მასწავლებელს სოფოომ მგალობლიშვილს.

ია გორის სემინარიაში მონაწილეობდა მოწაფეთა ხელთნაწერ ქურონალ „შრომის“ გამოსცემაში. 1887 წელს ია შეყავთ თბილისის სასულიერო სასწავლებელში. სწავლაში წარჩინებისათვის იგი ამ სასწავლებელში ჩაუროცხავთ „სახელმწიფო ხარჯზე.“

სემინარიაში ია გულმზერვალედ დაწაფებია სკოლის გარეშე წიგნების კითხვას, აქტიური მონაწილეობა მიუღია თვითგაცხეთარების წოებებში და 1893 წელს მოსწავლეთა აჯახებებაში მონაწილეობისათვის, როგოოც წინადაც არა ერთხელ შექინეული, მთლადაც გაუოცხავთ სასწავლებლიდან.

1894 წელს გაზეთ „ივერია“-ში, თოწაანთ კობას ფსევდონიმით, დაიბეჭდა პირველი მისი მოთხრობა „ილიკო ბედნაძე“, რომელმაც მკითხველ საზოგადოების და კერძოდ გაზეთის ოედაქტოლის ილია ქავკავაძის ყუროადლება მიიქცია. ამის შემდეგ იგი მიიწვიეს მუდმივ სამუშაოზე გაზეთ „ივერია“- რედაქციაში.

1897 წელს მოთხრობის:— „მოწაფეთა ცხოვრებიდან“ დაბეჭდვის გამო გაზეთი „ივერია“ 7 თვით დაკეტეს, ხოლო ერთიპატარა არაკის გამოქვეყნებისათვის აეტორი საქართველოდან ლექოჩოჩანს გადასახლებს 3 წლის ვადით.

იამ გადასახლებებაშიც განავრძო წწერლობა ია ეკლადის ფსევდონიმით. 3 წლის შემდეგ ია ისევ სამშობლოში დაბრუნდა და როგოოც ალ. ხახანაშვილი სწერს თავის „ქართული სიტყვიერების ისტორიაში“, იგი იყო გადაწწერლად, „კანტორშიკად,“ მსაფოებდა რკინიგზაზე, დამზღვევ საზოგადოებში, ბანკში და სხვაგან. მწერლის ნაწარმოებთა უმრავლესობა ავტობიოგრაფიული შინაარსისაა და როგოოც თავის დროზე სიმონ ქვარიაანი სამართლიანად შენიშნავდა, მან ასახა ქართულ ლიტერატურაში ინტელიგენტ-პროლეტარების ტიპები.

1905 წ. ია თანაწრომლობდა ფილიპე გოგჩიანიშვილის რედაქტორობით განახლებულ „ივერიაში.“ 1906 წელს იგი შედის ყახანის უნივერსიტეტში იურიდიულ ფაკულტეტზე, რომლის წოუსსაც ასრულებს 1911 წ. იანვარში. რუსეთიდან დაბრუნებულე ია, გარდა მწერლობისა, მუშაობს პედაგოგიურ და საზოგადოებრივ ასარეზზე, პირველად გამწესდა. მასწავლებლად გორში 1912 წ. იქვე დაარსა გაზეთი „ქართლი“, როელსაც 13 თვის განმავლობაში სცემდა. 1913 წელს იგი ინიშნება ქუთაისში წმინდა ნინოს სასწავლებელსა და სათავდაზნაურო გიმნაზიაში ქართული ენის მასწავლებლად, მხოლოდელე მონაწილეობს იღებდა ქუთათურ გაზეთ „იმერეთში“ და 1914 წლიდან თავის რედაქტორობით სცემდა გაზეთ „სამშობლოს.“

საქართველოში საბჭოთა ხელისუფლების დამკარების შემდეგ. ია ერთხანს იყო ჩოხატურში გიმნაზიის დირექტორად, შემდეგ პედაგოგიურ სამუშაოებზე ლახინეთსა, ონა, ხაშურსა, თელავსა და სხვაგან.

რევოლუციის შემდეგ იაკობი მუშაობს სახელმძღვანელოების შედგენაზედაც. დასწერა და გაოოსცა „სამართლის მექანიკების“ და „სიტყვიერების თეორიის“ სახელმძღვანელოები. შეავროვა და გამოსცა აგრეთვე თავის რედაქტორობით ძველი და ახალი ქართული ლიტერატურის „ანთოლოგია“ 3 დიდ წიგნად.

ია ეკლადე გარდაიცვალა 1933 წელს ჯეტრად ქუჩაში.

ს ა რ ჩ ე ვ ი

|                               |     |
|-------------------------------|-----|
| ილიკო ბედენაძე                | 83- |
| ანდრია ავყიაშვილი .           | 3   |
| სურათი                        | 13  |
| ც ა ს                         | 47  |
| თ ე ო . . .                   | 67  |
| მთაო მალალო                   | 70  |
| ნენესას . . .                 | 110 |
| ვანო და მარო                  | 113 |
| ზღვის პირად... .              | 119 |
| დაუდეგარი                     | 124 |
| კრებახე                       | 129 |
| ოლონდაც . . .                 | 155 |
| მთვარიან ღამეს                | 173 |
| სანახსოვრო ღამე .             | 194 |
| „Горько, горько“ . . . .      | 202 |
| მოდის მე წავალ იმ მუშასთან... | 217 |
| ნომერი ოცდაერთი ჯვრით         | 279 |
|                               | 233 |

НА ЭКАЛАДЗЕ

Сборник

(На грузинском языке)

Изд во „Слбчота Мцერალი“

19 Тбилиси 49

\* \*

რედაქტორი: გ. ნატროშვილი

გამომმეები: მ. ჯაფარიძე

\* \*



საქართველოს რესპუბლიკა 11/VIII 1048 წ.,

თბილისის № 51/2X81/4, საავტორო უფლების

ცენტრის № 14, მ. ხისტამია უფროსის რედაქციის

18 თ. 8 კვ. ტირაჟი 4120

№ 779

უე-12625

\* \*

გამა-სა-ნახსოვროს მწერალის სტამბა,  
თბილისი, მკუხისნოვს, 181

